

**SPECULUM  
APOLOGETICUM  
FRATRUM MINORUM  
ORDINIS S.  
FRANCISCI QUI...**

---

Jacques : de Ridder



7

12-1

F-1



~~7-12-d-54-~~

~~33-1-D-9~~

GERALDO

2  
vii  
8

14/10



*Dom. Prof. Rom. S. I. Bibl. com.*

# SPECVLVM APOLOGETICVM FRATRVM MINORVM ORDINIS S. FRANCISCI


Qui Obseruantes sunt, & vocantur, vt  
in eò eluceat veritas foueatur & au-  
geatur charitas quæ est vincu-  
lum perfectionis:



A V C T O R E

R. ADM. P. FR. IACOBO DERIDDERE

*Ordinis Fratrum Minorum Prouinciæ Ger-  
maniae Inferioris secundo Ministro nec  
non S. Theol. Lect. emerito.*



R O M A E,

Typis IACOBI PHAEL, MDCLI.

*SUPERIORVM PERMISSV.*

RECEIVED

APRIL 10 1851

FRANKLIN

ORDINANCE

FRANKLIN

Qui Obsequium habet & vocatur ut  
in eo obsequium veniat & ut  
genus charitatis est vincit  
Iam perfectionis

AVERTOR

FRANKLIN

Qui Obsequium habet & vocatur ut  
in eo obsequium veniat & ut  
genus charitatis est vincit  
Iam perfectionis

FRANKLIN

FRANKLIN

FRANKLIN

FRANKLIN

REVERENDISSIMIS  
PATRIBVS

P. FR. PETRO MANERO

Totius Ordinis recens electo  
Ministro Generali,

P. F. DANIELI A DONGO

ciusdem Ordinis ex-Vicaria Gene-  
rali alijsque Reuerendissimis, ac  
Reuerendis Patribus in celeberrimo  
Capitulo Generali totius Ord.  
Seraphici congregatis anno 1651.  
die 27. Maij in Conu. nostro Aracel.



Reuerendissimi, ac Admo-  
dum Reuerendi Patres mi-  
ra scribit Reueren. Pater  
Zacharias Bouerius Or-  
dinis Fratrum Minorum  
Capucinatorum in suis An-  
nalibus; Stylo quidem rethorico, sed certe in-  
mulus a veritate alieno: haec omnia inspi-



618-





cienti ad oculum patenti. Unde in Congre-  
gatione Generali Victoria celebrata Anna  
1648. die 27. Iunij unanimi consensu  
Definitorum, & Discretorij decretum est ut  
Annales Reuerendi Patris Zachariae Boue-  
rij ab aliquibus deputandis à Reuerendis-  
simo Patre Generali, peruoluerentur, & si  
que in illis manifestè deprehenderentur ca-  
lumnia, ac impostura contra honorem, &  
fatum Religionis contra bonos mores, &  
veritatem historie, ac contra prerogatiuam  
officij Ministri Generalis nostre Religionis,  
& contra formam habitus &c. vera & mo-  
desta censura reiuderentur, ne taciturnitas no-  
stra ab aliquibus pro consensu reputetur, nam  
qui tacet consentire videtur. Ad id manus in-  
ter ceteros minime sufficiens deputatus sum  
à Reuerendissimo Patre Ioanne à Neapoli Ge-  
nerali Ministro ut patet ex literis eiusdem  
ad me datis Victoria 29. eiusdem anni &  
mensis; & Obedientia cogente Annales eius-  
dem Bouerij secundum tenuitatem meam  
examinaui, & peruolui, & certè multa re-  
peri ( prout in discursu lauius ) quibus ordi-

nem nostrum Seraphicum denigrant. Ex  
multis immò quasi infinitis aliquot Collegi,  
quibus opposui hoc Speculum apologeticum, ut  
in ea reluceat veritas: abstinui quantum potui  
ab acrimonia styli & punctura verborum, ne  
fortè quod veritati debetur passioni attribua-  
tur; Nolui malum pro malo reddere, sed vin-  
cere in bono malum.

Ad Vos igitur Reuerendissimi ac Ad-  
modum Reuerendi Patres. hoc Speculum  
pergit, ut in eo videatis neuos quibus iste Hi-  
storicus Ordinem nostrum sanctissimum, &  
Seraphicum aspergit: & ut sub vestro patro-  
cinio, & tutela secure quiescat: & in primis  
ad te Reuerendissime Pater (sub cuius auspi-  
cijs iam recenter pròdit) qui unanimi voto  
besterna die prima electione in hac celeberrima  
Congregatione (qua forte nunquam celebrior,  
aut numerosior) omnium applausu, & con-  
gratulatione, & legitimus successor  
Seraphici Patris nostri Francisci per conti-  
nuam successionem (Quam tamen videtur  
velle interrumpere Bouerius.) pronunciatu es.  
Tu itaque defende librum, defende auctori-  
tatem

satem, & dignitatem quam asecutus es, defen-  
de Ordinem, à calumnijs illo virili animo, quo  
semper pro gloria, & honore Ordinis, eiusque  
augmento stetisti: quid mirum si virili animo?  
**MANERO ES**, quod sonat in lingua no-  
stra Flandrica, item Anglica, *Vir-ero*. Vir  
certè debebat esse, qui tantæ præset multitudi-  
ni, qui clauum navis Minoriticae inter tot  
exurgentes procellas, tempestates, & undas,  
rectè gubernaret. A viro Ordo noster sanctis-  
simus accepit initium, teste sancto Bouauen-  
tura sic incipiente historiam Seraphicam: *Vir*  
erat in ciuitate Afsisi nomine Franciscus, per  
viros, qui nunquam defuerunt, hætenus dire-  
ctus, neque certè nunc desunt viri præclarissi-  
mi tum doctrina, tum pietate in hac vastis-  
sima totūque per mundum diffusa Religione,  
non desunt in hac sancta, & ampla Congre-  
gatione; vnus inter tot electos **MANERO**  
uir nomine, & re. Dicebat olim Samuel ad  
Saul primi Reg. cap. 13. *Quæsiuit Dominus si-*  
*bi virum iuxta cor suum, & præcepit ei Do-*  
*minus, vt esset Dux super populum suum.*  
*Quæsiuimus virum in hac sancta Congrega-*  
*tione,*



ione, virum, qui esset Dux super populum  
hunc; virum inuenimus, MANERO, vi-  
rum speramus, qui sit secundum cor Dei,  
qui ita semper manebit donec tum grege sibi  
credito ad dona perueniat sempiterna. Ita op-  
tanti omnes, ita opto.

Humilis vester subditus, & filius

Fr. Iacobus de Riddere.

PRO-

# PROTESTATIO AUCTORIS.

**C**VM Sanctiss. D.N. VRBANVS Papa VIII. die 13. Martij anno 1625. in S. Congregatione S.R. & vniuersalis Inquisitionis Decretum ediderit, idemq. confirmauerit die 5. Iulij an. 1634. quo inhibuit imprimi libros hominum, qui sanctitate, seu Martyrij fama celebres & vita migrauerunt, gesta, miracula, vel reuelationes, seu quacumq. beneficia, tanquam eorum intercessionibus à Deo accepta continentes sine ea impressa sunt, nullo modo vult censi approbata. Idem autem Sanctissimus die 5. Iulij 1631. ita explicauerit, ut nimirum non admittantur Elogia Sancti, vel Beati absolute, & quae cadunt super personam, bene tamen ea, quae cadunt supra mores, & opinionem, cum protestatione in principio, quod ijs nulla adsit auctoritas ab Ecclesia Romana, sed fides tantum sit penes Auctorem. Huic Decreto, eiusque confirmationi, & declarationi obsequantia, & reuerentia, quae par est, insistero profiteor me haud alio sensu quicquid in hoc libro refero, accipere, aut accipi ab alio velle quam quo ea solent, quae humana dumtaxat auctoritate, non autem diuina Catholica Romana Ecclesiae, aut Sanctae Sedis Apostolica nituntur, ijs tantummodo exceptis, quos eadem Sancta Sedes Sanctorum, Beatorum, aut Martyrum Catalogo adscripsit.

# INDEX

## QVAESTIONVM.



Præfatio. **R**EVIS elucidatio Historica  
rerum in hoc Speculo repre-  
sentandarum? pagina 5

§. I. De diuersis Reformationibus, & Diui-  
sionibus in Ordine? 5

§. II. De vnione Ordinis? 11

§. III. De origine patrum Capucīnorum? pag. 17

Quæstio I. Quisnam sit verus Ordo Fra-  
trum Minorum? 25

Quæstio I I. Quisnam proprie dicendus sit  
Ordo sancti Francisci? 30

Quæstio I I. I. Quo nomine Ordo S. Francisci  
proprie appelletur? 41

Quæstio I V. Quo fundamento R. Pater Bo-  
uerius pro suis Capucinis  
prætendat titulum Ordinis  
Fratrum Minorum S. Fran-  
cisci? 46

Quæstio V. Qui fuerit status Ordinis Ob-  
seruantium circa illud tem-  
pus

pus, quo exorti sunt Capu-  
cini? 51

**Quaestio V I:** An Observantium Ordo aliqua  
reformatione indiguerit, &  
quid circa hoc Leo X. Pon-  
tifex disposuerit? 61

**Quaestio V I I.** An expectationi Pontificis &  
rectae rationi quoad refor-  
mationes admittendas Or-  
dinis Superiores satisfecer-  
int? 65

**Quaestio V I I I.** An rectè Bouerius, oppositio-  
nes contra Capucinatorum  
reformationem à Superiori-  
bus factas descripserit? 70

**Quaestio I X.** An non rationabiliter Obser-  
uantium Ordo, eiusque Su-  
periores exorienti Capuci-  
norum reformationi, se op-  
posuerint? 77

**Quaestio X.** Quam fuerit preiudicabile re-  
formationem extra ordinem  
velle instituere? 81

**Quaestio X I.** An satis honestè & Religiose  
Ord. Observantium eiusque  
Generales Ministros tracta-  
uerint primi Capucini, ac Bo-  
uerius eorum Annanitas? 87

Quaestio



Quæstio X I I. An sit verosimile quod Ponti-  
fex Clemens VII. R. P. Fra-  
trent Ioannem Pisotum Mi-  
nistrum Generalem Obser-  
uantium, adeo dure incre-  
pauerit? 92

Quæstio X I I I. An in R. P. Fratre Ioanne Pisot-  
to primatus Ordinis & suc-  
cessio Ministrorum Genera-  
lium ab Obseruantibus de-  
fecerit? 97

Quæstio X I V. An primi istius reformationis  
Patres ante legitimam ab  
Ordine exemptionem, debi-  
tè ex Regula obedientiæ &  
reuerentiæ satisfecerint? 103  
pag.

Quæstio X V. An vnionem à R. P. Vincentio  
Lunello Obseruantium Ge-  
nerali Ministro propositam,  
RR. PP. Capucini religiosis  
modis & rationabilibus titu-  
lis respuerint? 111

Quæstio X V I. Quos Abusus contra Regulam,  
tamquam manifestos Patres  
Capucini obiecerint Ordini  
Obseruantium? 119

Quæstio X V I I. An quoad Abusus Ordini obie-  
† 2 605

et os coniunctus fuerit co-  
ram Duce Nucerini Com-  
missarius Generalis Obser-  
uantium? 123

Quæstio XVIII. Quæ media Vitæ necessaria  
conquirendi filijs suis bea-  
tus Pater Noster Franciscus  
præscripserit vel permiserit?  
pag. 128

Quæstio XIX. An RR. PP. Capucini recte  
Obseruantibus, redditus an-  
nuos; vel legata perpetua  
obiecerint? 132

Quæstio XX. An Prouisiones annuas rectè  
RR. PP. Obseruantibus im-  
properauerint? 136

Quæstio XXI. An Excessus manifestus in ædi-  
ficijs & paramentis Ecclesiæ  
iustè fuerit pro causa separa-  
tionis allegatus? 140

Quæstio XXII. An merito RR. Patres Capuci-  
ni obiecerint PP. Obseruan-  
tibus vestium molliem &  
præiositatem? 144

Quæstio XXIII. An merito de forma habitus  
quæstio moueatur inter pro-  
fessores Regulæ Franciscanæ  
& quinam illā moueant? 150

Quæ-



- Quæstio XXIV. An certa aliqua habitus forma  
à B.P.N. Francisco præscripta  
fuerit? 154
- Quæstio XXV. Quænam censeretur debeat forma  
Regularis habitus Fratrum  
Minorum, & à quo forma,  
qua Observantes utuntur, sit  
instituta? 159
- Quæstio XXVI. An Regula fratrum Minorum,  
præscribat Caputium pyra-  
midale vel quadratum. 164
- Quæstio XXVII. An ex Regula Fratrum Mino-  
rum Caputium debeat esse  
assutum tunicæ? 167
- Quæstio XXVIII. Quali corda fratres Minores v-  
ti debeant? 172
- Quæstio XXIX. An & quomodo liceat Fratri-  
bus Minoribus pallium ge-  
stare? 175
- Quæstio XXX. An barbam alere sit perfectius  
Christum imitari, quam eâ  
radere vel condere? 178
- Quæstio XXXI. An unisonus Capucinatorum psal-  
lendi modus sit præferen-  
dus cantui Patrum Obser-  
vantium? 181
- Quædam Corrollaria. 187
- Conclusio. 188
- FR.


Imprimatur  
Si videbitur Reuerendiss. Patri Mag. Sac. Pal.  
Apost.

A. Rinaldus Vicesgerens,

Imprimatur.  
Fr. Vincentius Fanus, Magister, & Socius Reue-  
rendiss. P. Fr. Vincentij Candidi Magist. Sac.  
Palatii Apostolici, Ord. Prædicatorum.

Abraxis pag: 21 sequens hys uestis, ex cuius fragmento  
sequens num. relatus pro ut ibi ipso nec explicatur pater  
fuisse subreptum. et pag. 22 sequens hys uestis, pro  
ut quoniam quod illud ipsum de eadem subreptionis late  
suspectum sit. et pag. 23 sequens hys uestis, explicat  
p. mahares et turuchi qui non iocunde perfecti xpi  
imitari. et ibidem per plene rebus mirabilibus con-  
uata reformatio uti in sola hystoria hoc latus miseriam  
et pag. 24 sequens hys uestis, Delinquens dicitur lapa-  
cine, tamquam tremis pro ut iactantur cum / barbe, et  
lapus; probitatem cum omibus misterijs in eis con-  
sensis sine ulla emulatione. Abraxis igitur pro  
fatis, et non alios  
Publicetur

# PRAEFATIO.



**P**RAEFATVR inter alia Annalibus  
suis Reuerendus Pater Zacharias Bo-  
uerius Ordinis Reuerendorum Pa-  
trum Capucinorum Tgeologus: ve-  
ritatem ita esse necessariam historiarum;  
*ut illius vita ac fundamentum iure  
nuncupari debeat.* Cuius rationem,  
paucis interiectis, subiungit: nam,  
inquit, *quemadmodum humanum  
corpus, simul ac discesserit animus, exa-  
nime cadaver efficitur: ita etiam historia, si a veritate, quae illius  
vita & anima est, deseratur, protinus vel in commentum, vel in  
fabulam mutatur.*

Hoc verum esse non abnuo, sed libentissimè profiteor; ad-  
do tamen Historico, praesertim christiano, viro religioso sacrae  
historiae Scriptori, tam esse necessariam charitatem (quae secun-  
dum Apostolum *non cogitat malum, & congaudet veritati*)  
1. Cor. 13. ut sine ea veritas non modo non prodesse, sed etiam  
esse, aut consistere vix possit. Licet enim amplior aliquanto  
facultas videri posset concessa historicis scribendi veritatem;  
quae res vno in loco, & vno tempore, publicas, possint scri-  
ptis suis ad alia loca publicare, earumque notitiam, non ob-  
stante particulari detrimento, ob commune bonum, ad alio-  
rum cautelam, ac posterorum instructionem, ad plures dedu-  
cere, & quodammodo perennare: non ob id tamen a Iustitiae  
& charitatis legibus censendi sunt eximi; ut quidquid libet  
scribere liceat. Siquidem non solum falsa scribere eis inhibi-  
tum est; verum etiam occultos aliorum defectus, in praui-  
dium famae & honoris, propalare; incertos ex leui suspitione,  
vel male fundata opinione, pro certis obtrudere, grauiter lae-  
dit Iustitiam; imo in his eo magis circumspectus debet esse  
Historicus, quo grauius & irremediabilius famam proximi lae-  
dit: dum ea quae per scripta publica omnium oculis exponun-  
tur, eo ipso vera & indubitata esse creduntur, & vix, aut ne  
vix quidem, ex hominum animis deleri possunt.

A

Insu-



Insuper tam verum, quam tritum, est commune illud proloquium: *affectus execat intellectum*: quo fit ut si historicus inordinato aliquo affectu præuentus, in scribendo eidem plus æquo indulgeat, non satis claro & puro oculo veritatem intueatur. Ut solent humani oculi colore aliquo infecti, vel per medium coloratum intuentes, obiectum eodem modo tinctum aspicere: vel maius aut minus, quam est; vel etiam ut fractam quod est integrum, pro mediocri diuersitate representare. Vnde nimis sæpe euenit ut historia in suo Autore sincera charitate destituta; atque ex impuro fonte priuati amoris effluens, mutetur in proprii amoris commentum, fabulam, proximorum calumniam, aut saltem huiusmodi natus aspergatur.

Clamabant olim filij Prophetarum ad Elisæum, gustato pulmento eis infuso: *Mors in olla vir Dei!* 4. Reg. c. 4. v. 40. quia nimirum vnus ex pueris eius, inter herbas siluestres, Colocynthidas agri collegerat, & in ollam pulmenti conciderat, nesciens quid esset. Idem merito contra historicos clamari posset aliquando, qui sine delectu & discretione verum euentus, instar herbarum siluestrium, & inter illos Colocynthidas amararum narrationum in ollam historiarum concludunt & coniungunt, quibus amaricari faciunt non solum ora, est ventres; sed corda & mentes eorum quibus eiusmodi edulia proponuntur; præsertim si istius modi narrationes, personas ipsorum, antecessores, vel comarunitates quarum sunt membra, concernant: ut sane multo sale vel farina opus foret ad corrigendos amaros istos sapes; nisi vel diuino miraculo tollerentur, aut stomacho valde perfecto exciperentur & concoquerentur.

An ab hisce sacri historici & sincere historiarum conditionibus non deflexerit aliquantulum Reuerendus p. Zacharias Bouëtius in suis Annalibus; seu historia sacra Ordinis Minorum Sancti Francisci qui Capucini nuncupantur, nolim ego iudicare, sed alijs malo iudicandum relinquere: licet enim mihi videatur scribere contra meum ordinem Fratrum Minorum. Obseruantium, eiusque professores, plurimas amaritudines, & eos velle consumere nescio quibus inobseruantiarum peccatis, dum per singulas ferè paginas deplorabilem Ordinis Obseruantiarum statum a Regulari Obseruantia dilabentem, commune in eo

3

*relaxationis vitium, virus Regularis inobseruantia, oppressa, col-  
lapsedam disciplinam, & Regularis inobseruantia naufragia, pesa  
fundatam paupertatem aliasque religiosas virtutes nemine opere-  
ferente, imo statum ordinis non fuisse statum salutis, comme moras  
& inculcat. Ob quas non immerito contra eum exclamari possit:  
Mors in olla vir Dei! mors in olla! malui tamen haecenus, &  
alii mecum praelegerunt, amara eiusmodi edulia calore  
charitatis in silentio concoquere, quam malum aliquod pro  
malo reddere, aut dolorem, licet iustum, aliquo displicencia  
signo indicare.*

Verum cum id modo non liceat per obedientiam superio-  
bus debitam, sed coactus fuerim attentius scripta Bouerij  
masticare & degustare, omnibusque, maturè examinatis ac  
discussis pro Religionis (cuius indignus sum filius) defensio-  
ne aliquid scribere; id tamen ita facere statui, vt (licet fortè  
læsus in Matre mea Religione) lædere tamen Auctorem, vel  
in persona sua, vel in sacro suo instituto (quod veneror ex ani-  
mo) minimè intendam; sed sed veridicum aliquod eius scriptis  
speculum opponere, quod nemini blandiendo puram putam  
omnibus, & in omnibus, quantum possibile erit, exhibeat  
veritatem: ne forte taciturnitas reputetur in consensum; &  
qui viderint Reuerendum Patrem Bouerium, nullo contradi-  
cente, sacrum nostrum Obseruantium ordinem denigrare,  
putent eo ipso vera esse quæ scripsit, quo vident omnes (quæ  
manifesta veritate oppressos) obmutuisse.

Porro istiusmodi amaritudines non existimo ex aliqua cor-  
dis amaritudine in viri Religiosi scripta emanasse; sed partim  
ex præcipiti calamo, ac in suarum rerum laudibus exuberan-  
te effluxisse; partim ex eorum narratione qui ab obseruantibus  
exeuntes Capucinatorum congregationem, vel primò in-  
inchoarunt, vel postmodum ad eam transierunt, sumpsisse ini-  
tium: tales enim solent pro affectu quem conceperunt, malè,  
vel minus honorificè, loqui de ijs quos deserunt, sui que tran-  
situs causas cum exaggeratione referre, vt eo magis eiusmodi  
suum actum (qui alioqui facile leuitati, aut inconstantiæ; ad  
scriberetur ab hominibus) iustificent, quo maioribus ex cau-  
sis videri volunt pristinum suum institutum deseruisse. Ita si-  
quidem fert humanæ fragilitatis conditio; qua nec primos il-  
los Capucinicæ congregationis Auctores, nec Posteriores, eius

4  
alumnos, omnino caruisse, vtpote homines, a quibus omnia  
humana abesse non possunt, præsumere debemus; neque id  
Reuerendus Pater Bonerius dissimulare voluit, aut potuit;  
nedum negare.

¶ Vt igitur solidum aliquod quæstionibus in hoc speculo pro-  
ponendis & resoluendis fundamentum substernam, vtque di-  
cenda non videantur obscura legentibus, aut sapius opus sit  
eadem, quæ ad historiam pertinent, ad singulas quæstiones  
repetere; præmittendam hoc loco duxi compendiosam & sin-  
ceram narrationem earum rerum, circa quas mouendæ sunt  
quæstiones, & a quibus earum resolutio dependet.





# BREVIS ELUCIDATIO historica rerum in hoc Speculo repræsentandarum.

§. Primus.

De diuersis reformationibus, & diuisionibus  
in Ordine.



MNIBVS notum esse arbitror Sanctissimum Patrem nostrum Franciscum, ita Christi Domini, ac Saluatoris nostri in natiuitate, vita, ac morte, per omnia typum gessisse, ut etiam sacer noster ordo ab ipso institutus, institutus à Christo Ecclesię similitudinem fere omnimodam habuerit, tam in malis, quam in bonis. Adeoque sicuti in agro sanctę Ecclesię, Christi licet sanguine rigato, ac semine diuini eius verbi seminato, inimico superseminante, apparuerunt inter triticum zizania; ita & in Ordine Fratrum Minorum sancti Francisci, inter tot sanctos Euangelicę perfectionis Zelatores, apparuerunt etiam imperfectorum & imperfectiorum zizania. Apparuit enim sextus Beati Patris discipulus Ioannes à Capella, id est, ab almutio seu pilcolo (cuius abusu in Ordinem ipse introduxerat) nuncupatus; qui circa colligendas, & erogandas communes elemosynas (quod ipsi commissum fuerat) in sollicitudine excedebat, nec ad frequentia Beati Patris sui monita ab ijs supra necessitatem accumulandis abstinebat, vnde contigit vt. instar proditoris Iudę, cuius vitam imitatus fuerat, infami, & miserando interitu laqueo vitam finiuerit. Apparuit, & Frater Eliás, qui licet (vt Beatus Petrus Christi) Beati Patris fuerit ab ipso institutus Vicarius, & pluries eius successor in Generalatu

tn; vita tamen, moribus, & doctrina, Beatissimum Patrem quodammodo abnegavit, dum contra eius Regulam, tanquam inobscrutabilem, plurimas relaxationes induxit in Ordinem, privilegia contra altissimam paupertatem procuravit, pluresque post se traxit assēclas, qui sacrum Minorum Ordine non modico detrimento affecerunt. Licet autem Divina providentia non defuerit Ordini, ac plures viri zelosi, tam ex Beati Patris socijs, quam alijs, impijs hisce conatibus sese opposuerint (inter quos Beatus Cæsarins de Spira pro Regularis Observantiæ puritate Martyr occubuit) ac Fr. Elias post turpem Apostasiam, tandem extra Ordinem, iuxta prædictionem sancti Francisci; eius tamen, & creditur, precibus, poenitens occubuerit; reliquæ nihilominus ipsius non ita potuerunt exterminari, vel relaxationes ab ipso introductæ eliminari, quantumvis diuersi Generales viri Religiosissimi, in Fratris Eliæ locum suffecti, ad hoc adlaborauerint; quin ea occasione plures in Ordine reformationes, Deo, vel inspirante, aut saltem permittente, emergerint, quibus humana fragilitas, semper ad laxiora propensior, sisteretur.

Inter has prima computari potest quorandā Fratrum, quos aliqui Spirituales, & Devotos vocant, alij Contentiosos, & Phantasticos, pro suo quisque in partes studio, qui viuentes adhuc Fr. Eliæ, videntes eius, illiusque Sectatorum machinationes; oppositiones aliorū pro puritate Regulæ Zelantium, ac turbas quæ inde in Ordine sequebantur; necnon & relaxationes, quas facilius breui tempore potuerat Fr. Elias introducere, quam à bonis & prudentibus Superioribus potuerit multo tempore extirpari; excessiuo forte zelo (vt indicat Vvadingus ad annum Christi 1244. num. 3. sese à Fratrum communitate separantes, ad solitaria loca & sylvas confugerunt; in quibus sub Obedientia Prælatorum Ordinis per annos plures in stricta Regulæ Observantiâ perstiterunt, vt refert Rev. Pater Fr. Petrus Marchant in secunda editione expositionis super Regulam in caput octavum quæst. 3. agens de hac prima reformatione. Hi à Beato Cæsario Spirensi, cuius zelum, & disciplinam sequi velle profitebantur, dicti sunt Cæsareni, vel Cæsariani.

Hos subsequuti sunt anno 1294. *Patres aliquot quibus ardentius vita, & purior Observantiâ nimirum irrepressi desiderium,* inquit

inquit Vvaddingus ad illum annum, numero 9. qui caprata  
 Cælestini V. ex Eremita ad Pontificatum euecti; pietate, &  
 propensione erga Eremicos, ab ipso petierunt vt liceret eis  
 viuere secundum puritatem Regulæ; auctoritate Pontificia,  
 cui nemo auderet contradicere; *Et obtinuerunt ampliorem*  
 (inquit Præfatus Auctor) *sed periculofam facultatem, quod*  
*ubicunque eis placeret ad præscriptum Regula, & intentam à se*  
*rigorem, viuere & cohabitare possent.* Vocati sunt in princi-  
 pio, ita ipsis petentibus, & statuente Pontifice, non Fratres  
 Minoritæ, à quibus etiam habitu distinguebantur; sed paupe-  
 res Eremitæ Domini Cælestini. Verum postquam Cælestinus  
 Pontificatui renuntiasset, timentes Ordinis indignationem,  
 ad varia loca dispersi, Episcopis se subiecerunt, vocatique sunt  
 Clarenî vel à Fr. Angelo Clarenô, vt aliqui volunt, vel à Claro  
 monte quem primò inhabitarunt: sicque manserunt separati  
 ab Ordine, vsque ad annum 1477. quò, curante Xisto IV. &  
 instante Fr. Francisco Sampsonè Ministro Generali, ad vniônem  
 Ordinis redierunt; ea lege vt sub proprijs Prælatiis viuerent,  
 solique Ministro Generali subderentur. Succrescentibus hinc  
 inde diuersis temporibus variarum relaxationum zizanij, plu-  
 ribusque in Ordinem abusibus, præsertim contra paupertatem,  
 sensim irrepentibus, ignorantibus pro maiori parte Superio-  
 ribus Generalibus, aliquibus etiam conuiuentibus, aut segnius  
 sese opponentibus, diuersi quoque diuersis temporibus exsur-  
 rexerunt viri zelosi, qui contra abusus strenuè decertarunt, in-  
 ter quos fuit Fr. Vbertinus de Casali, Fr. Raymundus Pan-  
 tædi, qui postmodum Generalis electus est; Fratres etiam,  
 illi Barbonenses, & Bituricenses, qui sub Clemente Quarto  
 assumptis vilioribus & serlioribus habitibus Ordinem de  
 excessibus diuersis, in prouisionibus, elemosinarum præu-  
 ntiarum receptionibus alijsque accusarunt: quorum occasio-  
 ne Clemens Quintus edidit Clementinam: *Exiuit de Paradiso.*  
 Verum eorum zelus indiscretus, quò non tantum Ordini, sed  
 etiam Pontificibus, ex ipsis aliqui obstinatius resisterant, tan-  
 dem à Ioanne XXII. edita contra eos extrauagante, *quorum-  
 dam exigit*, per censuras, & alias pœnas repressus est; *in 66*  
 Licet nobis hic dicere, quod occasione Cæarenorum ad  
 annum Christi 1244. num. 3. habet Reuerendus Pater Frater  
 Lucas Vvaddingus: *corpus Religionis in medio sistens; bat mem-  
 brorum*



# FR. DANIEL A DONGO

Totius Ord. Minor. S. P. Francisci Vicarius Generalis &  
Seruus. Dilecto nobis in Christo P. Fr. Iacobo de Rid-  
dere eiusdem Ord. Prouincia vtrò nostræ Germa-  
niæ Inferioris Ministro Prouinciali, ac  
Lectori iubilato salutem, &c.

**C**um M. iuxta Apostolicas, ac Ordinis nostri constitutiones  
revisum, & approbatum fuerit quoddam Opus à te  
compositum, cuius titulus est Speculum Apologeticum  
S. Francisci quò Observantes Iure & vocantur, &c.  
harum nostrarum serie quatenus presatum Opus ser. ser. Ty-  
pis mandari possit, facultatem tibi facimus, & concedimus.  
Hæc Dat. Romæ hac die decima septima Maij anno 1651.

Fr. Daniel à Dongo Vic. Generalis.

---

## APPROBATIO.

**E**x commissione Reuerendi Admodum Patris Iacobi de  
Riddere Theologiæ Lectoris emeriti ac nostræ prouin-  
ciæ Germaniæ Inferioris secundò Prouincialis: legi accuratè  
librùm ab ipso compositum cui titulus *Speculum Apologe-  
ticum Ordinis sancti Francisci Fratrum Minorum, &c.* Et  
nihil in eo repeti bonis moribus aut fidei contrarium, sed  
omnia doctè cum sincera fide & charitate continata. Da-  
tum Romæ in conuentu nostro Fratrum Minorum Arace-  
litano, Iunij anno 1651.

Ita censeo Fr. Antonius ab Oudentrouen Diffinitor  
Generalis Lector Sac. Theol. emeritus.

Ego

# APPROBATIO.

**E**Go infrascriptus ex commissione Reuerendiss. P. Fr. Danielis à Dongo, totius Ordinis FF Minorum Vicarij Generalis, Pastoris vigilantissimi, Ordinisque honoris zelosissimi; *Opus intitulum Speculum Apologeticum Fratrum Minorum Ordinis sancti Francisci qui Obseruantes sunt & vocantur &c.* à R. Adm. P. Fr. Iacobo de Riddere alme Prouinciæ Inferioris Germaniæ, iam secundo Prouinciali Ministro, ac sac. Theologiæ Lectore emérito conditum, summa cum animi voluptate perlegi; nihil tamen in eo aut fidei, aut bonis moribus dissonum reperi; sed præclara, quæque ac eximia eruditissimo viroque religiosissimo digna; nequaquam modestiæ aut urbanitatis regulas seu limites (quod in similibus materijs valde rarum) excedentia, quin potius summum animi candorem, purumque zelum in charitate Christiana fundatum, suauiter redolentia; neminem suam causam pro Regule suæ Obseruantibus defendit, cumque ea verborum lenitate ac suauitate suum aduersarium premit; vt eiusdem Regule perfectum Obseruantem, humilemque Christi Discipulum & Seraphici Patris nostri imitatore, claresco esse ostendat. Quare tanto illud prædignum ac omnium Obseruandum præstans merito terendum. Dat. Romæ 17. Maij in Conuentu Aratorum. no. 1631.

*Fr. Angelus à sancto Francisco Prouincialis Prouinciæ Angliæ ac sac. Theologiæ Lector subulat.*

*Imprimatur*  
Si videbitur Reuerendiss. Patri Mag. Sac. Pal.  
Apost.


*A. Rinaldus Vicesgerens.*

*Imprimatur.*  
Fr. Vincentius Fanus, Magister, & Socius Reue-  
rendiss. P. Fr. Vincentij Candidi Magist. Sac.  
Palatij Apostolici, Ord. Prædicatorum.

*Abraxis pag: 2i sequenti bus uestis, ex cuius pagmento*  
*requiritur. nullo pro ut ab ipso met explatur pater*  
*fratris subreptum. et pag. 2a sequenti bus uestis, pre*  
*ter quam quod illud ipsum de eadem subreptione late*  
*suspectum sit. et pag. 180 sequenti bus uestis, implere*  
*q. malitiam et Luauchi qui non possunt perficere xpi*  
*imitari. et ibidem om. plena rebz mirabilibus con-*  
*uicta reformatio ubi in sola Barta tot. lacrimar. miseriam*  
*et pag. 181. sequenti bus uestis, Delinqueris Detribz fage-*  
*cini, tamq. Premiti pro ut inquit. cum / Barte, et*  
*caput; prolixitatem cum omibz miseris in eis con-*  
*teris sine ulla Emulatione. Abraxis igitur pre-*  
*fatis et non alias*  
*Publicetur*



# P R A E F A T I O.



**P**RAEFATUR inter alia Annalibus  
suis Reuerendus Pater Zacharias Bo-  
uerius Ordinis Reuerendorum Pa-  
trum Capucinatorum Tgeologus: ve-  
ritatem ita esse necessariam historię;  
*ut illius vita ac fundamentum iure  
nuncupari debeat.* Cuius rationem,  
paucis interiectis, subiungit: *nam*  
inquit, *quemadmodum humanum*  
*corpus, simul ac discesserit animus, exa-*

*nime cadaver efficitur: ita etiam historia, si a veritate, quę illius  
vita & anima est, deseratur, protinus vel in commentum, vel in  
fabulam mutatur.*

Hoc verum esse non abnuo, sed libentissimę profiteor; ad-  
do tamen Historico, pręsertim christiano, viro religioso sacrę  
historię Scriptori, tam esse necessariam charitatem (quę secun-  
dum Apostolum *non cogitat malum, & congruatur veritati*)

1. Cor. 13. ut sine ea veritas non modo non prodesse, sed etiam  
esse, aut consistere vix possit. Licet enim amplior aliquanto  
facultas videri posset concessa historicis scribendi veritatem,  
quę res vno in loco, & vno tempore, publicas, possint scri-  
ptis suis ad alia loca publicare, earumque notitiam, non ob-  
stante particulari detrimento, ob commune bonum, ad alio-  
rum cautelam, ac posterorum instructionem, ad plures dedu-  
cere, & quodammodo perennare: non ob id tamen a Iustitię  
& charitatis legibus censendi sunt eximi; ut quidquid libet  
scribere liceat. Siquidem non solum falsa scribere eis inhibi-  
tum est; verum etiam occultos aliorum defectus, in pręiudi-  
cium famę & honoris, propalare; incertos ex leui suspitione,  
vel male fundata opinione, pro cęrtis obtrudere, grauius læ-  
dit Iustitię; imo in his eo magis circumspēctus debet esse  
Historicus, quo grauius & irremediabilius famam proximi læ-  
dit: dum ea quę per scripta publica omnium oculis exponun-  
tur, eo ipso vera & indubitata esse creduntur, & vix, aut ne  
vix quidem, ex hominum animis deleri possunt.

Insuper tam verum, quam tritum, est commune illud proloquium: *affectus excecatur intellectum*: quo fit ut si historicus inordinato aliquo affectu praeventus, in scribendo eidem plus æquo indulgeat, non satis claro & puro oculo veritatem intueatur. Ut solent humani oculi colore aliquo infecti, vel per medium coloratum intuentes, obiectum eodem modo tinctum aspicere; vel maius aut minus, quam est; vel etiam ut fractum quod est integrum, pro mediocri diuersitate representare. Vnde nimis sæpe euenit ut historia in suo Autore sincera charitate destituta; atque ex impuro fonte priuati amoris effluens, mutetur in proprii amoris commentum, fabulam, proximorum calumniam, aut saltem huiusmodi æui aspergatur.

Clamabant olim filij Prophetarum ad Elisæum, gustato pulmento eis infuso: *Mors in olla vir Dei!* 4. Reg. c. 4. v. 40. quia nimirum vnus ex pueris eius, inter herbas siluestres, Colocynthidas agri collegerat, & in ollam pulmenti conciderat, nesciens quid esset. Idem merito contra historicos clamari posset aliquando, qui sine delectu & discretionē verum euentus, instar herbarum siluestrium, & inter illas Colocynthidas narrationum in ollam historiarum concludunt & conijciunt, quibus amaricari faciunt non solum ora, est ventres; sed corda & mentes eorum quibus eiusmodi edulia proponuntur; præsertim si istius modi narrationes, personas ipsorum, antecessores, vel comarunitates quarum sunt membra, concernant: ut sane multo sale vel farina opus foret ad corrigendos amaros istos sapores; nisi vel diuino miraculo tollerentur, aut stomacho valde perfecto exciperentur & concoquerentur.

An ab hisce sacri historici & sincerae historiae conditionibus non deslexerit allquantulum Reuerendus P. Zachariás Bouerius in suis Annalibus, seu historia sacra Ordinis Minorum Sancti Francisci qui Capucini nuncupantur, nolim ego iudicare, sed alijs malo iudicandum relinquere: licet enim mihi videatur scribere contra meum ordinem Fratrum Minorum, Obseruantium, eiusque professores, plurimas amaritudines, & eos velle consumere nescio quibus inobseruantia peccatis, dum per singulas ferè paginas deplorabilem Ordinis Obseruantiam statum a Regulari Obseruantia dilabentem, commune in eo

*relaxationis vitium, virus Regularis inobseruantia, vepres, col-  
lapsedam disciplinam, & Regularis inobseruantia naufragia, pes-  
fundatam paupertatem aliasque religiosas virtutes nemine opem  
ferente, imo statum ordinis non fuisse statum salutis, commemorat  
& inculcat. Ob quas non immerito contra eum exclamari possit:  
Mors in olla vir Dei! mors in olla! malui tamen haecenus, &  
alii mecum praelegerunt, amara eiusmodi edulia calore  
charitatis in silentio concoquere, quam malum aliquod pro  
malo reddere, aut dolorem, licet iustum, aliquo displicentia  
signo indicare.*

Verum cum id modo non liceat per obedientiam superio-  
bus debitam, sed coactus fuerim attentius scripta Bouerij  
masticare & degustare, omnibusque, maturè examinatis ac  
discussis pro Religionis (cuius indignus sum filius) defensio-  
ne aliquid scribere; id tamen ita facere statui, vt (licet fortè  
læsus in Matre mea Religione) lædere tamen Auctorem, vel  
in persona sua, vel in sacro suo instituto (quod veneror ex ani-  
mo) minime intendam; sed sed veridicum aliquod eius scriptis  
speculum opponere, quod nemini blandiendo puram putam  
omnibus, & in omnibus, quantum possibile erit, exhibeat  
veritatem: ne forte taciturnitas reputetur in consensum; &  
qui viderint Reuerendum Patrem Bouerium, nullo contradi-  
cente, sacrum nostrum Obseruantium ordinem denigrare,  
putent eo ipso vera esse quæ scripsit, quo vident omnes (quasi  
manifesta veritate oppressos) obinuisse.

Porro istiusmodi amaritudines non existimo ex aliqua cor-  
dis amaritudine in viri Religiosi scripta emanasse; sed partim  
ex præcipiti calamo, ac in suarum rerum laudibus exuberan-  
te effluxisse; partim ex eorum narratione qui ab obseruantibus  
exeuntes Capucinatorum congregationem, vel primò in-  
inchoarunt, vel postmodum ad eam transierunt, sumpsisse ini-  
tium: tales enim solent pro affectu quem conceperunt, malè,  
vel minus honorificè, loqui de ijs quos deserunt, suiue tran-  
situs causas cum exaggeratione referre, vt eo magis eiusmodi  
suum actum (qui alioqui facile leuitati, aut inconstantia; ad  
scriberetur ab hominibus) iustificent, quo maioribus ex cau-  
sis videri volunt pristinum suum institutum deseruisse. Ita si-  
quidem fert humanæ fragilitatis conditio; qua nec primos il-  
los Capucinicæ congregationis Auctores, nec Posteriores, eius



alumpos, omnino caruisse, vepote homines, a quibus omnia humana abesse non possunt, præsumere debemus; neque id Reuerendus Pater Bouerius dissimulare voluit, aut potuit; nedum negare.

¶ Viginti solidum aliquod quæstionibus in hoc speculo proponendis & resolvendis fundamentum subalternam, vtque dicenda non videantur obscura legentibus, aut sæpius opus sit eadem, quæ ad historiam pertinent, ad singulas quæstiones repetere; præmittendam hoc loco duxi compendiosam & sinceram narrationem earum rerum, circa quas mouendæ sunt quæstiones, & a quibus earum resolutio dependet.





# BREVIS ELUCIDATIO historica rerum in hoc Speculo repræsentandarum.

§. Primus.

De diuersis reformationibus, & diuisionibus  
in Ordine.



MANIBVS notum esse arbitror Sanctissimum Patrem nostrum Franciscum, ita Christi Domini, ac Saluatoris nostri in natiuitate, vita, ac morte, per omnia typum gessisse, ut etiam sacer noster ordo ab ipso institutus, institutę a Christo Ecclesię similitudinem fere omnimodam habuerit, tam in malis, quam in bonis. Adeoque sicuti in agro sanctę Ecclesię, Christi licet sanguine rigato, ac semine diuini eius verbi seminato, inimico superseminante, apparuerunt inter triticum zizania; ita & in Ordine Fratrum Minorum sancti Francisci, inter tot sanctos Euangelicę perfectionis Zelatores, apparuerunt etiam imperfectorum & imperfectionum zizania. Apparuit enim sextus Beati Patris discipulus Ioannes a Capella, id est, ab almutio seu pilcolo (cuius abusus in Ordinem ipse introduxerat) nuncupatus; qui circa colligendas, & erogandas communes elemosynas (quod ipsi commissum fuerat) in sollicitudine excedebat, nec ad frequentia Beati Patris sui monita ab ipsius supra necessitate accumulandis abstinebat, vnde contigit vt. instar proditoris Iudę, cuius vitam imitatus fuerat, infami, & miserando interitu laqueo vitam finiuerit. Apparuit, & Frater Eliás, qui licet (vt Beatus Petrus Christi) Beati Patris fuerit ab ipso institutus Vicarius, & pluries eius successor in Generalatu

inquit Vvaddingus ad illum annum, numero 9. qui captata  
 Celestini V. ex Eremita ad Pontificatum euecti; pietate, &  
 propensione erga Eremicos, ab ipso petierunt vt liceret eis  
 viuere secundum puritatem Regulæ, auctoritate Pontificia,  
 cui nemo auderet contradicere; *Et obtinuerunt ampliorem*  
 (inquit Præfatus Auctor) *sed periculofam facultatem, quod*  
*ubicunque eis placeret ad præscriptum Regula, & intentam à se*  
*rigorem, viuere & cohabitare possent.* Vocati sunt in princi-  
 pio, ita ipsis petentibus, & statuente Pontifice, non Fratres  
 Minoritæ, à quibus etiam habitu distinguebantur; sed paupe-  
 res Eremitæ Domini Celestini. Verum postquam Celestinus  
 Pontificatui renuntiasset, timentes Ordinis indignationem  
 ad varia loca dispersi, Episcopis se subiecerunt, vocati que sunt  
 Claren vel à Fr. Angelo Clarenio, vt aliqui volunt, vel à Claro  
 monte quem primo inhabitauit: sicque manserunt separati  
 ab Ordine, vsque ad annum 1477. quo, curante Xisto IV. &  
 instante Fr. Francisco Sampsonè Ministro Generali, ad vniõem  
 Ordinis redierunt; ea lege vt sub proprijs Prælatis viuerent,  
 solique Ministro Generali subderentur. Succrescentibus hinc  
 inde diuersis temporibus variarum relaxationum zizanijs, plu-  
 ribusque in Ordinem abusibus, præsertim contra paupertatem,  
 sensim irrepentibus, ignorantibus pro maiori parte Superio-  
 ribus Generalibus, aliquibus etiam conuiuentibus, aut segnis  
 sese opponentibus, diuersi quoque diuersis temporibus exsur-  
 rexerunt viri zelosi, qui contra abusus strenuè decertarunt, in-  
 ter quos fuit Fr. Vbertinus de Casali, Fr. Raymundus Pan-  
 tredi, qui postmodum Generalis electus est; Fratres etiam  
 illi Barbonenses, & Bituricenses, qui sub Clemente Quinto  
 assumptis Vilioribus & Strictioribus habitibus Ordinem de  
 excessibus diuersis, in prouisionibus, elemosynarum præui-  
 uariarum receptionibus alijsque accusarunt: quorum occasio-  
 ne Clemens Quintus edidit Clementinam: *Exiuit de Paradiso.*  
 Verum eorum zelus indiscretus, quo non tantum Ordini, sed  
 etiam Pontificibus, ex ipsis aliqui obstinatius resisterant, tan-  
 dem à Ioanne XXII. edita contra eos extrauagante, *quorum-  
 dam exigit*, per censuras, & alias pœnas repressus est; *ut ad*  
*Licet nobis hic dicere, quod occasione Cæcenorum ad*  
 annum Christi 1244. num. 3. habet Reuerendus Pater Frater  
 Lucas Vvaddingus: *corpus Religionis in medio sistens, hac mem-  
 brorum*

brozum in aequalitate, ac diuerso studio disiectum, inter extrema securum iter tenebat, vt nec prætensa perfectionis intuitu aliorum contemptum pra se ferret, aut sacrosanctum pacis; ac charitatis violaret seditione nexum, aut litigij interturbaret silentium, nec etiam irrepentem dissolutione labem foueret, aut probaret excessus. Numquam enim totum corpus Ordinis, abusus aliquos contra Regulæ puritatem, vel Priuilegia contra Franciscanam paupertatem, aut approbavit, aut admisit: Neque etiam Ordinis capita Generales scilicet Ministri, duobus tantum exceptis, fratre Elia, & fratre Antonio de Massa (qui etiam ob relaxatum Ordinem à Generalatu abso-  
luti sunt) vnquam directè fouerunt relaxationes, aut relaxatis vt talibus fauerunt: Inualuere nihilominus magis, ac magis relaxatorum fratrum nimix libertates, quos à recipiendis redditibus, & bona temporalia iuxta priuilegia à Clemente IV. & Martino V. & alijs forte quibusdam Pontificibus subreptitiè obteenta, nec Regula, nec amor virtutis, neque Superiorum inhibitiones cohibere potuerunt: adeo vt tandem eo vsque malum hoc excreuerit, quod non solum domus aliquæ, verum plures integræ Prouinciæ, ea labe inficerentur. Ita vt ad expurgandum Ordinem opus fuerit solidiori aliqua, & generaliori reformatione. Hanc attentauit primitus frater Ioannes de Vallibus cum socio fratre Gentili Spoletano; sed irritò conatu. Resumpsit præfatus frater Gentilis auctoritate Clementis VI. Pontificis fretus; sed quia non satis prudenter & humiliter rem aggressus est, iterum pro secunda vice tota res abiit in fumos. Assumpserat enim cum suis frater Gentilis, teste Reuerendo Patre Luca Vvadingo ad annum Christi 1355. num. 1. & 2. habitus viles in qualitate, & forma ab aliorum fratrum vestimentis discrepantes, similes ijs quos reformationis Narbonensis Auctores sub Clemente V. & Ioanne XXII. repressi, sibi elegerant; nihil sibi cum alijs Fratribus commune esse volebant; & (quod erat peius) omnem fere Ministri Generalis auctoritatem excutiebant: ita vt Reuerendis Patri Guilielmo Farinero vni ex consodali-  
bus eius aliquid præcipienti, irreuerenter, & impudenter in faciem restiterit, dixeritque nihil ipsi in suos consodales iurisdictionis superesse; quibus non immerito commotus præfatus Generalis, alijque Ordinis Patres, arreptis occasioni-  
bus



9

bus etiam aliunde ipsum accusat, di ob susceptos in societatem suam indignos ( quamuis id bono fine ipsi factum esse, asseuerauerint, & credibile videatur ) tantum egerunt apud Pontificem Innocentiũ VI. vt Clementis VI. priuilegium, quo initebatur, reuocaretur, & sic tam ipse quam socij ad Ordinis Obedientiam reducerentur.

Humiliori modo, & ob hoc feliciori successu rem aggressus est frater Paulus, vel, vt alij, Paulutius Fulginas, siue de Trincis, humilis Laicus, nobilis genere, & pietate, & hoc tam notabili actu nobilior. Is Impetrato à Ministro Generali Thoma Frignano, interuentu consanguinei sui Hugolini de Trincis Fulginij Principis, tuguriolo Bruliani, inter Fulginium, & Camerinum sito, in quo alij frustra reformationem inchoare tentauerant, de licentia præfati Ministri Generalis advocatis paucis socijs, viris optimis & Religiosissimis anno 1368. initium dedit, eo solidius, quo humiliter, famosissimę, atque Ordini Seraphico vtilissimę, imò necessarię reformationi Obseruantium, quę ex paruo isto semine fauentibus præfato Generali, & omnibus eius Successoribus, quibus semper mansit subiecta, Gregorio XI. alijsque Summis Pontificibus, ac præsertim diuino Numine, eatenus excreuit & propagata est, vt Ordinem vniuersum, adeoque, & orbem totum peruasit, persisteritque stabilis, & illesã, non obstantibus pluribus contradictionibus Ministrorum Prouincialium, & quorum iurisdictione eximebatur, & relaxatorum Fratrum, qui egrę ferebant laxiorem suum modum viuendi; Obseruantium exemplo, potius quam verbo, condemnari, vsque ad annum 1517. in quo plenum verę reformationis effectum, consecuta est, vt postea dicemus.

Interim suscitatz sunt alię adhuc reformationes, videlicet, Obseruantium sub Ministris dictorum, eo quod sub immediato Ministrorum Prouincialium regimine eius Professores permanserint, ad quos reducendos putat R. P. Marchant supracitatus in caput octauum Regulę quęst. 3. fratres Coletanos quidam B. Coleta nomen sortiti sunt: obtinuit siquidem B. Coleta à Benedicto XIII. vt posset eligere Patrem Confessarium, qui & Sororum confessiones exciperet, & aduentantes sæculares, qui absque aliqua proprietate, siue in particulari, siue in communi, iuxta Regulę sancti Francisci tenorem, atque præceptum



& absque Pontificijs indultis visitarent, libique subessent, Minoritico habitu indueret.

Virtute cuius concessionis elegit sibi suisque Confessarios, qui & potestatem istam exercuerunt. Quo factum est vt intra breuissimi temporis spatium, plura monasteria tum Sororum Clarissarum pauperum, tum quoque Fratrum reformatorum iuxta Coletanam hanc reformationem, in Belgio & diuersis Franciæ locis fundata ac reformatæ fuerint: & quia ista monasteria à B. Coleta vel ædificabantur, vel reformabantur, & Patres ac Fratres ad eiusdem nutum atque electionem eorum ministerio destituebantur, sicut Moniales Coletanæ, ita eorum quoque Patres Coletani appellati fuerunt. Itahabet Gôzaga 1. parte sui chronici, titulo de Coletanorum Fratrum, atque Monialium ortu.

Similis fuit Amadæorum reformatio ab Authore Fratris Amatore vel Amadeo nobili Lusitano, nuncupata, quæ inchoata est circa Annum Domini 1464. & fauente illi Sixto IV. Pontifice per Italiam valde est propagata. Denique circa annum 1500. Authore Fratre Ioanne de Guadalupe ex Obseruatia, incepit reformatio Fratrum de sancto Euangelio nuncupata tum quod prima eorum Custodia fuerit erecta sub titulo sancti Euangelij, tum quod secundum illud pauperissime vitam ducebant. Ijdem vocati sunt Fratres de Caputio: quia admirationem sanctissimi Patris Francisci caputium aliquantisper acuminatum assumpserunt. denique dicti sunt discalceati, eo quod nudis omnino plantis sine sandalijs aut soleis incederent. Hi varias passî sunt contradictiones, & modo soli Generali Ministro, modo Vicarijs Generalibus Obseruantium, interdum etiam Ministris Prouincialibus subiecti fuerunt, vt latè docet Barrezo Barrezzi 4. par. Chronicorum Ordinis cap. 1. 2. & seqq. Tandem emerferunt & plures Prouincias obtinuerunt, ac pro maiori vniuersitate ad sollicitationem Patrum de Obseruantia acumen caputij derelinquentes, rotundam seu communem caputij figuram iuxta consuetudinem Ordinis resumpserunt.

§§§§

S. Secun-

## De Vnione Ordinis .



**C**um sicut similitudo est incentiuum amoris, ita & contrario morum humorumque dissonantia dispartiam efficiat animorum: ex tanta discrepantium membrorum varietate vix aliud expectari potuit, quam magnæ intra Ordinem dissensiones, & plura extrallumi scandala hominum sæcularium, præsertim illorum, qui rerum spiritualium minus expertes sunt. Licet enim omnes istæ reformationes cum Patrum, qui Couentuales nuncupantur, corpore in vno, & eodem capite Generali Ministro vnirentur; in Prouincijs tamen quasi ex toto à se inuicem dissidebant, & quantumuis in substantiali Regulæ Observantia reformati inter se conuenirent; in modis tamen accidentalibus differentes, non modicis se mutuo inquietudinibus afficiebant; dum posteriores in Observantijs accidentalibus a se assumptis, æquo feruentiores essent; alij vſitatis antea modis, & consuetudinibus tenacius inhaerent, præcipuum vero faciebat dispartiam quod inter Couentuales, qui præcipuum, & maiore Ordinis partem constituiebant, plurimi iam relaxati, licet eandem Regulæ Professionem simpliciter emisissent, eam tamen non nisi cum priuilegijs ab aliquibus Pontificibus concessis obseruare volebant; & sic in essentialibus Regulæ à Patribus Regularis Observantiæ plurimum discrepabant.

Quamobrem diuersi Pontifices quibus bonum Ordinis Fræciscani, tamquam nobilissimæ partis Ecclesiæ, cordi erat, vt esset *Deus in sacro isto Ordine tanquam in loco sancto suo*, & faceret habitare *vnus moris in domo*, psal. 67. v. 6. conuocauerunt ex Patribus Couentualibus & Obseruantibus diuersæ Capitula Generalissima, sic dicta, ad distinctionem earum Congregationum, in quibus vel soli Couentuales, vel soli Obseruantes inter se conuehebant; vt in ijs de modis, & medijs Ordinem tam variè discissum reuiniendi tractaretur.

Primum Martinus V. anno 1430. Alsisi celebrandum indixit, in quo communi omnium Patrum suffragio Pater Antonius de Massa, quod sibi & subditis laxiorem viam aperuisset.

set, à Generalatus officio est depositus: eique Reuerendissimus Pater Guilielmus de Casali suffectus qui omnes Vicarios Prouinciales, hætenus Obseruantibus præpositos, exauctorauit. Factæ sunt etiam in hoc capitulo constitutiones quæ Martinianæ vocantur, à Martino V. Pontifice qui eas confirmauit. Verum ille, Conuentialibus fauens, postmodum in iisdem statutis (licet ab omnibus Patribus cum iuramento admissis) dispensauit. Vnde post Martini V. obitum Beatus Ioannes de Capistrano ab eius successore Eugenio IV. petijt vt Obseruantes cuilibet Prouinciæ vnum Vicarium Prouincialem ex seipsis præficere possent, à quo regerentur, sicut ante præfatum Capitulum generalissimum regi solebant. Huius Pontificis fauore concessum est Obseruantibus celebrare Capitulum ex suis Bononiæ anno 1431. præfecitque eis, idem Pontifex Apostolica autoritate dictum B. Ioannem Capistranum tanquam suum generalem Commissarium, ac postmodum sanctum Bernardinum Senensem inductu Capistrani Generalem Vicarium Obseruantium instituit, in quorum insuper fauorem dedit amplissimam bullam anno 1447. quam Eugeniānam nominant plurimas gratias & priuilegia continentem.

Secundum Capitulum Generalissimum conuocauit idem Eugenijs IV. Patavij anno 1443. in quo licet pro voto Pontificis non esset electus in Generalem Ministrum Fr. Albertus de Sarciano Vir integerrimus, atque Regularis Obseruantie acerrimus propugnator, quem ipse Patribus vocalibus commendauerat: confirmauit nihilominus eum. quem ipsi elegerant fratrem Antonium de Ruseonibus; ea tamen condicione vt Beatum Ioannem Capistranum Obseruantibus per Italiam, & fratrem Ioannem de Mahuberto ab altera parte montium tanquam suos Vicarios præficiat. A quo tempore isti Vicarij sub Obedientia Ministrorum Generalium Obsequantes rexerunt, id ordinante Pontifice Eugenio in prænominata sua bulla vsque ad tempora Leonis X. sub quo factum esse vnionem postea dicemus.

Tertium Generalissimum Capitulum celebratum est sub Calixto Tertio qui minus in principio fauorabilis Obseruantibus concessos ab Eugenio IV. fauores, seu bullam Eugeniānam, renouauit, Capitulumque indixit Assisij anno 1455. in 970. Presidente fratre Iacobo de monte Brandon. alias de-

Mar-



Marchia, concepti sunt quidam articuli pacis & vnionis in-  
eundē, qui neque Conuentualibus, neque Obseruantibus mul-  
tum arriserunt: quostamen Calixtus sua bulla sequenti anno  
ad hoc edita obseruandos præscripsit.

Vnde anno 1457. in dicto Mediolani quarto Generalissimo  
Capitulo pro executione Bullę istius Calixtinę: noluerūt Con-  
uentuales permittere, vt Patres Obseruantes suis concilijs,  
electionibus, ac definitionibus interessent; quod tamen erat  
expresse contra pacis articulos ante conceptos; protestationi-  
bus legitimē coram Notario & testibus, Patribus Obseruan-  
tibus, factęque de hoc authentico instrumento, ne ex sua par-  
te mandatis Pontificijs contrauenire viderentur.

In quinto Capitulo Generalissimo sub eodem Pontifice Ro-  
mę celebrato anno 1458. per Breue aliud Pontificium data,  
est solis Conuentualibus electio Ministri Generalis: Obseruan-  
tibus vero concessum fuit vt seorsim Cismontani & Ultramon-  
tani Vicarios sibi eligerent, a Generali Ministro confirmandos;  
quod gratissimum ipsis fuit. Factusque proinde est Pontifex  
eis magis fauorabilis. Sub cuius itē successore Pio II. Obseruā-  
tibus addictissimo (qui reuocatis constitutionibus, eis aduer-  
santibus Bullā Eugenianā restituit) in pace magna & tranquil-  
litate per tredecim annos Domino famulantes vixerunt. Sed  
Franciscus Ruere ex Generali Ministro ad dignitatem Car-  
dinalitiam, ac postea ad Pontificatum assumptus, qui Sixtus  
Quartus dici voluit, tentauit Obseruantes per omnia Gene-  
rali Ministro subijcere, reuocauitque iterum omnes concessio-  
nes Eugenianas. Cumque res eō deducta esset vt nullum pro-  
pemodum humanum cōsugium superesse videretur, propen-  
dentibus ad Pontificis mentem Cardinalibus ad hoc conuo-  
catis; Fr. Marcus à Bononia Vicarius Obseruantium ex parte  
Italix, extractam e manica Regulam S. Francisci coram toto  
consistorio in mediū proiecit, oculisq; in cælum eleuatis, ge-  
nuflexus, alta voce exclamaui: *Eia Santissime Pater, Pau-  
perumque Patriarcha Franciscę, pro tue Regula Obseruantia  
bare satagito, quandoquidem pauperculus ego homuncio, viri-  
bus omnibus extenuatus, atque omni humano fauore destitutus,  
id efficere nequeo. Quo actū, tam Summus Pontifex, quam  
Cardinales commoti, rem concludere distulerunt, datumque  
est interea tempus Obseruantibus à Regibus & Principibus*  
litte-



litteras ad Pontificem impetrandi ; quibus supplicabant , ne  
 Obseruantes Conuentualibus submittere , aut eorum Eu-  
 geniana Privilegia abrogare vellet , quandoquidem id ipsi in  
 suis ditionibus nullo pacto permitturi essent . His lectis mira-  
 tus est Pontifex , dicens : *Putabam me cum pediculosis Fratri-  
 bus negotium tantum , non autem cum omnibus mundi Principi-  
 bus , habiturum .* Cui cum tunc temporis affuisset Illustrissi-  
 mus ac Reuerendissimus Cardinalis Bononiensis , Nicolai V.  
 Pontifici vterinus frater subiunxit : *Videris Santissime Pater  
 quid egeris quidue decreueris : nam ij fratres plures numero sunt  
 & bene ob vita candorem atque sinceritatem apud omnes audiunt,  
 optimeque de Catholica Ecclesiamerentur , & vniuersum orbem  
 possi se , si opus fuerit , trahent .* Cuius consilij acquiescens  
 Pontifex , non solum Eugenianam concessionem denuò com-  
 probauit , sed alios insuper plures fauores prestitit Obseruan-  
 tibus . Ita refert Gonzaga primapart. Chron. quintum Ge-  
 neralissimum Capitulum describens .

Sextum Capitulum Generalissimum fuit indictum à Iulio  
 Secundo Pontifice Romæ anno 1506. submittentibus sese per  
 omnia Obseruantibus suæ Sanctitatis imperijs : cumque in illo ,  
 Conuentualibus proponeretur à Commissarijs Pontificis , an  
 ad modum viuendi Obseruantium transire vellent : id vni-  
 miter fere omnes renuerunt , ac protestati sunt se velle frui pri-  
 uilegijs ac dispensationibus Pontificijs sibi concessis . E contra  
 vero Obseruantibus se in antiqua sua obseruantia manere vel-  
 le a firmitantibus , sine alio vltiori effectu , conuentus ille so-  
 lutus est , & cedentibus Obseruantibus Capitulo , iuxta con-  
 cessionem Eugenianam , soli Conuentuales Ministrum Gene-  
 ralem eligerunt . Statutum est insuper in hoc Capitulo vt in-  
 travnius anni spatium omnes Clareni , Amadæi , Coletani ac  
 Franes de capurio seu de Euangelio , eligerent , an Conuen-  
 tualibus , vel Obseruantibus , retento tamen antiquiori no-  
 mine , vellent vniri ; qui omnes post biennium , iuxta datam  
 sibi electionem , Obseruantibus adhaeserunt .

Septimum Capitulum Generalissimum induxit Leo X. Ro-  
 mæ in conuentu Aracelitano celebrandum anno 1517. In quo  
 requirentibus Imperatore , Regibus , omnibusque propensio-  
 dum Catholicis Principibus , Vnio Ordinis toties frustra at-  
 tentata , tandem ( licet non omnino plenè ad intentum Pon-  
 tifi-

rificis) ad optabilem effectum deducta est. Conuenientibus  
 enim omnibus Patribus vtriusque familiz, Obseruantibus,  
 Conuentualibus, nec uon Clarenis, Amadeis, Coletanis, at-  
 que de sancto Euangelio, quibus ex officio incumberebat, in  
 conuentu prefato statuta die: propositum est à Summo Ponti-  
 fice, an omnes in vnum viuendi modum, sub eodem habitu,  
 eisdem legibus de cetero conuenire vellent? Responderunt  
 omnes Regularis Obseruantiz Sectarores se in illam vnionem  
 libentissimè ituros, dummodo Regularis Obseruantia nihil  
 omnino detrimenti patiatur, & patres Conuentuales quarum-  
 cunque rerum proprietati, tam in communi, quam in parti-  
 culari, quibuscunque redditibus. Pontificijsque priuilegijs,  
 in manibus Pontificis reuera & efficaciter renunciarent, ac le-  
 gibus à Regulari Obseruantia prefixis parere vellent. Et cōtra,  
 patres Conuentuales, post maturam deliberationem resolu-  
 erunt se malle in antiquo more, cum priuilegijs Apostolicis vi-  
 uere, quam ad Obseruantium viam transire. Videns itaque  
 Pontifex quod ex membris adeo inter se dissentientibus vix  
 posset constare Religiosum aliquod corpus, in quo spes foret  
 stabilem aliquam pacem & vnionem conseruandi: statuit ex  
 omnibus & solis Fratribus Regulam sancti Franciscipur e, &  
 simpliciter obseruare volentibus, corpus Religionis, in hetero-  
 rogenia, adeoque dissidentia, antea membra misere discissum  
 componere, & consolidare. In quem finem decreuit, vt ab  
 omnibus, & ex omnibus, atque solis Fratribus reformatis in  
 eo capitulo vnus Minister Generalis eligeretur, qui totius Or-  
 dinis Fratrum Minorum Minister vocaretur & esset. Ac in  
 eundem finem, quia electio Ministri Generalis secundum Re-  
 gulam debet fieri à Ministris, Prouincialibus, & Custodibus,  
 qualificauit omnes Vicarios Prouinciales, & discretos Prarrū  
 Minorum de Obseruantia, seu de familia, eosque ad electionem  
 electionis huiusmodi, in Prouinciales Ministros & Custodes  
 instituit, voluitque duos ex singulis prouincijs, in quibus ali-  
 qui erant conuentus reformati, electos ab illis conuentibus,  
 voces Prouincialium & Custodum non reformatorum pro ista  
 vice supplere. Concessit insuper Amadeis, Clarenis, & Fratribus  
 de S. Euangelio pro singulis Prouincijs, in quibus habebant  
 conuentus, vltra Vicariorum voces, duas voces pro ista vice  
 tantum: & electionem ab ipsis faciendā declarauit fore legiti-  
 mam

10  
mam atque canonicam. Cumque virtute huius Decreti electus esset ex Vicario Observantiae in Generalem Ministrum Ordinis Reuerendissimus Pater Christophorus à Forliuio, electionem talite factam ratam habuit, atque electum Apostolica authoritate confirmauit. Deceuitque vt in posterum Ministri Generales essent sexennales, & Prouinciales triennales; qui non possent eligi nisi essent ex reformatis, & vitam ducerent reformatam: irritans quidquid in contrarium attentaretur sicque vnuit omnes reformatos qui vellent Regulam purè, & ad litteram obseruare, in vnum Ordinis corpus, sub vno nomine Observantium, & vno capite Generali Ministro, & ex illis omnibus & solis vnum Ordinem Pratum Minorum sancti Francisci effecit. Segregatis ijs qui non volebant obseruare Regulam nisi relaxatam per priuilegia in aliud corpus sub Magistris Generalibus & Prouincialibus; quos tamen catenus vnuit Ordini atque Ministro Generali subiecit, quatenus Magister Generalis deberet à Generali Ministro petere & accipere confirmationem.

Atque vt omnes de cætero præcauerentur dissensiones prohibuit sub excommunicatione & alijs poenis, ne aliquis frater Ordinis alium ratione priorum diuisionum irritorio, iniurioso aut improprio nomine agnominaret. Item ne ex novarum Sectarum introductione contingeret iterum Ordinem scindi atque turbari, vetuit in virtute sanctæ Obedientiae, ne sine assensu expresso Ministrorum Generalium & Prouincialium in suis Prouincijs respectiue, vllæ nouæ sectæ aut reformationes in Ordinem de cætero introducerentur: Quæ omnia patent ex Bulla Leonis Decimi, quæ incipit: *Ite & vos in vitam meam*, quæ vocatur Bulla vniõis, data anno 1517. quarto Kalendas Iunij, & Bulla quæ incipit: *Omnipotens Deus*, data eodem anno pridie Idus Iunij.





## I. Tertiū.

## De Origine Patrum Capuciorum.



**V**IX elapsis septem vel octo annis ab expurgato in hunc modum & consolidato corpore Ordinis Seraphici, quidam frater in Obseruantia professus Matthæus de Basso vel Bassio, nulla præuia Superiorum licentia, vilio rem assumens habitum, cum assuto oblongo & acuminato caputio, Romam proficiscitur, & impetrat à Pontifice Clemente VII. licentiam portandi huiusmodi habitum, in eoque extra Ordinem in eremis secundum puram Regulæ Obseruantiam viuendi, ea lege vt singulis annis in obedientiæ testimonium Prouinciali Ministro Obseruantium in capitulo, vbicunque terrarum fuerit, se præsentaret: quam licentiam verbotenus datam nullo expectato Pontificis diplomate cepit Matthæus executioni mandare. cumque eo anno conditioni satisfactus venisset ad Capitulum Prouinciale Matelice celebrandum, vt se Ministro Prouinciali præsentaret, Fr. Ioannes à Fano illius Prouinciæ Minister eum velut Apostatam carceri mancipauit. De quo per fratres edocta Catharina Cibo Camerini Ducissa Neptis Clementis VII. Pontificis, minaces ad Prouincialem, & Camerini Guardianum, litteras scribit, quibus de læsa sua persona, & Pontificis auctoritate (cuius erat Neptis) conqueritur, & minatur se rem ad Pontificem delaturam; nisi quantocius Marthæus e carcere dimittatur. Verum antequam Prouincialis ac Guardianus possent huiusmodi litteris satisfacere, Matthæus apertò à Fratribus carcere, eorum suasu exiit, atque ad Ducissam se contulit.

Sequenti anno 1526. prouocatus Matthæi exemplo quidam Fr. Ludouicus Foresempronianus, petijt ab eodem Ministro Prouinciali conuentum pro sui reformatione; quo prima vice non obtento, iterat eandem petitionem apud eundem Ministrum publicè coram Fratribus in refectorio, instatque vt ei

C

licentia



licentia Matthæum Bassium accedendi concedatur : addens , si hoc sibi negetur , licentia , quam assueverat , à Regula sibi in hoc casu concessam ; vñram , atque vel inuitis superioribus Fr. Matthæum aditurum : quo agendi modo Minister offensus , distulit responsum donec seniores & discretos Patres conuen- tus desuper consuleret ; de quorum consilio fratrem Ludouicū in vincula coniecit . Sed paulō post mātius & amicabilius . a- gens , mittit Fratres qui ei suadeant mutare propositum , ac Ludouicum amphibologicē assentientem soluit à vinculis , be- neuole & humaniter excipit , omnemque fauorem , si acqvie- scat , ei promittit .

Solutus Ludouicus , primi propositi tenacior , scribit ad Ge- neralem Ministrum pro impetranda reformatione ; & beneuo- lo responso ab ipso recepto , quo promittebatur breui , de cō- muni Patrū consilio , futura reformatio , modo aliquantisper velit expectare : interpretatur illud Ludouicus tamquam su- catum ; ac moræ impatiens scribit ad Ordinis Protectorem , quo etiam se excusante , & respondente sibi non licere huius- modi Ordinis negotijs , quæ pertinent ad Superiores , sese im- miscere : Ludouicus cum fratre suo Raphaële Laico induit ha- bitum Capucinorum ; nullaque desuper obtenta licentia , in- tempesta nocte à monasterio egrediuntur . Miris in via per- culsū terroribus , tandem ad Matthæum perueniunt ; qui negat se potestatem habere illam habitus formam alijs communi- candi , vtpote sibi pro se tantum concessam . Vnde simul om- nes ad Catharinam Camerini Ducissam perguat ; cum cuius litteris commendatitijs ad Pontificem Ludouicus cum fratre Romam proficiscitur : petit & impetrat diploma quo Ludoui- co , Raphaëli de foro Sempronio , ac Matthæo de Bassio de Montefeltrio , conceditur , vt petita , licet non obtenta , Su- periorum licentia , habitu tamen semper retento , aliquo ho- nesto in loco à cœtu hominum remoto vitam eremiticam du- cere possint &c. Idque super allegata ratione quod in sui *Ordi- nis domibus non possent ulterius cum sana conscientia morari* .

Displicuit huius diplomatis obtentio Prouinciali Ministro , qui impetrata eius renocatione , aliud contra ipsos obtinuit , tanquam Apostatas ; vi cuius Ludouicum in suam potestatem redigere nñus est : sed aliquot stratagematibus bellicis eluditur , & alijs diuersis medijs impeditur . Ne vero tandem Lu-  
do-

Ludouicus cum socijs, qui ad ipsum accefferant, in Ministri vel aliorum Superiorum manus inciderent, Camerinum ad Ducissam se recipiunt, eiusque consilio & auxilio Magistro Prouinciali Conuentualium sese subiiciunt, idque (vt innuitur a Bouerio ad annum 1527) consilio Domini Cardinalis Protectoris desuper petito; Atque adeo ab Ordine Minorum Obseruantium totaliter se separant.

Anno sequenti qui fuit 1528. adiutus litteris Catharinæ Ducissæ neptis Pontificis, & Episcopi Camerinenfis, Ludouicus, impetrat a Pontifice aliud Diploma, quod incipit: *Religionis zelus*: in quo narratur quod *Profeffi in Obseruantia, de licentia sui tunc Superioris, iuxta formam litterarum Apostolicarum super concordia & unione inter Obseruantes & Conuentuales, ad consortium Conuentualium sese transfulerint*: concediturque eis vitam Eremiticam ducere, habitum cum capitis quadrato gestare, omnes, tam Clericos Seculares, & Presbyteros, quam Laicos, ad suum consortium recipere, barbam deserre &c. Quæ Bulla cum buccinarum clangore præconis voce in urbe Camerinenfi publicata est: eiusque virtute diuersi ab Obseruantibus ab ijs recipiuntur.

Anno 1529. in Capitulo Alnacina celebrato Frater Matthæus de Bassio Vicarius Generalis eligitur, licet inuitus. Quò, eodem adhuc anno renuntiante; Frater Ludouicus foro Sempronianus sigillum cum Superioritate acceptat; atque à Pontifice Vicarius, seu Commissarius Generalis Congregationis Capuciuorum instituitur, & confirmatur.

Anno 1530. ad instantiam Fratrum de Obseruantia Pontifex Capucinis receptionem Obseruantium interdicat; quam iterum paulò post concedit; ac postmodum denuo suspendit: quo non obstante anno 1532. Ludouicus & Bernardinus Regolini ex Obseruantia, in qua pro reformatione vel in Ordine, vel apud Capucinos obtinenda contenderant, ad Capucinos transuolant, ac Ducis Bucefienfis presidio se tutantur. Generalis Obseruantium Minister Frater Ioannes Pisottus (quem Bouerius Pisciotam vocat) obtenta contra Fratrem Ludouicum Reginum ac Socios, tanquam schismaticum ac factionum Auditores, sententia excommunicationis à Clemente VII. Pontifice, nisi ad gremium Ordinis quantocyus redirent; missa suo nomine Commissario aliquo Generali, primo

cos capere, & in suam potestatem redigere tentat, at irrito conatu; cumque veller Commissarius excommunicationem contra refugos latam in Nuceria, oppido euulgare resistente sibi Duce, coactus est cum Fratribus Ludouico & Bernardino Reginis de Iustitia lata à Pontifice sententiz, & rebus Ordinem ac Regulam Fratrum Minorum concernentibus coram illo Principe disceptare: pro vt paulò post etiam præfatus R.P. Generalis Obseruantium cum Fratre Ludouico foro Sempromiano Capucinatorum Commissario Generali, coram Summo Pontifice congressus refertur. Quo successu postmodum videbitur. Relata interim constat quæstionis discussionem ad Antonium Episcopum Portuensem & Andream de Valle Sanctæ Romanæ Ecclesiæ Cardinales; qui inhibuerunt interim Capucinis ullos ex Obseruantibus recipere, & Obseruantibus ullam Capucinis molestiam inferre. Quæ inhibitione non obstante, absque eo, quod vlla à prædictis Cardinalibus data referatur sententia anno 1533. narrantur plures ex Obseruantia ad Capucinos conuolasse. Quo item anno idem Minister Generalis Obseruantium prætendit visui officij, & primatus in vniuersum Ordinem Fratrum Minorum, Patres Capucinos sibi subdi debere; cuius prætensionis plurimi Cardinales, alijque viri illustres fauerant. Quin & ipse Pontifex eorum rationibus aliquantulum permotus fuisse dicitur: præsertim cum alia quoque obiecisse Patribus Capucinis referatur idem Generalis Minister, quibus Ordinis sui, & Superiorum auctoritatem minui conquerebatur, dum indiscriminatim, Leues, inquieti; & aliqui etiam flagitiosi Fratres Superiorum censuras effugere quærentes, à Capucinis reciperentur. Quibus an satis plenè & solidè à Ludouico responsum sit infra commodius examinari poterit.

Anno 1534. refertur idem pontifex Clemens VII. ad plurimum Principum, ad hoc ab Obseruantibus incitatorum, quærimonas, Capucinatorum reformationem de Cardinalium consilio extinguere voluisse; sed miraculosa tempestate cohibitum, eos nihilominus, ad satisfaciendum Principibus intra candelæ ardentis spatium Roma, exire iussisse. Sed post breue tempus, Catharina Ciboa, alijsque pro eorum reditu instantibus, redire permisos esse.

Anno 1535. Ludouicus Forolempromianus Capitulo celebrando



brando quamdiu potuit reluctatus; tandem à nobili Femina Victoria Columna; quam Fr. Bernardinus Ochinus (qui antea Apostata ab Ordine Observantium, ex eodem ad Capucinos transierat): ad promotionem Capituli, spiritu & ipse ambitionis ductus, instigauerat; alijs etiam interuenientibus, compulsus est ad illud celebrandum; accedente præsertim Pauli III. Pontificis mandato, quo illud accelerari iusserat. In quo Capitulo ipse, fingens se Generalatu velle absolui, depositus est; & ne quidem in Definitorum electus, mirabiliter stomachaticè capit. Reuerendo Patri Bernardino Astensi Vicario Generali electo omnia subiectionis signa denegauit; insanis vocibus Patribus Capitularibus minatus est. A quibus exiens ad Cardinalem Tranensem se recepit, querimonias multas aduersus Fratres ac Patres suos deposuit, ac per eum à Pontifice vt aliud rursus Capitulum celebretur, & noua fieret electio obtinuit.

Quo Capitulo anno 1536. celebrato & posthabito Ludouico, R. Patre Bernardino Astensi de nouo reelecto, præfatus Ludouicus ambitionis furis agitatus (Bouerij verbis vtor) Generalemque agnoscere detrectans, nec non & Cardinalis Tranensis, qui Capitulo præfederat, pia monita parui faciens, nullis denique suorum precibus placari valens à Religione tandem expellitur.

Eodem anno R. Pater Vincentius Lunellus in Observantium Generalem electus, Patres Capucinos ad vnionem Ordinis reducere nititur, allegatis ad hoc rationibus non contemnendis, & oblatis conditionibus adeo rationabilibus, vt non tantum Ludouicus Reginus, iam ex obseruante Capucinus effectus, ex eis satisfactionem habens in vnionem propenderet; verum etiam ipse Pontifex Paulus III. cum Cardinalibus in eam inclinaretur. Verum cum Pontifex sex Cardinalibus, quorum tres vtraque pars eligeret, rem discutendam commisisset; Patres Capucini, ab ea vnione alieni non tantum ad eam impediendam apud Deum precibus institisse referunt; sed talem insuper schedulam pro memoriali & instructione dicuntur exhibuisse Cardinalibus, vt illius vel pudeat meminisse. Quam tamen suo loco examinabimus.

Resoluitur itaque, instante præcipue Cardinali à Sancta Zephyrino qui partis Capucinæ erat fautor præcipuus, ab illa





sex Cardinalium congregatione: Patres Capucinos ad propositam unionem non esse cogendos. Editaque à Pontifice nova Bulla cui Clementis VII. Bulla inferitur, qua referuntur primi Capucini de Superiorum licencia ab Observantibus ad Conuentuales se transtulisse; inter alia in fauorem Capucinorum decernitur nec Generalem Ordinis Conuentualium Magistrum, nec Ministrum Generalem Ordinis Minorum, vel etiam Prouinciales, ullam molestiam vel impedimentum posse inferre; nisi quod Generalis Magister Conuentualium, donec aliter ordinatum fuerit, possit illos personaliter visitare.

Nihilominus hoc eodem anno iterum Capucinis à Paulo III. Observantium receptio interdicitur. Quod anno sequenti 1537. denuo cauet; & non obstante R. Patris Bernardini Vicarij Generalis Capucinorum supplica, in sententia persistit. Quo item anno Fr. Matthæus Bassius Caputij acuminati Inuentor, eiusdem acumen deponit, & ad Observantium Obedientiam redit.

Anno 1538. Bernardinus Ochinus Capucinorum Generalis Vicarius eligitur, in quo officio (licet illud respicere visus sit) anno 1541. confirmatur. Sed hæreticus factus sequenti anno 1542. ordinem suum conatur inficere, eumque turpi Apostasia deserit anno 1542. ac in miserabiles angustias coniecit. Nam anno 1543. Paulus III. Pontifex Bernardini Ochini facto non tantum personæ ipsius, sed etiam Ordini offensus, cum Cardinalibus de Capucinorum ordine extinguendo cogitat; ac in eam rem omnes valde propendunt. Sed Cardinales Sancti Zepherini efficaci oratione, ac præcipuè Deo intus operante, animus Pontificis & Cardinalium mutatur. Vocatique Romam ad Pontificis palatium omnes Capucinorum Prouinciales, Pontificem primo duriores, postea beneuolius magis experiuntur. Quod hic Bouerius immiscet de allatis tot observantium habitibus ad Pontificij Palatij vestibulum; quorundam Pontifice vocati erant Prouinciales Capucinorum, idque sine ulla commissione, sed ex mero rumore quod vellet eos Pontifex ad Observantium Ordinem reducere, vix videtur in homines sanæ mentis cadere potuisse, adeoque est à ratione alienum, & per se incredibile; vt alia ratione ad illud reiiciendum opus non videatur.

R. Pa-

R. Pater Franciscus Aelius hoc eodem anno 1543. Capucinatorum Vicarius electus iubet fratrem Iohannem Hispanum de Metijmna campestri, de quo magnam sanctitatis opinionem habebat, à Deo in oratione petere; quem locum & gratiam apud ipsum Capucinatorum Religio sibi vindicaret, neque à precibus antea desistere, donec de hoc reuelationem obtineret. Vnde sequenti anno 1544. prefato fratri Iohanni de Metijmna variz reuelationes factz referuntur; inter quas ea precipue Obseruantes concernit quam de primatum Ordinis, & Capucinatorum à regimine Ministrorum Generalium exemptione accepisse perhibetur; quam alio in loco opportunius examinabimus.

Longum nimis foret sic per singulos annos singula referre; quz ad fratres Obseruantes eorumque Ordinem spectantia suis Annalibus Bouerius, interserit; prout ad annum 1545. num. 30. contendentibus in Concilio Tridentino de primatu Ordinis Magistro Generali Conuentualium, & Obseruantium Generali Ministro, de sigillo Ordinis Capucinatorum Congregationi dando à Patribus Concilij actum fuisse describit, quod tamen R. Pater Bernardinus Aletius præ humilitate reculauerit. Ad annum 1555. num. 3. & 4. narrat iterum ab æmulis tentatum esse sub Iulio III. Marcello, Paulo, Quarto Pontificibus Capucinos Obseruantibus subiicere. Idemque ad annum 1558. num. 3. insidiosè per quemdam Cardinalem, plurimum apud Paulum Quartum valentem, penè ad esse suum perductum, sed à Deo impeditum enarrat. Anno denique 1562. num. 8. refert fratrem Iacobum à Melfiæ antea inter Obseruantes Guardianum & Prouincialem, Regulz suæ obligationes ignorasse donec à Capucinis edoceretur. Et ita vbique vel minima datur occasio aliquid ad Obseruantium diminutionem referendi, non sine exaggeratione in historiam suam congerit; quæ, ne Lectoribus longior, quam ipsimet velim, efficiat, aut tædiosus fiam, hic non iudico inferenda. Sed sufficit intento meo hæc pauca historica ex ipsismet, præ maiori parte, Bonerij annalibus in compendium contraxisse; quæ dū ipsè mira verborum affluentia, plurimis suorum encomijs, Rethorico potius stylo, quam Historico, in magnos duorum tomorum montes conglomerat: cum Spiritu sancto teste: *In multiloquio uia possit deesse peccati*; Prov. 10. v. 19.

ansam hanc dedisse videtur antiquiori nostro Ordini tot eius  
vilitates sentiendi, ac tam partialem scriptionem resutan-  
di: ad quod seruiet resolutio sequentium questionum; quarū,  
an sacra Reuerendi Patris Zachariæ Bouerij historia sit semi-  
narium & occasio, quilibet æquus Lector ipsius, & inspector  
huius nostri Speculi poterit iudicare.

## Q V A E S T I O I.

*Quis nam sit verus Ordo Fratrum Minorum.*



**E** ipso Sacrorum annalium titulo questiones nostras  
ordinur, qui licet videri possit nemini præiudicia-  
bilis: tamen etiā hæc pauca tituli verba: *Histo-*  
*ria sacra, siue Annales Ordinis Fratrum Minorum*  
*sancti Francisci, qui Capacini huncupantur*: prout ab Aucto-  
re suo in progressu operis tractatur, & explicantur, sunt huius;  
& plurium sequentium questionum seminarium. Itaque im-  
primis suppono tanquam toti mundo notissimum, ex legen-  
da sancti Bonauenturæ de vita sancti Francisci, aliisque Ordini-  
nis nostri monumentis, atque Scriptoribus, Seraficum Patrem  
Franciscum salutis animarum zelatorem præcipuum, secundū  
typum trium materialium Ecclesiarum, quas diuino iussu re-  
pararat; tres Ordines, seu potius viuendi formulas aut Régu-  
las, videlicet Patrum Minorum, Pauperum Dominarum  
seu Clarissarum, & Pœnitentium instituisse, pro reparatione  
Ecclesiæ Christi, ad quam principalis Crucifixi dicentis: *Vade*  
*Francisce regara domum meam, qua, ut cernis, tota destruitur*:  
serebatur intentio; & pro omnium hominū salute, quam sicut  
ardentissime desiderabat, ita omnibus medijs sibi possibilibus,  
promouere nitebatur.

Dico tres Ordines vel potius viuendi formulas, &c. quia  
duo Ordines posteriores, videlicet Clarissarum & Pœnitentiū,  
à Santo viro non sunt instituti per modum Ordinum propriè  
dictorum, idest per modum Congregationum ex pluribus mē-  
bris inter se & sub vno capite vnitis, ex quibus totum aliquod  
corpus Politicum seu aierarchicum exurgeret; sed eatenus tā-

tum



tum eos Ordines consetur instituisse, quatenus instituit seu composuit Regulas, secundum quas possent plura Clarissarum monasteria, & plures Pœnitentium congregationes, Regulariter viuere: quæ (vtpote à se inuicem omnino independentes) non aliter constituunt vnum Ordinem, quamquod conueniant in eadem Regula, & vno modo viuendi, per Beatum Franciscum præscripto. Sic vt in rigore loquendo possint dici esse, de facto plures Ordines pauperum Clarissarum; itemque Pœnitentium: pro vt sunt plures Congregationes, quæ constituunt singulæ vnum corpus Religionis ex capite & membris compactum. Quia verò omnes istæ congregationes, vel monasteria, conueniunt in eadem substantiali professione eiusdem Regulæ, vulgariter dicuntur vnus Ordo, videlicet specie, propter eandem Regulam seu viuendi formulam quam profitentur. Et hoc sensu possent etiam institui, & esse plures Ordines fratrum Minorum, siue primæ Regulæ sancti Francisci, præsertim accedente beneplacito Summi Pontificis, & autoritate qua istiusmodi Congregationes approbarentur: quæ eadem ratione, propter Professionem eiusdem Regulæ, vnus Ordo Fratrum Minorum nominarentur. Quod si in ista æceptione vocis R. P. Bouerius suum institutum RR. PP. Capucinorum Ordinem Fratrum Minorum sancti Francisci vocare contentus fuisset: nemo, vt arbitror, ei vellet contradicere, vel nomen huiusmodi conaretur extorquere. Veruntamen Beatus Franciscus primum suum Ordinem alia quadam ratione instituit ad similitudinem Ecclesiæ Catholicæ quam instituit Christus tanquam corpus aliquod hierarchicum: ita vt Seraphicus Pater non solum Regulam diuinitus sibi inspiratam, tradiderit; sed iuxta eiusdem Regulæ tenorem Congregationem quandam, quam & fraternitatem nominat, per modum perfectæ cuiusdam communitatis & corporis hierarchici fundauerit; in quo talis esset omnium membrorum inter se vnio, vt non solum vno in loco & monasterio Fratres particulares suis Guardianis seu Custodibus subordinarentur; sed insuper Guardiani, eorumque conuentus, subderentur Ministris Prouincialibus; Ministri Prouinciales, cum suis prouincijs, Generali Ministro, tanquam primario totius Ordinis capiti subijcerentur. Huius Ordinis ipse sanctus Patriarcha sicut fundator, ita primum caput seu Minister Generalis exiit: ac de



eo pluribus vicibus promissionem à Christo sibi factam accipit, quod sacra hæc Religio ad ultimum vsque Iudicii diem persequeretur esset, vt habet R. P. Vvaddingus ad annum Christi 1213. num. 36 & latissime & doctè deducit R. Adm. P. Angelus de sancto Francisco. In Sacramento priuilegiarum sancto Francisco concessorum. vide eandem quod proculdubio non de Regula est modo viuendi; sed de communitate ab ipso tanquam capite inchoata sub eius successoribus tanquam eadem moraliter, continuanda debet intelligi.

De Ordine hoc sensu intellecto mouetur questio à R. Patre Bouerio in multis suorum annalium locis, non Fratribus Regi Obseruantiz, qui supponunt se hactenus semper pro Fratribus Ordinis Minorum habitos in eadem legitima possessione permanere. Nam sicut titulus & nomen Fratrum Minorum semper & vbique sibi vendicauit sacra Religio Regularis Obseruantiz: ita & rem ipsam hæreditario iure censenda est possidere; utpote quæ ab ipso Beâtissimo Patre Francisco per legitimam successionem, & lineam numquam interruptam descendit, absque vlla vnquam separatione à corpore Ordinis, & Obedientia Prælatorum eius, verorum sancti Francisci successorum. Supposito enim imprimis, quod corpus Ordinis numquam defecerit (quod necessario supponendum videtur, nisi promissiones Christi Beato Francisco factas in dubium reuocare velimus) pro vt numquam defecisse clarissime ostendit & deducit R. Pater Petrus Marchant super prouincias Germaniz, Belgij, &c. Commissarius Generalis in sua expositione Regulæ ad cap. 8. titulo 2. quest. 8. nam totum corpus Ordinis sicut Regulam in sua puritate seruit; ita nunquam in eodem defecerunt qui suæ professioni satisfacerent, ac Regulam purè, & ad litteram Obseruarent, imo pro ipsius Obseruantia zelarent; ipsi præsertim Generales Ministri quos pro vera Obseruantia sæper stetisse in elucidatione nostra Historica iam ante diximus, & Præfatus R. P. Marchant loco cit. probat, & ad longum declarat.

Hac, inquam, Ordinis Fratrum Minorum perpetuitate, supposita, atque eius perduratione vsque ad annum Christi 1517. demonstrata; quis non clarè videat tam Ordinis, quam Ministrorum Generalium, aliorumque successionem in Ordine Obseruantium continuatam fuisse? id enim satis expressè declarauit Leo X. in sua Bulla quæ incipit: *Ita & vos in v-*

*neam meam.* In qua, postquam dixisset Sateam Fratrum Minorum Religionem esse velut propriam Celestis Patris vineam, ad quam excolendam nullo vnquam tempore omisisset viros Sanctos, tanquam eius cultores, transmittere: tandem statuit ad sopiendas omnes dissentiones in ea ortas ex Prælatorum diuersitate, ac plurium Fratrum vita non reformatâ; vt ex omnibus qui Regulam Sancti Francisci purè & simpliciter obseruare volebant, siue Obseruantes de familia, siue Reformati sub Ministris, Amadzi, Coletani, Clarenî, vel alio quouis nomine nuncuparentur, vnum corpus Ordinis fieret, eisdemque sua autoritate ad se inuicem in perpetuum vniuit, & voluit sic vnitos, omisâ diuersitate nominum prædictorum, Fratres Minores Sancti Francisci Regularis Obseruantia, vel simul, vel disiunctiue de cætero nuncupari. Decreuit insuper vt eligerent ex corpore sic vnito vnum Ministrum Generalem, quem & *Ministrum Generalem totius Ordinis* nominauit, qui cum potestate plenaria omnibus præset, & cui omnes ac singuli tenerentur, in omnibus quæ non sunt contra Deum, animam suam, & Regulam, obedire. Cæteros vero Patres & Fratres, qui nolebant Regulam sancti Francisci purè & ad litteram obseruare, à corpore Ordinis sic vnito sequestrauit in aliud corpus Religionis sub nomine Fratrum Minorum Conuentualium, quod a Magistris Generalibus & Prouincialibus regeretur. Adiudicato sigillo Ordinis Generali Ministro Ordinis Obseruantium tanquam legitimo B. Francisci Successori. En verum Ordinem Fratrum Minorum, quem Sedes Apostolica anno iſto 1517. iſto actu vt talem manifestissime declarauit. Sed ne vel minimum alicui dubium relinqueretur, Idem Leo X. adhuc clarius & expressius alia sua Bulla quæ incipit: *licet alias* data eodem anno 1517. 6. Decembris eandem rem determinauit dicens: *Quod ipsi Fratres de Obseruantia, & Reformati, veri & indubitati Fratres Ordinis Beati Francisci, & eius Regula Obseruatores semper fuerint, ac diuina fauente gratia sint futuri, sine aliqua interruptione, seu diuisione à tempore, seu edita Regule per Beatum Franciscum usque ad præsens, ac sub ipsius Beati Francisci Regula militauerint, & etiam ad præsens militent; sicque eos in omnibus teneri teneri & obseruari, ac dici debere, decernimus ac mandamus.*

Nihilominus in re tam manifesta audet R. Pater Bousier

sibi suisque non tantum titulum & nomen Ordinis Fratrum Minorum eadem ratione & verbi proprietate arrogare, verum etiam præsumit ab eodem Fratres Minores Regularis Observantia excludere. Quod ne gratis dixisse videar: attendantur eius verba quibus vtitur dum videri vult Ordinis Fratrum Minorum historiam contexere: siquidem in apparatu num. 68. hæc verba habet: *Cum neque nova Religio, neque nova Ordinis forma simul cum Capucinatorum institutione in Ecclesia ceperit: sed antiquus tantummodo Ordo, olim à Beato Francisco institutus, novam dumtaxat ex Regularis Observantia restitutione formam adeptus fuerit: quid alio inter homines Institutore aut Parente opus est? &c.* Quibus verbis quid aliud significat, quam antiquum Ordinem deperdita Regularis Observantia forma, in ista Reformatione Capucinatorum fuisse renouatum & continuatum? Idque non obscurè antea, symbolo lapilli Danielis, cui suam Reformationem comparat, indicauerat: ait enim in eodem apparatu num. 48. *Reformationem Capucinatorum instar lapilli Danielis non hominum manibus aut humana prudentia à prioris Religionis monte abscissam; sed divina prorsus virtute dissectam & elaboratam in vastum Zeraphica Religionis montem excreuisse.* Idque (vt arbitror eum voluisse dicere) propter ruinam antiquioris Ordinis, qui iam ex toto (vt sæpius inculcat) à Regulari Observantia descecerat. Hoc siquidem Pharmacum in suo Apparatu num. 31. Ordini Fratrum Minorum desperata (secundum ipsum) infinitate laboranti, præparauerat. Cum in eo, inquit, Regularis Observantia morbos interdum grassari aduertunt, quibus curandis, quandoquidem communia pharmaca non sufficiunt: vel Generalis purgatio toti corpori indicitur, vel sanior membrorum pars à pereunte corpore seiuncta, in nouum corpus assurgit. Conferantur nunc ista cum ante dictis de lapillo à prioris corporis monte dissecto, & in montem Zeraphicæ Religionis excrecente; & de noua Reg. Observantia forma in antiquo ordine restituta: & clare videbitur quo tendat ille Auctor: eò nimirum vt labenti vel collapsæ iam Fratrum Observantium Ordini suam Reformationem substituât (quod non semel claris & distinctis terminis exprimit, vt in progressu patebit) & sic verum ex Patribus Capucinis corpus Ordinis Fratrum Minorum constituat, cuius historiam se velle describere profitetur.



Solidior tamen est Fratrum Observantium tam diuturna, & legitima possessio, quam ut huiusmodi, adeo parum, fundatis prætensionibus cedere debeat; quæ quæ exiguo iure nitantur, detegendo in sequentibus falsas R. Patris Bouverij suppositiones, & soluendo debiles eius obiectiones, luce clarius apparebit. Pro nunc sufficiet ostendisse continuatam, usque ad hæc nostra tempora Fratrum Observantium possessionem ex decreto Eminentissimorum Dominorum Cardinalium Sacre Congregationis Rituum à paucis annis desuper edito, cuius tenor sequitur.

Cum Procurator Generalis Fratrum Minorum Conventualium sancti Francisci sex ab hinc annis agere ferret Ministrum Generalem de Observantia in præteritum usum fuisse, & in præsentiarum uti titulo & sigillo cum inscriptione Ministri Generalis totius Ordinis Fratrum Minorum; recursum habuit ad Sanctissimum, supplicans mandari reformari huiusmodi titulum, tanquam non legitime dicto Ministro Generali de Observantia competentem. Et supplicatione per Sanctissimum ad hanc Sacram Rituum Congregationem remissa; Eadem Sacra Congregatio discussionem huius negotij ad referendum usque de anno M. DC. XXV. commisit Eminentissimo & Reuerendissimo Domino Cardinali Muto: coram quo firmato dubio de consensu ambarum partium, an titulus Ministri Generalis totius Ordinis Fratrum Minorum, quo insignitur Minister Generalis Observantium, sit reformandus; utraque parte sæpè sæpius in facto & Iure desuper informante, & audita; ad relationem eiusdem Eminentissimi Cardinalis Muti, causa accuratè in plena congregatione discussa; Sacra Rituum Congregatio respondit: nihil innovandum, & Ministrum Generalem de Observantia legitime usum fuisse, & uti posse titulo & sigillo cum inscriptione Ministri Generalis totius ordinis Fratrum Minorum: & ita servari mandavit anno M. DC. XXXI. erat signatum.

C. Episcopus Portuen. Card Pino.

T. Tigrinius Episc. Afsisien. Secret.

Ex quo decreto patet Ministrum Generalem Observantium usque ad annum 1631. habitum fuisse pro vero Ministro Generali totius Ordinis Fratrum Minorum, ac consequenter pro legitimo sancti Francisci successore. Unde meo iudicio  
mani-



manifestè sequitur Ordinem Observantium ; cuius ipse erat Minister & Caput, fuisse tunc, & deinceps mansisse, verum corpus Ordinis Fratrum Minorum,

## Q V A E S T I O I I.

*Quisnam propriè dicendus sit ordo sancti Francisci?*



**Q**V A E S T I O hæc sicut ferè ex toto cum præcedenti coincidit, ita secundum distinctiones ibi factas, ex ipsdem principijs non tam resoluenda, quam resoluta est. Nimirum tam Religionem RR. PP. Capucinatorum, quam Observantium vocari posse Ordinem sancti Francisci, tanquam fundatoris, si fundator accipitur pro eo qui Regulam, seu viuendi formulam instituit quam Ordo profitetur & obseruat. Si vero Ordo, eiusque fundator strictius accipitur, pro Institutore seu Auctore vnus certi ac determinati corporis hierarchici, quod ab ipso tanquam fundatore per legitimos eius successores sine interruptione vlla vel diuisione descendit: sic soli Fratres Minores speciali iure titulum Ordinis Fratrum Minorum, & sancti Francisci, tanquam Institutoris ac fundatoris strictè dicti, possident; à quo in ratione vnus ac eiusdem moraliter Religionis originem trahunt.

Sed hæc resolutio non satisfacit R. Patri Bouerio; qui, vt possit Beatum Patrem Franciscum sui instituti Capucinatorum etiam quatenus est quædam Congregatio, & corpus Ordinis auctorem, & fundatorem facere, omnibus vijs ac medijs nititur quoscumque alios huius Reformationis auctores ab eo titulo excludere. Cuius proinde allegationes hac quæstione examinandæ sunt.

In apparatu itaque suorum annalium num. 52. ita scribit: *Si huius Reformationis Capucinatorum, de qua nobis res est, genus & parentes inquirimus: Matthæum de Bassio primum in ipso libello offendimus, in Minorum Ordine, qui de obseruantia vocatur conscriptum: virum, et si omni virtutum laude præclarum, (vt ipsius vita & gesta testantur) adeo tamen vnus diuini re-*

eti ( nescio an verbi dicere voluerit ) *predicationis officio ad-*  
*dictum, quod quamquam diuino spiritu afflatus, ac celesti visio-*  
*ne impulsus, antiquam habitus formam à Beato Francisco olim*  
*insultatam, deinde temporum iniuria delapsam, sibi ex sedis Apo-*  
*stolicæ indulgentia vendicauerit: eam tamen nec alijs communi-*  
*candum accepiſſe; neque vllam ex ea ordinis Reformationem, ne*  
*quidem mente pertractaſſe, &c. Et paucis interiecit. Nam*  
*inter ipsa reformationis initia, à puſſillo Capucinorum grege, qui*  
*ad vigeſimum, vel paulò ampliorem vſque numerum exceuerat,*  
*Generalis Paſtor ad gregis cuſtodiam electus, vix ad ſecundum*  
*& tertium menſem peruenit: cum ea poteſtate abſcisa, ſimulque*  
*paulò poſt exutus Capucini habitus forma, ad priorem & obſer-*  
*uantia nuncupata Religionis obedientiam redijt.*

Num: ſequenti ſubiungit: poſt *Matthæum, Ludouicum Fo-*  
*roſempronianum ſimul cum Raphaële vterino eius fratre obuios*  
*habemus, &c. Quos licet agnoſcat à Clemente VII. obtinuiſ-*  
*ſe facultatem portandi formam habitus à Matthæo primitus*  
*aſſumptâ, & alijs communicandi, addit tamen, conſilium &*  
*prudentiam eis deſuiſſe qua id perſicerent, quo ſciebat vt animo ſu-*  
*ſpenſi, & quid ſicum mente agitarent, aut qua pergerent, igno-*  
*vantes Italiam vagando circumirent.*

Ex quo num. 56. iſtius Reformationis initia comparat cum  
 initijs Eccleſiæ ad quam Deus primò piſcatores, & alios abie-  
 ctos homines vocauit. Et nescio qua ratione num. 57. infe-  
 rat Reformationem iſtam eſſe prolem propemodum miraculo-  
 ſam, abſque Parente progenitam: *Forcondiſſimamque virorū*  
*ſobolem, quæ, nullum, à quo ſata ſit, Auctorem agnoſcat. Nam,*  
*inquit num. 58. quæ haſtenus de Matthæi de Baſilio & Ludouicō*  
*Foroſemproniani, à quibus Capucinorum origo ducta eſſe cenſe-*  
*tur, reformationis commemorauimus, adeo illius propagationi ac-*  
*cidentaliter ſunt; vt nequidquam ad eam pertinere viſeantur. Id-*  
*que quia ( vt iterum repetit ) Matthæus non acceperat ha-*  
*bitus Capucinorum formam alijs tradendam, neque vllam*  
*nouæ Reformationis institutionem animo agitauerat; qua ſa-*  
*nò, inquit, ad Reformationis: Auctorem conſtituendum neceſſaria*  
*videntur. Quafi non poſſet aliquis eſſe Pater alicuius niſi in-*  
*tenderet prolem gignere, vel Auctor alicuius Congregationis*  
*niſi ipſemet impetraret poteſtatem communicandi formam*  
*habitūs, & intenderet inſtituere nouam Reformationem, at-*  
 que

que postea semper in ista Reformatione permaneret. Ludouicus vero Parentis ac Institutoris Capucinorum titule frui minime valet (secundum ipsum num. 59.) Quia Matthæi exemplo permotus ad restitutam Franciscani habitus formam posterior accessit: quo fit, ut nec primus Religionis habitus restitutor fuerit, neque ab eo Capucinorum Religio prima Reformationis exordiaulerit.

Vtar hic verbis Bouerij num. 60. *En quale paradozum, obscuro planè ænigmati inuolutum: En ordinem sine Parente genitum, absque propagatore diffusum, ac velut alterum Melchisedech sine Patre, sine Matre, sine genealogia admirabilem!* quis ad tanta mysteria non obstupeat, & hoc verborum pondere pressus non obmutescet? conemur tamen verbis magis quam rebus inuoluta ænigmata soluere. Si & mihi liceat interrogare vnum verbum, rogarem Patrem hæc ænigmata proponentem, an Capucinorum Religio ante Ludouicum Forosempronianum iacta habuerit à Matthæo Bassio fundamenta, vel non habuerit? si habuerit respondeo ad ænigma Matthæum Bassium qui ea iecerat fundatorem agnosci & haberi debere: qualem videtur ipsemet Bouerius, sui oblitus, postea agnouisse ad annum 1552. num. 25. rationem describendæ vitæ illius allegans quod antiqua Beati Francisci habitus forma restituta, prima Capucina Religionis fundamenta iecerit. Et licet ibidem minus Auctorem ac Institutorem dicat agnouisse; addit tamen, quod Patrem semper agnouerit, quasi minus foret Patrem agnoscere, quam Auctorem & Institutorem; & is qui vere totius Congregationis pater sit, & prima fundamenta iecit, non item Auctor, Institutor, ac fundator dici debeat: quid enim ad fundatorem requiritur quam iacere fundamenta?

Si non fuerint antea posita fundamenta; cur eum, qui, licet alieno exemplo, cum debita tamen potestate ea iecit, facilitate nimirum à Sede Apostolica impetrata ut non tam ipse deferre quam alijs impertiri possit Religionis habitum: plurima quoque pro reformatione primis illis turbulentissimis temporibus fortiter ac præclare gessit, ut loquitur Bouerius in apparatu num. 59. Ludonicum, inquam, Forosempronianum titulo ac nomine, non fundatoris tantum, sed & Propagatoris expoliatur? certe ad annum 1528. num. 22. hæc verba habet Bouerius: *qui scilicet Ludouicus) optata tandem Bulla positus, qua & quadratum*



33

*tum caputium, & antiquum Beati Francisci habitum deferre, & Reformationis Familiam propagare, & congregationem instituere datum fuit.*

Huic ergo quid defuit quo minus fundator & institutor dici potuerit? nisi forte fundamenta Congregationis ab alio antea legitime iacta fuerint. Si enim iacta non fuerint, necessario admittendum est, Ludouicum ea iecisse, Capucinatorum Congregationem instituisse: adeoque Fundatorem, Institutorem, & Auctorem vocari debere. Prasertim cum subiungat praeallatis verbis Bouerius: *ex qua (videlicet autoritate Apostolica Ludouico concessa) Capucinorum Religio hoc anno 1528. & hac die, qua decima tertia Iulij fuit, Deo bene aspirante sua felicissima tulit auspicia.* Quo auspice Boueri nisi illo cui, congregationem instituere Apostolica auctoritate datum fuit?

Sed inquit Bouerius, tanti nominis gloriam posteriori macula labefactauit. Quid inde? an si quis omnia fecerit, non solum accidentalialia, verum etiam substantialia, ad institutionem & propagationem alicuius Religionis requisita, postmodum autem fiat Apostata, & Ordinem à se institutum impugnet; ob hoc illius Pater, aut Institutor non fuerit, aut esse desinet? An propterea talis filius tanquam nouus Melchisedech sine Patre, sine Matre, sine genealogia, quasi miraculo diuino in orbem introducendus est? Si ita philosophari libet, habebimus domos infantium exposititiorum huiusmodi Melchisedechis repletas.

Esto igitur Reformationem deseruerit licite Fr. Matthaeus de Bassio, si eam verè fundauit (pro vt habitus forinam sapius pro eius fundamento agnoscit Bouerius) quare fundatoris gloria priuatur? Si eam deseruerit illicite Fr. Ludouicus Poroslemproniano inanis gloriae statu dispersus, atque ob tumorem animi à Religione pulsus, ad Eremiticam vitam se contulerit; an ideo quod factum erat insectum fieri potuit? & qui fundamenta iecerat, vel saltem opus propagauerat, verè non eius fundator vel Propagator? Vnde salua pace, rem non satis profundè intuitus videtur ipsemet Bouerius, dum in apparatu suo num. 59. ex ante dictis infert quod *Matthaeus & Ludouicus suo facto tenellae Capucinatorum reformationi renebras potius, quam lucem effuderint: eamque in ipso ortu potius ad sepulchrum rapere, quam in vitam vendicare visi fuerint.* In

E

quo



quo veritatem non est assecutus: nam licet posteriora facta præsertim Ludouici, in Reformationis detrimentum cedere non diffitear; priora tamen tam Matthæi quam Ludouici facta potuerunt esse vera facta fundatoris, & Propagatoris: adeoque ut tales non obstantibus posterioribus, agnoscendi sunt. Sicut Pater qui filium à se genitum postea desereret, vel male tractaret, ageretque alia Patre indigna, vere nihilominus pater fuisse & esse ab omnibus agnoscitur.

Neque maioris momenti ratio est quam occasione lapsus Bernardini Ochini anno 1543. num. 43. contra titulum Matthæi Bassij allegat, tanquam Perspicuam; eumque à re & nomine Auctoris, & Fundatoris excludit: eo quod iam fundata atque instituta religione, ad Generalatus officium fratrum electione, assumptus fuerit. Quod utique secundum Bouerium, ipso foundationis iure sibi vendicasset, si fundator fuisset. Ludouicum vero Forosempronianum, à Generalium albo, ac multo magis à Fundatoris nomine expellit, quod nulla unquam Capituli conuocatione, aut Fratrum suffragijs ad Generalis munus, Apostolica dumtaxat autoritate Ordinem moderandum suscepit.

Quis hic non suspicetur pro ratione esse voluntatem, quæ rique prætextum, dum propter factam electionem ad Generalatum vnus à titulo auctoris excluditur, alter rejicitur propter non factam? Quare enim non posset esse fundator Ordinis, qui nolit, aut non possit eum regere? cum & S. Franciscus se à Regimine excusauerit? Aut quare is eni de iure cõpetebat non posset pro maiori autoritate velle insuper accedere electionem ad Generalatum? denique cur is qui Apostolica autoritate fundasset, non posset eadem autoritate Ordinis à se fundati Generalis institui?

Facessant itaque mirecula Religionis sine Parente, sine Propagatore genitæ, quæ num. 60. & sequentibus. plus satis, exaggerantur: talibus enim miraculis Deus non indiget, Cui tam gloria detur, qui sicut vsus est Piscatoribus, hominibus abiectis, & secundum mundum inidoneis ad fundandam & propagandam Ecclesiam: ita humili, & secundum hominem abiecto, vsus est Francisco ad fundandum Ordinem Fratrum Minorum; à quo (Deo sine dubio cooperante) manibus fratrum Matthæi de Bassio & Ludouici Forosempronienſi abscis-

sa est Religio RR. PP. Capucinatorum ; tanto mirabilius quod ille instabilis, hic superbia, & ambitione inflatus Religioacm ad se inchoatam & propagatam deseruerunt. Neque opus est pro hac Dei gloria amplificanda asserere, quod in eodem apparatu num. 69. habetur : *Nemo in hominum genere hanc ordinatissimam huius Religionis institutionem sibi adscribere, atque ipsius Auctor appellari possit.* Nam licet opus sit fateri eam per R. Patrem Bouerium, *sibi de caelo parentem quaesivisse* (quia non erat ipse contentus ijs quos Deo disponente, habebat in terris.) Non tamen secundam veritatem fateri possumus, minus debemus ; *Deum in primis, ac tum Franciscum, cuius agenus est & propago, Auctorem & Institutorem habuisse*, ad exclusionem auctorum & Institutorum, quibus Deus ordinario suo modo agendi uti solet. Dato tamen gratiosè quod Deum & beatum Franciscum hac Reformatio speciali modo Patres habuerit ; quo iure ob id proles ista nomine Melchisedech baptizaretur ? quæ dici non potest sine Patre introduci, utpote quem in cælo quaesitum (nescio an antequam nasceretur) ibidem inuenisset.

Aequè parum fundatus apparet Bouerius in ea, quam circa finem sui apparatus habet, conclusione : *quod cum ita sit planè frustra aliqui præter Franciscum communem Patrem, alium Capucinatorum Ordinis institutorem ac parentem inquirent ; Qui enim olim totius Ordinis Minorum auctor fuit, is est qui totæ Religionis de cælo præsidet, qui res Ordinis curat, qui Regularem Observantiam tuetur ; & sicuti eam collapsam videt, novam prolem excitat, reformationes gignit. Qui denique Religionis à se ab initio instituta ita se parentem gerit, ut neminem hactenus hoc nomine gloriari permiserit. Quod cum ex prioris Patrum de Observantia tum maxime ex huius posterioris reformationis exemplo licet colligere, in quibus & institutoris, & parentis nomen perpetuo siluit.* Adeo ubique Luculentus in verbis suis & elegans est R. Pater Bouerius ut rem non profundius inspicienti mira dicere videatur ; an autem vera, examinari meretur. *Frustra*, inquit, *alii qui præter Franciscum communem Patrem aliam Capucinatorum Ordinis Institutorem & parentem inquirent.* Id quod videtur probare : quia sanctus Franciscus neminem hactenus hoc nomini gloriari permiserit, & in reformatione Observantium & maxime Capucinatorum, institutoris & parentis nomen per-

petuò siluit. Oporteret scire vbi de reformationibus istis Beatus Franciscus locutus fuerit. vt ex taciturnitate Auctorum, vel apparens aliquod argumentum ab auctoritate negatiua, possit formari.

Ob hoc forte reformat propositionem num. 70. & vltimo sui apparatus: *neque Matthæo, neque Ludouico, neque alicui hominum id negotium reformandi commissum fuit, sed B. Franciscus vt se reformatorem ostenderet, non semel Capucinorum habitu indutus apparuit.* Satis hic video verba multiplicari, sub quibus, licet quæram, vix vllam substantiam inuenio. Si enim non, commisit Beatus Franciscus Matthæo, vel Ludouico istud negotium; quo iure, non agnitis, imò, & renitentibus Superioribus illud per media adeo extraordinaria contra omnem iuris Ordinem aggressi sunt? & quomodo per ipsos Beatus Franciscus dici potest hanc Reformationem instituisse? Suppono enim tamquam omnibus indubitatum Beatum Patrem nostrum pro hac reformatione instituenda in terris visum, & cum hominibus humano modo conuersatum non esse.

Concedo interim frustra inquirialium propriè dictum Ordinis totius Fratrum Minorum Patrem & Institutorem: post Christum enim nemo alius fuit, adeoque nec inueniri potest. Sed oportet distinguere totum Ordinem à singulis suis partibus, & reformationibus: & præsertim à tali reformatione, quæ à prioris Ordinis corpore abscissam, dissectam, & separatam se gloriatur. Quia distinctione supposita, puto nec Bouerium, nec vllum alium velle asserere Beatum Patrem nostrum Franciscum potiori iure esse Patrem & Institutorem Ordinis Fratrum Minorum, quam Christus sit totius Ecclesiæ: constat enim quod gradu multo inferiori. Quo tamen non obstante, sine vilo Saluatoris nostri præiudicio Beatus Paulus Apostolus 1. Cor. 4. v. 15. dicit: *nam si decem millia Pedagogorum habeatis in Christo, sed non multos Patres. Nam in Christo Iesu per Euangelium ego vos genui &c.* Sine eiusdem præiudicio de sancto Ioanne Apostolo, & Euangelista scribit Beatus Hieronymus in libro de Scriptoris Ecclesiasticis, *totas Asia fundauit, rexitque Ecclesias.* Denique (vt plura sileam) nos omnes cum Bouerio sine Christi Domini præiudicio quotidie Beatum Franciscum patrem ac fundatorem Ordinis nostri, sicut alios Sanctus aliorum Ordinum fundatores nominamus; qui tamē

Ordi-



Ordines sunt particularia & excellentiora membra Ecclesię à Christo Domino principaliter genita & instituta. Satis enim constat Christum Dominum non ita immediatè omnes filios ad vitam spiritualem genuisse, vel etiam particulares Ecclesias instituisse; quin & rem & nomen Patris ac Fundatoris Apostolis & Apostolicis viris à se genitis communicauerit. Provt primi totius humani generis parentes suis posteris fecunditatem respectu particularium non tantum personarum, sed & integrarum nationum, communicarunt, & patris nomen non inuiderunt. Vnde & Beatus Franciscus fratri Cæsario de Spira non inuidit, quod Cæsarenis, licet non propriè, sed exemplo solo per ipsum institutis; fratri Amadæo, quod Amadæorum reformationi, quin nec Beatę Coletę, quod Fratribus suis Coletanis, nomen daret.

Quare ergo tam scrupolosus est Bouerius in aliquo Patre, Fundatore, Institutore respectu particularis reformationis admittendo, quam vel ipso teste constat non ab initio Ordinis Fratrum Minorum, sed post trina circiter secula incepisse, cum turpe sit filijs, & ingratitude nota non careat, parentes etsi pauperes vel minus honoratos non agnoscere. Suspectum quoque & longe nimis quæsitum videatur velle Cælitibus immediatè genitum videri. Viua siquidem imago & per omnia similis Christo Franciscus, eo modo filios & patres familias generat in Ordine quo Christus Dominus Christianos & Ecclesias particulares producit: vtique per Apostolos & legitimos eorum successores. Et qui alio modo se à Christo genitum vel congregationem aliquam aliter institutam obtruderet, meritò suspectus haberetur.

Dicent forte Patres Capucini Regulam suam non à Matthæo de Bassio vel, vel Ludouico Porosempsoniano, sed à Beato Francisco conscriptam & traditam esse, hoc fateor, & ex ea parte eos Beati Patris nostri Francisci filios, ac fratres nostros agnosco & diligo, pro vt à Paulo V. Urbano Octauo & Concilio Tridentino, Fratres Ordinis Minorum, filij sancti Francisci agniti & vocati sunt. Sed licet Norbertini & alij plerique Ordines Regulam à Beato Augustino compositam susceperint; non ob hoc sanctum Norbertum à Fundatorum titulo excludunt.



Cur ergo hic ita laboratur vt Matthæus & Ludouicus pro  
 Auditoribus & Institutioribus Congregationis Capucinatorum  
 non agnoscantur? Præsertim cum ipse Bouerius demonstra-  
 tione decima de vera forma habitus sancti Francisci num. 10.  
 dicat, quod eatenus; *Capucinatorum ordo legitimam successionis  
 lineam sibi ab exordio vindicauerit: quatenus ab ijs sue propaga-  
 tionis originem sumpsit, qui inter beati Patris Francisci filios re-  
 gula professione computati, legitima ad sobolem propagandam au-  
 thoritate fulciebantur.* Qui vtique non sunt alij quam Mat-  
 thæus & Ludouicus. Videtur hic oblitus sui Melchisedech  
 Bouerius; sed congruè nomen minus congruum in apparatu  
 tanquam in Baptismo impositum postmodum in confirmatio-  
 ne mutatur.

Fatetur in eadem demonstratione num. 8. idem Bouerius  
 ( quæ vis est veritatis vt etiam nolenti excidat ) *Quod Capuci-  
 norum congregatio, quatenus Religionis corpus est, à conuentualium  
 & Obseruantium corporibus distinctum* ( prout in hac materia  
 considerari debet ) *tempore S. Francisci instituta non fuerit;*  
 & hoc bene; sed malè, & non sine Obseruantium iniuria, ad-  
 dit: *Quemadmodum nec ipsè Patrem Obseruantium Ordo qui  
 Beato Francisco posterior fuit.* Sicut enim biè conuentualium  
 Ordine, qui primus à Beato Francisco institutus fuit, per refor-  
 mationem postea, velut rami emergere; ita & Capucini ex obser-  
 uantium familia. Itaque bonus hic Author fuci facit ignotantibus;  
 dum veritatem dissimulat & obscurat, ne dicam euertit; aut  
 sanè rem vti se habet non intellexit. Esset ne aliquis qui di-  
 cere audeat Conuentualium Ordinem, pro vt ille distinctum  
 ab Ordine Obseruantium corpus constituit, videlicet quate-  
 nus importat corpus Ordinis, quod non proficetur Regulam  
 sancti Francisci nisi modificatam priuilegijs contra altissimam  
 paupertatem; quod redditus annuos, & bona immobilia pos-  
 sedat; quod per Magistros Generales & Prouinciales guber-  
 natur, esse à Beato Francisco institutum? Hoc sine blasphemia  
 vix arbitror posse affirmari. In ea tamen ratione considerari  
 debet vt spectetur tanquam corpus Ordinis ab Obseruantibus  
 distinctum: nam si conuentuales prout erant ante separatio-  
 nem suam à Leone Decimo, sic non constituebant distinctum  
 corpus Ordinis; sed aliud membrum à familia Obseruantium  
 sub eodem capite cum illa vnitum, nec professione distinctum.

Si co-

Si cogitasset ergo Bouerius, & maturius expendisset verba Leonis Decimi in bulla; *Licet alius à nobis precedenti quaestione*, & ipsomet in eadem demonstratione 10. num. 12. citata: *Quod ipsi fratres de obseruantia, & reformati veri & indubitati fratres ordinis sancti Francisci semper fuerunt sine aliqua interruptione seu diuisione*, a tempore edita *Regula sub ipsius Beati Francisci Regula militauerunt*, & etiam ad praesens militent. Non puto quod aulus fuisset asserere Ordinem Obseruantium à Conuentualium Ordine (prout nunc intelligitur & vocatur) emeruisse, neque suam reformationem, vt existimo, in hoc eum reformatione Obseruantium comparasset: est enim disparitas nimis manifesta. Nam Obseruantes quidem in antiquo Ordine sub legitimorum Superiorum Obedientia inceperunt; & continuo perseverarunt, nobilioremque eius partem constituerunt; donec Conuentualibus ab Ordine separari malentibus quàm Regulam obseruare in sua puritate iuxta professionem; dicti Obseruantes totum Ordinis corpus auctoritate Pontificia constituerunt. At valde diuerso modoprimum Capucinae reformationis Authores, vel à quibus illa reformatio sua propagationis originem sumpsit (quocumque eos nomine vocari malit Bouerius) opus illud aggressi sunt: constat enim, ex relatione ipsiusmet Bouerij, eos à principio sese à corpore Ordinis segregasse, ac Conuentualibus iunxisse, antequam aliam Religionem, à prioris Ordinis monte dissectam, instituerint. Itaque non potuit R. P. Bouerius, salua veritate, asserere, *Patres Capucinos sine aliqua interruptione seu diuisione à tempore edita Regula sub Beati Francisci Regula militasse*, quandoquidem vt ipse fatetur, ab Ordine Obseruantium, qui tunc indubie erat corpus Ordinis sese diuiserint. Nos autem sustinemus vt clarum ac certissimum, quod à tempore institutæ Regulæ per Beatum Franciscum, idem Obseruantium Ordo fuerit, & in Obseruantium reformatione conseruatus continua serie perdurauerit, & vsque ad praesens perseueret. Sicut corpus infantis geniti censetur idem postquam excreuerit, & post centum annos si tamdiu vixerit; licet humidum radicale & membra partialiter mutentur; nutrantur, infirmantur, saeuantur, &c. Non verò si de costa vel alia parte dissecta Deus aliud corpus fabricaret. Quis enim Aeuam dixisset habere idem corpus hominis cum Adam?

Ne tamen congregatio Capucinatorum in hoc puncto Ordini Observantium cedere, imò ne illum non præcedere debeat: vertit se in omnem partem Bouverius vultque per fas & nefas suum Capucinatorum corpus eadem ratione à Beato Francisco eiusque ordine continuata successione descendere: quia inquit demonstratione decima sæpe citata num. 141. facile colligimus ex verbis Leonis X. relatis de Observantibus, *Fratrum Minorum successionem de qua disceptatur, non à personis, aut temporum antiquitate ac prioritate; sed à Regulae Observantia petendam esse*. Idemque sæpius repetit & inculcat numeris sequentibus, tanquam argumentum irrefragabile. Verùm, quam sit illud commentitium & malè fundatum vel ex eo patet, quod eodemmodo hæretici, non curando Episcoporum successionem, & Ecclesiasticarum Personarum continuam unionem; ex fide, quam prætendunt se eandem cum Christo & Apostolis habere, velint se verum Ecclesiæ Christi corpus constituere. Quia tamen ista comparatio odiosa videri posset, & supponuntur hæretici à vera fide desecisse; quæ tamen ex continua successione Episcoporum & traditione non modicè in Sancta Ecclesia probatur. Ponamus aliquem Ordini Sancti Francisci omnino extraneum, nemine Superiorum agnito, sed permittente solo Pontifice, assumere habitum & Regulam Sancti Francisci; Socios congregare, corpus aliquod Religionis constituere. An talis congregatio legitimam successionem habeat à Beato Francisco eiusque Ordine? tale corpus à Beato Francisco institutum? tales fratres *veri & indubitati Fratres Ordinis Sancti Francisci semper fuisse, sine aliqua interruptione, & divisione censendi sunt*? credo nec Bouverium hoc admissurum; debet tamen supposito suo fundamento, quod à *Regula Observantia* (quam supponimus eos habere) *successio petenda sit*. Fatemur ergo sine Regulae Observantia, sine qua corpus religionis mortuum esset, non bene posse consistere successionem & durationem Religionis, sicut sine anima idem corpus hominis non potest durare.

Verumtamen sicut non satis esset pro eodem homine constituendo, quod eadem anima duo corpora à se invicem distincta & separata, simul vel successivè informaret; sed requiritur ad moralem eiusdem hominis continuationem, quod in eodem corpore, si non per omnia eadem physice; ita tamen



moraliter eadem membra permaneant, vt succedentibus sibi paulatim partibus minutoribus censeatur quoad principalia idem corpus permanere. Ita & in corpore Ordinis Religiosi, vel alterius cuiuscunque communitalis philosophandum est. Parcatur itaque inutilibus disputationibus: nam quidquid secundum veritatem concedere possumus R. Patri Bouerio, & PP. Capucinis, libentissimè & vtro concedimus; videlicet quod ex sua Regula eiusque Observantia debeant & possint vocari Fratres & imitatores Seraphici Patris, eorumque Ordinem in bono sensu Ordinem Fratrum Minorum Sancti Francisci posse nominari. Sed vicissim exigimus, ne sacro nostro Observantium Ordini nitantur eripere eum titulum, qui ex legitima successione, adeoque potiori Iure & sensu ei debetur. Et ne tam diuturnam pacificam possessionem turbare velint, quod voluisse Bouerium, vel saltem (si credi possit) præter intentionem fecisse, patet ad oculum cuiuslibet eius athenales legenti.

## Q V A E S T I O I I I.

*Quo nomine Ordo Sancti Francisci propriè appelletur.*

**E**T V L I T in mundi exordio protoplasto suo, ac primo hominum parenti Deus omnium Creator, vt creaturis sibi subiectis posset nomen imponere. Siquidem formatis cunctis animantibus terre, & volatilibus cæli, adduxit ea ad Adam, vt videret quid vocaret ea, & omne quod vocavit Adam anima viuens, ipsum est nomen eius. Gen. 2. cap. vers. 18. & 19. Similiter & Luc. 10 qui venerant circumcidere querum, quamvis Zachariam patris nomine vocandum putauerint; inuocabant tamen Patri eustanquam ad hoc ius habenti, quem vellet vocari eum. Ita non videtur aliunde huius questionis resolutio petenda, quam à Beato Patre nostro Francisco, cui iure fundatoris competeat nomen Religioni à se institutz imponere; quod & fecit scribens: *Regula & vita Fratrum Minorum hac est*, vnde hoc, quo vocavit ordinem suum, ipsum est nomen eius.

Siquidem ( vt habet Sanctus Bonaventura cap. 6. vitæ eius )  
*hæc de causa humilitatis forma Franciscus fratres suos voluit vo-*  
*cari Minores, & Prælatos sui Ordinis dici ministros; vt, ex ipso*  
*nomine discerent discipuli eius, quod ad discendam humilitatem ad*  
*scholas humilis Christi venissent. Et rogatus à Domino Ho-*  
*stiensis ( postea Gregorius IX ) utrum sibi placeret quod Fra-*  
*tres sui promouerentur ad ecclesiasticas dignitates; respondit: Do-*  
*mine, minores ideo vocati sunt Fratres mei, vt maiores fieri non*  
*presumant. Conspirat in hoc nobiscum R. Pater Bouerius, ad*  
*annum 1528. num. 26. dicens in Minorum Religione, nuncu-*  
*panda illam Dei mentem fuisse: vt qui in eam adscriberetur; po-*  
*tissima in profundissima sui ipsorum abiectione, ac humilitate*  
*fundamenta iacerent. Id enim Minorum nomen insinuat, quasi*  
*qui cunctia hominibus Minores, atque humiliores, esse debeant.*  
 Hoc nomen Sacra Observantium Religio, eodem iure ac suc-  
 cessione, quo titulum Ordini Sancti Francisci, hæreditauit;  
 quo fit vt communi hominum sensu, vbi de Fratribus Mino-  
 ribus inquiritur, Observantium habitacula demonstrantur.  
 Atque vtiq; talis permanisset in ordine, humilitatis, pau-  
 pertatis, ac præcipue charitatis spiritus, vt eo *Fratrū Mi-*  
*norum* nomine à Patre suo sibi indito contenti mansissent Fra-  
 tres omnes: quod enim illo amplius est, non quidem malum,  
 sed à malo est. Egre ferebat quondam Apostolus quod inci-  
 perent Christiani diuersis nominibus appellari: *Ego quidem*  
*sum Pauli, Ego autem Apollos, ego vero Cepha, ego autem Chri-*  
*sti. 1. Cor. 10. v. 12.* Et sanè si permanisset credentium cor-  
 vnum & anima vna, si omnes ad Euangelicam perfectionem,  
 aspirassent, pro vt à principio; non erat in Ecclesia opus tot  
 diuersarum congregationum per diuersa nomina distinctione;  
 quæ ferè ex quorundam defectu originem sumpserunt. Pari-  
 modo si omnes Sancti Francisci Filij in humilitate ac pauper-  
 tate in qua fundati erant perseverassent nullo modo, per di-  
 uersas reformationes & nomina, opus fuisset eos inter se di-  
 stinguere; pro vt post factam omnium reformationum in eo-  
 dem corpore Religionis, sub eodem nomine Fratrum Mino-  
 rum Observantium, vñionem à Leone X. Patres, Capucini ab  
 ipso corpore Ordinis, sub alio nomine se diuiserunt: vnde R.  
 Pater Bouerius pro titulo annalium suorum ponit: *Historia*  
*Fratrū Minorum qui Capucini nuncupantur.* In hoc nomi-

ne Capucinatorum, tanquam supra nomen *Fratrium Minorum* misterioso, sibi mirabiliter complacet Bouerius, quod circa finem anni 1524. num. 59. delinptum dicit: à quadrato caputio, ac vera Beati Francisci habitus forma, ex qua Capucinatorum reformatio nuncupata prima sua institutionis exordia tulit. Magisque illud celebrant ad annum 1528. num. 23. *Deus optimus Maximus qui diuina prouidentia manu obstetricante reformationis fetum eduxerat, atque in lucem ediderat, in ipso sua natiuitatis exordio nomen quoque quo appellaretur, atque ab alijs Ordinis reformationibus dignosceretur, non hominum ingenio elaboratum, aut ad placitum inuentum; sed diuina quadam ratione ac consilio excogitatum statuit.* Quia nimirum, vt prosequitur, pueri visis primis huius reformationis fratribus, tanquam patrini, Capucinos, Capucinos, non tam irridentes quam reuerentes acclamant, quod defectu artis & industria à Deo proculdubio profectum intelligitur, secundum Patrem Bouerium quam diuinam institutionem confirmare nititur ex ijs quae habet ad an. 1532. num. 27. quod in Calabria puer clamare ceperit: *Fugite Capucini fugite nam qui calipodia ferunt sustinibus ad vos armati veniunt.* Quod diuinitus factum autumat num. 28. eo quod apud Calabros, vbi hoc contigit, Capucinatorum nomen & appellatio, necdum hactenus audita esset. Quasi nouum foret pueris visis insolitis rebus, & praesertim hominibus habitu singulari indutis, post eos currere, nomen imponere, & acclamare! Idque eo minus mirum apud Calabros contigisse videri debet, quo iam à quatuor vel quinque annis alibi satetur fuisse impositum & acclamatum. Vnde potius miror ausum fuisse Bouerium illius nominis impositionem comparare cum impositione nominis Israel post luctum cum Angelo, & Sanctiss. Nominis Iesu propter merita Crucis. Amplificat hæc amplius num. 29. volens Deum docuisse pueros Capucinos nomine suo vocare: *perinde ac si Capucinus nihil praeter diuinum, de perenni primacui caputij, ac consequenter eorum; quae ad caputij sanctimoniam & gloriam illustrandam necessaria sunt, incolumitate decretum, saltem in genere, significaret.* Ad quod applicat vaticinium *Is. 43.* (vel potius trahit) de Iacob dictum: *redemite & vocauit te nomine tuo.*

Quam sunt hæc magnifica rei tantillæ præconia! ann.



non merito timere debuerat qui sic in minutijs dilaudandis exuberat, ne aut parcimoniam maioris materię laudis insinuet, aut dum maiora referre voluerit suspectum se reddat de nimia supra veritatem exaggeratione?

Veruntamen quia passerulus, nec pilus capitis, aut folium arboris super terram cadit, sine Dei ac Patris nostri Providentia, quam, sicut in magnis, ita & in parvis libenter magnam & admirabilem prædicamus: nomen suum Patribus Capucinis non invidemus nec rationes nomini accomodatas diffitemur; vix tamen adeo misteriosas possumus apprehendere quam R. Pater Boverius eas proponit. Satis enim appareret Boverium rem hanc valde magnam existimasse, quam in principio sui operis singulis ferè paginis reperijssè non sufficit; sed post primum tomum speciali tractatu ex decem demonstrationibus composito pertractat delumptis vadique principijs, etiam ex Beguinarum Bruxellensium libris præcatorijs, ex quibus tanquam illustribus ac primò veris intentum suum conatur demonstrare. Vade & anno 1528. num. 25. exultanter refert: *velut solius orbis voce congratulatum veram Beati Patris Francisci habitus formam in orbem redijssè*. Sed per pueros, Capucinos, Capucinos acclamantes, qui utique puerilia tractare solent & acclamare. Parcatur mihi si videri possim magis hic, quam ipse velim, rem hanc elevari; fateor enim mihi displicere quod viri spirituales & Religiosi, rem adeo futilem ita extollant & urgeant, quasi felicitas mundi, salus animarum, & splendor religionis à forma habitus & acriminæ caputis dependere. Quod ne videar ex me dicere, adduco verba Boverij supra num. 24. ut inde perspectum fieret in ea nominis usurpatione ineffabili (an forte ad instar nominis Tetragrammatonè): quodammodo Deum perfectam huius reformationis laudem collocasse, & ex ore Infantium & Lactantium Capucinarum nomen eduxisse. Ut verum fatear si miracula subsint inpronuntiatione nominis ineffabilis; eo sunt maiora quo ex ore infantium & lactantium illud eductum est, qui nec effabilia effari poterant. Non credo tamen adeo fuisse parvulos, ut infantes ac lactentes essent, qui sine miraculo illud acclamarunt.

Cæterum ut examinemus misterium quod sub eo nomine, *lactare* imaginatur Boverius, risus potius quam admirationis.

exci-

excitatum videtur quod dicit supra num. 26 nomen illud significare paruum caputium, esseque diminutivum, potius ad habitum quam ad personam spectans, quo illi, qui *Capucinarum nomen sibi vendicant meminerint se profundissimam, quoad excogitari potest humilitatem cum eo simul induere debere; atque humilitatis, & abiectiois signum ac testimonium in capite gestare*. Scilicet caputium maius & longius, diminutivum nomine à pueris (nescio an non ironice) expressum, parvutatis & humilitatis symbolum est; quod inter cetera, sapientibus & prudentibus absconditum, pueris tanquam parvulis Boverius vult esse reuelatum.

Si mihi in hoc negotio aliquid licuisset, maluissim ego existens Capucinus, retinere nomen Fratrum Minorum Eremitarum vel eremiticam vitam ducentium, quo Clemens VII. Pontifex (non puto quod sine diuina providentia) in Bulla quæ incipit *Religionis zelus* Patres istos inticulavit: in ipsa siquidem, teste Boverio ad annum 1532. num. 28. *Fratres de vita Eremitica nuncupabantur*. Sed prævaluit nomen per pueros impositum, idque non sine diuina providentia; fortè earatione, quod magis propriè, primarium, ut sæpe vocat Boverius, huius reformationis exprimat fundamentum.

Ne vero nomen Regularis Observantiæ non tantum reformationi nostræ à Spiritu sancto in duobus Concilijs Constantiensi & Lateranensi, sed etiam toti Ordini à Leone X. impositum, nobis tanquam singulare & Ordinis diuisivum obijciatur; libentior illud cum Capucinatorum nomine hic conferam; quia verè non est distinctivum Fratris Minoris à Fratre Minore; sed tamquam explanans particula, idem prorsus cum fratre Minore significat: cum enim Regulæ Observantia sit vita & anima Seraphica Religionis; particula *Observans* addita nomini fratris Minoris non aliud efficit, quam si voci *homo* addatur *vivens*; ex quo fortè in Bulla: *Ite & vos*, Leo X. ordinavit quod reformati de cætero vocentur *Fratres Minores Sancti Francisci Regularis Observantiae vel simul vel discreti*; quasi diceret hæc, fratres Minores sancti Francisci, & fratres Minores sancti Francisci de Observantia, in idem recidere. Unde solidior fuit toti mundo causa congratulationis de vita, & apima Seraphicæ Religionis conservata & restaurata per Observantium reformationem; pro ut devoti principes & Reges,

ges, imo & ipsi Pontifices de tanto Ecclesie bono congratulati sunt; quam de restitutione figuræ & formæ alicuius capituli, à qua nihil sanctitatis dependebat.

Atamen plus satis de nomine disputatum est, cum & Philosophi, tanquam veræ scientiæ inquisitoribus indignamur, rejiciant de nomine quæstionem. Si eam vel stantisper tractando factus sum insipiens, Puto me excusabilem, quia illi qui tam seriò illam mouent ad hoc me cogerunt. Dico interini de re potius, non tam verbis disputandum, quam operibus coram Deo contendendum esse; apud quem nihil proderit magni nominis umbra, sed veritas: ut qui Franciscana, Minoritana, Obseruantia professione censemur, *studeamus* (ut ait ecclesiæ verbis) & illa *respuere qua huic inimica sunt nomini & ea que sunt apta sectari.*

## QVAESTIO IV.

*Quo fundamento R. Pater Bouerius pro suis Capucinis præ-  
tendat titulum Ordinis fratrum Minorum  
S. Francisci,*



**I**X ante dictis, & præsertim resolutione præcedentium quæstionum, satis apparet R. Patrem Bouerium titulum Ordinis Fratrum Minorum S. Francisci præcipue prætere ratione Obseruantia in sua Reformatione Capucinorum conseruatæ vel restitutæ. Contra cuius Obseruantiam non intendo disputare, quamuis subinde videatur in eius laudibus excedere; ut cum eam præfert omnibus reformationibus quæ antea existerunt ut patet ad annum 1524. num. 32. Si quis *uniuersas ordinis Minorum reformationes, quæ hactenus emerferunt, altè animo resoluat; certe nullam reperiatur, quæ altissimum B. Francisci paupertatem tam ardentè tanquam tenaciter, quam postrema hæc Capucinorum reformatio complexa fuerit: & post pauca. Ita ut ad priorem Ordinis paupertatem non tam accedat, quam ea fortè excedat: benefaciè addendo forte; nam timendum est ne hoc dicendo excedat veritatem.* Postea generaliter de Obseruantia



loquens ait; *neque qui varias post cōdita religionis tempora reformationes, in Ordine institutas, diligentius euoluunt; puriorem, aut secundum Beati Francisci spiritum, perfectiorem unquam regulæ obseruantiam, quoad singula eius capita (quod absque cuiusquam iniuria dictum sit) hac, quæ apud Capucinum reformationem viget exstitisse fatentur.*

Homo hic multa dicit, pauca probat, quia cum historico in verbis Rethorem agit. Neque tamen propositi mei est ea improbare vel refutare: nam quo Capucini perfectius paupertatem & Regulam vniuersam obseruant, eo amplius Deum laudo, & ipsos vt veros sancti Patris nostri Francisci imitatores diligo. Quinam autem perfectius Regulam obseruent Deo iudicandum relinquo, qui tanquam iustus Index reddet vnicuique iuxta opera sua; vade cum Apostolo dico; *mibi pro minimo est vt à vobis iudicet, aut ab humano iudicio, qui autem iudicat me Dominus est. Itaque nolite ante tempus iudicare, quoad vsque veniat Dominus qui & illuminabit abscondita tenebrarum, & manifestabit consilia cordium; & tunc laus erit vnicuique à Deo.* 1. Cor. 4. Illis scilicet qui tales intus fuerunt, quales debuerunt esse, & apparere voluerunt. Puto sine iactantia posse me tribuere Obseruantibus nostris impletionem cuiusdam dicti, quod aliquando Emblematis continenti Aethiopem facie alba laratum, subscriptum legi: *Aus sis quod appares, aut appare quod es.* Velle enim ab hominibus de maiori Obseruantia & virtutibus laudari, quam verè coram Deo habeamus, vanissimum est. hæc per transennam sint dicta.

Sciebat interim Bourrius ad stabiliendam suam prætensionem non sufficere veram & perfectam Regulæ obseruantiam; scilicet vt sua congregatio vel reformatio possit appellari, & esse verus Ordo S. Francisci per legitimam & nunquam interruptam successionem, pro vt ante eam explicuimus: non enim poterat cōsistere quod noster Obseruantium Ordo in vero statu Ordinis Prætrorum Minorum persisteret, & simul congregatio Patrum Capucinorum eiusque Rectores per legitimam successionem à sancto Francisco descenderent. Dum enim sanctus Franciscus vnum tantum Ordinem, eiusque vnicum caput, seu Ministrum Generalem instituerit, vt ex Regula clare patet: sicut succedere filij non possunt, nisi mortuo Patre vel matre: ita Ordo Ordini Generalis Generalibus non potue.

potuerunt succedere: nisi Ministri antiqui Ordinis, atque ipse semet Ordo, deficerent & defungerentur.

Vnde quia negare non poterat, externum corpus Ordinis usque ad prima Capucinatorum tempora fuisse continuatum, in eoque continua serie, ac legitima electione Ministros Generales sibi mutuo successisse, habuisse etiam nomen ab Observantia; quam sepe dicit Bouerius esse Ordinis vitam: videtur ad hoc collaborasse ut illud nomen Observantię nudum & solum, sine re, Observantibus relinqueret; cum plerumque non simpliciter Ordinem Observantium vel de Observantia; nominet; sed de *Observantia nuncupatorum*, vel qui *observantes dicuntur*, aut de *Observantia se vocant*. Quę licet a persona non partiali dicta vel scripta, bono sensu intelligi possint (pro ut huiusmodi terminis in suis bullis etiam Pontifices utuntur; & Bouerius de suis dicit qui *Capucini nuncupantur*) benigniorem tamen istam interpretationem excludit ipsemet scriptor, ubique mentem suam explicans: dum non solum *inobservantia vepres, regularis inobservantia vitia; & virus in Ordinem irrupisse; sed etiam totum Ordinem a Regulari Observantia excessisse, deplorabilem eius statum a Regulari Observantiam dilabentem* ubicumque potest suis Annalibus interserit. Conqueritur Bouerius ad annum 1524. num. 59. de R. Patre Carolo Rapi-  
nao Ordinis nostri, quod in historia de origine & progressu Recollectorum decade sexta parte 2. fratrem Matthęum de Balsio inter Apostatas relegauerit. Vnde hoc ipse colligat, vel imaginari potuerit ab isto Auctore factum, non satis intelligo; cum bonus ille Pater (quam utinam Bouerius in scribendi modestia imitatus fuisset) non aliud scribat loco citato, quam, resolutum fuisse a Patribus Observantibus (ob furtivum eius egressum sine licentia) contra Matthęum Balsium, tanquam apostatam procedere; & Ministrum Prouincialem eum incarcerationum a pręfensa apostasia absoluisse: quod scribendo an videri possit Author iste Matthęum inter Apostatas relegasse, iudicet quicumque voluerit. Certe Bouetius dum eum ibidem ab Apostasia vitio excusare nititur totum Ordinem falsò inobservantię accusando; & parum Matthęi consilii honori; & quo animo in Ordinem fuerit, quidue de Observantia seu vita Religionis senserit, aperte demonstrat, cum hic ad annum 1524. num. ultimo: *Matthęum necessaria, ne-*  
*dum*

dum legitima causa, qua ad Pontificem in communem totius Ordinis lapsu (nota) inuitis, nedum inconsultis Superioribus accederet, impulsus, nemo Apostasia condemnare audeat. Simili modo ad annum 1531. excusat Ludouicum, & Bernardinum Reginos, quod præcluso aditu ad reformationem, imo & ad salutem in Ordine Obseruantium; debuerint eandem querere apud Capucinos. verba eius quæ habentur num. 35. hoc significant: *Cum communi violata paupertatis, ac temeratae regulæ vitio in Religione grassante, nulli tutum in ea domicilium esse possit: inde cuilibet ab Oraine discessum, & fugam, vel reformationem necessariam fore concludit. Ad idem spectant quæ a Ludouico Forosemproniano anno 1526. num. decimoquarto antea dicta narrauerat; de salute res est hanc porro in Religione, quam tum à Beati Patris Francisci institutione, tum à Regula præscripto, non parum iam recessisse res ipsa clamat, me adipisci posse diffido. Qui ibidem minitans se abiectionum sine licentia, nisi ea concedatur, subiungit: *Mens Beati Francisci ea sunt, ut in generali regularis Obseruantia naufragio, cuique liberum sit, etiam absque Prælatorum licentia, seipsum a naufragio eripere. Eodem anno num. 21. refertur idem Ludouicus Cardinali Ordinis Protectori scripsisse litteras, quibus eum de lapsu Religionis statu, Regule inobseruantia, ac communium animarum periculo, certiore reddit, dicitque ipsi Ordinis Prælati lapsum fouent, & communem regulam inobedientiam, &c. Idem indicant verba diplomatis, quod eodem anno num. 43. obtentum refertur ea ratione, quod nonnullis de causis ulterius in eiusd. Ord. domibus, cū sana conscientia morari non sperauerint, scilicet Ludouicus Forosempronianus, Raphael eius frater, & Matthæus. Ad annum vero 1534. num. 15. vbi Ludouicus Forosempronianus inducitur disputans contra Ioannem Pisottum de primatu Ordinis, agitque contra præfatum Ioannem Pisottum Generalem, tanquam non legitime electum, dicitur Ludouicus inter cætera obiecis; quo pacto, *Obseruantia tam in capite, quam in membris dilapsa, primatus ineger illi esse potest?* cunctis amatoria sunt, quæ in schedula Cardinalibus oblata ex parte PP. Capucinorum contra Obseruantes, continentur, ad annum 1536. num. 22. vbi Obseruantes tenebris, & Belial comparantur, tanquam qui molliter & præter regulam viuunt, & eorum caput, siue Generalis Minister**



dicitur *aduersa inobseruantia vi graui*, *regularis Obseruantia*  
*nec spiritum vitam sibi vindicare*. Poterat ne coloribus magis  
 naturalibus & completis corpus Ordinis tanquam agonizans,  
 imo iam omnino mortuum depingi? Indiget ergo quilibet  
 Lector, ex iam representatis in hoc Speculo, & centum ta-  
 libus quæ Bouerius passim in Ordinem nostrum iactat, quo  
 tendat huius scriptoris intentio; & an non merito antea di-  
 xerim ipsum solam nomen Obseruantie antiquiori nostro Or-  
 dini relinquere: rem ipsam vero, si posset, eripere voluisse,  
 vt suam reformationem per legitimam successionem eidem  
 valeat substituere. Successionem tamen diuersæ prorsus ra-  
 tionis ab ea quæ in Christi Ecclesia inuenitur, & quam nos  
 Ordini nostro vendicauimus, quæ corpus simul & anima,  
 per diuersarum partium successionē idem moraliter continua-  
 tur. Cum enim talem apud suos inuenire non possit, videtur  
 quasi per Pythagoricam transmutationem suæ reformationi  
 conatus fuisse adscribere successionem in Obseruantia, quam  
 vocat (pro vt vere est) animam & spiritum Ordinis: quasi  
 spiritus & vita Obseruantie, relicto antiquiori corpore, in  
 Capucinorum congregationem demigrauerit. Hoc enim in-  
 dicat ea quæ habet ad annum 1534. numero 46. vbi adducto  
 Pauli loco ad Galatas 4. *Quomodo times, qui secundum car-  
 nem natus fuerat, persequeretur eum qui secundum spiritum*, &  
 sic applicat, vt qui vel ad Regulæ Obseruantiam anhelarent, vel  
 Ordinis reformationem expeterent; certuosi, perturbatores, sa-  
 ctiosi, nouatores à cæteris haberentur atque adeo ab ipsis Genera-  
 libus Ministris ac Superioribus, qui Ordinis relaxationem soue-  
 bant, male acciperentur, & uberius demonstratione 10. de  
 vera habitus forma num. 14. Hæc Pontificis declaratione, qui  
 veri regulæ cultores sunt, tametsi tempore posteriores, ij dum-  
 taxat à tempore edita Regulæ, ad legitimum Beati Francisci se-  
 men pertinere consentur. Hoc enim pacto ipse quoque Apostolus,  
 de Israelitis diffrens, ait: Rom. 9. Non enim omnes, qui ex  
 Israel, ij sunt Israelitæ: neque qui semen sunt Abrahæ, omnes  
 filij. Et ad Galatas scribens: Gal 4. Cognoscite ergo (inquit),  
 quia qui ex fide sum ij sunt filij Abrahæ. Quod si Apostolo id  
 de Israelitis dicere licuit: cur id quoque Pontifici de minoribus  
 sentiriæ quum non fuit? eosque tantummodo Beati Francisci fi-  
 lios decernere: qui B. Francisci vestigia ac virtutes sectantes, per-  
 fecit ipsius Regulam obseruarent.

Sic

Sic depingit Bouerius Observantes, tanquam *Secundum*  
*carnem natos*, & *filios carnis*, ut suos Capucinos natos secundum spiritum & filios promissionis esse concludat. Verum elo-

— *Pictoribus atque Poetis*  
*Quidlibet audendi semper fuit æqua facultas.*

Historicis tamen eiusmodi audaciam nemo concessit. Quæ propter oportuisset ipsam suæ professionis memorem à descriptione talium abstinere, quæ non solum à charitate, verum etiam à veritate quam longissimè aberrant; ut in resolutione sequentium questionum facillime ostendemus.

## Q V A E S T I O V.

*Qui fuerit status Ordinis Observantium circa illud tempus  
 quo exorti sunt Capucini?*

**S**UPPONENDVM hic est quod ante in elucidatione historica §. 3. circa initium annotauimus: ab eodem tempore quo Leo X. omnes zelatores pro Regulae Observantia, quocumque nomine vocarentur, in unum corpus Ordinis, sub vno & eodem capite, & nomine Observantium coadunauit, quosque in sua Bulla quæ incipit: *Ite & vos, zelantes pro domo Dei Israel, succidisse Lucos, demolitos esse delubra*, introducta reformationis norma, restatus est ac in altera Bulla, quæ incipit: *sicet alias*, eodem anno 1517. data indubitos *Fratres Ordinis sancti Francisci, eius regulæ Observatores semper fuisse, & esse tunc temporis declarauit; & tales semper futuros diuina fauente gratia sperauit*: ad summum septem vel octo annorum spatium intercurrisse usque ad exortum reformationis Capucinorum; cui iam tum grassantem inobservantiam occasionem & initium dedisse vult Bouerius: adeoque miserè sua spe frustratum fuisse Pontificem de perpetuitate Observantiæ in ordine quem tanto laborare & sollicitudine expurgauerat & consolidauerat. Quis tamen credat tam breui tempore Ordinem qui tot zelosis viris abundabat.

& recenter ab ijs sequeſtratus erat, qui puriorem Obſervantiam auerſabantur: uſque adeo deſeciſſe, vt non tantum in obſervantiæ vepres (quod citius potuiſſe fieri non diſſitemur) ſed & accreuerint luci, & abominabilia transgreſſionis publicæ delubra ad lapſum & ruinam totius Ordinis in tantum inualuerint, vt deſperatæ religioni nullum ſuperſuerit remedium, niſi ex membris adhuc ſanis ab ea in nouum corpus ſeparatis, nouus Phoenix ex iam combuſti Ordinis cinere exoriretur, & ſic Ordo in Succellore renaſcens conſeruaretur, pro vt Bouerius hancrem ſpeculatur.

Verum ſi bonus iſte Pater tam oculatus fuiſſet in ijs bonis obſeruandis quæ habentur in chronicis Ordinis ad honorem Ordinis Obſervantium, ſicut in notandis imperfektionibus, ſi quæ fuerint hic & ibi in aliquibus membris, & etiam Superioribus: potuiſſet proculdubio videre ſtatum Religionis noſtræ Florentiſſimum fuiſſe eo tempore quo ipſe eandem vel penitus concidiſſe, vel ad minus collabefcentem, atque ad totalem ruinam inclinantem deſcribir.

In primis Marcus Viſſiponenſis in ſuo Chronico parte 3. lib. 3. cap. 48. reſert quod in eo Capitulo Generaliſſimo, in quo Leo X. dedit ſigillum Ordinis Patribus Obſervantibus, *reperitur ſu in tantum excreuiſſe zelum reſormatorum, Deo ſemper ſua gratia magis ac magis aſpirante ac ſaſcente bonæ illorum, ac regulari vitæ, vt Vicarius Generalis per Italiam ſub ſe habuerit viginti quinque Prouincias in quibus Obſervantia ſeruabatur, quæ Prouinciæ continebant ſeptingentos Præterum Conuentus. Alter autem Vicarius ab alia parte montium ſub obedientia ſua habuerit viginti Prouincias: quæ eo tempore quo iſta ſcribebat (quod fuit circa annum 1536.) uſque ad quadraginta nouem excreuerant ab illa parte montium, & ab hac uſque ad numerum trigefimam dicunt excreuiſſe. Vnde colligitur mortuum non fuiſſe corpus, quod poſt exortum Capucinatorum adhuc habebat accretionem, pro vt uſque modo vitaliter accreſcit. Quæ res æuidentiſſima & omnino indubitata apparebit, ſi placuerit conſiderare ſtatum ordinis & Obſervantiæ qui in ſingulis mundi regionibus circa ea tempora fuit.*

Atque vt à noſtra Prouincia Germaniæ Inferioris tanquam nobis notiſſima exordiamur, quæ circa annum 1539. paulo poſt



post exortos Capucinos à Coloniensi diuifa est. Testatur chronicum Ordinis 4. parte lib. 1. cap. 42. in ea floruisse circa hæc tempora Fratrem Amandum à Ziricea, qui in Prouincia Coloniensi, tunc adhuc indiuisa, summa cum ædificatione vixit, cum vtilitate docuit primus Lector in Conuentu nostro Louanienfi, rexit cum maximo fructu Prouinciã, multum pro Obseruantia laborauit, & circa annum 1525. iterum Lector Louanij valde sanctè ibidem obiit & sepultus est. De quo conuentu (vt ex vngue leonem agnoscas) meretur notari quod Reuerendissimus P. Gonzaga dicit 3. parte sui chronici agens de Prouincia Germaniæ Inferioris, in primo Conuentu, qui est Louanienfis. [ Tanta pietas ac Regularis disciplinæ obseruantia vixit in hoc conuentu, vt nedum inter Brabantia, sed & totius Ordinis Conuentus, iure optimo haberetur celeberrimus, essetque suæ sanctitatis odore vbique diffuso celebris; vsque adeo vt qui solo aliorum relatu, tantæ sanctitatis fragrantia perfunderentur, eo cum mira pietate, sua dona, calices, libros, ornamenta ecclesiastica, prætiosissima quæque vltro transmitterent, etiam ex partibus remotioribus. Nec sanè suppressum oportuit dictum Reuerendissimi Patris Francisci Angelorum nostri, olim Ordinis Generalis Ministri, ac tandem Sanctæ Romanæ Ecclesiæ Cardinalis, qui iustratis Prouincijs plurimis, ad suos reuersus istud præbebat de hoc conuentu testimonium: lapides Conuentus Louanienfis Sancti sunt, & nescio quam sanctitatem redolent, tantam ibi (dum visitaret) repererat pietatem, & humilitatem; tantam Religionem, tantum spiritus feruorem, tantam concordiam, vt instar aciei ordinatissimæ, omnibus intrantibus admirabilis hic locus redderetur, ac intuentes estiamnum in stuporem raperet, atque compungeret. ] Circa quæ verba hoc specialiter notandum est, visitationem illam Reuerendissimi Patris Francisci Angelorum contingere debuisse, vel immediatè ante exortum Capucinorum, vel ijs iam exortis, quo tempore ipse fuit Minister Generalis.

Prosequitur Reuerendissimus Pater Gonzaga ad nostrum, propositum laudem Conuentus istius & Prouinciæ nostræ.

[ Quantum profuerit hic vnicus Conuentus, nedum Ordini nostro Seraphico, sed etiam Ecclesiæ Romanæ, id luculenter docuit experientia; fuit enim fons & seminarium veluti fœ-

cua

cundissimum quo toti Prouincię abunde prouidebatur : si enim pietas & deuotio querebatur , Louanij inueniebatur ; si doctrina & eruditio petebatur , ex hoc loco latissimè defluebat. ] Quę omnia euidenter declarat catalogus illustrium virorum qui ex isto conuentu prodierunt ; quem ipse subnequit . Ego vero ne iusto longior fiam , & meę Prouincię Pręconem agere videar , hic subiceo .

Vt tamen appareat isto tempore , quo Bonerius dilapsam toto ordine Obseruantiam proclamat , eam in hac nostra Prouincia Viguisse , omitti non debuit Reu. Pater Matthias Vveynsca quartò nostrę Prouincię Minister , bis ante diuisionem factam anno 1529. & bis post tertium Commissarius Generalis totius familię , & semel Nationis Germano Belgicę : qui proinde vixit in ordine ante reformationem Capucinarum , imò ante vnionem Ordinis ; vixitque doctrina , moribus , zelo disciplinę & Obseruantię Regularis celeberrimus , vsque ad annum ad minus 1535. nam ad minus tredecim Generalibus Capitulis inter fuit , decies Alpes emensus est , nullus Italię , nullus Germanię , nullus Gallię , Britannię , Scotię ; Hybernię angulus est quem non peragravit ; vt de ipso testatur Reuerendissimus Pater Ioannes Mahusius ex eadem Prouincia primus Dauentriensis Episcopus nominatus & Martyr , in epistola dedicatoria pręfixa expositioni sancti Bonauenturę in Lucam . Fuitque a consilijs Marię Hungarię Reginę Caroli V. Sorori Gubernatrici Belgij , circa exortos ibidem tumultus Anabaptistarum , pręsertim Amstelrodami , in quibus comprimendis ei auxilio fuit , misso illuc R. Patre Bartholomęo a Middelburgo , qui cum tanto seruire & fructu contra eos , & alios hereticos prędicauit , vt iure diceretur totam ciuitatē istā in fide Catholica conseruasse & confirmasse .

Venerat ille R. P. Bartholomęus ad sacrum nostrum Ordinem circa annum 1525. & professus in Prouincia nostra Germanię Inferioris ; in ea adeo clarus verbo , opere , ac prophetię spiritu vixit , vt postquam trimestris spatio sepultum eius corpus effoderetur , in honorificentiori sepulchro collocandū , inuentum sit integrum , suauissimum spirans odorem , ac in ore habens rosam pulcherrimam ; cuius testimonium testes oculati dederunt , specialiter sacerdos quidam Fr. Guilielmus Escholier sub fide Sacerdotij se vidisse deposuit .

Frater

Frater Martinus Vander Kelen alijs dictus à Tuerhove si be-  
 tieeri etiam non potuit, qui varijs officijs laudabiliter perfun-  
 ctus magno cum fructu in conventu Louaniensi sacre scriptu-  
 rz ac Theologiæ Prelector fuit, Reuerendum Patrem Fran-  
 ciscum Titelmannum discipulum habuit duplici sui Magistri  
 spiritu pietatis scilicet & eruditionis decoratum; qui licet po-  
 stea ad R.R. PP. Capucinos transferret, antea tamen apud Ob-  
 seruantes doctrina & sanctitate claruit, vt faretur ipse Boue-  
 rius, neque eum refert (vt plerofque alios) de dilapsa in Or-  
 dine ac Prouincia sua Observantia conuestum fuisse.

Taceo R.P. Adamum Sasbour, qui licet trium linguarum  
 Græcæ, Latinæ, & Hebraicæ peritissimus; summus tamen pau-  
 pertatis amator, præter breuiarium & biblia, cum suis scri-  
 ptis, non aliud admittebat, obijtque non sine magna opinio-  
 ne sanctitatis anno Domini 1553. ætatis suæ 36.

Sileo fortissimos confessores huius nostræ Prouinciæ Germa-  
 niæ Inferioris, qui ubicumque locorum Hæreticis per Belgiū  
 grassari incipientibus, præcipuum sese murum opposuerunt  
 (testibus plerisque huius patriæ & Acui scriptoribus) quorum  
 plurimi Christi fidem vsque ad sanguinem & mortem Corco-  
 nij, Alemariæ, & pluribus alijs in locis propugnauerunt.

Ex quibus omnibus puto me infallibiliter posse concludere  
 obseruantiam Regulæ in hac nostra Prouincia Capucinis exor-  
 rientibus, nec deficere incepisse, multò minus fuisse extra-  
 ctam: vtpote quæ tam eximios mundo & cælo fructus protu-  
 lerit.

Nec minorem de Colonienfi Prouincia opinionem concipi-  
 pere oportet; vtpote cui Louaniensis conuentus adhuc incor-  
 poratus erat quando Reuerendissimus Pater Franciscus An-  
 gelorum tantam in eo disciplinam & Regulæ Observantiam  
 inuenit: quæque non ita multis antea annis tam bono Regu-  
 laris obseruantiz, ac sanctitatis odore vniversum mundum  
 resperlerat, vt ad petitionem Iacobi primi Regis Scottorum  
 missus sit ad illud regnum Reuerendus Pater Cornelius à Zi-  
 ricæa cum sex alijs religiosis eiusdem Prouinciæ Colonienfis;  
 ad fundandam iisdem Regularem obseruantiam, qui purita-  
 te & candore vitæ suæ sanctæ, asperitate, & pœnitentijs quas  
 faciebant, mirabile populis illis exemplum virtutis dederunt;  
 vt habetur 4. parte Chronici lib. 1. cap. 62. inter quos præfatus

etiam præfatus nonnulli sunt, qui in hunc mundum perueniunt, qui in hunc mundum perueniunt.

etiam præfatus



Pater Cornelius etiam miraculis clarus illud eximij in altissimam paupertatem amoris specimen dedit, quod adificatum magnificum monasterium Aedimburgi ex deuotione populi, per ipsius conciones concepta recusauerit, donec per instantiam Archiepiscopi, præfati regni Primaris, à sua sanctitate, licet inuitus, cogeretur acceptare.

Nec minus floruisse Ordinem ac Regulę Obseruantiam circa hæc tempora in regno Anglię, pater ex eodem chronico parte 4. lib. 3. vbi cap. 1. statim in initio hæc habentur.

[ Seraphica Religio Sancti Francisci florebat olim in Regno Anglię, tam propter multitudinem Conuentuum, quam etiam propter sanctitatem vitę illorum, qui eos inhabitabāt, in quo splendore Patria ista perseuerauit pluribus annis vsque dum inimicus naturę, seminator hæresum, & auctor discordiarum misit in cor Henrici Octauissimi nominis anno 1536 contra Euangelicam & Apostolicam doctrinam dimittere legitimam suam coniugem Catharinam, & nubere Annę Bolenz &c. ] Quo tempore confratres nostri ibidem probati sunt velut aurum in fornace, adeoque Christo ac eius Ecclesię fideles inuenti sunt vt Rex ille integros Conuentus carceribus tradiderit, multos inedia consumpserit, plurimos grauissimis tormentis affecerit, nemine à fide deficiente, vel à Sedis Apostolicę obedientia; quo luculenter declarauerunt quam solidum Religiosę Obseruantię fundamentum in regulari antea conuersatione tempore pacis collocauerint. Quę omnia loco citato per multa consequenter capitula legi possunt.

In eodem Chronico 4. parte lib. 1. cap. 39. refertur circa idem tempus in Saxonia summopere floruisse Religionem Obseruantium, ita vt intra modicam temporis spatium per bonum eorum exemplum & seruentes predicationes octo Prouincię in istis partibus erecta inuenerentur, inter quas magnus numerus bonorum Religiosorum Deo seruiebat, vsque ad exortas Hæreticorum persecutiones præcipuè contra Obseruantes Saxonię sanctę Crucis, qui, tanquam perfecti Obseruatores S. Euangelij per manserunt semper in fide constantissimi, & paratissimi ad qualibet tormentum pro Christi uomine perferenda, vt ibidem habetur. quę omnia circa tempora, quibus exortii sunt Capucini, contigerunt.

Si Franciam inspiciamus, inuenimus in ea hoc tempore floruisse

floruisse Reuerendum Patrem Gilbertum Nicolai, alijs dictum  
Gabriel Maria, qui primus existens Commissarius Generalis  
post factam vnionem ex hac parte montium, summopere Re-  
gularem Obseruantiam zelauit ac veras reformationes pro-  
mouit, vt videre licet eadem 4. parte chronici lib. 1. cap. 59.  
in cuius fine hæc verba habentur. Finaliter post exantlatos  
multos in Religione labores, quibus plures honorabiles com-  
missiones executus fuerat, & fecerat plurima ad gloriam Dei,  
exaltationem Sanctæ Ecclesiæ, & bonum nostri Ordinis, ædifi-  
catis pluribus Conuentibus in diuersis locis, plenus annis, ma-  
gis autem meritis ac sanctis operibus, quæ fecit, non solum  
existens Prouincialis Prouinciæ Aquitanicæ Tholosanæ, sed  
etiam bis canonicè electus Vicarius Generalis, & postmodum  
Generalis Commissarius, quieuit in pace, reddens animam  
Deo suo Creatori anno gratiæ 1531. 27. Augusti. Ex quo  
potest facile considerari qualiter sub tali Prælato, qui non  
tantum virtutibus, sed etiam plurimis miraculis enituit, in  
Prouincijs Franciæ profecerit & vigerit Regularis Obseruan-  
tia.

In Hispanijs adeo clarum est Regularem Obseruantiam hoc  
tempore summopere viguisse, vt non sit opus illis verbis pro  
huius rei declaratione. Videri potest liber quintus eiusdem  
quartæ partis chronici qui plenus est laudibus Obseruantium  
& Reformationum, qui ibidem tunc temporis floruerunt, alijs-  
que libri fere omnes consequenter. Specialiter lib. 2. cap. 1.  
refertur R. P. Ioannes de Zumaraga professus in Prouincia  
Conceptionis, in qua pluries fuit Guardianus, Definitor, ac  
etiam Prouincialis tantum fuisse zelatorem Regularis obser-  
uantia, vt offerente Carolo V. Imperatore, ad vestes, edulcia,  
& alia necessaria copiosam elemosynam, conuentui, cuius  
Guardianum agebat, eam pro tunc non necessariam recusa-  
uerit, & cum magna Imperatoris ædificatione alijs pauperi-  
bus erogari curauerit. Fuit hic primus ab eodem Imperatore  
nominatus Mexicanus Episcopus, quem honorem, amore,  
paupertatis & humilitatis summopere renuit donec Supe-  
riorum mandato coactus in Indias profectus est, vbi maxima  
passus est, & egit cum alijs Ordinis nostri, præsertim Prouinciæ  
Flandriæ Religiosis, pro gloria Dei, & animarum salute; vt  
patet ex eius litteris datis anno 1531. ad Ministrum Generalem

Item & Patres Obseruantes in Capitulo Tholosano congregatos. Videri etiam possunt ad hanc rem, in commentario R. P. Sedulij ad vitam sancti Francisci litteræ fratris Petri de Gandt datæ in Mexico anno 1529. 27. Iunij, item Reu. Patris Martini à Valentia qui ab eodem Carolo V. in Indias anno 1524. missus, anno 1531. scripsit etiam litteras ad Reuerendum Patrem Matthiam Vveynsen Commissarium Generalem Cismontanum (de quo supra egimus) quibus explicat fructus intuitum quos Patres, & fratres Obseruantes, sua religiosa conuersatione & prædicatione faciebant. Obijci is. ibidem anno 1534. cum antea diem mortis prædixisset, positis genibus in nuda humo in morem supplicantis, cuius corpus amplius triginta annis incorruptum mansit, miraculis innumeris coruscans, ob quæ ab Indis tanquam Apostolus in maximo honore habetur.

Centum talia in Chronicis Ordinis nostri vidisset Bouerius: si tam ad bona & sancta, quam ad aliqua reprehensibilia oculos conuertisset. Vidisset in eadem parte chronici lib. 1. cap. 14. & 15. quanta Obseruantes egerunt in Indijs Orientalibus, quomodo sua religiosa conuersatione infidelibus lucem dederrint, & fidelibus præluxerint. Vidisset ibidem cap. 31. & 32. Quæ de Occidentalibus Indijs ab Obseruantibus illustratis iam ex parte dicta sunt.

Vidisset etiam in Hispanijs inter plurimos alios sanctos Patres ac Fratres Obseruantes beatum Nicolaum factorem prophetiæ spiritu, virtutibus & miraculis clarissimum, qui degustata RR. Patrum Capucinatorum Obseruantia ad suos redijt, & sanctè mortuus est, de quo alias opportunius.

Neque etiam in ipsa Italia (in qua exorti sunt Patres Capucini eorumque Institutores, vel propagatores oculatiùs foretæ natos Ordinis, quem deserebant, introspexerunt), usque adeo iacuisse Ordinem eiusque disciplinam, & obseruantiam incredibile est: ut fratribus via ad perfectionem, nedum ad salutem præcluderetur; quod Bouerius cum suis non tantum hominibus vulgaribus, sed & ipsis Pontificibus persuadere conatus fuit. Præter alia quæ de breuitate temporis, intervntionem Ordinis sub Leone X. & Capucinatorum initium medijs in principio huius quæstionis diximus, vel illud argumento est, quod ipsemet Bouerius satis indicet. ducentos circiter viros zelosos.



59  
zelosos ex Obseruantia ad Capucinos transfuiffe, inter quos  
plures fuerant Guardiani, Definidores, & Ministri. Proincia-  
les apud Obseruantes. Quos si iungamus ijs qui in Ordine  
Obseruantium remanserunt (neque enim puto Bouerium exi-  
stimasse quod omnes boni & zelosi ab Ordine recesserint, cuius  
contrarium sepe insinuant.) mirum sane quomodo Religio tor-  
cordatis ac zelosis viris abundans ad interitum tendere, &  
omni auxilio vel in Italia destituta dicatur.

Ad annum Domini 1537. num. 19. describens Bouerius  
Ludouici Righini vitam ait: *Sapissime etiam ad Annuntiate mo-  
nasterium, in quo Patres de Obseruantia nuncupati religiosissi-  
me versabantur, communi pietatis sensu se conferrebant* (Ludo-  
uicus & Bernardinus Regini) *quo tandem factum est ut sancta  
hac honestaque conuersatione velut celesti vinculo attraxis eiusdem  
Religionis habitum insceperint.* Insuper prefatus Ludouicus  
inter Obseruantes degens sapius in extasim raptus, aliquan-  
do etiã sursum in acta corporaliter eleuatus & multa proph-  
tico spiritu prædixisse refertur, conuentum S. Francisci Thuri-  
nou, cui Guardianus præerat pane celesti refecisse. Ex quo  
patet non tantum salutem, sed etiam sanctitatem apud Obser-  
uantes, ante & post exortos Capucinos, obtineri potuisse. Idẽ  
Bouerius ad annum 1539. numero 4. in vita Ioannis à Fano  
appellat Ordinem Obseruantium *pinguem Minorum Obseruan-  
tium agrum* ad quem hoc virgultum translatus fuisse dicit. Et  
ibidem nu. 46. eundem Deo gratias agentem introducit quod  
se vocauerit ad Obseruantes, quos vocat *generationem quæ-  
rentium faciem Dei, ambulantium semitam rectam, commoran-  
tium inter lilia castitatis, discumbentium in cornuculo aliusimæ  
Paupertatis.* Quomodo ergo ad exortum Capucinorum pin-  
guis ille ager adeo sterilis factus fuit vt nõ nisi spinas & tribu-  
los in obseruantia gemitauerit?

Anno 1549. num. 15. de Francisco Aesino dicit, quod Deo  
intus illustrante & vocante ad Sacrum Minorum Obseruantium  
Ordinem se contulerit, in quo Deo strenuè militans magnam  
Regularis Obseruantia ac ceterarum virtutum studio, laudem  
consecutus sit; pro vt etiam Franciscum Titelmannum ac plu-  
rimos alios valido inspirationi saßilatu ad Obseruatium Reli-  
gionem asserit vocatos, & suauiter compulso.

Quomodo ergo Ludouicus Forosempronianus, & si qui alij de Ordinis relaxatione & lapsu conquesti sunt, potuerunt salua veritate ita miserum eius statum exaggerare, vt dicere ausi sint, se non posse in eo salutem suam operari? Non enim vocat Deus quemquā ad aliquem Ordinē in quo non possit salutem consequi. Vnde constat quam illud gratis de Obseruantium Ordine illi dixerint: cum vix moraliter contingere possit tanta relaxatio in aliqua Religione, vt qui seriō vellent, cum diuina gratia non possent animas suas saluare: esto enim prouiores simus ad defectus & vitia imitanda, quam ad virtutes; deberet tamen esse valde exorbitans eorum malitia, qui homines alicuius spiritus ad Regulā transgressionem etiā nolentes moraliter cogerent: Neque puto Bouerium huiusmodi iniquitatem Obseruantium Ordini impingere voluisse.

Insuper manifestum est ex anteposito Proninciarum & Nationum statum, non defuisse viros sanctos & religiosos etiā inter Superiores: Vtque a membris ad caput ascendamus; constat vel ex ipso Bouerio eo tempore ministrum Generaleni Ordinis fuisse virum religiosissimum & zelotissimum pro Regulari Obseruantia, scilicet Franciscum Angelorum siue Quinionium filium Comitis de Luna ex reformatam Angelorum Prouincia electum in Hispania in Capitulo Burgenſi anno 1523. de quo sic loquitur chronicum Ordinis 4. parte lib. 1. cap. 39. *qui cum maxima prudentia rexit Religionem Obseruantium quinque annis, sub Pontificibus Adriano VI. & Clemente VII. à quo postea anno 1540. creatus fuit S.R.E. Cardinalis tituli sanctae Crucis in Ierusalem; & fuit Protector Ordinis Obseruantium. Ipsemet Bouerius ad annum 1526. num. 19. eum describit, Virum omni virtutum genere ornatum, à Clemente VII. deinde ob praeclara merita in Cardinalium numerum cooptatum.*

Hæc vltimum est de superabundanti oculis beneuoli Lectoris exponere, vt videri possit Ordinis Obseruantium non fuisse caput languidum, neque cor moriens, minus à planta pedis vsque ad verticem defuisse sanitatem; sed e contra potius Ordinis corpus fuisse integrum & sanum in capite & in membris, valens & volens, iuxta sui status & nominis exigentiam, Regulam obseruare. Incumbebat alioquin ijs qui tam libere ordinem denigrabant probare ea quæ dicerent: cum

cum enim quilibet presumatur bonus donec probetur malus: non satis erat inobseruantias, relaxationes, imo totalem lapsus obijcere, nisi potuissent ea plenius probare. Quam vero in accusando leuiter processerint, singulatim inferius examinabimus.

## Q V A E S T I O V I.

*An Obseruantium Ordo aliqua reformatione indiguerit, & quid circa hoc Leo X. Pontifex disposuerit?*

**Q**UAM non encomia mei Ordinis describenda, sed Speculum Apologeticum Annalibus Bouerianis opponendum assumpserim: propositi mei est sic defensionem instar incumbere, contra ea quae falso Ordini adscribuntur; ut tamen ea quae vera sunt nolim dissimulare, nedum negare. Patendum igitur est nullum in hoc mundo institutum, adeo sanctum & firmum esse; quin (etiam vigilantibus & quantumuis renitentibus Superioribus) paulatim abusus & deordinationes irreparent.

Cum ea sit rerum humanarum licet diuinitus institutarum, conditio, ut paulatim staceant & deficiant, nisi tempestiue & prudenter remedium adhibeatur. Sicut humanum corpus quantumuis solidum & robustum ab intrinseco deficit, etsi externa contraria non adessent; nisi praeseruationis tomentetur, & curatiuis aliquando remedijs restauretur: imo quantumque diligentia & cautela adhibita, post naturae per peccatum sauciationem, tandem corrumpi necesse est. Ita pertracto in eandem fere necessitatem spiritu, corpus quod corrumpitur aggrauat animam, sensum licet multa cogitantem ac proponentem deprimat & usque adeo debilitat, ut totum hominem in ruinam ac mortem praecipitet, nisi secundum Apostolum reformetur in nouitate sensus nostri Rom. 12. ac remedijs diuinae gratiae, exercitijsque spiritualibus quotidie inno-uemur.

Ab sit ergo à nobis Pharisaicum supercilium, quo dicebat se non esse sicut ceteri hominum, ut à communi humanarum rerum



rerum conditione velimus Obseruantiam nostram eximere; nedum omnino sani nobis videmur, alijsque videri volumus periculosius infirmemur. Corpus Religionis ex membris tam multiplicibus & varijs, tam diuersæ corporaliter & spiritua- liter, temperiei, humoris, inclinationis, iudicij, &c. ex mem-bris ex sese ad corruptionem inclinatis compactum, tempo- rum diuturnitate, varietate euentuum, tentationum atque oppugnationum multiplicatæ, nunc in hoc nunc in illo subin- de indisponit. & lædi est quodammodo necessarium: pro vt Christus dixit *neceſſe eſſe vt veniant ſcandala*. In cuius colle- gio sub tanti magistri tyrocinio, irrepebant contentiones, emulationes, & indignationes. In Principe Apostolorum etiam post acceptam Spiritus Sancti abundantiam. S. Paulus Apostolus inuenisse se dicit quod reprehensibile erat. Ad in- ipso nascentis Ecclesiæ exordio, quando *credentium erat cor unum & anima una*, murmura nihilominus Græcorum aduer- sus Hebræos audiebantur. Similia, & grauiora mala paula- tim Ecclesiam Christi & Ordinem Seraphicum inuaserunt; præsertim ante illius sub Leone X. factam expurgationem. Nec volo corpus Ordinis per reformationis Obseruantium medicamentum ita sanatum asserere, vt factum fuerit dein- ceps incorruptibile, quod nullis impoſterum infirmitatibus ac vulneribus esset expositum. Hoc nemo prudens in seipſo cogitare, minus intelligentibus potest velle persuadere.

Confiteor itaque & non nego, confiteor Ordinem Obser- uantium suos paulatim contraxisse nequos, membra hinc inde habuisse languida, irrepsisse aliquas inobseruantie infirmita- res; inter bonas herbas zizania accreuisse; quin & spinas ac tribulos bonæ sementi non modicum spiritualis incrementi impedimentum attulisse, & graue multoties intulisse detri- mentum. Non sic tamen, quin hoc boni & zelosi Fratres agnouerint, & ipsi Superiores, Capita Religionis, membro- rum defectui condoluerint. Absit vt credamus tot viros do- ctissimos, prudentissimos; zelum Dei & salutis animarum habentes, quibus corpus Ordinis abundabat, ex quibus etiam supponendum est capaciores ad conseruandum & promouen- dum commune bonum electos fuisse; ita obdormiuisse & ob- stupuisse, vt remedium adhibere neglexerint, & volentibus opem ferre resisterint, vt Bouerius nimis inconsiderate vbi- que

63.  
que efficit, & a suis in magnam tantū ordinis eiusque Pra-  
torum iniuriam & ignominiam refert esse. Improperatum.  
Esset enim periculosis infirmitatis indicium malum suum,  
non sentire, signum desperati morbi est. medicinam omnino  
respuere: in medicos & chirurgos. insurgere est phrastico-  
tum.

Sed nunquid omnibus omnia, quae libebat remedia, adhi-  
bere, cuilibet pro suo. capto plasmare, secare, rescicare per-  
mittendum erat? Scimus humanum corpus per frequentiora  
medicamenta debilitari potius quam sanari; quibus tamen  
aliqui se nimium assuefaciunt, & alijs persuadere conantur.  
Scimus insuper quotidianas pharmacorum mutationes impe-  
dire quo minus vnum vel aliud plenum possit habere effectum.  
Imprudenter est, ne dicam stultitiam, adhibere, imò & per-  
mittere acres & violentas medicinas, ubi parua dieta & mi-  
tiora remedia sufficerent. Quid dicam de ijs qui statim pro-  
curatione parui doloris aut vulneris volunt euellere, secare,  
& rescicare? Sanè adhibere talia ubi ea non exigit extrema  
necessitas, non chirurgorum vel medicorum, sed tortorum  
potius mihi esse videtur. Quid eo usque progredior? cum nul-  
la ferè vera medicamenta possint adhiberi. sine nociua corpo-  
ris alteratione, merito videntur qui pro minimo dolore quem  
sentiunt statim ad medicamenta recurrunt; & amplius illi ri-  
dendi sunt qui vix sumpto vno remedio statim debilitato cor-  
pori & stomacho aliud super infundunt.

Credo intelligentes facile visuros quo tendam. Reforma-  
tiones omnes, praesertim notabiles & extraordinariae, id sunt  
religionis, quod venae sectiones, potiones. medicae, catapla-  
smata, & cetera medicinalia sunt corpori: illas itaque pro-  
miscue sine delectu, & graui causa adhibere; quid est aliud  
quam incommodare, alterare ac debilitare corpus. Religio-  
nis sine necessitate? Illudque mille iudicijs & obloquijs ho-  
minum exponere? qui merito supponunt remedia huiusmodi  
non adhiberi nisi infirmitates & mala grauiora in Religione  
inualuerint, vnde ex reformationibus, praesertim publicis &  
extraordinarijs, non irrationabiliter colligunt, ordinem cui  
adhibentur supra quam ante putauerint fuisse deformatum.

Hac credo de causa sanctissimus Papa Leo X. post eam Or-  
dinis expurgationem, qua membra nolentia secundum puri-  
tatem

tatem viuere à corpore Ordinis separata sunt; post sanòrum membrorum solidiorem inter se vnionem, ac totius corporis confirmationem, pro remedio præseruatiuo indiscretam novorum remediorum applicationem prohibuit. *Bulla te & vos in vineam meam.* Ne, inquit, *ex novarum sectarum in dicto Ordine forsari introductione facienda, Ordinem iterum in rixas deuenire oporteat & volumus, & in virtute sanctæ Obedientiæ firmiter præcipimus & mandamus, quod de caetero nullæ novæ sectæ, vel reformationes in dicto Ordine introducantur aut fiant absque Ministri Generalis aut Prouincialium Ministrorum reformatorem, in suis Prouincijs respectiue, expresso assensu. Ita tamen quod dictæ reformationes ipsi Ministro Generali, & Prouincialibus reformatis per omnia, iuxta regulam subiiciantur &c.* considerabat namque sapiens Antistes, & experientia magistri iam immediate didicerat; quantis tam in Ordine, quam extra illum, & reformatio Obseruantium dedisset occasionem alterationibus, & perturbationibus reformatio tamen tam necessaria, vt sine ea essentia Ordinis consistere non posset: vtpote quæ secundum nomen suum, non tendebat nisi ad Regulæ & Professionis Obseruantiam, adeoque ad ordinis vitam (vt eam sæpe Bouerius vocat) conseruandam: Reformatio quæ nullis acrioribus medijs aut remedijs vsa est; quæ non fecit ab Ordine separationem (licet hoc diuersis in locis male, & contra veritatem Bouerius insinuet & supponat) sed semper sub Generalium Prælatorum atque Ordinis obedientia mansit, licet autoritate Concilij Constantiensis subtrahita fuerit regi-  
mini Ministrorum Prouincialium, quorum aliqui, in obseruat-  
tiæ labe infecti, minus illi fauebant.

Considerabat etiam, quam subinde leuiter aliqui, etiam zelum Dei habentes, sed non secundum scientiam, reformationes, & innouationes meditentur ac machinentur, non sine sua & aliorum perturbatione. Videns enim homines plerumque inexpertos, qui nunquam prouincias vel conuentus rexerunt, & vix seipsos regere nouerunt, velle alios ad suum nuntum & iuxta suum iudicium reformare, & qui se non possunt tales efficere quales volunt, cupere alios habere perfectos secundum suam phantasiam per media & modos à se conceptos. Quo sæpe fit, vt præcurrente zelo, quo eum prudentia eorum assequi non potest, dum vitæ spirituali accidentalia, austerita-  
tem,



tem, vestium vilitatem, breuitatem, strictitudinem, nedicam singularitatem per petias & lappas inutiles modos, seruandi paupertatem sibi arridentes indiscreto zelo introducere con-  
tendunt, lædant obedientiam & respectum superiorum, tur-  
bent pacem, frangant charitatem, & sic contra axioma ab om-  
nibus merito recipiendum, substantiam Religionis propter  
accidens corrumpant.

Horum indiscreto zelo occurrere volens Pontifex imperauit  
merito vt nulla imposterum secta vel reformatio in Ordinem  
introduceretur sine expressa licentia Ministrorum; quorum  
prudentiæ ac zelo (vt pote ex Reformatis secundam bullam ab  
iplo editam eligendorum) confidebat, quod nihil inordina-  
tum, rixas & turbationes generans admitterent, nihil etiam  
quod ad obseruantiam iam stabilitæ conseruationem & promo-  
tionem conduceret, impedirent.

## Q V A E S T I O VII.

*An expectationi Pontificis & rectè rationi quoad reformatio-  
nes admittendas Ordinis Superiores satis-  
fecerint.*



On defuisse Superiores officio suo probat status Or-  
dinis quem iam descripsimus; in quam licet non  
disfiteamur hinc inde irrepsisse abusus aliquos: eos  
tamen communibus remedijs, statutis, monitio-  
nibus, correctionibus, & præcipuè bonis Prælatorum exem-  
plis corrigendos esse, & correctos fuisse asseuero; idque ex  
chronicis Ordinis, atque ipsomet Bouerio ostendi potest, qui  
ad annum 1542. num. 48. refert fratrem Laicum à Capucinis  
ad Obseruantes regressum, & inter eos de proprietate conui-  
ctum, secundum culpæ modum & quantitatem punitum fuisse;  
Suppono enim non requiri ad hoc vt reformata sit Religio,  
imò & sancta, quod in ea nulli defectus, vel defectuosi inue-  
niantur, sed vt agniti non tolerentur, & non relinquantur im-  
puniti.

Insuper sicubi fortè in Prouincijs aliquibus maioribus re-  
medijs

medijs opus fuerit, nec in ijs adhibendis Superiores Ordinis Prelati defuerunt: diuersas enim in diuersis locis, ante & circa Capucinorum exordia, reformationes, non tantum permiserunt; sed etiam promouerunt & instituerunt. Id patet ex Reuerendo Patre Gonzaga 1. parte Titulo de Reformatorum atque Recollectorum exordio ubi hæc habentur: *Non dissimilem à Patribus Capucinis ducunt, nec in unius unguiculi latitudine illis nostri reformati cedunt.* Quorum originem fidescribit.

[ Cum frequentius Patres Obseruantes tum antiquiores à Patribus Conuentualibus conuentus derelictos, tum quoque alios de nouo à principibus edificatos, ex Apostolica auctoritate admittere cogerentur; nec sui status normam obstratum numerositatem, ea felicitate in illis (quod maiores augustiorisque essent) qua in se antiquitus constructis, qui multo minore mole eos stabant, seruire possint, ne vetustas Obseruantiam nitore labefacteretur commaculareturque, neque eius vigorem remitti contingeret, neque etiam plurimorum Patrum vota, quos maximi eius vitæ regebat, cassa redderentur: Reu. Adm. P. Martialis Boulier Ultramontanus Generalis Vicarius, in quadam Generali Congregatione cum legatione apud Castellæ provinciam celebrata, ex Patrum quorum id munus erat, consensu, humiliores quasdam domos, quas recollectas vocant, ab hominum frequentia semotas atque regulari vitæ ducendæ omnino accomodas, in singulis Hispaniæ tum provinciis, tum quoque custodijs, in quibus ij Patres atque Fratres, qui arctioris vitæ desiderio tenerentur, commorari possent, anno Dominicæ Incarnationis 1502. selegit constituitque.

Cum autem hoc decretum operato sine carnisset, ceperunt quidam Patres sui status zelores nouas custodias, sub regulari tamen obseruantia, atque sub strictissima paupertate, in quibus iuxta primæuam Obseruantium institutionem visitare possent erigere. Quamobrem provinciarum proceres, ne dilabentibus ab eis ad custodias fratribus, illæ aliquando pessimum irent opera R. P. fratris Francisci Angelorum totius Minoritici instituti Generalis Ministri, adiuti, præfatas domos recollectas in omnibus Hispaniæ Provinciis sub Clemente Septimo, ac circa annum Domini 1525. denovo instruxerunt: quæ

quæ usque in hodiernum diem sanctissimæ perseverant (*nota hæc scripta esse circa annum 1587.*) habitant siquidem in illis egregij Patres ac Fratres qui orationi spirituique ex professo vocant, sanctissimamque paupertatem, silentium, humilitatem, charitatem, præcipuè circa infirmos, atque cæteras virtutes diligentissime colunt, inutilesque discursus maxime fugiunt. Ad quorum exemplum Itali quoque Patres quosdam conuentus, ad idem opus selectos, atque in custodias, sub proprio patre Custode ex præfati Clementis Septimi Pontif. Max. auctoritate redactos, ijs fratribus, qui primitiuorum Patrum obseruantium vestigijs insistere vellent, tradiderunt. Est nihilominus aliqualis differentia inter istos, atque illos: nam isti reformati dicuntur, peculiarique Custodi immediate subsunt atque quibusdam concessionibus & priuilegijs summi Pontificis Clementis Septimi gaudent: illi vero relictæ appellitantur, atque Prouincialibus Ministris adamsim parent nullumque Custodem admittunt, nec præfatis Clementinis concessionibus gaudere volunt. Confluxerunt etiam tum ijs temporibus vel paulò ante, tum quoque postea integra quædam recollectorum Prouinciæ apud Hispanos: videlicet sancti Gabrielis Arrauidæ, pietatis, sancti Ioseph, sancti Antonij, atque sancti Ioannis Baptistæ in quibus antiquus ille Regularis obseruantie vigor, paupertas, atque viuendi modus maxime relucet. Quibus tamen maiorum conuentuum, atque Obseruantum Prouinciarum grauitas, religio, compositio, disciplina, doctrina, atque debita, iuxta summorum Pontificum declarationes paupertas in nullo penitus cedit. ¶ Ex quibus meritò inferit Reuerendissimus ille Pater valde gratam Deo, & singulariter curæ eidem esse sacram Religionem Franciscanam, quam, [et] etsi ad tempus à recto tramite aliquantulum deuiare sinat; non tamen in De formationis barathrum labi permittit. quin imo sibi perpetuò ex illa septemmillia virorum seruat, qui non curuant genua sua ante Baal, quique pro tantæ matris honore, dignitate, atque nitore zelantes eam in rectam, vnde deflexerat, viam felicissimi redeunt. Idque omnino in causa est, non autem (vt aliqui mali autumant animi leuitas, aut inconstancia, vt tot rami nobiliaque germina, puta Clareni, Amadri, Obseruantes, Reformati, Capucini, & alij ex ea prodierint. Quæ tamen omnia,



Patribus Capucinis demptis, totius Ordinis Generali Ministro, iuxta Franciscanæ Regulæ præceptum (quo cauetur vt vniuersi Fratres vnum de Fratribus istius Religionis teneantur semper habere Generalem Ministrum & seruum totius fraternitatis, & ei teneantur firmiter obedire) paruerunt, eiusque dicto audierunt, & modo quæ ex ijs supersunt ad nutum audiunt. ¶

Quibus omnino similia habent chronica Ordinis tertia parte lib. 9. cap. 33. vbi refertur zelosos quosdam fratres instituisse certas custodias, in quibus strictius, & cum maiori vitæ aut ritate Regula seruari posset, absque eo quod fratres à Prouincijs suis separarentur. Cui reformationi iam exortę in tantum ibidem dicitur fauisse R. P. Fr. Franciscus Angelorum dictus Quininnionius Generalis Minister Ordinis, quando Capucini inceperunt [ vt conuentus eis dederit, sua auctoritate firmauerit particularia statuta, ad maiorem paupertatem, & longiores rationes in communitate eis ordinauerit, bonoque exemplo ipsemet præiuerit, vtpote professus et ipse in sancta prouincia Angelorum. Ostenderitque magnum zelum augendi suum Ordinem quem regebat, et splendorem eius conseruandi, manus auxiliares ijs præbens qui volebant austerius viuere, tanquam verus pater & pastor qui debet considerare bonum spirituale eorum qui sunt sub eius cura & protectione. ¶ Quæ omnia ferè ad verbum habentur in chronici loco citato.

Vnde non debebant tam sæpe conqueri Authores Patrum Capucinorum, neque Bouerius ita inculcare paupertatem, totamque Ordinis disciplinam fuisse *neglectam & pessumdatam nemine opem ferente*. Minus Ludouicus Forosempronianus tam fortiter imaginari debebat, vt moræ fieret impatientis, *verba sibi dari & vanas pollicitationes à Generali Ministro reformationem promittente*; pro vt ad annum 1526. num. 20. & 21. non tantum refert, sed etiam approbat Bouerius. Nam contrarium ex his patet, quæ non tantum Pater Gonzaga, sed chronica referunt ante exortos Capucinos, & eodem anno quo inceperunt, contigisse. Pro vt etiam in eodem capite 33. chron. fit mentio reformationum & reformatorum in Italia sub Clemente VII. qui Auctoritate Pontificis & fauore Ministri Generalis dicuntur fuisse multiplicati, & statum

ac splendorem Ordinis manu tenuisse. Et consequenter post Prouincias pietatis & sancti Gabrielis altera in Portugallia reformata narratur per Fratrem Martinum ex Prouincia de Murcia nobilem genere, zelo religionis nobiliorem, quæ appellata est Prouincia Dominæ nostræ de la Rabida, in qua Fratres Obseruantes ante Capucinos caputium acuminatum assumpserunt virtute Breuis Pontificij, fauentibus Portugallie principibus. Sed per aliam Bullam iussi sunt illud deponere, & alij Patribus Obseruantibus, quorum Obedientiæ suberant, sese in habitu conformare; quod ut fecerunt, plurimam ab ipsis Obseruantibus beneuolentiam experti sunt, & adiuti fuerunt ut ibidem refertur.

Eadem omnino referuntur & confirmantur 4. parte chronici diuersis in locis, specialiter lib. 1. cap. 39. Libro vero 2. eiusdem 4. partis cap. 57. & ultimo istius libri fit mentio Venerabilis Patris Martini Gusman nobilis Hispani, qui ex seruitio Caroli V. Imperatoris ad Dei seruitium in Ordine nostro Seraphico se transferens, contra amicorum suorum voluntatem; propter eorum importunitatem, de licentiâ suorum Superiorum, se contulit ad Romanam Prouinciâ, in eaque pacificè & sanctè vixit omnibus gratus, præsertim Patribus reformatis. Cui reformationi initium & formam dedisse narratur doctissimus & zelosissimus Pater Stephanus Molina etiam Hispanus & præfato Patri Martino Gusman familiaris.

Patet etiam ex lib. 5. eiusdem 4. partis cap. 59. quantum R. P. Fr. Gilbertus Nicolai, aliàs Gabriel Maria dictus, primus post vnionem Commissarius Generalis Cismontanus, pro Obseruantia, reformationibus, earumque stabilitate & pace laborauerit, & quanto fructu, idemque constat ex historia R. Patris Fratris Caroli Rapinæ de origine & progressu fratrum Minorum reformatorum & recollectorum, ubi describitur quomodo reformatio per omnes mundi partes sese dilatauerit.

Ex quibus omnibus facile patet Ordinem Obseruantium, eiusque Superiores, non tantum non restitisse reformationibus, ubi & quando eas necessarias esse, vel etiam solum conuenire bono animarum & Ordinis iudicabant; verum etiam eas fouisse & instituisse. Vnde præsumi debet si aliqui aliquando aliquibus obstituerint, vel non putasse eas fuisse necessarias  
aut

aut conuenientes; vel tali modo & à talibus fuisse attentatas, quod viri prudentes ac suæ Religionis amatores non existimauerint aliquid inde boni posse sperari: nam sæpissimè vel in primis reformatorum Auctoribus, vel saltem in eorum assecclis & sectatoribus, multa humana misceri solent, & regi zelo austeritatis & maioris perfectionis: dum aliqui, *qui non sunt de semine virorum illorum per quos salus facienda est in Israel, 1. Mach. 5.* volunt & ipsi facere sibi nomen, & qui aliàs defectu verarum virtutum, aut discretionis & prudentiæ necessariæ ad Fratrum regimen non assumuntur, pertæsi humilitatis religiosæ, specioso reformationis pretextu ad prælaturas emergere moluntur; pro vt prohi dolor! Subinde docuit experientia. Vnde non tam libere debuit effutire Bouerius ad annum 1532. num 60. Obseruantes *ab ipso quoque reformationis nomine, nedum re, abhorruisse.* Siquidem timere poterant, & debebant, viri prudentes ne vitium, vt assolet, virtutis exuijs obiectum latenter irreperet; & in viridantibus reformationis folijs anguis proprii sensus latitans, singularitatis, contumaciæ. ac dissentionum venena diffunderet, nam bene quidam cecinit.

*Disceat inexpertis sapiens diffidere, rebus,  
Insidijs nouitas semper amica fuit.*

## Q V A E S T I O VIII.

*An rectè Bouerius oppositiones contra Caputinarum reformationem à Superioribus factas descripserit?*



**P**LVRIMVM interest quibus terminis & epithetis res aliqua siue à concionatoribus, siue ab Historicis exprimat; nam idem opus quantumuis honestum, verbis tamen minus congruis expressum, facillimè potest malum aut scandalosum videri: quapropter sanctissimus Pater noster cap. 9. regulæ monet & exhortatur Fratres *ut in predicatione quam faciunt sint casti & examinati eorum eloquia, ad utilitatem & adificationem populi.* Quam-

mo-



monitionem si R. Pater Bouerius attendisset, ut pote etiam historicos concernentem, credo quod verbis mitioribus ac modestioribus in describendis oppositionibus contra suam reformationem factis usus fuisset. Nam ubicumque eas describit semper odioso persecutionum acerbissimarum nomine & epitheto illas incutiat: quasi non potuisset suorum gloriam & trophæa satis exaltare, nisi Patres Obseruantes faceret tyrannos, humanorum & diabolicorum consiliorum inuentores vel executores. Malo ipsi finet verbis rem totam ob oculos ponere. Nona linea in apparatu num. 46. de ista reformatione dicit: *tantis in ipsa natiuitate calamitatibus fuit affecta, ut nec ipsi domestici tenella aetatis doloribus parcerent; sed in eius potius necem conspirarint.* Ad annum 1524 num. 46. cum dixisset aliquos à Ministris reformationem poposcisse, subiungit: *Ut Pauli verbis utar; quomodo tunc is qui secundum carnem natus fuerat, persequeretur eum qui secundum spiritum;* inde sicbat ut qui vel ad Regulas Obseruantiam anhelarent, vel Ordinis reformationem expeterent, cernicofi, perturbatores, sicciosi, nouatores à caeteris haberentur; atque adeo ab ipsis Generalibus Ministris ac Superioribus, qui Ordinis relaxationem fovebant male acciperentur. Ad quorum confirmationem ex 3. parte chronici Ordinis lib. 9. cap. 15. (ipse male habet 35.) profert vaticinium cuiusdam Patris non ignotæ sanctitatis (cuius nec ipse, nec Author chronici nomen adscribit) qui Reuerendissimo Patri Fratri Francisco Lychero Obseruantium Ministro Generali in faciem improperasset, quod, cum propugnare deberet Zelatores Regulæ, è contrario eos oppugnaret ac persequeretur: atque eidem prædixisset excitandam fore à Deo, ipso inuito, aliam reformationem, quodque ipsi & alijs Ministris durus esset, extra Ordinis Obedientiam; ipse vero Dei & sancti Francisci vltionem non effugeret.

Optarem hic Bouerium adeo oculatum fuisse in videndis ijs quæ pro honore Ordinis scripta reperiuntur, sicut fuit in ijs quæ contra Obseruantium Ordinem factæ videntur. Legit ipse, vel potius legisse imaginatus est à R. Patre fratre Carolo Rapinço decade 6. parte 2. suæ historiæ Fratrem Matthæum Bassium inter Apostatas fuisse relegatum; cuius nec apparentiam inuenio, & non vidit illum Patrem Recollectorū

& Reformatorum historiam scribentem decade 4. parte 5. numero 8. proflentem expressissime, *Patrem Lichetum fuisse amicissimum reformationis & reformatorum & acceptasse in specialissimam protectionem reformatos de custodia Estremadura, & quod ex toto suo posse conatus fuerit illis fauere: ac in illum finem cum R. Patre Fratre Gabriele Aue Maria, Commissario suo Generali, contulerit serid de medijs quibus roborari posset ista reformatio, dando illi omnem potestatem secundum Deum, quidquid iudicaret conducere ad consolationem reformatorum in erectione eorum Custodia in Prouinciam. Et illo loco decadis 6. in quo legit id quod non habetur, videlicet Matthæum inter apostatas fuisse relegatum; id quod habetur non aduertit: videlicet; *Matthæum malè fuisse tractatum à Generali R. P. Fr. Francisco Licheto; alioquin maximo amico & protectore reformatorum vt antea diximus. Ex quibus eius verbis forte non omnino irrationabiliter posset alicui incidere suspicio; illum non ignotæ sanctitatis virum, cuius ipse & chronica mentionem faciunt sine nomine, fuisse Fr. Matthæum, qui de reformatione à se inchoada extra Ordinem facile prophetare potuisset, & iam eam animo meditabatur. Quod tamen Bouerius non agnoscet, qui vbique negat Fratrem Matthæum reformationis inchoandę vllam intentionem habuisse.**

In progressu suorum Annalium postquam anno 1225. nu. 26 retulisset Fratrem Matthæum Bassium à Ministro Prouinciali R. Patre Fr. Ioanne à Fano fuisse incarceratum, & valide malè tractatum in carcere: num. 27. subiungit: *Hec vero partim Satana liuor in Matibæum consilia excogitauerat, vt illum à cœptis desistere, & aggressum reformationis opus, à quo sibi grauius metuebat, cogeret infectum deserere: partim vero id humana Ministro prudentia suadebat; ne scilicet ex noua illius habitus forma, qua animos sua nouitate atque asperitate ad reformationem pelliciebat, scissima in ordine concitaretur. En humana & diabolica consilia, secundum ipsum, contra reformationem conspirantia. Et tamen nihil inordinati aduertit in eo quod ibidem refert & laudat, quendam pium, vt vult, sacerdotem, subditum tamen, sine autoritate legitima eo vsque Superiorum suorum negotijs sese immicuisse, vt voluerit carcerem aperire & dimittere Matthæum contra Iuris Ordinem. Insuper dum eundem narrat ea quę in Ordine agebātur extra illū diuul-*

diuulgasse, atque ad Catharinam Ciboam, Camerini Ducis-  
sam ac Pontificis Clementis VII. neptem detulisse, quæ ea oc-  
casione ardentes ac minaces ad Prouincialem Ministrum litte-  
ras dederit. Alios quoque fratres aperto illegitimè carcere  
fugam suasse; quam tandem etiam inijsse Matthæum testa-  
tur. Nihilibi ne humanorum quidem consiliorum vidit aut  
reprehendit Bouerius: licet refert Matthæum suasionem illam  
tanquam Satanae consilium repulisse.

Ad annum 1531. num. 15. acriori adhuc stylo Obseruan-  
tes perstringit: *Hoc porro tempore usque adeo in Capucinos, tan-  
quam propria religionis desertores, Ordinis persecutiones desue-  
bant; ut eos nullo propemodum loco tutos quiescere, aut fixos con-  
sistere paterentur.* Sequenti vero anno 1532. postquam num. 1.  
*Superiorum violentam auctoritatem: totius ordinis impetus ac  
procellas, contra res Capucinorum nominasset num. 2. omnia  
Ministri Generalis R. Patris Fr. Ioannis Parmensis quem ipse  
Pisciotà vocat (Gonzaga nominat Pisotum) dicta & facta  
sinistrè interpretatur; Eius animum à reformatione alienum,  
erga Capucinorum reformationem adeo exulceratum, ut ne ullam  
quidem de ea mentionem fieri equo animo sustineret, describit,  
Cumque minus in reformationem animum intenderet, veritus  
maximè ne ad Capucinos migrarent, Ludouicus & Bernardinus  
Regini, vult eum propendisse in illam sententiam, ut oppido in  
vincula uterque conficiatur. At statim mutato prorsus in oppo-  
situm consilio refert eum commendasse eorum zelum, virtutem  
ac propositum: reformationem, quam ij sibi ipsis priuata  
proponēbant, se in toto Ordine prosecuturū, pollicitum fuisse  
Ludouicum Nepitij, Bernardinum Rhegij in Annunciationis  
Beatz Mariz conuentu Guardianos destinasse: sed totum hoc  
ut eos à proposito reformationis studio reuocet. Sic ille Annalistæ  
omnia in peiorem partem interpretatur, licet bonus ille Ge-  
neralis expressis verbis eos in maioribus hisce conuentibus su-  
periores eo consilia à se institutos affirmaret: ut trium conuen-  
tuum postulatione pratermissa, ad totius Prouinciæ reformatio-  
nem animum & cogitationem transferant.*

Anno 1534. num. 15. dicitur quod idem ille Generalis,  
procuratis ac receptis ab omnibus undique Regibus ac Prin-  
cipibus litteris, qui (ut habet num. 16.) in reformationis inte-  
ritum conspirauerant, sed actu & opera Generalis Ministri, su-  
premo



*premo Capucinos bello aggredi parabat talibus armis munitus. Qui bello profundiꝝ quam deceat, & credibile sit immisceat ipsum summum Pontificem; narratque quadam valde parum coherentia, videlicet Pontificem quasi miraculosa tempestate exterritum, & diuinitus monitum consilium de exterminanda Capucinatorum reformatione mutasse. Nihilominus cum aduersarij fortius apud ipsum insisterent, cogitasse ad breue tempus Capucinos ab vrbe expellere, vt per querimonias eorum qui Capucinis fauebant iterum honestius, & cum satisfactione Principum, qui contra eos scripserant reuocarentur. Idque consilium refert decreto adeo rigido executioni mandatum num. 19. vt in festo sancti Marci, quotquot in vrbe erant Capucini ad vnus candelæ ardentis tempus ab eadem conestum abscedere præciperentur.*

*Quæ, vt dixi videntur parum credibilia: nam quæ decreta adeo rigidi, in re non seriò putata necessitas? & quid opus erat eorum querimonijs, qui rebus Capucinatorum fauebant, si tam manifestè Deus se ijs fauere ostenderat, prout antea narrauerat Bouerius? Videntur mihi, saluo meliori, talia signamenta ac simulationes dignitatem Pontificiam & auctoritatem minus decere, cui nec propter principes quidpiam minus, & Deo displicens, vel simulare conueniebat. Et quæsum quæso Brandani istius Eremitæ, quasnum: 261 refert, tenebant inuectiuz in Romam Capucinos expellentem proclamatæ quasi spiritu prophetico, si totum simulare tantum, & bono fine agebatur?*

*Nihilo benignior est ad ann. 1536 vbi num. 92 scribit verba cuiusdam Bernardini Senensis Definitoris Capucinorum, quibus respondet euidam Cardinalis percutientii quid de vnione cum Ordine Obseruantium & subiectione ad Generalem Ministrum sibi videretur: quod nihil magis exploratum sit, quam Generalem Obseruantium Ministrum in noua reformationis interitum cum suis modis omnibus conspirare? & proinde hac subiectione illi certius expectandum esse, primæ quoque tempore extinguendum fore. Post relatam vero num. 33. bullam Pauli Tertij, quæ Capucini ab Ordinis Obediaentia eximebantur, sic concludit. En quo tandem acrior hac persecutio, quam extremum afflicta Religioni diem ominari videbatur, euasit. Itæ nimirum vocat propositam vnionem per religiosissimum vi-*

rum.

rum Patrem Vincentium Lucellum Obseruantium Generalem, de qua postea latius loquendi dabitur occasio.

Videtur acrimonia styli Boueriani cum annis accreuisse nam ad annum 1558. num. 3. cum dixisset *antiquos religionis aduersarios*, cuiusdam Cardinalis beneuolentiam & auctoritatem sibi conciliasse cum quo *coniurauerant*, vt *Capucinatorum Religio ad Minorum Obseruantium Ordinem & obedientiam*, Pontificia potestate reuocaretur; subiungit: *plurima quidem hactenus procelle iam ab exordio, in Religionem excitata fuerant, qua cum palam desauirent, ijs ratione, & consilio obssili poterat; at nulla hac sauior tempestas.* &c.

An his & huiusmodi alijs sexcentis elogijs, & egregijs encomijs, quibus passim Superiores & Ordinem Obseruantium honorat Bouerius, eos persecutores & tyrannos non faciat, cuiuslibet iudicandum relinquo. Hoc non satis capio quomodo religiosus animus, imbutus, vt oportebat, charitate, *quæ malum non cogitat, patiens est* in vera etiam iniuria ferenda, benigna in eadem interpretanda & referenda, hæc adeo amaro stylo exarare & exaggerare potuerit.

Certè iuxta communioem Patrum, Hieronymi, Gregorij aliorumque interpretationem legimus etiam bonos Angelos, quos gloriæ cœlestis splendor illuminat, in libro Danielis cap. 10. vers. 13. Prophetæ sibi mutuo restitisse, dum Diu inque voluntatis arcanum circa regna & populos sibi commissos adhuc ignorarent. Quid ergo miri si homines quos congenite culpæ comes ignorantia obscurat, quosque Deus secundum ordinem suæ suauissimæ providentiæ voluit sibi mutuo, zeli, patientiæ, ceterarumque virtutum materiam subministrare, aliquando opinionibus & voluntatibus discordent; præsertim in ijs rebus quæ bene & male fieri possunt, & in quibus Deus suam voluntatem non manifestauit?

Videtur quidem Bouerius vno vel altero in loco voluisse mordaces has phrasas suauiori aliquo condimento lenire, & temperare. Vt cum Ioannis à Fano postmodum Capucini vitam describens ad annum 1539. num. 4. dicit: *Cum summum religionis zelum cum animi ardore coniunctum haberet, haud mirum quod in eo non nihilexcesserit . . . . Is alterius Sauli instar abundantius sui Ordinis, præter scientiam tamen, amulator existens: verbo, scripto, litteris, minis, persecutionibus, vincu-*

lis, & carceribus, et denique omni ac violentia, omnibusque machinis adhibitis, reformationem proferre, ac prorsus e medio tollere tentauerit. In quibus tametsi nonnihil excefferit, ea tamen culpa, vltro condonanda est. Eiusdem indiscreti zeli titulo ibidem. *Generales Ministrorum Obseruantium Ministros, & quos quod eiusdem Ordinis Superiores, in Capucinatorum reformationem, praefecis illis temporibus persecutionibus defecisse visi sunt excusandos putat: Quandoquidem in eo, quod excefferunt; non vitium, sed virtus, ac religionis zelus, quo ferebantur, spectanda sunt.*

Nescio an adeo tenui & modico condimento, tot diuersis in locis illata vulnera sanare, tamque amaras potiones dulcorare putauerit. Melius sanè fuisset, etiam posito quod omnia vera forent, quæ de persecutionibus scribit (quod non credimus) vocabulis & epitetis suauioribus uti, ac religiosè charitatis pallio, si qui fuissent in ordine eiusque Superioribus excessus, cooperire. Etenim religiosorum imperfectiones, quibus tanquam homines omnino carere non possunt, amariore stylo descriptæ & exaggeratæ homines seculares nonnisi scandalizare, & ad religiosorum & Religionis vilipensionem excitare poterant; qui non consideratis virtutibus, & conatu quem adhibent viri spirituales ad domandam naturam, & vitia extirpanda, agnitas infirmitates eorum ad suam trahunt excusationem,

nihilque in ipsis, præter communem naturæ corruptionem imaginantur; & dum illos tantum homines sibi similes cogitant exempla bona & monitiones eorum parui pendunt.

†



QV AE.



## Q V A E S T I O I X.

*An non rationabiliter Obseruantium Ordo, eiusque Superiores  
exorienti Capucinatorum reformationi sese opposuerint?*



VPPOSITA potestate ordinaria & obligatione inde resultante, quæ Superioribus ex officio incumbit; accedente præsertim mandato Pontificio, cuius frequenter in præcedentibus mentionem fecimus, quo cauebatur ne quis sine Ministrorum Generalium, & Pro- uincialium expresso consensu nouas sectas & reformationes in Ordinem introduceret: ex ijs quæ superius dicta sunt & im- posterum dicentur non erit difficile cuilibet discreto, ac nullo affectu præoccupato ostendere & persuadere, quod Superiores Ordinis Obseruantium rationabiliter processerint, quando præfensa Capucinatorum reformationi conati sunt resistere, eique pro posse sese opposuerunt.

Diximus enim quæst. 6. (neque puto quempiam posse refragari) etiam verè infirmum, & medicamentis indigentem, posse respuere, seseque opponere medicamentis acrioribus & extraordinarijs, ubi mitiora & ordinaria ad sanandam infirmitatem sufficiunt. Compertum etiam est Superiores, quantum possibile est, salua animarum salute & regulari Obseruantia, teneri præcauere omnes Ordinis & ouium sibi concreditarum inquietudines, & turbationes. Insuper constat si cuilibet pro libitu permittatur in modo viuendi, habitu & cæteris religiosa vitæ exercitijs noua & particularia introducere: nullo vnquam tempore pacem inter Fratres, & charitatem posse fartam tectam seruari: siquidem hominibus etiam bonis sæpenumerò noua placent, & indiscreto zelo plerique admutationes inclinantur antequam maturè considerent, an noua futura sint veteribus meliora. Cum ergo constet experientia vix aliquid in humanis ita esse conueniens quin sua secum ferat inconuenientia; cur exoriente hac præfensa Ordinis reformatione à subditis quibus id non competebat; Superioribus non licuit eam tanquam suspectam examinare & suspendere?

&

& opponere sese subditis qui sine superiorum suorum licentia, contra religiosæ disciplinæ ordinem ad Sedem Apostolicam excurrerant, promutanda ferè sola habitus forma, prætextu reuelationum sibi factarum? Subditis qui nunquam ad Fratrum regimen assumpti fuerant; imo quorum vni nequidem prædicationis officium fuerat commissum: qui erat (vt ipsemet fateatur Bouerius ad annum 1526. num. 14.) *vir ardentioris ingenij, natura audax, sagax, & ad dura quæque tolerans idoneus*; forè magis in militia quam in Religione exercitatus; cuius hypocritis postmodum in absoluteione à Generalatus officio seu commissione apparuit. Subditis qui ab anno 1526. (vt habetur in apparatu num. 54. ex historia Romanaldina) *cum Licentia Apostolica*. (quæstio est an non merito suspecta, de quo postea) *à propria Religione dicefferant ac proinde vagantes Italiam circumibant, quo tenderent, aut quid quærerent, prorsus ignorabant*. Qui superioribus suis respectum perdebant; qui Ordini iniuste insultabant tanquam collabenti & nullam paupertatis reliquarumque virtutum religiosarum curam habenti; vt incepti ostendere, & in sequentibus plenius ostensurum me & probaturum confido. Cur inquam tali occasione talibus talium subditorum machinationibus non potuerint, imo non debuerint Superiores sese opponere? *Propria conscientia ad annum 1526. num. 49. veritatem Bouerio extorsit vt diceret: quod ad Fanestris zelum pro Religione susceptum attinet, neque damnandum, neque illius prudentiam aspernandam censeo, vox enim sapientis est (Eccles 19.) qui cito credit leuis corde est. Neque enim aut Matthæus aut Ludovicus. eam sibi in Ordine authoritatem, aut prudentiam nomen comparauerant; cu ihs de reformatione agentibus, statim factum commendandum, ac eorum spiritus, necdum ullo rerum successu probatus, à Pastore sequendus esset.*

Non video igitur in quo tantopere Superiores Ordinis sint reprehensibiles vt à Bouerio tanquam persecutores & olores reformationis sugillari potuerint. Attento præsertim quod videatur adeo ipsum Annalistam sue reformationis Authorum puduisse, vt eos pro talibus nolit agnoscere. Nam in apparatu num. 45. ait, quod *hinc præclara Religionis tam debile ac infirmum principium appareat, tamque labili ac lubrico fundamento innixum: vt vel omni fundamento destituta,*  
*que m-*

quemquam sibi Auctorem esse non agnoscit: vel si aliquod sibi ha-  
 berent fundamentum vendicat, illud adeo instabile ac vixiosum  
 esse vix dicitur: ut num fundamenti nomine dignam sit, iure arbi-  
 trari possit. Quod si verum est (vt verum esse confiteretur Bo-  
 uerius) potuerunt merito Superiores Ordinis Observantium  
 de huius reformationis Auctoribus ac fundamento dubitare;  
 & rationabiliter præsumere plus talia instrumenta inquietudi-  
 nis in Ordine, quam utilitatis esse causaturæ.

Accedit quod idem Author in apparatu num. 46. vt osten-  
 dat suam reformationem diuinitus originem habuisse dicat  
 [Inter ipsos Regularis inobseruantia vepres, qui sacrum Mi-  
 norum Ordinem occupauerant] (forte magis imaginatiuam  
 Bouerij) quasi lilium inter spinas, nouam hanc reformatio-  
 nem oriri: nullo non modo mortalium splendore illustrem,  
 aut potentia suffultam; sed omni prorsus humanæ prudentiæ  
 præsidio ita destitutam, vt ei illud Ezechielis merito occin-  
 potuerit: *Ezechiel 16.* Quando natus es, in die ortus tui  
 non est præcisus umbilicus tuus, & aqua non es lota in salu-  
 tem, nec sale salita: nec inuoluta pannis. Non pepercit su-  
 per te oculi, vt faceret tibi vnum de his miseris tui: sed  
 proiecta es super faciem terre, in abiectioe animæ tuæ in-  
 dieque natus es. Tam enim obscura ac omnium oculis igno-  
 bilis, huius reformationis natiuitas visa est: vt quæ alijs reli-  
 gionibus, exstitit Dei providentiæ, ac liberalitate videtur  
 esse communia: quæque ad parum decorem, ac gloriam con-  
 ferunt; huic penitus denegata fluore. Neque enim magno  
 villo sanctimoniarum apparatu, quæ in Institutore præluxerit, in  
 ipso ortu posita fuit, quo & nouitatis opprobrium, ac prioris  
 deformitatis umbilicus nouique partus sordes, si quæ illi inef-  
 se poterant, velut lauacro abstergerentur. Nullo quoque ce-  
 lestium miraculorum fulgore velut amictu ornata fuit: vt eo  
 saltem se, & Dei gratia cohonestatam, & Diuinæ virtute indu-  
 tam ostenderet. Denique omni hominum auxilio ac patro-  
 cinio orbata, tantis in ipsa natiuitate calamitatibus fuit affe-  
 cta; vt nec ipsi domestici (per quos nescio an suos intelligat;  
 & sic alij facilius excusantur, quos habere domesticos no-  
 fuit hæc reformatio) tenellæ ætatis doloribus parcerent; sed  
 in eius potius necem conspirarent. Quid plura? tam vilia,  
 tam abiecta, tam ignobilia omnia ab exordio sortita fuit, vt  
 nec



nec quidquam in suo ortu magnum, nedum illustre præ se ferret. ] Hæc omnia Bouerius quasi in suorum laudem commemorat ut diuino miraculo, tate huius reformationis educationem & accretionem adscribendam probet. Verum ex iisdem videor mihi efficacius posse concludere: cum destituta fuerint istius reformationis exordia sanctitate in Institutore, miraculorum fulgore, & cæteris rebus quæ possent eam commendabilem reddere ac tollere; *Novitatis opprobrium, prioris deformitatis ombelicum, nouique partus sordes*: non debuisset Bouerium cum suis ita mirari & conqueri quod tali partui, à quo tam parum boni secundum omnem apparentiam sperari poterat, sese illi opposuerint, quibus ex officio & natura rei hoc incumbabat; ac insuper specialiter à Pontifice Leone Decimo commissum erat ut prouideret ne per nouas sectas, Ordo nouiter pacatus & stabilitus denuò perturbaretur, ipso enim Bouerio teste ad annum Christi 1527. num. 2. *101 ac tanta hoc tempore inter fratres pro reformatione turba fieri cæperunt; ut, in factiones diuisi, vix sedari possent, quin in seditiones ac tumultus erumperent.* Et vnde quæso, nisi istius nouæ prolis insolita natiuitate? Mirum igitur quomodo audeat iste Annalista eodem loco, num. 3. factam oppositionem vocare persecutionem, iniustam quidem; quæ tamen absque ratione fieri non crederetur.

Sanè non absque ratione factam fuisse oppositionem huic reformationi ex eo concluditur, quod quidquid vmquam poterat in vlla noua reformatione, rationabiliter displicere, timorem incutere, ad emulationem & oppositionem excitare; totum in hac videatur fuisse conglomerationem; ut discurre- adoper singula luce- clarius pate- bit.

*Quam fuerit praeiudicabile reformationem extra Ordinem velle  
institueret?*

**G**LORIATUR sapius Bouverius, tanquam de re  
eximia, quod praetensa haec reformatio extra Ordinem  
inceperit, ab eoque ab initio autoritate Pontificia  
fuerit separata; qui tamen, ut ipse vult, reformatione  
indigebat. Nam in apparatu, num. 48. Lapillo Danielis à Monte  
(scilicet Religione Fratrum Minorum) sine manibus  
abscisso eam comparat: diuinæque virtutis dissectam  
& elaboratam gloriatur. Exinde sine patre, sine matre, sine  
genealogia imaginatur eam in orbem terrarum prodixisse, ne  
villam cum Religione Minorum Observantium habeat con-  
nectionem: in cuius tamen caput erectam dicere praesumit  
num. 58. De eadem praedictum asserit ad annum 1524. num. 47.  
Ordinis reformationem à Deo excitandam esse, & quod tibi  
(sic prophetatum refert R. Patri Licheto; qui tamen ante re-  
formationem exortam aliquot annis obiit) alijsque Ministris  
durus erit, extra ordinis obedientiam consurget, Deoque pro-  
tegente, immota adversus ordinem stabit. Anno 1526. num. 43  
refert diploma quo ab Ordine eximuntur fr. Ludouicus, Ra-  
phael eius frater laicus, & Matthæus de Balsio, eisque conce-  
ditur vitam Eremiticam ducere sub obedientia & correctione  
Ordinarii, in cuius diocesi eos residere contigerit. Ad an-  
num sequentem 1527. num. 35. dicuntur Generali Magistro  
Conventualium subiecti fuisse per diploma; ~~per diploma  
quodammodo, & per litteras Apostolicas~~. Dicitur enim de licentia visri-  
tune Superioris iuxta formam litterarum Apostolicarum super  
unione & concordia, inter praedictos (Observantes) & Con-  
ventuales nuncupatos fratres dicti Ordinis edita, consecrarum, ad ip-  
sorum Conventualium consortium vos transulisti. Quæ verba  
ipse tantum potest explicare de licentia petita, & non obtenta;  
cum tamen in bulla unionis expressissime requiratur al-  
ter

senſus & licentia obtenta. Quod autem iam antea ab ordine Obſervantium auulſi fuerint, ut ipſe loquitur (~~\_\_\_\_\_~~)

nihil ad rem præſentem facit, cum totum hoc videatur Pontifex ignorafſe: adeoque ex falſo allegatis, vel mali intelle&ſis proceſſiſſe: ſupponendo ſcilicet quod legitime ab ordine Obſervantium ad Conventuales receſſiſſent: ſicuti in priori diploma-  
 re quo ab Ordine auulſi, & Ordinarijs ſubie&ti fuerunt, veram eſſe ſuppoſuit Pontifex rationem allegatam, nimirum, quod viterius ſana conſcientia in ſui Ordinis domibus morari non poſſent.

Quorum cum nihil in veritate ſubſuerit, viderit Reuerſus quo modo ad annum 1528. n. 3. gloriatur bullam, quam ibi num. 4. totam exſcribit, ex particulari Pontificis prudentia datam fuiſſe, ut noua reformatio, non ex Obſervantium ſinu, ſed ex Minorum Conuentualium, quibus iam ſeipſos ſponte ſubice-  
 rant, gremio effluuiſſe videatur.

Ad eundem annum num. 13. (qui malè impreſſus eſt 23.) dicitur: hic primæuus fuit huius Religionis ſpiritus, ut à reliquo Ordinis corpore ſeiuuendi ad Breuos ſe conferrent. Cuius ratio-  
 nem dat. num. ſeq. 14. Quod ſtabili Dei conſilio iam decretu-  
 eſſet, ut nouæ reformationis proles, ab antiqua Ordinis familia, non tantum vita, ſed & habitu ac Religionis corpore diſtinguerentur. Vnde inferit etiam debuiſſe habere nomen diſtinctum. Num. vero 21. eiſdem anni notat tanquam ſingulare, nouæ reformationi ſtatim in ipſo ortu ſeparationem à toto Ordinis corpore adiudicatam fuiſſe; quam prior Obſervantium Religio, inquit, XIX poſt multa temporum interualla conſequi potuit.

Salua tamen pace Reuerendi illius Patris ac tam Sancti Ordinis Annaliſtæ videor hic mihi poſſe uti verbis Apoſtoli: non ſolam gloriatio veſtra. 1. Cor. 5. verſ. 6. Vel ex eo maxi-  
 me quod eodem anno 22. tanquam valde commendam ſub-  
 gitur: quod tam ardua res tam facile non ſeſſet, ſed per con-  
 ſilio à Pontifice, grauiſſimo alioqui viro, maximisque in rebus pro-  
 batiffimo, conficerentur. Quod more ſuo ad cæleſte Dei con-  
 ſilium refert. Neque hoc ipſum ego diſteor; ſed admitto &  
 admittendum dico in omnibus etiamſi humana conſilia, &  
 deſectus etiam intercurrent; omnia ſiquidem quantumcum-  
 que humana & imperſecta, ab illo ſummò rerum omnium  
 mode.



moderatore sapientissimè, & suauissimè ordinantur, ac disponuntur.

Ne tamen nimium & absque vllò prorsus fundamento, lapidem hunc, *sine manibus hominum, aut humana prudentia & consilio à prioris Religionis monte abscissum* quispiam glorietur; opto ut in ipso met Bouerio omnia humana media & cautela, quæ à primis huius præsentis reformationis Auctoribus, nutritijs, propagatoribus ( quocumque eos nomine appellare maluerit ) adhibita sunt, inspiciantur. Videatur ad annum 1526. num. 36. & seqq. vsque ad 43. qualiter ad instantiam & litteras commendatitias Catharinæ Ciboræ Camerini Ducissæ Neptis Pontificis, per Laurentium Pucium Cardinalem Episcopum Prænestinum confici diploma quò ab Ordine eximerentur, obtinuerint. Legatur ad annum 1527. num. 13. consultatio, & Theologica resolutio Ludouici Forosemproniani, qua consodalibus suis scrupulum auferit quo verebantur se ad Conuentuales transferre sine licentia Ordinariorum, quibus ex præfato diplomate erant subiecti, ex eo scilicet quod cum Episcopi ipsis suo patrocinio adesse deberent, & re ipsa id non præstiterint, sed suo muneri defuerint: ad illos confugere liceat *qui suo pòdere atque auctoritate ipsos ab insana aduersariorū potestate tueri, atque Apostolicam facultatem factam seruare possunt.* Consideretur quod an. 1528. num. 3. Pontifex ex multis Catharina Ducissæ neptis litteris, Camerinenfis Episcopi epistola, atque aliorum testimonijs ( quæ reformatores isti impetrauerant & attulerant ) motus fuerit ad diploma, quod num. 4. habetur, concedendum. Introspectantur insuper bene stratagemata militaria anno 1526. num. 56. & seqq. num. 75. & anno 1527. num. 7. à Ludonico Forosemproniano ad eundem superiorem manus tertio consequenter practicata; & facile videbitur humana consilia & media non fuisse neglecta. Si præterea acta apud; & per Ducem Nucerinum anno 1532. num. 4. & seqq. eiusque filium Tiberium Abbatem num. 58. & seqq. expendantur; nonne vbique adhibita consilia & media humana pro defendenda & promouenda illa reformatione probant & clamant? Si quæque alia Bullæ exemptiones, & priuilegia, quæ Principum & aliorum fautorum interuentu obtinuerunt isti boni Patres, examinentur: non exillimo quod aliquis omnibus bene consideratis, & maturè perpensis iudicare

care poterit interuenisse singularem & extraordinariam in ortu vel promotione prætenſe reformationis, Dei operationem, ſine cauſarum ſecundarum concurſu, ſine humanis adinventionibus & adminiculis, qualia in ſimilibus negotijs ſolent adhiberi.

Per hæc tamen nihil imminutum vel detractum volo ſanctiſſari, gloriæ, vel exiſtimationi inſtituti Reuerendorum Patrum Capucinarum, quod ex animo veneror & diligo: cum media humana omittere ubi ea ſuppetunt, totumque Dei extraordinarię prouidentię committere, ſit Deum tentare. Neque puto veros illius ſacri inſtituti ſectatores, aut fautores egrè laturos detectionem purę veritatis in hoc ſpeculo; vera enim virtus falſis & fucatis encomijs non indiget, quibus obſcatur potius quam illuſtretur.

Sed ad rem veniamus. Si in caput Religionis (vt vult Bouerius in apparatu num. 58.) erecta eſt prætenſa Capucinarum reformatio: caput ſcilicet (vt idem indicat) abſciſſum ſine manibus, diſſectum, & ſeparatum à corpore religionis; ybinam quaſo vult illud erectum fuiſſe? an forte in prima, aut ſtipite pro vt ſolent abſciſſa reorum capita erigi? Certè id nec capiti nec corpori glorioſum exiſtimo. Vel ſi perſecutionis occaſione caput per martyrium ſeparatum dicere maluerit: etiam talis ſeparatio & erectio non in capitis & corporis vtilitatem, ſed internecionem pergeret; cum ſine mutua vniõne neque corpus neque caput poſſint ſalua conſiſtere. Ne autem & hæc arcana Dei conſilio, & noua miracula proclamentur, ipſam rei naturam & eſſentiam examinemus.

Reformatio ſecundum omnes eſt aliquid ad meliorem formam reductio, ſic vt illud quod reformari dicitur ſubſtantialiter & eſſentialiter idem numero permaneat, ſaltem in moralis exiſtimatione. Dico *ad meliorem formam* nam alioquin deformatio, & non reformatio dici deberet. Addo *ſic vt illud quod reformatur idem permaneat*: nam alioquin eſſet deſtructio vel ad ſummum conuerſio ac in aliud transformatio. Hoc ſuppoſito quaſo quidnam illud facit quod prætenſa huius reformationis Authores reformare voluerunt? ſi respondeatur quod ſeipſos tantum reformare voluerint, pro vt de Matthæo Baſſio ſæpe Bouerius inculcat: ad hoc non erat opus tot Bullis, quibus etiã alijs habitum communicare, congregationem

nem institueret; cæteraque talia concederentur: Non erat opus tot nouitatibus & commotionibus, aliorumque Fratrum ab Ordine abstractione; imo nec ipsorum separatione: in humili siquidem obedientia & patientia securius, quietius, & plenius sese poterant reformare.

Si vero suum Ordinem, cuius membra fuerunt, reformare intenderint; utpote quem ubique reformatione indigere ob lapsam Religionis disciplinam, pessumdatam paupertatem, totiusque Regulæ Observantiam proclamarunt: in tantum, quod in maximam totius Ordinis ignominiam & iniuriam, non solum apud Pontifices, sed etiam apud Principes & plebem ebuccinauerint statum Ordinis Observantium non fuisse tunc temporis statum salutis: Peto quid reformatio ab Ordine separata eidem profuerit, vel prodesse potuerit? & an potuerit dici reformatio, qua corpus Ordinis reformandi non reducitur ad meliorem formam; sed producitur aliud Religionis corpus separatum & distinctum à priori? Nemo puto dixerit Adamum fuisse reformatum quando costa eius ædificata est in mulierem, nemo domum antiquam, cuius ligna, lapides, cæteraque materialia extrahuntur, ad alterius non uæ domus à priori separatæ & omnino distinctæ ædificationē, reformari dicet aut restaurari.

Viderint ergo qui de istiusmodi separatione tantopere gloriantur an bona sit eorum gloriatio de re quæ reformationis finis omnino contrariatur; adeo ut potius destruere Ordinem antiquum voluisse, quam eundem reformare videantur. Quod non obscure indicant Bouerij verba ex apparatu num. 37. aliquoties iam citata: *cum regularis Observantie morbos interdum grassari animaduertunt, quibus curandis communia pharmaca non sufficiunt; vel Generalis purgatio toti corpori indicitur* (pro ut in reformatione Observantium contigit) *vel sanior membrorum pars à pereunte corpore seiuncta in nouum corpus affurgit*; quod suæ reformationi Bouerium adscribere voluisse tota ipsius clamat historia; & in hunc finem, ut credo, deo obtemperata ab initio separatione, gloriatur. Verum hoc non est Religionem ab interitu venaſcere (ut Bouerius ibi loquitur) sed ea pereunte & consumpta tanquam ex cineribus antiqui Phænici nouam resuscitare, sicque non conseruaretur eadem Religio; sed aliâ eiusdem rationis produceretur.

Hinc



Hinc patet quantum & quam intolerabile præiudicium antiquo Observantium Ordini per reformationem ab eo separatam, illatum, vel saltem intentatum fuerit: tale profecto, quale matri adhuc viventi, & de sanitate non desperanti, fieret per obtrusionem medicinæ, qua, ut proles eius nasceretur, ipsa, tanquam desperata occideretur. Nisi forte Observantium Religionem ut matrem agnoscere dedignentur, qui prius quam in corpus Religionis exurgeret separari obtinuerunt, ut non à sinu Observantium nasci; sed à gremio Conventualium fluxisse viderentur, ut loquitur Boverius. Ut ut sit non videtur hæc reformatio rationabiliter posse conqueri, si mater non agnita prolem non agnouerit; seseque iure a natura omnibus concessio, à ruina & morte defendere studuerit, quam procudubio nova hæc reformatio ex natura rei antiquo Ordini intulisset, nisi suavis Dei Providentia secundum promissiones sancto Francisco factas eum conservasset.

Hoc pro fine huius quætionis dissimulandum non existimo, quod semper & ubique Boverius Observantium reformationem cum sua conetur inuoluere: sicut hic dicit, Capucinatorum reformationi ab isto statim ortu ab Ordinis corpore: *Separationem adiudicatam fuisse; quam prior Observantium Religio vix post multa temporum intervalla consequi potuit.* Sed parcat nobis Boverius: nam alia prorsus fuit reformatio Observantium; aliud omnino inchoandi & procedendi modus; in quo ostenderem omnia interuenisse, quæ non tantum ad decorem & gloriam conferunt, verum etiam ad solidum & religiosum fundamentum, pacem & charitatem conducunt; quæ Deo & hominibus eam gratam facerent, vel saltem facere deberent, nisi debito longior in proprio instituto commendando esse timerem. Hoc solum hic dico ad propositum, non rectè Boverium Observantium reformationem assimilasse suæ prætensæ reformationi, vel in tantillo, quod etiam post multa temporum intervalla separationem ab Ordine reformando consecuta fuerit: numquam enim eam voluit, nunquam insequi intendit, numquam obtinuit vel est consecuta; pro ut ex elucidatione nostra historica §. 1. & 2. & precedentibus nostris quæstionibus facile videri potest.

Hic tantum adiungo quid Eugenio IV. Pontifici suaserit & persuaserit Beatus Ioannes Capistranus. Videns is attentatâ sapius

sæpius & diuersis medijs concordiam sub Martino V. & ipso Eugenio, inter Conuentuales & Obseruantes, nullo modo succedere; Pontifici quidem suggestit, *nullum esse pacis remedium præter unum illius separationis: eam tamen ita faciendâ, ut ad hoc corpus capiti adhaereret, & Generali Ministro subessent Obseruantes; ne viderentur ab Ordine tot aliter recessisse & sancti Francisci Vicarium seu successorem despexisse, eiusque obedientia se subtraxisse.* Hæc refert R. Admodum Pater Lucas Vvaddingus ad annum 1446. in principio; vbi etiam Bullam inserit, qua Generali Ministro sua potestas & Iurisdictio conseruatur. Hæc porro vnio, quamuis non omnimoda & plena, tantum tamen boni effecit, vt conspirantibus semper capitibus (duobus exceptis, qui ob hoc etiam tantum paruo tempore rexerunt.) cum membris sanioribus, Ordinis puritatem ac Regulæ Obseruantiam zelantibus, totus tandem Ordo, expurgatione facta, sanatus, & in Obseruantia stabilitas fuerit, paucis vix dixi, annis septem scilicet vel ad summum octo, antequam Patres Capucini prætentam suam reformationem alia, præter via, contraria vnitati & valetudini corporis, aggredierentur; omnis siquidem scissio & separatio per se mala est; & membrum separatum nihil boni in corpus à quo separatur potest influere, nec ab eo vllum potest recipere influxum.

## Q V A E S T I O X I.

*An satis honestè & religiose Ordinem Obseruantium eiusque Generales Ministros tractauerint primi Capucini ac Bouerius eorum Annalista.*



**P**ROPSVERVNT se quidem religiosissimi Patres Ministri Generales ordinis Obseruantium, quibus ex officio & speciali Pontificis Leonis Decimi mandato incumbēbat Ordinis sibi commissi scissuras & perturbationes auertere, nouæ Patrum Capucinorum reformationi, propter tam nociuam quam ob initio prætentabatur, ab antiquo Ordine diuisionem; & ob alias multas rationes, partim iam tactas, partim inferius pro opportunitate

te exponendas : idque quamdiu ipsis non satis innotuerat Dei circa illam consilium & dispositio . At posteaquam viderunt eam , contra suam opinionem , emergere , & latius per Italiam propagari ; timentes ex vna parte Diuinæ voluntati resistere ex alia considerantes magnū præiudiciū & periculum quod patiebatur Ordo ex diuisione duarum Religionum , quarum vtraque Regulam sancti Francisci profitebatur , & seuerum ordinem Fratrum Minorum esse gloriabatur : vnde multæ exoriebantur Fratrum inquietudines , qui seuit & facile obediētiæ Superiorum suorum , prætextu Ordinem magis reformatum ingrediendi , sese subducebant , atque diminutio auctoritates Superiorum ex illa Fratrum libertate : nec non inter vtrumque Ordinem eorumque Rectores , emulationes & contentiones ; dum nunc ab vna parte obtinebatur licentia , quoscunque recipiendi ; nunc ab alio talium licentiarum reuocatio , & inhibitiō huiusmodi receptionum impetrabatur . Volentes præfati Patres istiusmodi inconuenientibus occurrere , atque perturbationibus omnibus præcludere viam : obtulerunt Patribus Capucinis ; & institerunt apud Pontifices diuersis vicibus , vt Capucini cum Obseruantibus in vnum corpus ordinis sancti Francisci , sub eodem capite , legitimo sancti Francisci successore ac Ministro Generali vnirentur .

Quam vnionem mirum quantum Patres Capucini semper abhorrerint : in tantum vt oblationes istas & supplicationes apud Pontifices factas titulo persecutionum acerbissimarum & periculossimarum nominauerint ac RR. Patres Ministros Generales , qui illam vnionem proposuerunt , fraudulentæ manicationis insinuaerint , tamquam qui isto medio non intenderint aliud quam ortam iam reformationem suppressere , ac totaliter suffocare . Quæ nescio quomodo religiosi viri de religiosi Patribus , tanti Ordinis Superioribus Generalibus ausi fuerint suspicari , nedum tam libero calamo exprimere præsumpserit , & toti mundo inculcare ; Reu. Admodum Pat. eorum Annalista .

Fuerunt isti Patres Generales , contra quos præcipuè insurrexerunt primi Capucini , & de quibus contemptibiliter , & maiori cum villipensione scribit Reuerendus Pater Bonerius : RR. Patres pater Ioannes Pisottus ( quem Bouerius Fischiotam nominat ) & pater Vincentius Lunellus , qui R. P. Franciscus



ciſco Angelorum vnus poſt alterum in Generalatu ſucceſſerunt.

Horum primum Reuerendum Patrem Ioannem Piſottum poſtquam ſæpius animo à reformatione maxime auerſo deſcripſiſſet, & ad annum 1530. num. 1. dixiſſet cum ſuis voluiſſet rem vniuerſam periclitari: quo reformationem è medio tollerent ac penitus obruerent. Idque quia communi conſilio libellum ſupplicem Pontifici obtulerunt, quo apud Sedem Apoſtolicam conquererentur, noua Capucinorum reformatione graue in Ordine ſciſmā concitari, ordinem diſcindi antiquam Religionem proſterni, illiusque heruos preſcindi &c. Poſtequam anno 1531. num. 8. dixiſſet præſato Generali reformationem Capucinorum prorfus inuſam fuiſſe & maximam ſe illius auerſarium geſiſſe, plurimæque alia huiusmodi elogia paſſim contra illum ipariſiſſet, ad annum 1532. à num. 66. vſque ad 68. reſert eundem prouocatum à Reuerendo Patre Ludonico Rhegino, qui ipſo inuito ſe ad Capucinos tranſulerat, ita infelicitè & eneruiter corā Pontifice cōtra eundē Ludonicum diſputaſſe: vt loſo obtinendæ ſubiectionis eorum, quos legitimè ab Ordinis obedientia reſceſſiſſe conquereretur, ipſe à Pontifice durifſima increpatione tanquam hypocrita, & odio pluſquam Vatiniano laborans, expoſus & repulſus ſit. Ac tandem ad annum 1533. num. 12. incipit deſcribere quomodo idem Generalis Miniſter exiſtimās ſe grauiter laſum à Capucinis, quod turpes ipſius Ordinis maculas coram Pontifice aperuiſſet præſatus Ludouicus Rheginus anno præcedenti: captata Ludouici Forosempreniani abſentia Capucinos ſibi ſubijcere niſus fuerit, quo facilius illos tandem è medio tolleret. Et quidem rationes à Reuerendo Patre Miniſtro Generali ad hoc allegatas proponit adeo iciunè & perfunctoriè; tanta vero è cōtra luculentia & verborum energia factam à Ludouico Forosempreniano earum reſutationem; vt rei veritatem non intelligentibus videri poſſit Generalis Miniſter non ſolum non fundatus in ſua prætenſione; ſed nec legitimè electus fuiſſe in Miniſtrum atque in ipſo tanquam ſolo nomine & non reuera obſeruante ſucceſſio Generalium Miniſtrorum & primatus ordinis ab Obſeruantibus deſeciſſe.

Quæ omnia antequam penitus examinemus: opere præſtium eſt hic adſcribere quid ordinis chronica (quæ non ſolent

abblaudiri etiam Superioribus, eorumque defectus dissimulare) de Reuerendo Patre Ioanne Pisotto memoria tradiderint, Hæc igitur chronica 4. parte lib. 2. cap. 51. ita habent:

E Frater Pisortus (male ibi Paulus nominatur, nisi sorte binominis fuit) natus in Ciuitate Parmensi, fuit homo capax ad tractanda maxima negotia, excellentissimus in omni scientia notanter in theologia, in qua fuit celeberrimus; sic ut propter singulares suas perfectiones gratus fuerit & amatus non solum in tota sua Religione, sed etiam magni habitus in Curia Romana: quapropter à Clemente Secundo creatus fuit Vicarius Generalis Ordinis obseruantium circa finem anni 1528. & sequenti anno in festo Pentecostes celebratum fuit centesimumquintum Capitulum Generale in ciuitate Parmensi, vbi supradictus Ioannes Pisortus electus est in Ministrum Generalem, qui fuit quadagesimus octauus. Gubernauit Religionem cum summa prudentia & omnium satisfactione. Et paucis interiectis R. P. Fr. Paulus (Ioannem dicere debuerat) multis laboribus se fatigauit in ista Generalatus dignitate tribus annis continuatis, in magnam incidens infirmitatem, & talem ut non ultra potuerit suum munus exercere finaliter ex hoc mundo in alium transiit 1534. ] suum corpus sepultum fuit in conuentu Annuntiata, cuius tumulo nepotes sui ex nobili familia de Zan de Maria Epitaphium posuerunt, ibidem etiam adscriptum. Quo eodem anno describitur in eodem capite obiisse beatæ memoriæ frater Hieronymus de Mesuraca Obseruans prouinciæ Calabrie, cuius miraculosum & beatum finem visum fuit hic inferere ut statum Ordinis sub tam prudenti & bono Generali intelligamus fuisse non salutis tantum, sed etiam sanctitatis. Hic itaque frater summa vitæ sanctitate, candore animi ac pluribus meritis insignis, sanus & incolumis, rogauit Guardianum totam Communitatem conuocare: coram qua genibus flexis, rudi corda collo circumligata, cum lachrymis omnium suorum defectuum veniam petijt. Presusque Guardiani sui mandato prædixit se illo tempore ante-meridiano, priusquam omnes missæ absoluerentur, excessurum in vitam quod & contigit: nam paulò antequam vltima Missa absolueretur inuentus est in propria cella extra lectum, genibus in terra positus, facie in cælum eleuata per modum orantis, defunctus eodem

eodem anno 1534. quo Prælatus suus Ioannes Pisotus qui ipsum & totum Ordinem feliciter rexit, ex hac vita migravit.

Hunc nihilominus talem ac tantum virum qui omnium aliorum iudicio, cumque omnium satisfactione Ordinem rexit, non est veritus Bouerius cum suis falsis adeo atque iniquis coloribus depingere, eiusque famam verbis tam mordacibus proscindere ac in tantum denigrare, ut etiam à Pontifice hypocritam & odio plusquam Vatiniano in innocuos flagrantem proclamatum asserat & condemnatum fuisse.

Cuius successorem Reuerendum Patrem Vincentium Lunellum nihilo melioribus aut æquioribus conditionibus depingit, intolerabilibus eum contumelijs afficiens, tamquam virum dolosum spiritu & vita Religionis carentem, ac similibus multis indignis scommatibus, quæ infra opportunius, verum veritatem detegendo discutiemus, hic sufficit ex supra dicto chronico Ordinis viri huius sinceritatem eiusque vitæ integritatem ob oculos posuisse. Itaque eadem quarta parte chronici lib. 2. cap. 56. refertur hic R. Pater frater Vincentius Lunellus Hispanus fuisse electus in Generalem Ministrum anno 1533. ut alij volunt 1534. quod posterius putò esse verius ex Gonzaga, & consequenter dicendum esset ex supradictis in eodem chronico de morte Pisotti. Additur *Pater fr. Vincentius Lunellus fuit homo magnæ bonitatis, & valde doctus sicut interuentu bonæ vitæ & singularis ac raræ doctrinæ plures obtinuerit gradus & dignitates in Religione, & natanter quando electus fuit canonicè in Generalem Ministrum gaudebat titulo Commissarij Curia Romana.* Et quasi auctor chronici præuidisset eum aliquando doli accusandum serè in attentanda eum Patribus Capucinis vnione, occurrit illi falsitari dicens eum sopiuisse & totalem finem imposuisse per Commissarium à se delegatum dissensionibus & controuersijs in fratres reformationem zelantes & alios eidem minus addictos. Sic ut non debuerit videri Patri Bouerio à conditione huius viri alienum fuisse etiam inter Obseruantes & Capucinos sincero animo & affectu concordiam & vnionem attentare. [ Finaliter, inquit chronicum ] postquam Pater Lunellus gubernasset Religionem maxima cum prudentia vsque ad annum salutis 1540. absoluto valde feliciter sexennio sui Generalatus, pro-



93  
fectus est Mantuam, vbi conuocato Capitulo facta est ele-  
ctio successoris ipsius. Postquam deinde in Concilio Tridentino  
ad quod iuerat, multos labores exantlasset multasque mole-  
stias pertulisset, in morbum incidit ex quo valde sanctè obiit,  
& ibi sepultus fuit eodem anno 1540. ]

Hæc chronica Ordinis de præclaris hisce viris referunt no-  
bis nunc examinandum superest an ea vera sint quæ Reueren-  
dis his Patribus Bouerius adscribit ex suis antiquis Patribus,  
qui proprius à Religionis ortu absuerunt, vel alijs grauissimis  
viris, à quibus se omnia desumpsisse profectur in Præfatione  
quæ in suis Annalibus enarrauit.

## Q V A E S T I O X I I.

*An sit verosimile quod Pontifex Clemens VII. R. P. Fratrem  
Ioannem Pisotum Ministrum Generalem Obseruan-  
tium adeo duriter increpauerit?*

**S**U P P O N E N D U M hic est hunc Generalem Mi-  
nistrum conatum fuisse Ludouicum & Bernardinum  
Reginos à Capucinorum reformatione capeffenda  
auertere, cumque illi nihilominus clanculum se-  
ab Ordine separassent, & desperaret eos bonitate posse ad Obs-  
dientiam Ordinis reducere, per se & Commissarium suum;  
impetratis contra eos litteris Pontificijs, eos capere & ad  
reditum cogere tentauit, sed illi freti Ducis Nucerini poten-  
tia & presidio, eius conatus eluserunt. Actandem Ludouicus,  
perlatis ad Pontificem, eiusdem Ducis litteris commendati-  
tijijs petijt vt Pontifex Generalem Ministrum ac Procuratorem  
Ordinis ad se vocaret, & coram se iuberet exponere, si quas  
contra se Ludouicum & confratres suos haberent querimo-  
nias. Has ad annum 1532. num. 60. succincte enumerat Bo-  
uerius: clandestinam eorum ab Ordine discessionem & apostas-  
iam, Ordinis scandalum ac perturbationem inde exortam: demum  
falsum reformationis pretextum, quo vertiginis atque instabilita-  
tis spiritum tegunt. Quæ verbis mordacibus dicit Bouerius præ-  
fatum Ministrum Generalem esse persecutum. Opponitque  
his

his amplum Ludouici responsum; quod conclusisse eum dicit num. 66. [ enumerando singillatim Pontifici quàmplurima regularis inobseruantia vitia, quæ iam diu in Ordinem irreperant, ac publico abusu, ac corruptela vbique ferè apud omnes inualuerant. Quæ quandoquidem omnibus tam perspecta erant, vt nulla tergiversatione excusari possent, vt ipse vult, ait: Generalem Ministrum non nisi humanis rationibus excusare nisum fuisse excessuum causas, tum in maximam Fratrum multitudinem, tum in variam temporum ac locorum exigentiam rerumque vicissitudinem atque alia huiusmodi reiiciendo. ] Quæ omnia licet facillimè vel negari, vel in Bouerium retorqueri possint; nolo tamen nisi ex ipsiusmet scriptis & Pontificis sententia quam pro se ponit, omnium harum narrationum falsitatem probare, quod me clarè facturum confido. Audiamus ergo ex Boucrio primò sententiam Pontificis.

[ Pontifex, inquit ille, quicvſque Religionis rebus leuiter animum intenderat: verum tunc veritatem diligentius edoctus, ad Generalem Ministrum prius orationem conuerſens, velut indignabundus ait: Plurima, cum te virum grauem, prudentem, ac præsertim animi sinceritate, ac integritate præstantem existimarem, tua auzhoritate nobis persuasisti, quibus aduersus hos Patres, velut audaces ac temerarios Ordinis desertores, perturbatores, factionarios, ac tandem Religionis vestrae dedecus, commoueremur; quos e diuerso viros singulari modestia, ac bonitate præditos, virtute eximios, Regularis Obseruantia studiosos, ac veros Beati Francisci filios, nos ipsi modo agnoscamus. Hinc te nec meliori spiritu ductum, nec humano odio aut cupiditate vacuum facile animaduertimus. Vide ne scribarum & Phariseorum vitia imiteris, in quibus Christus apud Matthæum, Vt vobis, inquit, Scribae & Pharisei Hypocritæ quia clauditis Regnum Cælorum ante homines. Vos enim non intratis, nec introeuntes finitis intrare. Cum enim Regularis Obseruantia vigor apud vos defuerit; nullum vos non tam studium, aut laborem, vt restituatur impenditis: quin potius in eos pluriqum Vatiano odio laboratis. Quare id vobis modò omnino præceptum sit, vt posthac nihil hisce viris à vobis molestæ inferatur: nec ij vilo modo à vobis impediuntur, quo minus

per-

perfectiori Regulę Obseruantię omni tranquillitate vacare  
queant. Tum ad Ludovicum conuersus, eum ad perfectum  
ac perpetuam Regulę cultum hortatur, illis sapientis verbis  
vlus. Pro Iustitia agonizare pro anima tua, & vsque ad mor-  
tem certa pro iustitia, & Deus expugnabit pro te inimicos  
tuos. Promissoque illi benignissimę ad eam rem Apostolicę  
Sedis præsidio ac patrocinio, benedictione confirmatum di-  
mittit.

Visum est hæc de verbo ad verbum ex Bouerio hic insere-  
re, quia puto solas phrasas rethoricas potius quam historicas  
totam hanc narrationem reddero suspectam attentius legenti;  
sapiunt enim verba Pontificis ita Bouerium ut quilibet  
prudens vix aliud videatur posse iudicare, quam totam illam  
sententiam si non ab ipso vel aliquo alio confictam, saltem  
supra veritatem extensam atque ampliatam esse. In quo non  
mediocrem arbitror Pontificiæ dignitati iniuriam inferri  
præsertim in eo quod præmittitur Pontificem, qui tot hæc  
diplomata dederat, tam pro, quam contra Capucinos;  
*eo usque Religionis rebus leuiter animum intendisse.* Id siquidem  
præterquam quod omnes licentias & confirmationes ab isto  
Pontifice à Capucinis impetratas suspectas efficiat; insuper in  
illius Pontificis ignominiam redundat.

Sed progrediamur paululum in ipsa Bouerij historia. Vix  
hanc sententiam increpatoriam, litis tamen simul definitiuam  
ille describerat; quin sequenti statim num. 68. subiungat:  
*cum ea Pontificis mens nullo decreto, aut diplomate declarata  
esset, qui literas in forma Breuis à sacra Penitentiaria, contra  
quoscumque temerè ab Ordine recedentes impetrauerant, ipsi tam-  
Ludovicum Reginum quam reliquos, tanquam Ordinis deser-  
tores persequi haud verebantur, & paucis Interiectis addit:  
Cum Ordinis Patres egrè ferrent, quod plerique ex Obseruan-  
tium Ordine ad Capucinos quotidie transmigrarent, nouas quo-  
tidie querelas ad Apostolicam Sedem transmittébant. Quo fit ut  
his Pontifex pertæsus duobus Cardinalibus, qui ibi nominan-  
tur causam totam determinandam commiserit. A quibus  
codem isto anno edita Bulla ibidem inseritur: qua omnis in-  
terim maleficia (Bouerij verbis vtor) Capucinis inferri probi-  
betur: Capucinis quoque interdicitur ne Obseruantiam illum  
in suum gremium recipiant, donec ea causa fueris iudicata.*

Videz-



97

Videamus nunc quomodo hæc simul consistent; quod Generalis Minister tam a ceteris a Pontifice exceptus fuerit & etiam alius; Ludouicus e contra laudatus in proposito, & confirmatus in sua præensione: & tamen Patres vii litterarum Pontificiariæ ausi fuerint eum eiusque socios persequi tanquam Ordinis desertores. Illi sanè vel enormiter effrontes & masitiosi fuerunt; vel debent cum suo Generali Ministro ex toto insaniuisse: qui non sunt veriti Pontificis, qui suam voluntatem tam clavis verbis super hoc expresserat, extremam indignationem. Et quæ quæso causa iudicanda committerebatur duobus istis Cardinalibus, qui per interim tantum uni parti inferre molestias, alteri aliorum receptionem inhibebant? Nonne pontifex satis clarè dixerat (si vetum scripsit Bouerius) vigorem Observantiæ apud Observantes desisse nec remedium in Ordine adhiberi: adeoque iniussè reformationis studiosos impediri a Ministro Generali? nunquid Ludouicus Rhegium in proposito confirmauerat, præsidium Apostolicæ Sedis ac patrocinium addixerat? Quid ergo his ita a Pontifice resolutis restabat iudicandum? Certè Bulla satis expressè dicit, litteram Cardinalibus commissam versari: *De hoc super eo quod nonnulli Fratres Ordinis Minorum de observantia*, certis ex causis eorum animum mouentibus, ad dicto Ordine recesserunt, & ad vitam Eremiticam, siue Ordinem sancti Francisci Eremiticum accesserunt &c. falsum igitur esse conuincitur quod supra Bouerius de huius causæ definitione a Pontifice verbotenus facta gloriatus est; nisi velit hanc rem tanquam leuiter factam vltiori Cardinalium examini commissam fuisse.

Non minus præmissæ Bouerianæ narrationi repugnant ea quæ ab eodemmeti Ministro Generali pro primatu Ordinis & Capucinatorum cum Observantibus vnione ac subiectione acta leguntur apud Bouerium ad annum 1533. num. 12 & vsque producta: *ut re ad Pontificem per lata non nihil illius animum commouerint*, vt habetur num. 15: scilicet ad præstandum id quod a Ministro Generali petebatur. Atque hic iterum incredibilis Generali isti Ministro audacia, ne imprudentia dicam, vel potius impudentia impingitur. Quod apud illum ipsum Pontificem Clementem VI. ausus fuerit prætere, superioritatem & subiectionem illorum in quos odio plura

Yati-

Vatiniano eum flagrare Pontifex immediate ante dixisset; nec sinere studiosos reformationis studium restituendę Observantię impendere. Non videntur hæc alicui in mentem posse incidere: minus Superiori tam ælimato & commendato doctrina & prudentia.

Porro quę ad annum 1534. n. m. 16. & sequentibus contigisse referuntur; agente eodem Genarali apud eundem Pontificem Clementem VII. præcedentem Bouerij narrationem, penitus destruunt & euertunt. Ibi enim, *Pontifex lectis tot Regum ac Principum epistolis, ac præterea tot potentiorum hominum, qui in reformationis interitum conspirauerant sermonibus velut arietibus concussus*, primùm hesisse dicitur consilij dubius: *postmodum verò in fine eiusdem numeri resoluisset patrice: Eslo tollatur, præscindatur, pereat. Quid amplius à nobis exquirunt? Si propter eam hæc orta est tempestas, mittatur in mare, & quiescant fluctus.* Donec num. 17. repentina & mirabili tempestate perterritus, consilium quidem mutasse de reformatione delenda; sed tamen, Principibus in aliquo morem gesturus, Capucinos omnes Vrbe pro tempore eijcere decreuisse, & de facto executioni hoc decretum mandasse narratur.

Quis hæc credere poterit tam inter se repugnantia, tamque indigna Pontifice? viderat ille (si Bouerio credimus) Ministri Generalis & Patrum Observantium odium in reformationis studiosos, adeoque in ipsam reformationem; eo nomine Generalem vt hypocritam increpauerat, tãquam qui Pharisæico vitio laborans regnum Celorum claudebat ante homines; & per Observantię ianuam introire volentibus obstitabat: & non cogitasset tam sapiens Antistes, litteras tot Regum ac Principum ab isto Ministro Generali eiusque subditis esse subreptitię procuratas? Vel propter homines sententiam iustę & maturę a se latam, tam breui posttempore (secundo scilicet anno) contra Deum & conscientiam retractare deliberasset; nedum resoluisset?

En quo tales fabulę suos auctores deducant! vt vel necesse sit Summum Pontificem leuitatis, imò & iniquitatis arguere, vtpote qui contra manifestam iustitiam ex humano respectu procedere paratus fuerit: vel istiusmodi fabularum Aucthores in vna vel altera Pontificis resolutione falsum dixisse

conuiu-

97  
conuincantur. Nobis potius videtur Bouerium in ijs quę con-  
tra nostrum Generalem & Pontificem scripsit erroris arguere ;  
quam vt Sedi Apostolicę tales imprudentię, leuitatis, aut  
iniquitatis notas iniuri permittamus.

## Q V A E S T I O

### Decima Tertia.

*An in R. P. Fr. Ioanne Pisotto primatus Ordinis & succes-  
sio Ministrorum Generalium ab Obseruan-  
tibus defecerit ?*



**Q**U A R V M & indubitatum esse existimo ex ijs quę  
supra diximus quęstione quinta primatum Ordinis  
& legitimam Ministrorum Generalium successio-  
nem ad nostra vsque tempora, sine vlla vnquam  
interruptione, apud Obseruantes perdurasse : id enim clarę  
sequitur ex bullis Leonis Decimi ibi allegatis, & decreto Car-  
dinalium, quo titulus & sigillum Ministri Generalis totius  
Ordinis sancti Francisci Ministro Generali Obseruantium  
adiudicatum fuit an. 1631. tanquam qui eovsque legitimę il-  
lo vsus fuerat, & in posterum vti posset. Adeoque opus non  
erat hanc quęstionem hoc locomouere, nisi eę audacię, ne-  
dicam impudentię progressus fuisset Ludouicus Forosem-  
pronianus apud Bouerium ad annum 1533. num. 15. vt non  
solum in dubium reuocare, sed apertis terminis probare co-  
natus sit Ioannem Pisottum non fuisse verum & legitimum  
Ministram Generalem ordinis Obseruantium. Audiamus ip-  
sius verba quę citato num. 15. habentur.

*An non qui supremum hunc in ordine primatum sibi vendicat,  
prius legitimum se Generalem Ministrum ; & iuxta Leonis Deci-  
mi Constitutionem legitimę electum ostendere debet ?* Attēdat  
lector superbi hominis ( talis enim & a Bouerio ac Capucinis  
habetur ) ineptiam. Cuinam debebat ostendere se legitimę  
electū, qui a toto Ordine pro Generali habebatur, honoraba-  
tur ; & iam circa triennium, cum maxima omnium satisfac-  
tione



atione eum rexerat? de quo nemo dubium mouebat, nisi iste Ludouicus, qui se à Religione ( legitime, an illegitimè, hic iam non disputo ) separauerat. Ipsius proculdubio erat contrarium probare si agnoscere nolebat Superiorem ab alijs omnibus pro tali habitum, & diuturna ac pacifica possessione exturbare volebat; quod nec ipse, nec ullus hominum, cum ratione poterat vel attentare.

Demus tamen locum insulsa hominis indocti obiectioni, ut eo magis veritas declaretur. Leonis, inquit, *Decimi constitutio sic habet: electio vero Ministrum Generalem fieri debeat à solis Ministris Prouincialibus & Custodibus reformatis. Tum paucis interiectis. Volumus, & etiam ordinamus, quod nullus Pater possit eligi in Ministrum Generalem nisi, vitæ ducat reformatam, & pro reformato à communitate reformatorum habeatur in praefata vero obiectione ( electione dicere debuerat ) Ministri Generalis nullus penitus vocem habeat, nisi reformatus, & pro reformato à Congregatione reformatorum habeatur.* Sublimis Ludouicus nec eligentes fuisse reformatos; nec Ministrum contra quem agebat; posse ostendere se reformatum, inter reformatos vitam ducere: ipsa, inquit, *veritate aperte vndique reluctante.* Ex quo tandem inferit: *scias ex Pontificis decreto ab omni se huiusmodi primatu ac potestate excidisse.* Confirmationem adiicit: *quia perspectum est Generali Ministro primatum in toto ordine ob regularem dumtaxat obseruantiam à Pontifice delatum fuisse: quo pacto itaque, ea tam in capite, quam in membris dilapsa, integer illi esse potest?* sic argumentatur Ludouicus Forolèmpsonianus. Nec mirum: ipso enim Bouerio teste ibidem: *tenui litterarum peritia praeclitus erat.* Hoc miror, Bouerium tam furilia & puerilia argumenta tanquam vrgentia, imo conuincientia, in suam historiam coniecisse, idque quia Ludouicus, non obstante impetitia, plurimum ( Bouerio teste & iudice ) ingenia ac solertia praestabat; eamque in agendis prudentiam praeferebat: ut res ipsius tamen si arduas, ac difficiles etiam pro dignitate tractaret. Verum periculosa sunt magna ingenia & simul indisciplinata; quæ dum liberius sine regulis, et pro affectu vagantur, facile excedunt limites prudentiæ; quam non praeferebat: sed habere necesse est ad negotia pro dignitate tractanda. Sed ad rem veniamus.

Concedo pontificem Leonem Decimum, redactis in vnum corpus

corpus Ordinis omnibus Regularis obseruantię studioſis ;  
*ne caput à ſuis membris diſforme appareat*, dectuiſſe neminem  
 in poſterum poſſe eligi in Miniſtrum Generalem , aut Prouin-  
 ciałem, neque in iſta electione votum actiuum aut paſſiuum  
 habere, niſi vitam ducat reformatam, et à communitate re-  
 formatorum pro reformato habeatur. Ex quo putat Bouerius  
 ſuum Ludouicum rem totam confeſciſſe, & electionem Ioan-  
 nis Piſotti irritam probaſſe. Preſertim ex eo quod addatur :  
*Quod ſi in futuro quidquam in contrarium attentatum fuerit*  
*irritum penitus & inane habeatur*. Verum quoad maiorem,  
 non eſt difficultas ; at ſi, vt oportuerat, ea quę in Bulla ſe-  
 quantur inſpexiſſent Ludouicus & Bouerius ; non puto quod  
 tam abſurde, contra charitatem, & veritatem ſubſumere  
 præſumpſiſſent.

Proſequitur ergo Pontifex : [præterea, quia de reformatis,  
 ac purè, ac ſimpliciter Regulam beati Franciſci Obſeruantibus  
 ſæpius in ſequentibus & præcedentibus mentio habetur ;  
 volumus & declaramus ſub nomine reformatorum, ac purè  
 ac ſimpliciter regulam beati Franciſci huiusmodi Obſeruan-  
 tium comprehendere omnes & ſingulos inſcriptos, videlicet,  
 Obſeruantes, tam de familia, quam reformatos ſub Miniſtris,  
 ac fratris Amadęi, de Coleranis, Clarenſis, de ſancto Euan-  
 gelio ſeu de Caputio, ac Diſcalceatos nuncupatos, aut alios  
 ſimiles, quocumque nomine nuncupentur, & Regulam ipſam  
 beati Franciſci purè & ſimpliciter obſeruant.] Videant  
 nūc diſputatores illi qua ratione auiſi fuerint ſubſumere R. Pa-  
 trem Fratrem Ioannem Piſottum non fuiſſe reformatum,  
 aut pro reformato habitum : cum illud ſubſumptum ipſemet  
 Pontifex implicite negauerit, declarando Obſeruantes, in-  
 ter quos erat & reputabatur Reu. Pat. frat. Ioannes Piſottus,  
 pro reformatis ſe habere, & eſſe habendos, illos vocem acti-  
 uam & paſſiuam in electionibus habere. Quid ergo Reu. Pat.  
 Ioanni Piſotto deſuit quominus in Miniſtrum Generalem eli-  
 gi poterit? qui ab ipſomet Pontifice Clemente Septimo an-  
 no 1528. conſtitutus fuerat Vicarius Generalis ordinis Obſer-  
 uantium, vt ex libro ſecundo quartę partis chronici cap. 31.  
 ſupra diximus; quo actu Pontifex eum reformatum & qualiſci-  
 eatum eſſe oſtendit, vt toti Ordini Generalis præſiceretur.  
 Quid deſuit Electoribus, Miniſtris ſcilicet & Cuſtodibus Ob-

seruantium, vel aliorum reformatorum ipsis in eodem corpore Ordinis adunatorum; qui insistentes Pontificis vestigijs, eum elegerunt, quem ille antea dignum indicauerat, & iudicauerat?

Non video quæ his opponi possint nisi calumniæ, quibus continuò Bouerius cum suis, vel ex suis ordinem Obseruantium aspergit: videlicet Obseruantiam tam in capite quam in membris defecisse; non defuisse quidem Obseruantes nuncupatos, sed reipsa tales non fuisse.

Verum has calumnias puto me sufficienter ante refutasse, & in posterum adhuc clarius falsitatis conuictarum. Nunc hoc solum dico: Obseruantes nuncupatos pro talibus habendos esse, donec tales non esse probentur, & legitima auctoritate ab ijs quibus id competit, declarentur. Quis autem Pontifex post paucissimos vnionis annos (in qua eos Leo Decimus tales esse, & habendos esse declarauerat) non esse amplius Obseruantes declarauit? Imo, nonne Clemens Septimus contrarium ostendit, dum Ioannem Pisottum tanquam Obseruantem Obseruantibus præfecit?

Hoc rogatum voluissẽ Ludouicum vel alium quemcumque, qui eius partes tueri voluerit; si Obseruantes & reformati non fuerint (saltem secundum eorum mentem) electi tunc temporis, & electores, vt proinde irrita & inanis fuerit electio; vbi tandem illi quæri debebant? certè vbique clamant Obseruantiam tam in capite quam in membris defecisse, collapsam & pessumdatam nemine opem ferente: nullam in Ordine sub Obedientia Superiorum procedere potuisse reformationem. Nihil igitur aliud restabat, quam vt dicerent in Ordine collapsò nullum potuisse esse legitimum Ministrum Generalem; & sic primatum Ordinis ad Capucinos esse deuolutum; quorum reformationem *in caput Ordinis esse erectam* dicere præsumperat Bouerius in Apparatu. Eo tendunt omnia isthæc argumenta; quamquam conclusionem tanquam nimis absonam, & à veritate alienam, apertis terminis exprimere non audeat.

Viderunt nihilominus multi inter primos huius reformationis alumnos, legitimam hanc Ministrorum Generalium in Ordine Obseruantium vsque ad sua tempora successionem, ita integram & elatam, vt nulla eam apparenti ratione oppugnare;



gnare; nulla tergiversatione dissimulare potuerint. Angelabantur exinde multorum intelligentium & timoratorum conscientia; quomodo isti puncto regulæ cap. 1. *Alij Fratres teneantur Fratri Francisco & eius Successoribus obedire* satisfacere illi qui se ab Ordinis & Prelatorum eius successorum sancti Francisci Obedientia subdlexerant. Nam legitima semper successione in Minorum Observantium Ordine permanente, non dabatur Vicarijs Capucinatorum Ius & locus succedendi. Quapropter R. P. Franciscus Aesinus Capucinatorum Generalis ad annum Christi 1543. num. 30. refertur Fr. Ioanni à Metymna demandasse, ut huius & aliorum dubiorum resolutionem à Christo exposceret. Anno vero sequenti num. 27. refertur Christus eidem respondisse: *discant Fratres Obedientiam, cui ex Regule præcepto obstringuntur, tribus potissimum deberi, primum mihi, cui etiam sancti Evangelij observantia promittitur; deinde Pontifici Romano, tanquam Ecclesie capiti, ac Vicario mihi subrogato, cui per omnia parere debent. Postremo Beato Francisco ac successoribus suis, quemadmodum in Regula explicatur, ut Religiosa Hierarchie ordo, ac forma seruetur, qua subordinationem ad unum Religionis caput includit.* Hactenus Christus aperte & intelligibiliter locutus refertur. At postquam ad punctum difficultatis venit, videtur, Boverius suas ratiunculas ita miscuisse, aut suo saltem stylo temperasse verba Christi, ut magis Boverium quam Christum, sapiant! *Discite igitur veram apud me Ministrorum Ordinis successionem non ab antiquitate, ac diuturno annorum curriculo, neque ab Ordinis primatu (nota sed à legitima institutione, ac præsertim à Regula Observantia censi.* Hac enim sola apud me robur & pondus nanciscitur: ita enim olim predicavit Paulus dicens: *Non enim omnes qui ex Israel, s; sunt Israelitæ, neque qui semen sunt Abrahæ, omnes filij. Quod ipse quoque in Evangelio non obscure docui: cum Hebræos alloquens, qui se ex antiquo Abrahæ genere factos gloriabantur: s; obtestatus sum: si filij Abrahæ estis opera Abrahæ facite.* Ego credidi, & credo Christum esse filium Dei viui qui in hunc mundum venit; & verissima esse omnia quæ ipse dixit indubitanter credo. Verumtamen Boverio, (salua ipsius pace) non credo hæc tanquam Christi dicta referenti: quis enim ibi strophas & ambiguitates non videat dum veram Ordinis Minorum successionem ab antiquitate, di-

rum annorum curriculo, atque ab Ordinis primatu dicere non dependere: sed à legitima institutione, & præsertim à Regulæ Observantia censerì. Vix puto sine Christi iniuria, hæc illi verba adscribi posse: nam in essentia sua successio hæc includit antiquitatem, annorum curriculum, & primatum. Primatus enim est illud in quo debent diuersi sibi mutuo succedere: videlicet in potestate Superioris, & Ministrorum Ordinis; quæ primò in Beato Patre Nostro Francisco fuit, ipsoque vel resignante, vel moriente, in alios deriuata est: donec per diuersa annorum curricula, alijs illis succedentibus usque ad Capucinatorum & nostra tempora deuenit.

Legitima institutio facile quidem intelligi potest facere legitimum Superiorem; sed successorem facere non potest, quãdiu is qui legitime successit est superstes, & manet in possessione illius rei in qua succedendum esset: & quàm non nisi vnus solus obtinere potest, sicut in regula cap. 8. vnus solus Minister Generalis agnoscitur: *Vniuersi Fratres vnum de fratribus istius Religionis teneantur semper habere Generalem Ministrum & seruum totius Fraternitatis. Et ei teneantur firmiter obedire. Quo decedente electio successoris fiat &c.* Viderint reformatores isti quomodo secundum hunc regulæ passum legitimum Beati Francisci successorem obtinuerint.

Minus adhuc successorem facit Regulæ observantia, quæ bonum quidem & verum religiosum constituit; sed ad legitimum sancti Francisci Successorem & Superiorem Ordinis, prope modum impertinens est: si etenim defectus Observantiæ superioritatem tolleret, & Observantia talem faceret. Daretur ansa multis inobedientijs, & mille abnsibus: pro vt patet in simili, in pluribus hæreticis, qui ad Ecclesiasticam Superioritatem statum gratiæ & bonam vitam requirebant. Vnde ea omnia quæ in Bouerio supra tanquam reuelata narrantur, implicite contra Ordinem Observantiam à Bouerio vel aliquo alio excoitata videntur, & ad punctum propositæ difficultatis omnino impertinètia, Christo Dño male adscribuntur.

Pauca hæc solum ad rem faciunt, & à Christo dicta credi possunt: *caput habeant diuina mea prouidentia constitutum, Apostolicæque Romani Pontificis, Vicarij mei potestate electum, eidem tanquam legitimo B. P. Francisci Successori parere debent: quo sit ut frustra alios successores quarant, inanique seipsos timore sollicitent.*

*citent*. Vbi tamen hoc notandum est non dici caput sic constitutum & electum esse successorem, sed tanquam tali parendum esse illi quem diuina providentia, & Sedes Apostolica in caput præfecit. De quo, dubium mouere ego nolim, nec mouere debuit Generalis R. P. Franciscus Aesinus, vel alij Patres Capucini; vt ob hoc opus esset ad reuelationes extraordinarias recurrere, quæ incertiores sunt: cum Romani Pontificis determinatio, qui est supra Regulam meritò eos debuerit quietare.

## Q V A E S T I O

### Decima quarta.

*An primi istius reformationis Patres, ante legitimam ab Ordine exemptionem; debita ex Regula obedientia & reuerentia satisfecerint?*



**I**CET à subiectione Ordinis, & Ministrorum Generalium, excusari possint RR. Patres Capucini, post tot Pontificum diplomata, & concessionibus quibus ab ijs exempti, proprijs Vicarijs Generalibus subiiciuntur. Nescio tamen quomodo saltē in foro externo, excusari possint Matthæus à Balsio, & Ludouicus Forosempronianus, cum fratre suo à transgressione istius præcepti Regulæ: *Fratres teneantur fratri Francisco, & eius successoribus obedire*, dum nulla adhuc habita Pontificis facultate; nulla Superiorum obtenta, imo nec petita licentia, agressi sunt loca Obedientiæ, sub prætextu reformationis impetrandæ; & quidem vt de Matthæo Balsio scribitur pro impetrandæ licentia deferendæ talem formam habitus, qualem ipse sine alicuius consensu assumpserat.

Excusatum Matthæi Pater Bouerius per compertam viri sanctitatem, & reuelationes aliquas, quas habuisse vnum refert ad annum 1524. quibus Franciscus in tali habitus forma, qualem antea à patre quodam didicisse dicitur n. 49. illi apparuit & vocem de celo loquentem audiuit: *Matthæe hæc est*



*est voluntas Dei ut regulam perfectè obserues ad litteram, ad litteram, ad litteram.* sed quid hæc ad rem faciunt? scimus omnes sine noua reuelatione & voce delapsa cœlitus, eos qui Regulam sancti Francisci professi sunt teneri eam obseruare ad litteram, ad litteram, ad litteram. Sed numquid ideo indultum erat Matthæo à Deo, sine petita & obtenta licentia conuentum exire? quod prohibitum erat in Regula *ad litteram, ad litteram, ad litteram.* Idcirco habitus formam priuata auctoritate mutare, & pro illa ad Sedem Apostolicam recurrere concedebatur? cum forma habitus quo totus Ordo tunc utebatur esset per eandem Sedem Apostolicam approbata.

Dixi me non scire quomodo sint excusabiles *in foro externo*, idque propter hunc Matthæum Balsium; quem (utpote hominem sanctum) facillime mihi persuadeo bona conscientia processisse; excusante illum vel inculpate ignorantia quæ facile locum habere poterat in homine qui plus pietati, quam scientiæ studuerat: vel viteriori Spiritus sancti inspiratione: quia reuelationes à Bouerio allatæ, meo iudicio, ne pro foro quidem conscientiæ sufficiunt.

Foro tamen externo & Superioribus non video quomodo satisfecerit; id licet contendente modis omnibus Bouerio; idque propter vocem è cœlo delapsam, agnitam vitæ integritatem, innocentiam, & virtutum præcellentiam. Quasi vero homines sancti dum adhuc viuunt labi non possent, vel saltem indiscretionis actus committere, quibus merito alij offenderentur, & ipsi humiliarentur. Verum si adeo bonus & sanctus erat; quid opus ipsi erat per media tam extraordinaria, querere reformationem pro sola sua persona, ut dicitur? Perfectam sancti Francisci imitationem, quam sibi assequendam cum proposuisse refert Bouerius, in ordine sub obedientia simplici superiorum, in qua antea non religiose tantum, sed & sanctè vixit, ad quam etiam postea rediit, consequi poterat. Sola erat forma habitus, cui superiores sese opposituros timebat, idque non sine ratione, tanquam rei friuolæ, & meram tantum difformitatem causaturæ. An illa tanti momenti fuerit, ut propter illam non petita licentia conuentum exire, & ad Sedem Apostolicam recurrere, licitum fuerit, cui libet prudenti iudicandum relinquo. Hoc sciorem esse pessimi exempli & consequentiæ talibus pretextibus, neglecta immo-

diato-

diatorum Superiorum Obedientia, etiam ad mediatos Superiores recurrere; quanto magis sedem Apostolicam adire, quod facientes, in nostris statutis generalibus à Sede Apostolica approbatis, merito quo apostatis habentur, & tanquam apostataz puniendi censentur. Quod non dico vt culpam conscientia Matthæi à Bafio; sed vt ostendam nemini mirum videri debere, si contra ipsum talia agentem Superiores Ordinibus rigidius, seruato iuris Ordine, processerint, qui licentiam à Pontifice sine scripto obtentam, reuelationes, vel alias excusationes pro scientia in re scandalosa & pessimæ consequentia attendere nec debuervnt, nec potuerunt.

Ludouicus vero Forosempronianus licentiam transferendi se ad locum reformationi aptum refertur quidem petiissse ad annum 1526. num. 14. verbis à Bouerio eleganter compositis, sed non sine comminatione: [ Quod si mihi id abs te negatum fuerit, certissimè à beato Francisco mihi concessum iri confido: cuius mens, verbis non semel ab eo explicata, ea fuit, vt in generali regularis Obseruantia naufragio, cuique liberum sit, etiam absque Prælatorum licentia, seipsum naufragio eripere, ac regulam, vbi melius visum fuerit, obseruare id te haud ignorare non dubito, quapropter obtestor hodie, nihil minas mequam apostasiam ab Ordine cogitare, aut moliri, si ad Matthæum facultate haud impetrata, abiero. Eam tamen mihi abs te, pater, benignè elargiri etiam, atque etiam rogo, ac supplex exposco. ] Hæc fuit humilis & reuerentialis obedientialis & supplicatio Ludouici, qui coram toto conuentu Reuerendo suo Ministro Provinciali falsò improperabat Generale regularis Obseruantia naufragium; minabatur, si licentia petita recusaretur, se absque ea facturum, quod per Leonem Decimum expressis verbis per obedientiam erat prohibitum; videlicet ne schismata vel nouæ reformationes sine expresso Ministrorum assensu inducerentur. Nihil ergo miri, sed summæ rationabile fuit, quod propter hunc excessum, non exauditus, sed punitus fuerit.

Verum est quod Regula sancti Francisci cap. 10. dicit: *Vbi cumque sunt fraires qui scirent & cognoscerent se non posse Regulam spiritualiter obseruare, ad suos Ministros debeant & possint recurrere. Ministri verd benignè & charitative eos recipiant.*

*piant* &c. Sed quis poterit dicere non potuisse Ludouicum hunc, in obseruantium monasterijs, in quibustot fratres spiritaliter & sanctè Regulam obseruabant, eandem obseruare? Et vbi legit Ministris aliud iudicantibus, licitum esse subditis eorum obedientiæ sese subducere, & pro suo nutu & capto alio se trāsferre? Profecto ex talibus principijs inultæ malæ consequentiæ orirentur.

Parsistens nihilominus Ludouicus in suo proposito (quamuis aliud coram Ministro Prouinciali simulasset) [scribit ad Generalem Ministrum Franciscum Quignonium (alias Franciscum Angelorum) virum omni virtutum genere ornatum, & ob præclara merita à Clemente Septimo deinde in Cardinalium numerum cooptatum. Qui lecta epistola ad Ludouicum humanissimis verbis rescribit: nihil sibi iucundius accidere posse, quam viros reformationis studiosos, ac perfectos Regulæ cultores in Religione ostendere: quorum opera ad Regulareformationem, quæ iamiam in Ordine inchoanda est; feliciora incrementa suscipiat. Verum aliquantisper illi expectandum esse suadet, donec plurimorum consilij auspiciata, stabile principium, ac firmiorem sedem accipiat. Interim illi nihil innouandum esse.] Hæc omnia ad verbum Bouerius ad annum 1526. num. 20. sed breui linearum intervallo ita sui obliuiscitur, vt cum quem antea virum omni virtutum genere ornatum agnouerat; qualem etiam chronica Ordinis describunt, dicat Ludouico verba dedisse, vt cum vana pollicitatione comperceret. Quod licet sine tanti viri iniuria dicere potuisset, quatenus ibidem addi suspicatum fuisse Ministrum Generalem quod Ludonicus iuuenis, necdum trigessimum annum attingens, nulla dignitate in ordine, ne concionatoris quidem munere effulgens, animi potius lenitate, quam solido spiritu duceretur. In progressu tamen conceptum animo virus contra ipsum indiscrètè euomit, dicens sequenti numero quod Ludonicus in hoc Generalis Ministri responso, nihil præter vanas pollicitationes, atque inutiles moras, quibus expectationem suam deluderet, contineri animaduertat. Quibus verbis Bouerius temerario Ludouici iudicio suum quoque calculum adiicit; vt scilicet ostenderet, non expectato assensu promisso, rectè Ludouicum ad Cardinalem Protectorem recurrisse per litteras quibus cum de iasso Religionis statu, Regulæ inobser-

*uantia,*



*uinita, ac communi animarum periculo certiores reddit.*  
*Per Christi viscera orat, obsecratque, ut miserrimo rerum statu,*  
*ac in peius collabenti manus porrigat, atque ab extremo in-*  
*teritu, hac præsertim tempestate venialet; quando ipsi Ordinis*  
*Pralati lapsum suent, & communem Regula inobseruantiam,*  
*in ijs præsertim quæ votum paupertatis attingunt, sua auctori-*  
*tate enutriunt ac communiunt. En obedientiam & reueren-*  
*tiam illorum adhuc supditorum erga tam pium & venerabi-*  
*lem Superiorem.*

Ad has litteras Ordinis Protector, qui erat, Bouerio teste, Andreas Cardinalis à Valle, respondit. Cum mens Pontificis esset, ut huiusmodi reformationis negotia ab Ordinis Superioribus gerantur: ijs seipsum minime ingerere posse, aut debere, ne falcem in alienam messem mittere videatur.

Ne tamen aliquid Bouerius vnquam omittat, quod in despectum Ordinis cedere videatur, præmittit: Quod cum hic Cardinalis pluribus Religionis morbis mederi vellet; qui Ordinem moderabantur rem agere ferentes, de eo apud Pontificem conquesti, ab ijs impetrauerunt, ut Cardinalis Protector ultra certam ac statum auctoritatis metam, sese Ordinis rebus non immisceret. Qua re Cardinalis peritus hoc responsum dedit. Sic noster Bouerius ut Ordinem Observantium culpet; suos autem Auditores vel promotores iustificet: etiam Pontificem non veretur implicite reprehendere: quasi viro ingenio, ac rerum agendarum prudentia plurimum commendato, qui morbis pluribus mederi rationabiliter vellet, ob querelas infirmorum infirmi corporis caput, irrationabiliter auctoritatem imminuerit ac limitauerit. Sed pensare debebat Bouerius quam miserabiliter superiorum regimen turbetur, si cuilibet pro re qualibet pateat recursus contra Superiores extra Ordinem, & ad homines sæculares; qui licet prudentes sint, non nouerunt tamen plerumque subditorum miseras & conditiones: unde pro dolor! nimis sæpe contingit, per nimiam talium audientiam, in tantum turbari disciplinam ac regimen, ut vix tandem, meliori facta informatione, possit restaurari. Accedit in hoc casu particulari, quod non per aliquam restrictionem auctoritatis Protectoris, à Superioribus impetratam occasione supradicta, hoc veritum fuerit. Sed ab initio con-

solidati Ordinis Observantium per Bullam vnionis, commissa sint Ministris Prouincialibus & Generalibus negotia reformationis; sine quorum expresso consensu per Obsequentiam ea attentari verabantur. Vnde si Protectores ea sibi attrahere voluerint, decreto Pontificis contrariabantur, & procul dubio Pontificem intento sine, ordinemque pace & vnitatem, fraudabant.

Interim dilata à Generali Ministro licentia; à Protectore vero negata: Ludonicus cum Fratre suo Raphaele Laico, *geminas à consanguineis rudioris ac crassioris panni tunicas sibi parari curant; quibus ubi quadrata caputia, absque lunula & scapulari assuerunt; his non sine lacrymis induti, interpesta noctis hora e monasterio exeunt, ierque ad Matibeam dirigunt*. Ita Bouerius ad annum 1526. num. 28. vbi manet hic præceptum illud: *Et alij Fratres teneantur Fratri Francisco & eius successoribus obedire*? Vbi paupertas, quæ vetat sine Superiorum Licentia aliquid dare vel recipere? Illi ab amicis, inscijs Superioribus, tunicas comparant habitum Ordinis immutant sine alicuius autoritate, & furtiuè conuentum egrediuntur interpesta nocte.

Quæ tamen omnia vt Bouerius excuset, imo tanquam benefacta cõmendat, dicit cõtigisse accedente *Theologorum & Iurisperitorum consilio qui re omni studio ac diligentia examinata, liberum illis ad Sedem Apostolicam auitum parere sentiunt*. Vtinam examinari possint illi Theologi & Iurisperiti (si verè aliquos consuluerint) an casus fuerit ipsis cum omnibus suis circumstantijs debite propositus? An dictum fuerit, à Religiosissimo Generali spem & promissum datum de concedendo loco ad vitam reformatam ducendam, modo non nihil expectaretur, donec meliori & communi consilio res inchoaretur, stabilis perficienda; additum fuisse mandatum ne interim quidquam immutaretur. Sanè supponendum est illos indiscrète zelos rem proposuisse, pro vt ipsi falsò eam apprehendisse sapius referuntur; scilicet à Generali Ministro & alijs omnia sic è agi; eos inobsequentiam fouere, reformationi contrariari &c. Deinde si resolverint quod pateret liber aditus ad Sedem Apostolicam; quis resoluit, vel prudenter resolvere potuit, eis esse liberum sine Apostolicæ Sedis, vel vllius licentia; imo contradicentibus Superioribus pannos comparare à

con sanguineis, habitus formam mutare; Conuentumfurtiu  
egredi, iterque ad Matthæum Bassium dirigere & *quem Apo-  
stolica auctoritate munitum tantum opinabantur, quæ & alios  
sibi associare posset.* An hoc satis erat vt sapienter agerent? ad  
quid putare vel opinari non sufficit in re tanta. Nonne de-  
buissent melius rem examinare antequam paupertatis & Obe-  
dientiæ limites tam manifestè transgredirentur?

Erramen nimio rerum suarum amore vsque adeo cæcuti  
Bouerius, vt hoc Dei opus, & à Deo profectum esse euincipu-  
tet, quo Capucinatorum reformationi viam sterneret. Non  
inficior si eo modo intelligat Dei opus quo venditio Ioseph in  
Aegyptum dicitur diuino consilio facta; *pro salute, vestrâ mi-  
sit me Deus ante vos in Aegyptum. Gen. 45. vers. 5.* Eo sensu  
quo dicitur *Deus Semei præcepisse vt maleiceret David.*  
*2. Reg. 16. vers. 10.* Sicut negatio & interfectio Christi dicitur  
Dei opus & medium quo redemptionem implevit: *Deus qui  
prænuñciauit per os omnium Prophetarum pati Christum suum,  
sic impleuit. Act. 3. vers. 18.* In quo nihil arbitror me de-  
rogare sancto Capucinatorum instituto, quod pro tali habeo &  
profiteor; sed dico omnes modos & mediâ ad illius introdu-  
ctionem adhibita, esse non à Deo positiuè & specialiter coope-  
rante; sed permittente solum: *vt pote qui melius iuaicauit de  
malis benefacere, quam mala nulla esse permittere vt loquitur Au-  
gustinus in Enchiridio cap. 17.*

Huius intellectus occasionem & argumentum suspeditat  
mihi Bouerius scribens num. 23. *Quod si ante actam Ludouici  
vitæ ac virtutes, quæ fuerint, inquirimus: in ijs nihil aut exi-  
mum, aut singulare se offert, quod insigne aliquod egregij operis  
futuri specimen præmonstraret: sed communem vitam, commu-  
nem Obedientiam, communem cibum, communia ieiunia, com-  
munes virtutes, communia denique omnia in eo aduertimus. Si  
quid in eo singulare fuit, id sanè non reformationis studium fuit,  
quo plurimum ante ipsum, & fortè ipso feruentius in caluerant; sed  
in reformationis studio prosequendo audacia, quæ plerumque plu-  
rima ibi esse solet ubi minor prudentia versatur. Quanta vis ve-  
ritatis! quæ etiam inuito contra seipsum solet erumpere.*  
Accepto confessionem, & laudo vera dicentem Bouerium: ac-  
que inde infero feruentiores istos, & simul magis obedientia  
ac modestiores reformationis studiosos, melius sibi & ordinâ



confuluisse; dum meliores & vtiliores reformationes obtinuerunt & instituerunt; quæ etiamnum Ordinem in suo vigore conservant.

Sed quomodo hæc ad Dei consilium & opus speciale reducit industrius noster Encomiastes potius, quam historicus? *Ea verò (audacia) cum ex calido natura temperamento, ac biliosa aut sanguinea corporis complexione oriatur, Ludouicus natura potius donum, quam virtutis excellentiam, Deo ad reformationis opus videtur administrasse.* Egregium argumentum! Hoc opus ex parte Ludouici fuit potius naturæ quam virtutis; ergo fuit specialiter opus Dei. Si opus Dei intelligeret ut ante explicui, nihil obfisterem; verum non video quomodo rectè intererat opera Ludouici ex audaci & bilioso naturæ temperamento facta (quæ mala fuisse, ut existimo, satis ostendimus) fuisse specialiter opera diuinæ virtutis, hoc libenter concedo, quod & ipse fortè principaliter intendit, bona quæ inde exorta sunt, eo specialius Deo esse adscribenda; quo ex malis initium sumpserunt.

Porro Ludouici opera non bona sed mala fuisse ex Bouerio colligitur ibidem num. 29. vbi ipsi *diuina sapientia occulta lubet expendere*; sed ea secundum propriam sapientiam, vel astutiam potius explicare maluit, quam in statèra iusta ponderare. *Qui enim, inquit, propriæ reformationis opus, velut Leones hætenus impauidi aggredi videbantur, vix e monasterio egressi, tam ingenti pauore concuti caperunt, ut leporum, aut ceruorum instar, ad omnem vel suorum pedum strepitum ex pauescentes, umbram suam metuere viderentur, tam enim Fratrū insequentium furias formidare visi sunt, ut cum die in syluis atque antris præ metu latitarent, noctes tantum iter facerent. Verum qui gratis impugnator (ait Ambros. in Psalmum 118.) Fortis debet esse & constans. . . . . trepidare infirmitatis est atque formidinis.* Fateor ex eodem Ambrosio esse etiam infirmitatem aliquam ad salutem & timorem sanctorum; sed ille potius videtur fuisse inobedientium & male agentium, qui redarguente conscientia iustas reprehensiones & punitiones formidare solent si enim Dei instinctu & zelo ducebantur, (qualem habere deberent qui eiusmodi opera aggrediuntur) licet fortè ex toto naturalem aliquem pauorem excutere non potuissent; magis tamen fuissent confusi illi; cuius instinctu o-

pus

pus hoc aggrediebantur. Vnde meritò dicit Bouerius: his illos Deus terroribus pulsari voluit, vt quam modicum suis viribus fidere deberent aduerteret putarem ego addendum fuisse vt discernerent meliori consilio, maiori cum humilitate modestia, & obedientia tantum opus aggredi debuisse.

Ex his omnibus existimo posse concludi illos reformatores non satis pro initio seruasse fundamentale preceptum obedientie: ac proinde Ordinis Superiores, verosque sancti Francisci successores habuisse grauissimas & iustissimas causas opponendi huiusmodi procedendi modis, tam inordinatis; præsertim cum ipsi pacem & quietem Ordinis intenderent, atque etiam reformationem Religionis, vbi ea opus esse iudicabant, de facto ad opus capissent applicare.

## Q V AE S T I O

### Decima quinta.

*An unionem à R. P. Vincentio Lunello Obseruantium Generali Ministro propositam RR. PP. Capucini religionis modis & rationabilibus titulis respuerint.*



**R** E M R. P. Bouerij verbis exscribo ad annum 1536. num. 19. [En noua in Religionem procella concitatur atque eò periculiosior, quo sub aure fallacis flatu, certum illi naufragium minabatur. Nouus enim Minorum de Obseruantia Minister generalis, qui Lunellus cognominabatur; cum Capucinorum Congregationem, aperta vi minime euelli posse intelligeret alijs machinis euertere illam cogitat quia nimirum Pontifici suggererat expedire vt Capucinorum reformatio cum ea quæ in Obseruantium Ordine iam iam excitanda erat; in vnum reformationis corpus, sub vno Generalissimo Obseruantium capite coalescat; inde enim futurum dicebat, vt nec tot corporum monstra sub vna Religione conspicerentur; nec illa Capucinis vnio incommoda esse possit, cum sua ipsis priuilegia integra seruentur; solis dependentiæ (credo quod independentiæ dicere voluerit) ac capitij deferendi priuilegijs exceptis, vt omne ab hac

vnione deformitatis monstrum expellatur. Quod si ij tenacius caput in hngere velint haud se dissensurū affirmabat : dūmodo illa reformatorum vnio sub Generalissimo capite fiat. Ceterum vt ab hac vnione , ex qua totius Ordinis pacem , ac tranquillitatem pendere asseribat ( meo iudicio non immerito ) Capucini minime dissentirent, ijs loca omnia, quæcumque sibi in Ordine elegissent collaturum spondet : identidem Fratres ad reformationem prouocaturum , denique in ea tum tuenda , tum propaganda, omni ope , ac patrocinio illis ex animo ad futurum pollicetur .

Datur hic locus Emblemati quod Religiosus quidam Provinciæ nostræ Pater proponere lepide solebat, depingendo videlicet ab vno latere fratrem Minorē Observantem; ab altero Capucinum. quemque in habitu suo, in medio vero forfices cum hac inscriptione. *Aequat omnia*. Abscissa nimirum barba & caputij nimia longitudine, nullam inter Observantes & Capucinos remansuram putabat differentiam, neque vllum vnionis impedimentum.

Dolebat pijsimus Generalis supra nominatus, qui & ipse Regulæ Observantium zelabat, tantillis rebus pacem & tranquillitatem Ordinis præpediri; vsque adeo vt etiam differentiam caputij tolerare paratus esset, & forte etiam habitum Ordinis accomodare (vtpote in re parui momenti) vt sic posset filiorum Francisci, prout decebat, *esse cor unum & animam vnā*, eoque facilius in vnum Religionis corpus sub vno Ministro Generali secundum exigentiam regulæ coirent.

Quis hic non cogitaret litem terminandam, facta propositione tam rationabili, & favorabili PP. Capucinis?

Verum omnino contrarium euenit : responderunt enim boni isti Patres ad articulos pacis, non rationes, sed amaritudines bonerum audiamus sup. num. 20. *Hac Generalis Lunnellus, tametsi haud meliori animi sententia, quam qua hæc prior Pissiotæ tentauerat proculdubio duceretur* (vbi charitas quæ malum non cogitat, & vbi est iustitia quæ vetat temerè proximum iudicare?) *attamen tam grauitè, tamque appositis verbis, ac rationibus rempersuadere cœpit; vt Pontifex hac publicæ quietis ac tranquillitatis spe allectus totam rei summam se sanctæ Romanæ Ecclesiæ Cardinalibus ex quibus tres sibi quæque pars eligeret Apostolica auctoritate determinandam commiserit.* Subijcio



cio nunc ex eodem nonnulla responsionum capita, ac potissimas rationes (vt ipse eas vocat) allegatas à Patribus Capucinis in-  
telligam graui, ; vt vult Bouerius, religionis sua periculo, vt vnio  
à Generali Ministro prætensa respueretur. Ex schedula deprom-  
pta ex antiquissimis istius religionis monumentis, qua in archiuo  
illorum Romano asseruantur.

Remisso igitur imprimis ad annum 1536. num. 22. quod  
ab exordio continue Patres de Obseruantia Capucinorum  
congregationem validissime oppugnassent, & in ipsius ne-  
cem & interitum conspirassent. Addit quod Obseruantium  
Ordo, & ipsemet Generalis haud inficiantur reformatione,  
sibi opus esse: quæ diu expectata, non nisi delationes & pro-  
missa conspiciantur. Venit ad rem. *Iam vero quo pacto hæc*  
*duo sibi coherere valent? optima scilicet, ac perfectissima y, qui iam*  
*reformati sunt vita, ac regula Obseruantia, in alijs vero publica*  
*inobseruantia, ac reformationis necessitas?* Responsio in prom-  
ptu est ad calumniosam hanc obiectionem; etiam dato quod  
verum effet, id quod ibi falso supponitur. Posse coherere eo-  
modo quod sana & infirma membra in eodem corpore ac sub  
eodem capite vniuntur; vt per sanorum influxum & auxilium  
infirmiora sanentur, prout, ferè emortuum Religionis corpus  
per Obseruantes fuit præseruatum & sanatum.

Pergunt in schedula: *aut qua ratione tam disiuncta membra sub*  
*eodem capite conuenire possent? vt simul qui, austerissime secun-*  
*dum regulam, & qui molliter præter regulam viuunt in vnum*  
*corpus coalescant?* quomodo se palpant isti boni viri, & quam  
durè suos confratres attingunt! Respondeo tamen ea ratione  
coalescere posse, quo carnes, ossa, pili, ungues in vnum cor-  
pus coalescunt, licet sint diuersæ rationis, imo & humores si-  
bi mutuo contrarij vt bilis atra & flaua &c. ea ratione, & mul-  
to maiori, qua potuerunt Obseruantes tam longo tempore,  
annis ferè ducentis, coalescere cum Conuentualibus; quo-  
rum multi profitebantur se non velle Regulam nisi priuilegijs  
mitigatam obseruare, quod in Obseruantibus locum non ha-  
bebat, qui licet (vt Bouerius vult) Regulam non seruassent;  
profitebantur tamen, pro vt etiamnum profitentur, se debere  
& velle secundum eam viuere exclusis omnibus priuilegijs re-  
laxantibus.

Sed, inquiunt, *que participatio luci ad tenebras? aut qua*

*conuentio Christi ad Belial?* Sic isti Lucidi Christiani sese luci & Christo, confratres vero suos eiusdem Patris Filios, tenebris & Belial comparant. Detegere calumnias, non regerere in animum induxi; sed cogitare isti debuerant illud. Christi, cui se comparant: *qui dixerit Fratri suo fatue, reuerisit gebenna ignis. Matth. 5. vers. 22.* Cuius ergo reus erit qui tenebras aut Belial eum vocauerit, aut ijs saltem comparauerit?

Denique cum Pastor ouibus vita & exemplo præesse debeat, illudque capitis munus sit, vitam ac spiritum in membra influere: quomodo rectè ouibus præesse; aut Regularis. Obseruantia exemplo antecedere potest, qui aduersa inobseruantia via graditur? vel qua ratione capitis officium obire, aut capitis instar vitam ac spiritum impertiri valet, qui Regularis. Obseruantia nec spiritum nec vitam sibi vendicat? Siccinæ liberum illis erat Reu. P. Vincentium Lunellum tanti Ordinis tam præclarum caput (provt ex chroniciis. ante docuimus) virum qui prudentissimè rexit, sanctè mortuus est, inobseruantia condemnare? & tanquam membrum mortuum ac putridum æstimare ac repudiare? sanè tantæ presumptionis: pudere debuisset istius schedulæ auctores; pudere etiam debuisset Bouerium in suorum ac nostram vilipensionem talia proferre.

*Nemo, inquit, dat quod non habet,* quasi non posset manus Superior bonos subditos facere; & repudiandus esset vel ipse Pontifex à Christianis, qui (quod Deus auertat) non Christianè viveret: horum enim par est ratio: videant isti Pastres ad quæ præcipitia auctores suos deducant hæc argumenta. *Quin potius, aiunt, vel eum necesse esset à membris reformatis spiritum accipere.* Quid ni si verè indigeat? nunquid Pontifex malus per bonum Religiosum. posset spiritum Christiani hominis accipere? Neque vero hoc capitis dignitatem euertit, vt isti imaginantur: nam indignum non est quod manus fauicæ capiti adhibeat remedium: imo ad hoc seruire debet reformatio vt membra bene valentia sanent infirma.

Quod sequitur maioris videtur esse considerationis: vel necesse esset caput mortuum in membris sibi vultis: *spiritum ac spiritualem vitam extinguere, quod magis familiare esse solet.* Sic timent isti timore ubi non est timor: nam præterquam quod à viro bono reformatioem desiderant & promittente non potest.

potuerit rationabiliter timeri malum huiusmodi: in super illud per pacta & conditiones ab ipsomet Summo Pontifice prefigendas, in cuius manibus tota res versabatur, cuius prudentia & autoritate peragenda erat, præcaueri poterat; præsertim cum sua Capucinis privilegia integrè seruanda promitterentur, vt fateretur Bouerius: pro vt seruata sunt (licet non sine contradictione) Obseruantibus, & vsque modò inter Obseruantes seruantur recollectis & alijs reformatis. Sanè Iucè clarius est hos pretextus esse quæsitos ab ijs qui vnionem & obedientiam ad Ordinem à sancto Francisco institutum, & legitimos eius successores refugiebat, pretextu strictioris & sanctioris vitæ tanquam qui non essent sicut ceteri hominum. *At clarius*, inquit; *ad hoc rem attingamus*. Per me licet, sed vereor ne ad maiorem suam confusionem: pergunt ego nu. 23. *Regula S.P.N. Francisci non propter Obedientiam, sed obedientia propter Regulam condita est. Quid obedientia iugum à nobis exquiritur, quod Regulari Obseruantia potius obesse, quam prodesse certum sit?* Paradoxa sunt hæc, & si per singula refutanda loquerent, in immensum excreceret Apologia nostra: errores eorum d. rexisse, idem esse ac eosdem refutasse & conuicisse.

Nec tamen, aiunt, *Generali Magistro Fratrum Minorum Conuentualiam subesse renuimus*. Veniant hic in memoriam rationes antea positæ, & mutatis tantum terminis iterum atque iterum repetitæ: *qua conuentio luci ad tenebras, Christi ad Belial? qua ratione membra tam disiecta sub vno capite conuenire possunt? qua ratione capitis officium subire potest qui Regularis Obseruantia nec spiritum nec vitam sibi vendicat?* An fucate istæ rationes non æqualiter procedunt contra illos qui dispensatam regulam profitentur, & puram Regulæ Obseruantiam, promittere nolunt? videntur hoc iaculum præuidisse: vnde & euadere conantur dicendo: *haud ea ratione quod altero melior sit, sed quod nos à Regula Obseruantia non impedit*: Capucinos non oderit, non persequatur, non se illis hostem aut infestum præbeat, non eos calumnijs oneret, non eorum apud seculares homines bonum nomen ac existimationem proscindat. Supple pro vt facit Minister Obseruantium quem eo titulo posponunt & reijciunt & de ipso in terminis dicunt: *hanc à nobis Obedientiam & subiectionem alia ratione non exposcit, quam vt subiectos de-*



fat. Sic cum illis, conqueritur Boverius quasi apud seculares sederetur & non attendit quod sine probatione hæc allegando & scribendo tam gravi maledicentia Venerabilem istum Generalem, & totum ordinem Observantium apud deputatos Cardinales denigraverint isti Patres, & nunc ea in historiam tonijciendo apud totum mundum infamet.

Quod si forte aliqui ex Observantibus humanum aliquid passi minus benevoli subinde de Capucinis locuti essent; quod, prohi dolor! nimis sepe experimur ab alijs, contra Observantes fieri; & (quod magis stupendum est) in ijs locis amplius, in quibus magis studemus reformationi; propterea cum plures Religiosi Patres observarunt: an statim ista in historijs sic ebuccinanda sunt, & Generalibus ipsis totique Ordini debent adscribi? homines sumus, inter nos habuimus, habemus, habituri sumus; nec ijs carent Patres Capucini: utinam ergo hoc nobiscum cogitarent, & charitatis pallio, quantum possibile est multitudinem peccatorum vel infirmitatum, quæ ab hominibus ex toto abesse non possunt, operiamus.

Tædet me contentum illius infamatorij schedulæ ulterius referre & redarguere. Summa omnium est: nunquam potuisse, vel posse in Ordine reformationem diu incolumem stare; Ordinem reformari non posse: in quem finem repetuntur & inculcantur, quæ antea de capite nec spiritum nec vitam habente, iniuriose dicta erant: à quo proinde nihil aliud expectari possit, quam quod secundum presentem inobservantiam statum, etiam Capucinos ad relaxationem pelleret, si illi subijcerentur.

Hæc sunt eorum principia, quæ ut primò vera, ac sensu nota ubique statuunt, ex quibus demum conclusionem atque calumniosam deducunt; quam ipsorum verbis adijeio. *Renouent igitur & reforment seipsos, qui nos subiectos volunt: eosque qui reformate vivant, persequi desiniant. Sancti Francisci pauperatatem, austeritatem, humilitatem, ubi regula præcipit, sectari incipiant (quasi hæcenus nihil factum esset) tot sumptuosa ædificia, tot pomposos ornatus, tot illicitos ad pecuniam recursus, tot superflua in Ordine amputent. Aggrediuntur iterum Superiores, veros ac legitimos se pastores exhibeant qui non abunde per ambitus ac prensationes in honores irrumpant. Nescio an hæc de Generali Ministro qui tunc erat Reuerendus Pater*

Pater Vincentius Lunellus, vel de aliquo ex antecessoribus eius probare possint; prout facile contra ipsorum Ochinum, & Ludouicum Forosempsonianum, ipsiusmet consentibus possumus ostendere. Progrediuntur. [ Per humilitatis ostium inuiti ad dignitates rapiantur; ereditas illis animae verbo & exemplo pascant: nec sibi, aut alijs, id impossibile esse persuadeant, quod passim fieri intuetur, quodque B. P. Franciscus ac ipsius socij demum tot alij post eos re ipsa fieri posse demonstrarunt. Cumque hoc modo seipsos ac suos conuentus ad perfectam Regularis Observantiae formam reuocauerint: tunc profecto nemine reluctante, hæc inter nos vnio stabiliri poterit; & communi assensu decerni. Fiat vnum ouile & vnus Pastor. Quandoquidem bonus erit Pastor, qui oues præcedet. Dum vero adhuc discrepantia sunt ouilia, Pastorque alteri ouili est ignotus, vnum ouile esse non potest, nec vnus vtriusque ouilis Pastor. Ob id potissimum quod beatus pater Franciscus illud tantum proprium ouile, ac ouium pastorem agnoscat, qui in Regulæ obseruantia simul conspirant. ] Hic venena latent circa caudam, qua instar scorpionum puniunt; se non tantum præferentes alijs; sed iudicantes sufficienter non agnoscere sanctum Franciscum ordinem Observantium cum suo Generali pro ouili suo, qui vtiq; in Regulæ obseruantiam (vt præfati fuerant) simul non conspirant. Multum erigimini filij Leui ob tam leues vel partim fundatas rationes, vel potius suppositiones, non debuissetis tam falso confratres vestros eiusdem Regulæ professores & quidem seniores, apud Cardinales traducere. Sed patiamur iniuriam; & rationibus interim satisfaciamus, & eas non veras; sed falsas esse ostendamus.

Ad illud principium quo dicitur Regulam non propter obedientiam, sed obedientiam propter regulam conditam esse: responsio patet ex Ioannis XXII. extrauagante: Quorundam exigit. Religio perimitur si à meritoria subacti obedientia subtrahantur. Magna quidem paupertas; sed maior integritas; banum est obedientia maximum si custodiatur illa: nam primæ rebus, secundæ carni, tertiæ vero menti dominatur. Et animo, quos voluit effrenes & liberos dominationi alterius humilis iugo propria voluntatis adstringit.

Interim tam quoad obedientiam quam paupertatem, omnibus

nibus reliqua virtutum religiosarum exercitia reformationibus quotidianis opus esse & nobis, & omnibus profiteamur: qui enim de horto suo quotidie non extirpat lolia & zizania patitur detrimentum in bonis herbis & fructibus. Videant tamen isti an volendo colligere zizania ex horto Ordinis, non eradicauerint simul & triticum, imo an propter zizania horum ex toto destruere conati non fuerint. Quamobrem oppositiones ipsis factas fuisse sepius professi sumus; an etiam in modo aliqualiter excessiuas, posset forte aliquis dubitare: nam in iusto zelo modum & mediocritatem seruare satendum est hominibus esse difficile. Porro persecutores & osiores reformationis ob hoc iniquissimè indignantur Superiores Obseruantium: qui non obseruantiam vel reformationem, sed in reformatioribus inobedientiam, scandala, & schismata, quæ metuebant, oderant & impedire studebant.

Quod vero dicant in Ordine numquam hætenus diu potuisse stare incolamem reformationem, falsum euidenter & insulsum est. Falsum, quia Obseruantium reformatio semper fuit in Ordine, & creuit ab anno 1368. vsque ad annum 1517. quo totum Ordinem ad bonam formam reduxit; Insulsum verò, quia ea solum vera reformatio dici potest quæ fit in Ordine: nam reformatio extra Ordinem (vt ante ostendimus, & res ipsa clamat) quantum in ea est, potius est Ordinis destructio, & noui Ordinis institutio, quam antiqui reformatio.

Quoad hoc quod in egregiæ istius schedulæ conclusionem prærendunt, prius Ordinem ad suum nutum reformari, antequam possit vnio à Generali proposita stabiliri, & ex Obseruantibus ac Capucinis fieri vnum ouile & vnus Pastor; hoc nihil est aliud dicere, quam, quando eritis sufficienter reformati, & æquè sancti ac nos sumus, tunc habebimus inter nos communicationem, & subijciemur eidem capiti.

Fortè supponebant boni isti viri (quod cum ratione supponere poterant) in tanto corpore Ordinis toto terrarum Orbe diffuso, nunquam futuram vt in omnibus membris equè stricta Obseruantia (quæ non consistit in indiuisibili) & sanctitas vigeat; hoc proinde exigere, est prætextu palliato propositam vnionem recusare. Quod pater in Christi Ecclesia, cui noster Ordo ab initio fuit simillimus: in ea siquidem semper boni



boni malis immiscerentur: deficiunt ab ea hæretici, separant  
se schismatici, in una Orbis parte floret Ecclesiastica discipli-  
na, in altera languet. Habet ubique malos & bonos, perfe-  
ctos & imperfectos: sæculares qui cõsilia Euangelica non  
sequuntur, religiosos qui ea profitentur, quorum alij alijs  
perfectius illa obseruant. An iuste dicerent religiosi vel boni  
Christiani Pontifici etiam (quod absit) malè & non christianè  
viueret, malos fouenti, & bonis minus fauenti; reforma te  
primo & Ecclesiam tuam: postea te caput agnoscemus & talia  
facile prætexerent schismatici, & hæretici prætexerunt, sed  
illicite & malè. Non negant Religiosi sæcularibus vniri, com-  
municare tanquam membra de membro, sub eodem capite  
coherentia. Imo ideo Deus imperfectioribus membris perfe-  
ctiora immiscuit & vniuit, vt per influxum precum, exem-  
plorum, & exhortationum imperfecta refoherentur & perfici-  
antur. Videant ergo qui sibi nimis sancti & perfecti viden-  
tur, quam irrationabiliter vnionem negauerint, etiam dato  
quod vera forent quæ falsò allegata sunt: præsertim vbi legiti-  
mum Ordinis caput eo sine vnionem prætendebat, vt eorum  
auxilio & consortio posset efficacius reformationem promo-  
uere; quæ non modicum impediri nata erat in Ordine, quan-  
do ab eo zelosiores separabantur.

## Q V A E S T I O

### Decima Sexta.

*Quot abusu contra Regulam, tanquam manifestos Patres*

*Capuchini obiecerint Ordini Obseruan-*

*tium.*



**P**OTERAT videri omnibus tergiversationibus  
præclusa via, & satisfactam esse omnibus istorum  
reformationum obiectionibus per Ioan. nem XXII.  
qui in Extrauag. *Quorundam exigit*; sic prætulit  
Castitati & Paupertati, Obedientiam, vt hæc propter illas  
lædi non voluerit aut reculari. Quia tamen Regula non mag-  
dat

dat Fratribus obedientiam, nisi in ijs omnibus que promiserunt Domino obseruare & non sunt contraria anime & regule nostre. Ex quo proinde constat promissam Obedientiam se non ostendere ad ea que manifestè castitati, vel paupertati in Regula præscriptæ contrariantur; neque Pontificem à fratribus, contra quos extranagantem illam edidit, talem obedientiam exegisse; sed tantum ut in dubijs, ac disputationi expositis, Superiorum determinationi starent, eorumque ordinationibus subijceretur. Hinc aliquis adhuc Partibus Capucinis prætextus remansit recusandi vnionem & obedientiam, per quam dicebant se timere quod ad ea que contra regulam manifestè militabant adigerentur: idque ex eo, quod regula ( præsertim in ijs que paupertatem concernebant ) ita collapsa esset in Ordine, ut iam abusus pro regula haberentur, & ad eos quasi contrario fluminis impetu subditi, alioquin boni, raperentur: hoc enim vbique in Annalibus Bouerianis indicatur.

Restat itaque videndum quanam in Ordine Obseruantium, eo tempore, quo Capucinatorum institutum emerfit, tam manifestè prætendantur fuisse Regulæ transgressionibus, à Superioribus non tantum toleratz; sed quas etiam fouerent, & sua auctoritate enutrire, & communire; prout Ludouicus Forosempronianus Cardinali Protectori scribebat, & vbique inculcat Bouerius; ac signanter in scheda quæstione præcedenti examinata.

Et quidam quo ad votum Obedientiæ & Castitatis nulla mouetur ab ipsis difficultas, sed in materia paupertatis tota versatur eorum quærela: quam vtinam sic zelarent ut instructionis à Christo Domino fri: Ioanni de Metijmna traditæ ad annum 1544. num. 16. non obliuiscerentur. Ea sic habet.  
[ Attendant fratres quod super omnia desiderare debent habere spiritum Domini, & sanctam eius operationem. Quo fit ut ex fratribus nonnulli faciliè in lappidem impingant, qui cum non meum ( nota Christum loqui ) qui humilitatis & charitatis est; sed suum spiritum sequantur, dum ardentiores altissimæ paupertatis zelatores videri volunt, tamque sibi humano spiritu quasi idolum confingunt, simul & veram humilitatem iugulant, & charitatem prosternunt, nec tamen veram spiritus paupertatem assequuntur. Hinc plerique dum  
indi-

indiscreti paupertatis æmulatores existunt, superbi & contentiosi euadunt, seiplos atque alios turbant, inquietos ubique se produnt, cuncta altercationibus complent &c. ] Quos proinde monet *omnibus viribus adniti, ut diuinum spiritum, qui bonus, suavis, & benignus est, assequantur*. Cui lectioni si, pro vt eam scripsit, ita etiam studuisset Bouerius non existimo quod tot amaritudines sine vilo fructu, ne cum scandalo dicam, contra Ordinem Obseruantium ob lesam, vel, vt ipse loquitur totaliter collapsam paupertatem, scripsisset.

Videamus interim quænam Obseruantium Ordini in particulari obiecta fuerint. Ea non videntur aliunde melius colligi, quam ex disputatione coram Duce Nucerini incompetente & præuato Iudice inita inter quendam Commissarium Generalem Ministri Generalis Obseruantium, & Ludouicum ac Bernardinum Rheginos, quæ refertur ad annum 1532. num. 25. & seqq. in qua varia violatæ in Ordine paupertatis puncta obijciuntur.

Inter quæ primum est annua tritici, vini, cæterarumque rerum prouisio, ubique fere in Ordine recepta; quæ altissimam Minorum paupertatem conuellere, & ex diametro cum Regula pugnare asseritur ibidem.

Secundum, legatorum annorum ac perpetuorum copia, quibus velut ex peculio vivebatur: quæ cum parum à fundis & agris distent, rerum proprietatem inuehant.

Tertium, quotidianus ac publicus pecuniarum quæstus & receptio, quæ passim in Ordine diffundebatur, & proculdubio in Regula prohibetur illis verbis cap. 4. *præcipio firmiter Fratribus vniuersis vt nullo modo denarios vel pecuniam recipiant perse vel per interpositam personam*.

Quartum promiscuus ad pecuniam recursus, eius depositio, & expensio; quæ cum nulla presente vel imminente necessitate fiant, altissimæ paupertatis votum pessumdant.

Quintum, molliores & pretiosiores habitus, cum regula præcipiat cap. 2. vt *Fratres omnes vestimentis vilibus induantur*.

Sextum quod Fratres passim equitarent, calceamentis uterentur, quod ipsis per Regulam non licebat, nisi vera & manifesta necessitate compellerentur.



Septimum, sumptuositas ædificiorum, pompositas ornatus templi, & similes superfluitates quæ lapsimè diuersis in locis apud Bouerium obijciuntur.

Super hæc puncta aliquæ iuris, aliæ facti quæstiones resistent, in particulari suo loco resoluendæ. Nunc in Generali dico, neminem in Obseruantium Ordine umquam dubitasse, vel, ut arbitror, dubitare potuisse, maximè post tot expressas diuersorum Pontificum declarationes; quin sit illicitum & contraregulam legata annua ac perpetua non solum, in magna copia, quibus velut ex speculo viueretur, sed etiam in quantumuis parua quantitate recipere Fratribus Minoribus regulam sancti Francisci simpliciter & pure profrenantibus: vnde non opuserat paruam eorum distantiam à fundis & agris exaggerare.

Clari etiam iuris est & extra quæstionem, pecuniæ receptionem per se, vel per interpositam personam, omnemque eius tractationem ciuilem; recursum ad illam sine vera necessitate præsentem vel imminente, ijsdem fratribus Minoribus, esse interdictam.

Nemo potest dubitare illicitas esse pretiosas vestes ijs; quibus expressus. Regulæ textus præcipit, *ut vestimentis vilibus induantur*. Constat etiam fratribus Minoribus, non licere equitare nisi manifestam necessitatem cogantur; qua cogente. & non alias, possunt portare calciamenta.

Sumptuosa & excelsiua ædificia statui humilium & pauperum Fratrum sancti Francisci certum est minus conuenire; quos pater eorum in suo testamento monuit: *Caueant sibi fratres ut Ecclesiis, habitacula*. & omnia alia quæ pro ijs conficiuntur penitus non recipiant, nisi essent, sicut decet sanctam paupertatem. Et Pontifex in Clementina: *Exini dixit: volumus quod ubique in suo Ordine deinceps temperatis & humilibus edificijs sint contenti: ne huic tantæ paupertati promissa; quod patet oculis contrarium furis clamet*.

Hæc omnia tanquam noti & indubitati iuris admittunt, profitentur, & seruare conantur omnes veri Obseruantes, illisque qui eis contraueniunt, tanquam suæ Regulæ transgressores, & status sui immemores detestantur.

Porro quæstiones facti nimis liberè & vniuersaliter videntur apud Bouerium resoluisse, qui totum ordinem Obseruantium

etiam tam in capitibus, quam in membris, proclamauerunt omnium & singulorum transgressorem. Similes olim quærelas apud Clementem Quintum à similibus Indicibus, vel accusatoribus delatas fuisse colligitur ex Clementina exiui. Unde ad similem quærelam seruire poterit similis responsio & satisfactio, quam Pontifex refert: *tamen communis fratrum*, inquit, *& specialiter Rectores ipsius Ordinis asserunt, quod prædicta, seu plura ex ipsis non fiebant. Quod & si qui inueniuntur rei in talibus, rigide puniuntur; necnon contraria, ne fiant sunt facta pluries ab antiquo statuta in Orane multum stricta.* Hoc Superiorum, & Ordinis responsum acceptatum fuisse patet apud Reuerendum Patrem Lucam Vvaddingum ad annum Christi 1312. num. 3. ubi refert à Patribus Concilij Viennensis decretum fuisse; modum viuendi communis Ordinis, à quibusdam fratribus, qui spirituales vocabantur, vehementer & in multis accusatum, esse licitum & sufficientem ad veram Regulæ sancti Francisci Observantiam. Qua occasione edita fuit præfata Clementina; & coacti sunt fratres qui prætextu strictioris Observantiæ ab Ordine sese parauerant, ad eius unitatem & obedientiam redire ut habet ibidem Vvaddingus num. 5.

## Q V A E S T I O

### Decima Septima,

*An quoad abusus Ordini obiectos conuictus fuerit coram Duce Nucerini Commissarius Generalis Obseruantium?*



CCASIONE quæstionum apud Clementem Quintum agitarum bene notat ad nostrum propositum Reuerendus Pater Lucas Vvaddingus ad annum 1314. num. 8. homines seculares, dum extra Tuum forum euagantes Religiosorum rebus sese temere immiscent, facile decipi & errare fauendo iniustæ causæ: scribit enim ibi: [ Vacante longo tempore Sede Apostolica

Q 2

& præ-

& præfectura Ordinis Minorum, Fratres illi qui sub nomine arctioris Observantiæ agebant contra corpus Religionis, & quos paulo antea Clemens Pontifex, ad gremium & unionem eiusdem reduxit, nacti occasionem hanc, qua sibi securius quidquam licere indicarunt, sub specie declinandæ persecutionis impatienter & temerè ab Ordine se diuulerunt. Centum enim & viginti in Prouincia Prouinciæ, & Custodia Narbonensi inter se colligati, consilium inierunt de excutienda Prælatorum Obedientia, & constituendis sibi peculiaribus domicilijs. Vt vero haberent vbi forte legendum, separatim statim viuere, & peculiares sibi effingere constitutiones liceret, auxilio quorundam amicorum suorum secularium ( quibus semper vitæ asperitas, & Observantiæ regularis intentior conatus arridet ) armorum strepitu eiecerunt ex cœnobijs Narbonensi & Biterrensi locorum præfectos & reliquos Confodales. ] Sic sepe mundus asperitatibus & externa specie sanctitatis decipitur, & vult decipi. Idem fortè aliqualiter in Duce Nucerini, præcipuo Capucinatorum fautore & Protectore vsu venit, qui præoccupatus affectu præcipitauit sententiam in hac causa vt postea videbimus. Alioquin tempore Clementis V. in Ordine defectuosos fuisse constat ex ipsamet Superiorum, confessione. Neque etiam tales defuisse in Ordine Observantium licet recenter coadunato & stabilito supponere debemus, siquidem inter triginta millia Observantium indubiè est multos fuisse, qui antè Conuentualium libertatibus & moribus assueti, retrogrado passu cancrorum instar ad pristinas relaxationes conati sunt reuerti. Ad pecuniarum receptiones, redditus annuos, equitationes promiscuas sine vlla necessitate, vel calciamentorum vsum, à Superioribus fuisse promissa, & talia eorum auctoritate stabilita fuisse, omnino negamus. Nam incredibile est tot præclaros & zelosos viros, qui à paucissimis annis generosissimè pro Observantiâ dimicauerant, ea tam victoriosè & pacificè obtenta, statim aut omnes obijisse aut à zelo defecisse, imo proiecisse pretiosissimam gemmam pro qua æquirenda ducentis annis laboratum erat: vt etiam contra plurimam paupertatem redditus, fundi, pecuniæ tractationes & similia manifestè Regulari Observantiæ repugnantia in Ordine admitterentur. Quis illos credat nuperrimè declaratos à Pontifice indubitatos Fratres Ordinis sancti Francisci,



& eius Regulæ Observatores, sexennij vel septennij spatio, ita sui status, animæ & Dei oblitos fuisse, vt tam enormiter Regulam transgrederentur.

Contrarium patet non solum ex antedictis; sed etiam ex eo quod Bouerius ex sola Italia ducentos fere Observantes enumerat qui ab Observantia ad Capucinos transierunt, quorum plerique antea Guardiani, Prouinciales, Curie Commissarij fuerant. Dicunturque ex tunc viri zelosi & sancti fuisse. Ex quo manifestum est Ordinem Observantium non potuisse tam enormiter deficere, cui viri zelosiores & sanctiores in Superiores præficiebantur: quandiu enim in aliqua communitate tales ad regimen assumuntur signum est virtutem ibi esse in honore. At quando eò venit vt prædominentur imprudentes, virtutum & Regulæ contemptores, vel saltem tepidi in bono: tunc meritò Religionis ruina timetur,

Porro prouisiones annuas tritici, vini, cæterarumque rerum, recursum ad pecuniam, domorum sumptuositatem, equitationem, calceamentorum deportationem, Regula absolutè non prohibet, imò aliqua in casibus aliquibus ac circumstantijs expressè concedit; prout & Pontifices declararunt, decernentes quando, & vbi fieri possint, vel tolerari; vel iudicio & conscientijs Superiorum id determinandum relinquentes. Vnde viderint qui in his tam acriter Ordinem culpant, ne iudicium alijs commissum temerè sibi arrogauerint; dum omnia indebitè & illicitè facta iudicant, quæ viri prudentes & conscientiosi, quos & ipsi tales supponere debuissent, iudicabant licere ex circumstantijs & causis, quarum examen ipsis committebatur.

Valde igitur ridiculè videtur mihi quasi pro iustificatione causæ suæ præcipitem sententiam Ducis Nucerni attulisse Bouerius ad annum 1532. num. 37. vbi relatis frigidissimè Commissarij Generalis excusationibus super omnia puncta sibi obiecta, quasi ea vera confessus esset, aut saltem tacendo consensisset. *Verum*, inquit Bouerius, *cum hæ excusationes causa Duci minus graues ac legitima viderentur, is Commissarium e regione interrogat: num essent facienda mala vt eueniant bona? quod cum ab Apostolo cunctis interdictum sit, id illis maxime vetitum censeri debet, qui sacro Iureiurando se ad Regulæ Observantiam adstringere. Facit hunc Ducem magnum hic Theo-*

logum Bouerius; qui Apostolum citat malè ad propositum. Non enim disputabatur, an mala essent facienda, sed an ista fierent & an in istis circumstantijs fierent mala essent: *sapienter enim*, præsertim humana lege prohibita, si fiant in certis circumstantijs à malitia excusantur.

Porro si excusationes Commissarij perfunctoriè à Bouerio relata expendantur vt oportet, & explicentur, non puto quod intelligentes ea quæ Religionis & Regulæ Franciscanæ sunt, adeo parum considerationis eas esse iudicabunt, quin in istis circumstantijs ea fieri potuerint, quæ Regula certis ex causis fieri permittit.

Nemini enim potest esse dubium quin multitudo Fratrum in aliquo Conuentu (inter quos nati sunt esse plures debiles, infirmi plurimum indigentes) iusta sit causa maioris prouisionis opportuno tempore faciendæ, quando tam multiplicibus multorum necessitatibus non potest congruè per quodiam ad benefactores recursus satisfieri. Quod ipsum prudentiores aliqui & pij Superiores Capucinorum in maioribus suis Conuentibus (licet ad Obseruantium Conuentuum magnitudinem vix adhuc à longè accedant) sese experiri mihi falsi sunt.

Quis non videat in pauperioribus locis, temporibus malis, quando quilibet sufficiensonus est sibi ipse præsertim si deuotio hominum successeat, non posse ita omnia pro multis necessaria in specie mendicari, quin aliquando, & sæpius necesse sit ad amicos spirituales recurrere: aliud est in locis in quibus pauci sunt Religiosi, pro vt fuerunt in initio Obseruantes, & adhuc in plerisque sunt Patres Capucini, quibus modica eleemosyna sufficit ad abundantiam.

Et contra verò homines absterrentur dare pro magnis communitatibus: quia magna dare non possunt aut non volunt. Vnde paruas eleemosynas pecuniarias apud amicos deponunt, vt sic per plura parua maiori communitati subueniantur. De qua re quæstione 21. Neque puto omnino tacitè prætereundum quod sæpe reficitur tanquam inuidiosè & frivole obiectum Capucinis à Patribus Obseruantibus, quasi Capucini suo rigore & externa sanctitatis specie homines à deuotione ad Ordinem Obseruantium & eleemosynis faciendis auocarent. Hoc enim, si trutinetur, & explicetur, vt portet, sua

veritate non caret. Videmus namque quotidie adeo multiplicari mendicantes & mendicationes etiam Religiosorum; ut Margarita illa Evangelica (paupertatem intelligo) tanto preter prius æstimata in vilitatem tandem degeneret fiatque contemptibilis & onerosa. Omitto hic adhuc illos, qui humili illa mendicatione posthabita, quæ secundum Regulam nostram ostiatim faciendâ est; quasi honestiori, sed urgentiori modo eleemosynas petunt. Patres vel Matres familiâs vocant, præmissis civilitatis præambulis, necessitatem & pauperiem explicant, petant opportunè importunè, certam etiam subinde quantitatem determinando, quam honestâ conditionis homines, honestis viris negare erubescunt. Quod si accedat tunc exterior pauper habitus: exaggeretur præ cæteris omnibus Religiosis eorum paupertas & præsertim præ alijs eiusdem Regulæ professoribus, quos subiudicant ad minus; si non apertè dicant, medijs suo statui & Regulæ minus convenientibus vitæ necessariâ comparare posse & solere, pœnitentias suas, & suorum extollant: an similia verè non immittunt hominum plerorumque qui minus prudenter singula considerant, devotionem & liberalitatem erga alios?

an tales circumstantiæ non videntur aniam

præbere licitam vrendi medijs simpliciter

licitis, quamvis ab aliquibus

minus perfecte assumuntur, ut

onera,

& scandala sæcularium ævitentur, &

decor paupertatis Evangelicæ conser-

vetur.

~ ~





## Q V A E S T I O

## Decima Octaua:

*Qua media vita necessaria conquirendi filijs suis Beatus  
Pater noster Franciscus praescripserit vel  
permiserit .*



**I** VANGELICAE atque altissimæ paupertatis zelator præcipuus Beatus Franciscus, voluit quidem, Fratres suos, non solum ab omni possessione & proprietate tam in communi, quam in particulari, & specialiter ab omni usu pecuniæ, esse alienos; verum etiam ab omni sollicitudine, siue nimia cura rerum temporalium vacuos iactare cogitatum suum in Dominum; non tamen ita, vt miraculosè à Deo, vel extraordinaria via prouidentię vitę necessaria expectarent; sed prouidit tam in Regula quam testamento de tribus medijs & modis, quibus licitè & merito-riè victum, vestitum & alia vitę necessaria compararent.

Primus & perfectissimus est quem habet cap. 5. Regulę: *Fratres illi quibus Dominus dedit gratiam laborandi, laborent fideliter & deuotè, ita quod excluso otio anime inimico, sancta orationis & deuotionis spiritum non extinguant, cui debent cetera temporalia deseruire. De mercede vero laboris pro se & suis Fratribus corporis necessaria recipiant; præter denarios vel pecuniam; & hoc humiliter sicut decet seruos Dei, & paupertatis sanctissimæ sectatores.*

Secundus habetur cap. 8. eiusdem Regulę: *Vadat pro elemosyna confidenter: qui in testamento substituitur tanquam prioris supplementum, in illius defectum adhibendus. Et ego, inquit beatus Pater Noster, manibus meis laboranti volo laborare, & omnes fratres mei volo quod laborent, de laboritio quod pertinet ad honestatem. Et qui nesciunt discant: non propter cupiditatem recipiendi pretium laboris: sed propter exemplum & ad expellendam otiositatem. Deinde subnectit elemosynę petitionem. & quando non daretur nobis pretium laboris,*

*laboris, recarrebamus ad mensam Domini, petendo elemosinam ostiatim. Videlicet petendo in specie res quibus indigemus; prout communiter Regulæ expositores intelligunt: quia pecuniam, sicut recipere, ita & petere prohibemur.*

*Quia vero sanctus Patriarcha, qui spiritu sancto dictante Regulam eodem illustrante videbat, his duobus medijs non posse ad plenum fratribus in omni necessitate occurrente subueniri: addidit & tertium cap. 4. vbi receptionem pecuniarum strictissime inhiuit per se vel per interpositam personam; videlicet ut pro necessitatibus infirmorum & alijs fratribus induendis per amicos spirituales Ministri tantum, & custodes sollicitam curam gerant, secundum loca & tempora & frigidas regiones, prout necessitati viderint expedire: eo semper salvo, ut sicut dictum est, denarios vel pecuniam non recipiant.*

Labor manuum, non in Regula, sed in testamento nominatur: nam in Regula solum dicitur: *laborem fideliter & deuote de laborio quod pertinet ad honestatem*, unde Nicolaus III. declarauit vacantes studijs, prædicationibus, Diuinis officijs, ac similibus ministerijs impeditos (cum quibus pene est incompatibilis) non esse labori manuum adstringendos: imo ne laicos quidem cōtemplationi vel orationi notabiliter addictos. Clemens autem Quintus, inter præcepta Regulæ nullam laboris manuum facit mentionem.

Itaque laboritium quod pertinet ad honestatem quod sanctissimus Pater proponit filijs suis tanquam primum medium ad comparanda victui & vitæ necessaria est quoduis honestum exercitium, siue corporale, siue spirituale; ut sunt celebratio & cantatio Missarum, administratio Sacramentorum, prædicatio, sepultura defunctorum, & labores manuales: pro quibus omnibus licet congruam sustentationem recipere: Ita enim Christus docuit Discipulos suos ad Euangelizandum missos; *in eadem domo manete edentes & bibentes quæ apud illos sunt* Luca 10. vers. 7. (qui vos scilicet receperint) *dignus est enim operarius mercede sua.* Et Apostolus: *Si nos vobis spiritualia seminamus: magnam est si carnalia vestra metamus?* 1. Cor. 9. vers. 11. & post pauca. *Nescitis quoniam qui in sacrario operantur quæ de sacrario sunt edunt? & qui altari deseruiunt cum altari participant?* Ita & Deus ordinauit ijs qui Euangelium annuntiant de Euangelio viuere.

R

Quia

Quia igitur mandatum labor licet sanctus & commendabilis sit: sua tamen secum fert inconuenientia: ut quod secularibus, cum eorum sepe offendiculo, suo subtraherentur lura, fratribus frequentior cum secularibus tractandi occasio daretur, cum spirituali dispendio, & insuper quia plerique in seruitijs contrattum suorum occupantur, pauci sunt qui isto medio corporis necessaria comparare possint. Hinc Ordo quasi ab initio, secundam diuinam vocationem spiritualibus hominum seruitijs vacauit; ac pro talibus necessaria corporis, vel oblata recepit, vel humiliter mendicauit.

Quia vero plerumque non sciunt homines (vel non habent ad manum ea, quibus fratres indigent: solent ad amicos spirituales fratrum, quos nouerunt, & quos sciunt indigentias fratrum nosse, pecunias deferre pro quibus ea comparentur quibus solent fratres pro quotidianis necessitatibus indigere. Et illis tunc fratres suas necessitates exponunt. An hic debeat vocari recursus ad pecuniam, non libet hic disputare: putatem ego, si prouideret, a mendicatione in specie, seu receptione necessariorum corporis pro mercede laboris parum aut nihil in estimatione morali differre. Nam sicut ab auferente mercedem pro laborio possumus humiliter petere panem aut cereuisciam, quam scio ipsum (ut pote nec pistorem nec braxatorem) interuentu pecunie comparaturum; absque eo quod ego censeam ad pecuniam recurrere: ita video idem posse facere apud eum, cui illi commisit mercedem laboris mihi largiri.

Hunc nihilominus modum vitæ necessaria conquirendi, tanquam minus purum, postponunt quidam humili mendicationi quæ nunc ad hunc, nunc ad illum benefactorem pro portione vel elemosyna mittitur frater vel pater aliquis, quidam cæteri domi diuinis officijs, recollectioni, alijs spiritualibus exercitijs intendunt, pro temporalibus curam gerat. Idque ad euitandos plurium discursus pro prædicatione, celebratione missarum, & postmodum pro mendicatione: inuicem præcedentium laborum, facienda. Res sane: ut primæ fronte apparet, valde rationabilis & fundata: sæpe enim audiui viros prudentes & primarios, atque etiam Ecclesiæ Prælatos asserentes. Ordinem Fratrum Minorum fore aureum, si discursus illos ad terminos, siue ad pagos quibus inseruiunt



Fratres, non haberet: verè enim etiam Sancti & spirituales experiuntur quoties egrediuntur ad homines, minores homines se redire, & de mundano puluere etiam religiosa corda sordescere; vt D. Leo loquitur.

Propter hoc fuit quondam dubitatio Sanctissimi Patris nostri Francisci quæ habetur apud sanctum Bonauenturam cap. 12. vitæ eius, *an orationi vacaret, an prædicando discurreret?* quæ diuinitus per Fratrem S. Iulianum & sanctam Virginem. Claram sublata fuit, dum requisiti ad resolutionem à Deo in oratione petendam vno ore responderunt: *beneplaciti diuini esse, quod Christi Præco ad prædicandum exiret.* Illudque responsum non pro sua persona tantum, sed pro toto suo Ordine datum esse Beatus Vir intellexit; vnde ab eius exordio semper practicum fuit. Neque vlli mirum videri debet si isto medio ad animarum salutem principaliter instituto etiam pro corporis necessarijs acquirendis exemplo Patris sui Francisci Fratres Minores vtantur: cum & hoc mundus videtur ab eis exigere.

Contigit siquidem non ita pridem in Prouincia quadam vt quidam Patres Zelo spiritualioris vitæ resolverint distractionum & aliorum inconuenientium occasiones euitare, relictiisque stationibus illis, & ordinarijs mendicationibus, reuertantur religiosiori (vt putabant) via sibi vitæ necessaria conquirere. Sed cum ad domum cuiusdam Magnatis Ordini affecti venissent, & inter cætera propositum hoc explicassent, humiliter petentes pro ista vice portionem, responsum est; quod concionibus & bonis exemplis spiritualia ipsis seruitia præstarent, ad animarum salutem, prout felici, erant facere eorum prædecessores: non defuturos se tunc in eleemosynis & subsidio corporali. Nec irrationabile hoc videri potest: cum Ordo non sit institutus ad meram vitam contemplatiuam, sed ad mixtam; vt Beato P. Nostro Francisco reuelatum esse iam diximus. Merito proinde homines exigunt ex parte nostra præstari ea quæ secundum statum possumus

et debemus; vt ipsi de temporalibus suis nos faciant participes.

## Q V A E S T I O

## Decima Nona.

*An RR. PP. Capuini rectè Obseruantibus, redditus annuos vel legata perpetua obiecerint ?*



**M**INI quod sæpius iam dixerim esse omnino incredibile Ordinem Obseruantium, tam paruo tempore, quod ab vnione vsque ad exordium Capueinorum effluxit, in tantum degenerasse, vt redditus annuos propriè dictos, vel legata perpetua admitteret, contra essentiam Obseruantie Regularis: si enim hoc fecissent Obseruantes, proculdubio contra eos acrius insurrexissent RR. PP. Conuentuales, prætendissentque maiori iure se non debere illis cedere quo ad primatum Ordinis & alias prærogatiuas, qui non minus quam ipsi Conuentuales à Regulæ puritate & Obseruantia deslexissent. Quandoquidem Professores altissimæ paupertatis, & Ordo incapax omnis omnino proprietatis non magis possint redditus & legata perpetua, quam fundos & prædia possidere. Cum autem vel ex ipso Bouerio constet ad annum 1562. num. 1. Generalem Obseruantium in Concilio Trident. suo & sui Ordinis nomine *omnibus bonis immobilibus renuntiassè* (inter quæ computantur redditus annui) quamuis addat, pro suorum commendatione, id eum fecisse protestatione Generalis Capucinatorum permotum; in cuius protestatione etiam addiderat bona mobilia: constat sanè Ordinem Obseruantium nec tunc nec antea voluisse aliquam proprietatem rerum immobilium vel mobilium, adeoque nec redditus propriè dictos admittere. Præsertim cum super protestationibus istis emanauerit decretum Concilij Tridentini sess. 25. c. 3. de Regularibus, quo à concessione omnibus Monasterijs & domibus tam virorum quam mulierum & mendicantium facta, vt deinceps bona immobilia eis possidere liceat, excipiuntur domus Fratrum sancti Francisci Capucinatorum & eorum qui de Obseruantia vocantur.

Ex quo fabulosum esse conuincitur quod antea narrauerat idem Bouerius ad annum 1545. (quo vixerat inchoatum Concilium Tridentinum) num. 30. altercatos fuisse in eo Concilio de primatu Ordinis & sigillo, Conuentualium & Obseruantium Generales. Hoc vi concessionis Leonis Decimi prætendente, isto iure antiquitatis, & tandem ad propositionem Generalis Conuentualium, dicentis nec suos, nec Obseruantes Regulam obseruare; sed solos Capucinos: inclinatos fuisse Patres Concilij ad sigillum Ordinis Capucinis adiudicandum, idque apparenter facturos fuisse, nisi R. P. Bernardinus Astensis, qui ex commissione Generalis Capucinorum aderat concilio, præ humilitate recusasset. Hoc inquam, præterquam quod nec ex actis concilij, nec ex vilo indifferente authore constet, vel inde falsitatis conuincitur quod tam clarè sæpius ostensum fuerit tunc in Ordine Obseruantium pluribus saltem in locis Regularem Obseruantiam floruisse; & quod Generalis illius omni possessioni renuntiauerit, tanquam Regulæ nostræ contrariæ, neque vllum post Ordinis vnionem priuilegiorum esse reperiatur, minus acceptatum quod altissimæ paupertati præiudicaret. Quomodo ergo poterat Generalis Conuentualium suos in hoc Obseruantibus comparare? Et qua ratione tam leuiter Concilij Patres ad vnus viri dictum, qui pars erat, poterant inclinari, vt Ordinem Obseruantium iure à Leone Decimo concessio, & tam diuturna possessione firmato, priuarent? Quod confirmatur quia Bouerio referente diuersis adhuc vicibus postea, egerunt Obseruantes apud Pontifices vt Capucinos sibi subijcerent, & in illo ipso Concilio Generalis Obseruantium Minores Conuentuales sibi subijcere tentauit, vt ad eundem annum 1562. num. 20. habetur apud Bouerium. Quod sanè attentatum fuisset valde temerarium & periculosum, quando scirent Concilij Patres esse inclinatos ad sigillum & primatū ijs auferendum, ibidemque refertur eundem Generalem conatum fuisse Capucinos ad vnionem reducere quorum Generalis Thomas nominatus restitisset eandem præclara ratione, quam antea Ludouicus Forosēpronianus allegauerat, videlicet quod secundum Bullam Leonis Decimi non esset electus ex reformatis, adeoque irrationabiliter se supremum Ordinis Generalissimum iactaret. Qui insigni obiectione Generali



tiam illius qui debet dare eleemosynam, ut in altero non cor-  
 respondeat ius illam exigendi; & obligationem stricti iuris,  
 cui tale ius siue potestas, in eo cui obligatur correspondet, sic  
 ut is qui non daret, vel dare volentem impediret, pro laico  
 iure obligaretur, & cogi posset ad restitutionem: neque sa-  
 tis distinguunt inter *obligari Fratri Minori* (quod non con-  
 stat cum Regula) & *obligari ad dandam eleemosynam Fratri  
 Minori*, quod non tantum non arguit ius in fratre Minore,  
 sed potius illud excludit: cum illud quod datur tanquam  
 ex iustitia debitum non sit propriè dicta eleemosyna. Propter  
 hanc, inquam, hominum ignorantiam, sæpius abstinendum  
 est à talibus legatis recipiendis, ratione scandali; præsertim  
 quādo ex alijs eleemosynis haberi possunt necessaria: vel sal-  
 tem iuxta statuta nostra facienda esset protestatio, non tantum  
 ijs qui obligantur: sed etiam alijs qui illa sciunt & audiunt,  
 quod nullum ius habeamus, vel habere velimus ad talia le-  
 gata; sed illa per modum purę eleemosynę recipiamus.

Cauendum etiam ne in petendo excedatur, utrgendo obli-  
 gationem; vel alijs terminis utendo, qui pauperibus eleemo-  
 synam petentibus non congruunt: sicut etiam sanctissimus  
 Pater Noster monuit quo ad receptionē mercedis laboris; ut  
 hæc fiat humiliter sicut decet seruos Dei & paupertatis san-  
 ctissimi sectatores, ne videlicet videamur ad huiusmodi mer-  
 cedem ius aliquod prætere.

Magis cauendum est pro talibus legatis iure agere: licet  
 enim Nicolaus Tertius Pontifex in capite *exijt qui seminat* vo-  
 luerit Prelatos Ecclesię & Magistratus seculares pro officio suo  
 promptos se exhibere ut curent, *pias decedentium voluntates  
 impleri: & ut heredum cupiat, & legitimis iustis feriatur*. Id  
 tamen non in fine fratrum, vel ad eorum instantiam fieri nullo  
 modo congruit eorum statui & paupertati: unde & per statu-  
 ta Ordinis semper prohibitum fuit & prohibetur.

Simili modo licitum est (sed etiam cum prudentia & can-  
 tela practicandum) de licentia & voluntate Dominorum, ex  
 certis syluis ligna cedere & colligere; prætermisiss ijs qui im-  
 portuna & molesta mendicatione urgeri deberent. Prout illu-  
 stris & pię memorię Iacobus Comes Hornanus, Fundator cō-  
 uentus Observantium prope Vvertzā, in quo postmodum  
 Regulam professus est in flore Observantię, obligavit heredes  
 suos.

suos vt permitterent fratres eiusdem conuentus fodere ac extrahere cespites ex certa parte myricę vel terrę palustris; quod etiam vsque in hodiernum diem fit, sed præmissa humili petitione. Quod vero subinde ex talibus eueniat vt homines plebei rem non introspectientes vocent tales siluas vel fundos fratrum Minorum per accidens est, eisque est ignoscendum, & tanquam rudiores de veritate pro posse instrui debent. Sed hoc mirum est quod viri Religiosi eiusdem Regulę professores, qui proinde eam intelligere supponuntur, prout deberent; rem per regulam licitam, & circumstantijs debitis honestatem tamquam Regulę transgressionem & sanctę paupertatis naufragium traducant.

## Q V A E S T I O

### Vigesima.

*An prouisiones annuas rectę RR. PP. Capucini Obseruantibus impropærauerint.*



**P**ROVISIONES annuas granorum, carniū, candelarum, cereuiſiæ, vel vini (vbi illud est potus ordinarius) tanquam minus conformes Regulę nimium videntur aliqui damnare: nam Nicolaus Tertius in capite exijt inter cœtera dicit, quod *Fratres Minores sic seipſos Diuina prouidentia committunt, vt viam non contemnunt prouisionis humane*. Et licet vbi per quotidianas mendicationes congruē haberi poſſent Fratribus neceſſaria, minus conueniat viris Euangelicis in meſes & annos prouisiones facere: ſic tamen ſe velle Diuinę prouidentię committere, vt quaſi miraculoſe ſæpe neceſſaria obtineri deberent, eſt non meo ſolum iudicio; ſed etiam ſancti Bouauenturę (queſtione ſeptima ſuper Regulam: vbi de huiusmodi prouisione ſuo tempore faciendā agit) Deum tentare, et non Spiritum iſtius ſententię Euangelicę: *Nolite ſolliciti eſſe in crāſtinum ſed corticem litterę, ſeu litteram Iudaicā velle ſeruare*.

[ Si diligenter, *inquit*, Euangelij verba penſamus, ſollicitu-

citudinem de crastino, sed non prouisionem prohibere videtur. Vnde sancti Apostoli Euangelij Christi perfectissimi Observatores, tam pro se, quam pro alijs Christi pauperibus, qui omnia pro Christo reliquerunt, à fidelibus subsidium pro corporum necessitate, etiam in futurum petebant & recipiebant. Sicut Paulus rogatus à Petro, Ioanne; & Iacobo, collectas fieri per Ecclesias pro Christi pauperibus sustentandis mandauit. *Gal. 6. 2. Corinth. 8.* & alijs locis pluribus reperitur id fecisse, qui etiam pro acquirendis necessarijs sibi & socijs suis laborauit manibus.

Sollicitudo enim notat curā anxietatem, illicitam conqui-  
sitionem, auaram superfluum prouisionem, sicut enim in  
operatione salutis nostrę principaliter spem in Deum iactare  
debemus, ita & in corporali subsidio, sollicitudinem debe-  
mus ei committere, & tamen ubi congruē possumus, sine  
iactura spiritualis profectus, nostri & aliorum nobis necessa-  
ria prouidere: ne aliter quasi Deum tentare videamur, vt mi-  
raculosē, ( sicut olim filijs Israel ) nobis quotidie alimoniam  
subministret. Licet enim priorum fratrum puritas pro maior-  
is perfectionis ardore, pauciora quam nunc consueuerint ad  
victum colligere necessaria, & populus propter hoc talem opi-  
nionem conceperit, quod nil nobis licet seruare in crastinum,  
tamen nec tunc, nec nunc aliquo modo nobis prohibitum est  
statuto, quin possimus ad victum aliqua etiam necessaria in-  
futurum, pro aliquo tempore prouidere, maximē de ijs quę  
in promptu, dum indigemus, non possumus acquirere men-  
dicando. Sunt enim quę nisi colligamus certo tempore,  
quando est copia, quando inter manus communiter habent-  
ur a populo, postmodum nec pro infirmis, nec pro hospiti-  
bus, nec pro alijs, sine magna difficultate, vel magno pretio  
poterunt haberi. Mendici enim maximē illo tempore solent  
necessaria petere, quo sciunt ea promptius a dantibus inter  
manus haberi, vt circa horam comedendi. Sic & Dominus  
populo certo tempore pręcepit Mannę alimoniam colligere,  
quam non omni tempore in agro, etiam si quęrent, inueni-  
rent. *Exod. 16. & Psalm. 144.* tu das escam illis in tempore  
opportuno. In hoc enim non tam nobis, quam illis a quibus  
petimus, prouidemus, quando tali tempore petimus, quo ipse



## Q V A E S T I O

## Decima Octaua:

*Qua media vita necessaria conquirendi filijs suis Beatus  
Pater noster Franciscus praescripserit vel  
permiserit .*

**E**VANGELICAE atque altissimae paupertatis zelator precipuus Beatus Franciscus, voluit quidem, Fratres suos, non solum ab omni possessione & proprietate tam in communi, quam in particulari, & specialiter ab omni usu pecuniae, esse alienos; verum etiam ab omni sollicitudine, siue nimia cura rerum temporalium vacuos iactare cogitatum suum in Dominum; non tamen ita, vt miraculose à Deo, vel extraordinaria via prouidentiae vitae necessaria expectarent; sed prouidit tam in Regula quam testamento de tribus medijs & modis, quibus licite & meritorie victum, vestitum & alia vitae necessaria compararent.

Primus & perfectissimus est quem habet cap. 5. Regulæ: *Fratres illi quibus Dominus dedit gratiam laborandi, laborent fideliter & deuote, ita quod excluso otio anime inimico, sanctae orationis & deuotionis spiritum non extinguant, cui debent cetera temporalia deferuire. De mercede vero laboris pro se & suis Fratribus corporis necessaria recipiant; praeter denarios vel pecuniam; & hoc humiliter sicut decet seruos Dei, & paupertatis sanctissima sectatores.*

Secundus habetur cap. 6. eiusdem Regulæ: *Vadat pro eleemosyna confidenter: qui in testamento substituitur tanquam prioris supplementum, in illius defectum adhibendus. Et ego, inquit beatus Pater Noster, manibus meis laboranti & volo laborare, & omnes fratres mei volo quod laborent, & laboritio quod pertinet ad honestatem. Et qui nesciunt discant: non propter cupiditatem recipiendi pretium laboris: sed propter exemplum & ad expellendam otiositatem. Deinde subnequit eleemosynae petitionem. & quando non daretur nobis pretium laboris,*

*laboris, recurrebamus ad mensam Domini, petendo elemosinam ostiatim. Videlicet petendo in specie res quibus indigemus; prope communiter Regulæ expositores intelligunt: quia pecuniam, sicut recipere, ita & petere prohibemur.*

*Quia veros sanctus Patriarcha, qui Spiritu sancto dictante Regulam eodem illustrante videbat, his duobus medijs non posse ad plenum fratribus in omni necessitate occurrente subueniri: addidit & tertium cap. 4. vbi receptionem pecuniz strictissimè inhibuit per se vel per interpositam personā; videlicet ut pro necessitatibus infirmorum & alijs fratribus induendis per amicos spirituales Ministri tantum, & custodes sollicitam curam gerant, secundum loca & tempora & frigidas regiones, prout necessitati viderint expedire: eo semper salvo, ut sicut dictum est, denarios vel pecuniam non recipiant.*

Labor manuum, non in Regula, sed in testamento nominatur: nam in Regula solum dicitur: *laborent fideliter & deuotè de laboritio quod pertinet ad honestatem.* vnde Nicolaus III. declarauit vacantes studijs, prædicationibus, Diuinis officijs, ac similibus ministerijs impeditos (cum quibus pene est incompatibilis) non esse labori manuum adstringendos; imo ne laicos quidem cōtemplationi vel orationi notabiliter addictos. Clemens autem Quintus, inter præcepta Regulæ nullam laboris manuum facit mentionem.

Itaque laboritium quod pertinet ad honestatem quod sanctissimus Pater proponit filijs suis tanquam primum medium ad comparanda victui & vitæ necessaria est quoduis honestum exercitium, siue corporale, siue spirituale; vt sunt celebratio & cantatio Missarum, administratio Sacramentorum, prædicatio, sepultura defunctorum, & labores manuales: pro quibus omnibus licet congruam sustentationem recipere: Ita enim Christus docuit Discipulos suos ad Euangelizandum missos; *in eadem domo manete edentes & bibentes quæ apud illos sunt* Lucæ 10. vers. 7. (qui vos scilicet receperint) *dignus est enim operarius mercede sua.* Et Apostolus: *Si nos vobis spiritualia seminamus: magnam est si carnalia vestra metamus?* 1. Cor. 9. vers. 11. & post pauca. *Nescitis quoniam qui in sacrario operantur quæ de sacrario sunt edunt? & qui altari deseruiunt cum altari participant?* Ita & Deus ordinauit *ij qui Euangelium annuntiant de Euangelio viuere.*

R

Quia

Fratres, non haberet: verè enim etiam Sancti & spirituales experiuntur quoties egrediuntur ad homines, minores homines se redire, & de mundano puluere etiam religiosa corda sordescere; vt D. Leo loquitur.

Propter hoc fuit quondam dubitatio Sanctissimi Patris nostri Francisci que habetur apud sanctum Bonauenturam cap. 12. vitæ eius, *an orationi vacaret, an predicando discurreret?* que diuinitus per Fratrem Siluestrum & sanctam Virginem Claram sublata fuit, dum requisiti ad resolutionem à Deo in oratione petendam vno ore responderunt: *beneplaciti diuini esse, quod Christi Præco ad predicandum exiret.* Illudque responsum non pro sua persona tantum, sed prototo suo Ordine datum esse Beatus Vir intellexit; vnde ab eius exordio semper practicum fuit. Neque vlli mirum videri debet si isto medio ad animarum salutem principaliter instituto etiam pro corporis necessarijs acquirendis exemplo Patris sui Francisci Fratres Minores vtantur: cum & hoc mundus videtur ab eis exigere.

Contigit siquidem nonita pridem in Prouincia quadam vt quidam Patres Zelo spiritualioris vitæ resoluerint distractionum & aliorum inconuenientium occasiones euitare, relictiisque stationibus illis, & ordinarijs mendicationibus, tentauerint religiosiori (vt putabant) via sibi vitæ necessaria conquirere. Sed cum ad domum cuiusdam Magnatis Ordini affecti venissent, & inter cætera propositum hoc explicassent, humiliter petentes pro ista vice portionem, responsum est; quod concionibus & bonis exemplis spiritualia ipsis seruitia præstarent, ad animarum salutem, prout soliti, erant facere eorum prædecessores: non desuturos se tunc in eleemosynis & subsidio corporali. Nec irrationabile hoc videri potest: cum Ordo non sit institutus ad meram vitam contemplatiuam, sed ad mixtam; vt Beato P. Nostro Francisco reuelatum esse iam diximus. Merito proinde homines exigunt ex parte nostra præstari ea quæ secundum statum possumus

& debemus; vt ipsi de temporalibus suis nos faciant  
participes.



## Q V A E S T I O

## Decima Nona.

*An RR. PP. Capuini rectè Obseruantibus, redditus annuos vel legata perpetua obierint?*



**M**INI quod sepius iam dixerim esse omnino incredibile Ordinem Obseruantium, tam paruo tempore, quod ab vnione vsque ad exordium Capueinorum effluxit, in tantum degenerasse, vt redditus annuos propriè dictos, vel legata perpetua admitteret, contra essentiam Obseruantie Regularis: si enim hoc fecissent Obseruantes, proculdubio contra eos acrius insurrexissent RR. PP. Conuentuales, preterdissentque maiori iure se non debere illis cedere quo ad primatum Ordinis & alias prerogatiuas, qui non minus quam ipsi Conuentuales à Regulæ puritate & Obseruantia deflexissent. Quandoquidem Professores altissimæ paupertatis, & Ordo incapax omnis omnino proprietatis non magis possint redditus & legata perpetua, quam fundos & prædia possidere. Cum autem vel ex ipso Bouerio constet ad annum 1562. num. 1. Generalem Obseruantium in Concilio Trident. suo & sui Ordinis nomine *omnibus bonis immobilibus renuntiasse* (inter quæ computantur redditus annui) quamuis addat, pro suorum commendatione, id eum fecisse protestatione Generalis Capucinorum permotum; in cuius protestatione etiam addiderat bona mobilia: constat sanè Ordinem Obseruantium nec tunc nec antea voluisse aliquam proprietatem rerum immobilium vel mobilium, adeoque nec redditus propriè dictos admittere. Pretertim cum super protestationibus istis emanauerit decretum Concilij Tridentini sess. 25. c. 3. de Regularibus, quo à concessione omnibus Monasterijs & domibus tam virorum quam mulierum & mendicantium facta, vt deinceps bona immobilia eis possidere liceat, excipiuntur domus Fratrum sancti Francisci Capucinorum & eorum qui de Obseruantia vocantur.

Ex

Ex quo fabulosum esse conuincitur quod antea narrauerat idem Bouerius ad annum 1545. (quo vixerat inchoatum Concilium Tridentinum) num. 30. altercatos fuisse in eo Concilio de primatu Ordinis & sigillo, Conuentualium & Obseruantium Generales. Hoc vi concessionis Leonis Decimi prætendente, isto iure antiquitatis, & tandem ad propositionem Generalis Conuentualium, dicentis nec suos, nec Obseruantes Regulam obseruare; sed solos Capucinos: inclinatos fuisse Patres Concilij ad sigillum Ordinis Capucinis adiudicandum, idque apparenter facturos fuisse, nisi R. P. Bernardinus Astensis, qui ex commissione Generalis Capucinorum aderat concilio, præ humilitate recusasset. Hoc inquam, præterquam quod nec ex actis concilij, nec ex vilo indifferente authore constet, vel inde falsitatis conuincitur quod tam clarè sæpius ostensum fuerit tunc in Ordine Obseruantium pluribus saltem in locis Regularem Obseruantiam floruisse; & quod Generalis illius omni possessioni renuntiauerit, tanquam Regulæ nostræ contrariæ, neque vllum post Ordinis vnionem priuilegiorum esse reperiatur, minus acceptatum quod altissimæ paupertati præiudicaret. Quomodo ergo poterat Generalis Conuentualium suos in hoc Obseruantibus comparare? Et qua ratione tam leuiter Concilij Patres ad vnus viri dictum, qui pars erat, poterant inclinari, vt Ordinem Obseruantium iure à Leone Decimo concessio, & tant diuturna possessione firmato, priuarent? Quod confirmatur quia Bouerio referente diuersis adhuc vicibus postea, egerunt Obseruantes apud Pontifices vt Capucinos sibi subijcerent, & in illo ipso Concilio Generalis Obseruantium Minores Conuentuales sibi subicere tentauit, vt ad eundem annum 1562. num. 20. habetur apud Bouerium. Quod sanè attentatum fuisset valde temerarium & periculosum, quando scirent Concilij Patres esse inclinatos ad sigillum & primatū ijs auferendum, ibidemque refertur eundem Generali conuocatum fuisse Capucinos ad vnionem reducere quorum Generalis Thomas nominatus restitisset eandem præclara ratione, quam antea Ludouicus Forolempsonianus allegauerat, videlicet quod secundum Bullam Leonis Decimi non esset electus ex reformatis, adeoque irrationabiliter se supremum Ordinis Generalissimum iactaret. Qui insigni obiectione Generali

reun-

tiam illius qui debet dare eleemosynam, ut in altero non eorum respondeat ius illam exigendi; & obligationem stricti iuris, cui tale ius siue potestas, in eo cui obligatur correspondet, sic ut is qui non daret, vel dare volentem impediret, pro isto iure obligaretur, & cogi posset ad restitutionem: neque satis distinguunt inter *obligari Fratri Minori* (quod non constat cum Regula) & *obligari ad dandam eleemosynam Fratri Minori*; quod non tantum non arguit ius in fratre Minore, sed potius illud excludit: cum illud quod datur tanquam ex iustitia debitum non sit propriè dicta eleemofyna. Propter hanc, inquam, hominum ignorantiam, sapius abstinendum est à talibus legatis recipiendis, ratione scandali; præsertim quando ex alijs eleemosynis haberi possunt necessaria: vel saltem iuxta statuta nostra facienda esset protestatio, non tantum ijs qui obligantur; sed etiam alijs qui illa sciunt & audiunt, quod nullum ius habeamus, vel habere velimus ad talia legata; sed illa per modum puræ eleemosynæ recipiamus.

Cauendum etiam ne in petendo excedatur, urgendo obligationem; vel alijs terminis utendo, qui pauperibus eleemosynam petentibus non congruant: sicut etiam sanctissimus Pater Noster monuit quo ad receptionem mercedis laboris; ut hæc fiat humiliter sicut decet seruos Dei & paupertatis sanctissime sectatores, ne videlicet videamur ad huiusmodi mercedem ius aliquod prætere.

Magis cauendum est pro talibus legatis iure agere: licet enim Nicolaus Tertius Pontifex in capite *exijt qui seminat* voluerit Prelatos Ecclesiæ & Magistratus seculares pro officio suo promptos se exhibere ut curent, *pias decedentium voluntates impleri: & ut heredum cupiditas legitimis iustis fertur*. Id tamen nomine fratrum, vel ad eorum instantiam fieri nullo modo congruit eorum statui & paupertati: unde & per statuta Ordinis semper prohibitum fuit & prohibetur.

Simili modo licitum est (sed etiam cum prudentia & cautela practicandum) de licentia & voluntate Dominorum, ex certis sylvis ligna cedere & colligere; prætermisissis ijs qui importuna & molesta mendicatione urgeri deberent. Prout illustris & piæ memoriæ Iacobus Comes Hornanus, Fundator cõuentus Obseruantium prope Vvertzæm, in quo posmodum Regulam professus est in flore Obseruantie, obligauit heredes suos.



suos vt permitterent fratres eiusdem conuentus fodere ac extrahere cespites ex certa parte myricę vel terrę palustris; quod etiam vsque in hodiernum diem fit, sed præmissa humili petitione. Quod vero subinde ex talibus eueniat vt homines plebei rem non introsipientes vocent tales siluas vel fundos fratrum Minorum per accidens est, eisque est ignoscendum, & tanquam rudiores de veritate pro posse instrui debent. Sed hoc mirum est quod viri Religiosi eiusdem Regulę professores, qui proinde eam intelligere supponuntur, prout deberent; rem per regulam licitam, & circumstantijs debitis honestatem tamquam Regulę transgressionem & sanctę paupertatis naufragium traducant.

## Q V A E S T I O

### Vigesima.

*An prouisiones annuas rectę RR. PP. Capucini Obseruantibus impropærauerint.*



**P**ROVISIONES annuas granorum, carniū, candelarum, cereuisię, vel vini (vbi illud est potus ordinarius) tanquam minus conformes Regulę nimium videntur aliqui damnare: nam Nicolaus Tertius in capite *exijt* inter cætera dicit, quod *Fratres Minores sic seipsos Diuine prouidentię committunt, vt etiam non contemnunt prouisionis humanę*. Et licet vbi per quotidianas mendicationes congruē haberi possent Fratribus necessaria, minus conueniat viris Euangelicis in menses & annos prouisiones facere: sic tamen se velle Diuinę prouidentię committere, vt quasi miraculosē sæpe necessaria obtineri deberent, est non meo solum iudicio; sed etiam sancti Bouauenturę (questionē septima super Regulam: vbi de huiusmodi prouisione suo tempore faciendā agit) Deum tentare, et non Spiritum istius sententię Euangelicę: *Nolite solliciti esse in crastinum sed corticem litterę, seu litteram Iudaicam velle seruare*.

[ Si diligenter, *inquit*, Euangelij verba pensamus, sollicitu-

citudinem de crastino, sed non prouisionem prohibere vide-  
tur. Vnde sancti Apostoli Euangelij Christi perfectissimi Ob-  
seruatores, tam pro se, quam pro alijs Christi pauperibus, qui  
omnia pro Christo reliquerunt, à fidelibus subsidium pro cor-  
porum necessitate, etiam in futurum petebant & recipiebant.  
Sicut Paulus rogatus à Petro, Ioanne; & Iacobo, collectas  
fieri per Ecclesias pro Christi pauperibus sustentandis manda-  
uit. *Gal. 6. 2. Corinth. 8.* & alijs locis pluribus reperitur id fecisse,  
qui etiam pro acquirendis necessarijs sibi & socijs suis la-  
borauit manibus.

Sollicitudo enim notat curæ anxietatem, illicitam con-  
sumptionem, auaram superfluum provisionem, sicut enim in  
operatione salutis nostræ principaliter spem in Deum iacere  
debemus, ita & in corporali subsidio, sollicitudinem debe-  
mus ei committere, & tamen ubi congruè possumus, sine  
iactura spiritualis profectus, nostri & aliorum nobis necessa-  
ria providere: ne aliter quasi Deum tentare videamur, ut mi-  
raculose, (sicut olim filijs Israel) nobis quotidie alimoniam  
subministraret. Licet enim priorum fratrum puritas pro maior-  
is perfectionis ardore, pauciora quam nunc consueverint ad  
victum colligere necessaria, & populus propter hoc talem opi-  
nionem conceperit, quod nil nobis licet servare in crastinum,  
tamen nec tunc, nec nunc aliquo modo nobis prohibitum est  
statuto, quin possimus ad victum aliqua etiam necessaria in-  
futurum, pro aliquo tempore providere, maxime de ijs quæ  
in promptu, dum indigemus, non possumus acquirere men-  
dicando. Sunt enim quæ nisi colligamus certo tempore,  
quando est copia, quando inter manus communiter habentur  
à populo, postmodum nec pro infirmis, nec pro hospitibus,  
nec pro alijs, sine magna difficultate, vel magno pretio  
poterunt haberi. Mendici enim maxime illo tempore solent  
necessaria petere; quo sciunt ea promptius à dantibus inter  
manus haberi, ut circa horam comedendi. Sic & Dominus  
populo certo tempore præcepit Mannæ alimoniam colligere,  
quam non omni tempore in agro, etiamsi quærent, inveni-  
rent. *Exod. 16. & Psalm. 144.* tu das escam illis in tempore  
opportuno. In hoc enim non tam nobis, quam illis à quibus  
petimus, providemus, quando tali tempore petimus, quo ipsi

facilius dare possunt, & magis sunt voluntarij ad eleemosynam largiendam. ]

Frequenti verò ad Benefactores recurſu, sine aliqua prouisione communitatibus præſertim maioribus, prouidere, vel est impossibile, vel adeo importunum, vt per hoc grauentur boni fideles, & paupertas Euangelica fiat ipsis moleſta, & odioſa. Ad hoc propoſitum referam quid noſtro tempore contigerit in ciuitate Antuerpienſi: Emporio totius Europæ nobiliſſimo, populo & diuitijs abundante: erant in ea congregati viri iſtius vrbs primarij, qui Eleemoſynarij vocantur, & quotannis duo noui ex præcipuis eliguntur, ad numerum viginti circiter perſonarum. Cum tractabatur de ſubſidio pauperibus familijs, & alijs inueniendo; & inter cætera mouebatur difficultas, quod multitudo Religioſorum Mendicantium ciuitatem grauaret, & pauperibus communibus, adeoque etiam ipsis quibus eorum cura incumberebat, multum præiudicaret. Inter alios diſcurſus, quibus aliqui Religioſos excuſabant, alij reprehendebant; quidam ( tunc non amicus ſingularis Ordinis noſtri ) dicebat in pleno conſeſſu. Præſes Minores in hac vrbe omnes cæteros Religioſos mendicantes numero excedunt, & tamen à nullis minus grauatur ciuitas, & habitatores eius, quam ab ipsis: Ipsi enim ſemel in anno oſtienti petunt humiliter eleemoſynam caræm, ſemel candelarum, & ſemel cereuiſe; veniunt ſemel in hebdomada panem petitori, manent humiliter, mendicorum more, ante vel circa oſtium domus, venit nunc hic, nunc ille ( quia omnes, vſque ad Guardianum incluſiue per ſuum turnum, petunt eleemoſynam ) do quando lubet, quantum lubet, etiã modicum ſine vlla verecundia; ſi mihi non ſit integrum dare, dici euro per ſamulum, vel ancillam me & ſeminam eſſe impeditum, non vacare mihi nunc dare eleemoſynam, & ita ærecedentibus me expedio, & nullam irreligioſitatis notam alicubi, vel apud aliquos incurro. At, inquit, tales & tales Religioſi ( nominabat aliquot Ordines recentiores, inter cæteros etiam RR. Patres Capucinos ) ſæpius in anno mittunt ſuum ordinarium eleemoſynarium; vel aliquando aliqui noſtri veniunt, inquirunt an domi ſit pater familias, petunt loqui domino, vel domini, poſt diſcurſus familiares preparatorios, paupertatem ſuam & neceſſitatem exaggerant, eleemoſynam petunt.



petunt. Si recuso, notor ut minus Religiosis additus, si dem modicum verecundor, tanquam improporionatam elemosynam elargiens tantæ necessitati. His agendi modis grauamur, & de illis meritò conqueri possumus, tanquam pauperibus, & nobis præiudicantibus. At de alijs Religiosis (qui deseruiunt ciuitati in spiritualibus, noctu diuque parati assistere infirmis, vel alijs indigentibus) non est quod ullus conqueri possit, quæ sine molesta importunitate debitam pro laboribus sustentationem mendicant humiliter. Exceptus est cum applausu, & approbatione omnium discursus: creuitque in plurium cordibus deuotio ad antiquos mendicantes, & specialiter ad Fratres Minores, prout certa fide nobis relatum est.

Ex quibus & multis alijs, quæ allegari, & referri possent, patet non ita canonizandos esse modos Capucinatorum frequētius petendi necessaria vitæ per fratres Elemosynarios ad hoc deputatos: præter enim libertatem, & nimiam auctoritatemquam facile contra Superiores isti fratres laici arripiunt; habent etiam annexa apud seculares sua inconuenientia. Adeoque non ita damnandi erant modi qui videntur prouisionem aliquam præ se ferre, nam præterquam quod minus graues sint hominibus; minus onerosi & distractiui fratribus; ad ipsorum insuper paupertatem seu pauperem usum conducunt, dum, ex defectu quotidiani recursus ad benefactores, fratres plerumque durioribus & pauperioribus cibis reficiuntur, qui ex quotidiano quæstu frequentius recentiores & lautiores haberent; prout fieri apud alios satis nobis constat (nec inuidemus) ut non sit opus tanta dissimulatione qua aliqui videri volunt semper omnibus indigere. Neque in hoc contra nos; sed pro nobis facit Clemens Quintus in sua declaratione dicens, non [esse verisimile sanctum Franciscum voluisse fratres & filios suos habere granaria, vel cellaria, ubi quotidianis mendicationibus deberent sperare posse transigere vitam suam. Et idcirco non ex timore leui relaxare se debent ad congregationes & conseruationes huiusmodi faciendas; sed tunc tantum cum esset multum credibile ex iam expertis quod non possent vitæ necessaria aliter inueniri. Nam subiungit: Hoc autem Ministrorum & custodum simul & separatim in suis administrationibus & custodijs (cum

Guardiani & duorum ex conuentu loci discretorum Sacerdotum, & antiquorum in Ordine fratrum, consilio & assensu) duximus iudicio relinquendum: eorum super hoc specialiter conscientias onerantes. ¶ Vnde mirum est quod isti tam acriter carpant tanquam illicitè facta, quæ iudicio Superiorum Pontifices reliquerunt, & ex tot causis & considerationibus fieri licitè posse declarauerunt.

## Q V A E S T I O

### Vigesima Prima.

*An excessus manifestus in Aedificijs & paramentis Ecclesie iussu fuerit pro causa separationis allegatus?*



VENIO nunc ad Aedificia sumptuosa, quæ tam saepe in Ordine inualuisse significantur, & miræ acerbitate obijciuntur. Verum quæro ab illis; quandoriam hæc ædificia in tanta quantitate edificata sint? an post unionem Ordinis sub Leone X. factam anno 1517. an vero ante illam? prius vix potest cum vlla apparentia asseri, nam sic spatium quinque vel sex annorum non debuissent fratres ferè aliud fecisse, quam edificare: cuius nullum in vllis historijs puto inueniri vestigium. Si ante, pro vt ex varijs Ordinis monumentis, attentatis & inchoatis reformationibus (etiam sub Obseruantia) euidenter colligitur; certum est illa non dedisse rationabilem causam tantopere Ordinem criminandi & accusandi, quasi hæc sola fuerit causa, sufficiens eum deferendi.

Patent hæc ex Bulla Leonis X. quæ incipit: *Dilecti filij meretur vestra*, data anno 1514. qui consultus à Fratribus Obseruantibus num ipsi inhabitare possent domos amplas & spatiosas quæ in presentiarum in Oraine & familia adificate erant, ita vt potius palatia magistratuum reputari posse viderentur, quam habitationes pauperum, & utrum possent retinere pretiosa ornamenta, & alia Ecclesie mobilia Propter quæ dicit, nonnullos ex fratribus molitos fuisse Conuentus relinquere, ad Eremitoria

se

*se transferre, & fugere, in diuini cultus detrimentum & scandalum plurimorum, ac Ordinis & familia perturbationem. Respondit: quandoquidem ea sine speciali Sedis Apostolica mandato alienare non possent, utpote ad illam pertinentia; & ipsi illorum essent non posseditores, sed Custodes: absque sue Professionis macula aut violatione, huiusmodi tam domibus, quam ornamentis uti, & potiri libere, & licite posse. Patent etiam ex multo anteriori Clementis V. resolutione & mandato, quod refert S. Bernardinus, columen Obseruantie nostrae, tunc Vicarius Generalis Ultramontanus in sua Epistola ad omnes suos subditos, in qua, inter cetera 4. loco habetur: Et propterea Clemens V. licet decreuit aedificia nimis sumptuose non conuenire statui Fratrum Minorum; tamen praecepit sub poena excommunicationis quod dicta loca Fratres non relinquere alique Sedis Apostolicae licentia speciali. Et excedentia superfluitatis & curiositatis non est sufficiens causa propter quam Fratres debeant recedere a loco; nisi fuerit de illis aliquid propter quod Regula non possit spiritualiter obseruari. En quæstionem à sancta Sede, & Sancto viro Regulæ obseruantissimo resolutam. Cui à accedit. Quid ergo tantopere Ordo inobseruantiae accusatur? & sumptuosa ædificia pro causa discessus, non tantum a locis; sed etiam ab Ordine allegantur?*

Scimus sanctum Franciscum Patrem nostrum in testamento cauisse: *ut Ecclesias habitacula, & omnia quæ pro ipsis construuntur penitus non recipiant, nisi essent sicut deceret sanctam paupertatem quam in Regula promissimus. Testamentum illud tamquam veri filij admittimus, veneramus, obseruare volumus, & dolemus subinde videre excelsiua ædificia, vel à secularibus vel à Fratribus minus zelosis ædificari; quæ sepius ad superfluitatem excrescunt, antequam Superiores, architecturæ minus periti, aduertant. Quid faciemus? destruemus quod edificatum est? At maius hoc esset scandalum, utpote duplex peccatum contra paupertatem: recusabimusne? At interdum ob magnificentiam Principum plurimorum, & aliorum dominorum, qui non secundum, quod nostre congruit paupertati sed secundum quod eorum congruit excellentia volunt & nostras domos construere, & pro diuino cultu cappis &c. paramenta, calices & vasa Altaris pro summi Dei honore elargiri, adeo ut talia respuere non possimus, & non sinunt ista donantes alienari.*



*alienare, nec demoliri iam constructa permittunt. Sic loquitur Leo Pontifex in supra citata Bulla ubi & addit quod ea sine speciali Sedis Apostolicę mandato alienare non possimus.*

*Nimis igitur longę quęstia videtur hæc obieccio, tantum ad detrahendum Ordini, illumque apud homines & Ecclesię Primates denigrandum, e latebris extracta. Insuper dico cū sancto Bonaventura quęstione 6. super Regulam ( cuius temporibus hæ quęstiones & quęrelę motę sunt ) In ciuitatibus aliores domos & lapideas edificari à Fratribus propter pericula incendię usque durabiliores sint, & non sepius cum destructione cordiam cogamur reedificare & reparare, & hoc licitę propter fundi angustias: ex quo domus nostra magne apparent & sumptuosa, & paupertati dissimiles, cum tamen paupertas hoc magis efficiat: quia ne circa dilatemur, inferius angustamur. Supponit hic S. Doctor id quod supra dixerat, officinarum multitudinem necessariam esse ad disciplinam monasticam seruandam: adeoque cum non possint, præfundorum angustia, omnes inferius haberi, vna super aliam locanda est, eliquę notandum quod Clemens non absolutę declarat prohibitam esse omnem ædificiorum magnitudinem & sumptuositatem: sed notabiliter excessiuam, cuius indicium desumi non debet ex altitudine parietum, situs latitudine, multitudine cellarum ac officinarum, sed per ordinem ad numerum Fratrum inhabitantium: sic enim expresse loquitur Clemens: *Conuenit ipsis, quod nullo modo deinceps fieri faciant, vel fieri sustineant Ecclesias, vel alia quacunque ædificia qua considerato Fratrum inhabitantium numero excessiua in multitudine & magnitudine debeant reputari.**

Si vero quęratur quare tam magnum Fratrum numerum in vno conuentu reponamus, respondebit sanctus Bonaventura in enchiridion Fratrum Minorum capite 7. in Regulam: [ Quia maior disciplina potest seruari, maior deuotio, & ordinatior vita, melius ubi Nouitij instruuntur plurium bonis exemplis, studiosi exercitantur, magis animarum vtilitati per plures Prędicatores & Confessarios prouidetur diuinum officium solemniter celebratur. In paruis autem conuentibus, cum alij sunt interminis (inquit sanctus Bonaventura) aliqui in villa pro elemosyna, alij forte debiles aut infirmi, aliqui occupati officijs in domo; nec disciplina Religionis, nec studium,

nec

nec deuotio in diuinis valet ( pro vt expedit ) obseruari ; ] Cum siquidem Ordo noster maiestatem diuinæ officij conseruet præ cæteris ( quod spero sine arrogantia , & vilius offensa me dicere posse ) simulque cum cæteris , si non præ cæteris in animarum salute , prædicatione , Sacramentorum administratione ( quæ nunc frequentior est , quam solebat ; vtinam & fructuosior ) strenuè laboret : nemini videri debet mirum , si conuentus maiores habeamus quam RR. Patres Capucini ; qui vitæ potius eremiticæ & contemplatiuæ , quam actiuæ ab initio professionem fecerunt .

Addo tamen cum S. Bonauentura : [ Non intendo his excusare nisi quæ valde necessaria sunt & rationabilia , vbi autem superfluitas , curiositas , & irreligiositas & Regulæ & paupertatis nostræ derogantes essent structuræ , reprehendo , & omnia quæ Deo displicent tam in moribus quam in rebus .

Factos verò aliquando tales excessus etiam in suo Ordine & à Deo grauius punitos fuisse fatetur Bouarius : & hoc non in vno , sed pluribus locis & personis : Quid si ergo etiam in tanta Ordinis latitudine excessus fiant vel facti fuerint ; an ideo sictotus Ordo sugillandus ? Deus frequentius sibi displicere ostendit , & Superiores etiam quantum possunt impediunt , quod si non possint omnia euitare ; id nec Deus facit , qui tamen potest . Desinant itaque tam amarè calumniari sed fraterne moneant , & condoleant .

pro huius quæstionis conclusione hic addendum videtur id quod de Gregorio IX. sancto Patri nostro Francisco coæuo eique amicitia iunctissimo ( qui proinde ipsius mentem & ad Regulæ obseruationem necessaria optimè nouerat ) refert Vvaddingus ad annum 1230. num. 5. videlicet quod miserit aliquos [ qui ferrent pretiosa munera ad cohonestandam translationem sancti Francisci , & adornandam Ecclesiam , Crucem , videlicet auream non mediocris ponderis operæ gemmarum elaboratam , pretiosis ornatam lapidibus sita in medio magna crucis Christi parte ; vasa magna argentea : & ministerialia quæque altaris inaurata ; antependium item magni pretij . ] Videant hic oblocutores etiam talem Pontificem hæc non iudicasse indebitis circumstantijs Regulæ & Obseruantia nostræ repugnantij .

QVAE-

## Q V A E S T I O

## Vigesima Secunda.

*An merito RR. Patres Capucini obiecerint Patribus Obseruantibus vestium molitiem & pretiositatem?*

**I**NTER ceteros abusus quos Ordinē improperant Patres isti Capucini, illorum scriptor Bouerius nullum frequentius repetit, nullum magis seriō inculcat & exaggerat, quam defectum in habitu quoad eius formam & vilitatem, in quo isti primi reformatores dicuntur apud Principes, Cardinales, Pontifices, suo habitu, suis verbis ita Ordinem accusasse. ac si inde omnis sanctitas & Religio dependeret: in faciem etiam Prælati Ordinis improperasse. Sed remitto eos circa hoc punctum ad Regulam suam c. 2. vbi ait sanctissimus Pater postquam de vestimentis vilibus præcepisset; *monet & exhortor ne despiciant neque iudicent homines quos vident mollihus vestimentis & coloratis indutos sed magis unusquisque iudicet & despiciat semetipsum.* Qui hoc de secularibus non iudicandis & despiciendis monuit: non concessit despici confratres & iudicari Superiores, quibus de vestium vilitate tam sæpe à Summis Pontificibus iudicium committitur.

Id itaque imprimis in hac materia statuendum est: vestium vilitatem Fratribus in Regula præceptam esse, vtpote quibus dicitur, *Fratres omnes vestimentis vilibus induantur*: ac proinde Superiores, quibus iudicium de vilitate vestium committitur, obligari in conscientia vt semper maneant, ac Fratres manere cogant intra terminos veræ vilitatis. Quod satis expressè indicat Clemens, qui postquam iudicium & determinationem de vestium vilitate Superioribus commississet, subiungit; *ita tamen quod seruent in vestibus vilitatem.*

Secundo statuendum est hanc vilitatē non esse præceptam in aliquo determinato gradu siue non consistere in indiuisibili; alioquin frustra Superioribus iudicium & determinatio committe-



mitteretur: quando ipsamet Regula summam vilitatem determinaret. Et notandum quod Pontifices non dicant se committere Superioribus iudicandum & determinandum, quam viliores aut vilissimæ censeri debeant. Sed quam viles secundum Regulam. Ita quod seruent in vestibus vilitatem. Vnde exorbitat Bouerius in particulari tractatu de vera habitus forma demonstratione vltima ( quæ contra aliquem alterius Ordinis videtur conscripta ) num. 18- dicens licet in Regula sola vilitas præcipiatur, ex mente tamen Legislatoris, quæ est anima legis, præcipi Prætribus Minoribus. viliores & vilissimas vestes, & ex hoc infundato & falso principio, credo infundatas illas reprehensiones Ordinis Obseruantium eiusque Superiorum esse deductas.

Fundatur autem Bouerius, tum in prima Regula, vbi post vilitatem vestium præscriptam dicitur; *Et licet dicantur hypocritæ non tamen cessent benefacere*; tum ex illis quæ in secunda Regula habentur; *Et possint ea repeti de saccis & alijs petijs cum benedictione Dei*: Nam ex sola vestium vilitate, quæ Religiosis omnibus communis est & plerique familiaris, nemo hypocrita censeri potest: adeoque vestes quas Beatus Franciscus amplectendas præscribit oportet esse viliores aut vilissimas; ex quibus solis nata est oriri suspicio hypocrisis. Breuiter: illas vestes S. Franciscus in Regula præscribit ex quibus nata est oriri suspicio hypocrisis; atqui illa non est nata oriri nisi ex vilioribus aut vilissimis; igitur illas præscribit. Respondeo negando maiorem & minorem. Maiorem, quia non mandauit sanctus Franciscus vt daremus alicui occasionem malæ suspicionis; sed tantum quod etsi hanc aliquis ex bono opere & specialiter ex humilibus & vilibus vestimentis conciperet; & deferentes inter hypocritas suggillaret, non propterea bonum esse omittendum. Minorem vero nego: quia homines mali & carnaliter sapientes ( quales esse conuincuntur, qui ex bonis accipiunt occasionem vocandi aliquos hypocritas ) bonæ inusitata, etiamsi parum per tantum à communi agendi modo recedentia, hypocrisim facile appellant, & in peiorem partem interpretantur. Idque confirmatur ex eo quod hæc verba S. Patris nostri: *Et licet dicantur hypocritæ*, & non ponantur immediatè post vilitatem vestium in prima Regula præscripta ( vt Bouerius malè dicit ) sed post sententiam illam Euangelicam

licam : qui in veste pretiosa sunt & in delicijs , & qui mollibus vestiuntur in domibus Regum sunt. Vbi notandum quod mundani à quibus Religiosi omnes dissentimus facile eos omnes vocent hypocritas. qui ipsorum modum agendi & vestiendi verbo & exemplo damnant.

Minus adhuc valet probatio desumpta ex eo quod possint ea repetiari de saccis & alijs petijs &c. Ex quo, infert Bouerius adeo vilem debere esse pannum vt à sacci vilitate non multum distet, quæ illatio friuola est : non enim solos saccos sed etiam alias petiās. nominat. Et dato quod sacco repetiēmus vestem, non sequitur ex hoc vilissimam ante fuisse ; sed quod possimus eam, repetiēdo isto modo, facere viliozem quam ante erat præsertim si exterius, repetietur. Sed quid si interius fiat contra sudores & similia incommoda ? Datis tamen omnibus gratis quæ petit Bouerius : inde adhuc nullum præceptum colligitur, sed ad summum vilitatem istam commendari. Quod intelligendum est, salua semper Religiosa honestate, Ordinis vniformitate & Superiorum Obedientia, quæ secundum extrauag. Quorundam exigit, omnibus istis præferenda est.

Non autem præcipitur, nec ab vlllo Pontifice declaratur vel aliquo approbato explicatore Regulæ præcepta intelligitur, nisi vilitas simpliciter quæ verè talis sit. Quod vero aliquoties vtantur terminis istis, vilioribus aut vilissimis est certum non debere, nec posse in verbi rigore intelligi : quia numquam tam vilem habitum mihi exhibebunt, quin possim facere viliozem. Faterurque ipse Bouerius supra num. 22. à Martino Quinto prohibitos esse *habitus monachos qui Religiosa & Minoritana vilitatis honestatem excederent*. Quales (pro beneuolæ suo in Obseruantes affectu) dicit ab ipsis fuisse assumptos circa annum Domini 1428. Quo tempore noua exurgente (inquit), Obseruantium familia, Ordinis reformatio excitata fuit. Quos Pontifex compefcuit sua constitutione ne dum plus aquo ex habitu contemptibiles haberi volunt, Religionem in contemptum & derisum pertrahant. Errat tamen grauissimè Bouerius dicens nouam Obseruantium reformationem tunc exurrexisse, quia noua Obseruantium reformatio iam à 50. annis inchoata, circa illa demum tempora cæpit maximè efflorescere & roborari aq̃cessionē Beati Bernardini Senensis, Ioannis Capistrani, Alberti Santianensis, Iacobi Piceni seu à Marchia, quos numquā mon-

monstruosos habitus portasse luce clarius est: sicut nec vilius in vllis Ordinis historijs inuenitur vestigium, quod Patres Obseruantes vlllo vnquam tempore habitus monstruosos Religiosam honestatem & Minoritice vilitatis limites excedentes gesserint. Errat secundo, dicendo quod Martinus Quintus ordinas quod Omnes fratres vestimentis talibus induantur, que nec sint adeo pretiosa, quod videntes ea curiositatem vel vanitatem notare debeant: nec ita vilia & grossa, quod ipsa videntes ad terrorem inducant, & promouent ad derisum; non nihil illorum temporum calamitati tribuere voluerit: Cum enim inquit, ob communem Ordinis à Regulari Obseruantia lapsus, tunc pretiositas, ac mollius in fratrum vestimenta passim grassaretur: satis Pontifici visum fuit si pretiositatem ac curiositatem à fratrum vestimentis auelleret; vilitatemque qua iam excoluerat, in ea rursus inueheret. Ita semper Bouerius in Ordinis relaxationem inuehitur imperuosius, vt simul cum Ordine etiam Obseruantes (qui tunc in eo erant & florebant, vt diximus; quibusque cum Conuentualibus nunquam de habitu fuit altercatio, sed de redditibus & alijs paupertati repugnâtib; eliminandis) & ipsos Pontifices inuoluat, quasi in declarandis Regulæ obligationibus, non quod verum erat statuerint; sed dissimulationibus vsi Regulæ transgressionibus sua autoritate firmauerint. Dicit enim Bouerius idem dumtaxat Martinum Quintum in sua (de qua loquitur) constitutione decreuisse, quod Clemens V. & Ioannes XXII. antea declararunt. Illi autem non se dispensare voluisse dixerunt (ad hoc enim requisiti non fuerant) sed declarare. Ioannes enim XXII. expresse dicit in sua Extrauagante: *Quorundam exigit, cum nec expresse, vel determinatè in prædicta Fratrum Minorum dicatur Regula vel declarationibus ante dictis, quanta longitudinis, quanta latitudinis, quanta grossitiei, vel subtilitatis, qualis forme, qualisque figura huiusmodi debeant esse vestes sicut nec qualis, quantæque vilitatis, eas esse oporteat exprimitur in eadem, sicque quoadmodum eadem urgente necessitate, aequitate non impari, vero sensu, veroque id Regula suadentibus intellectu eiusdem Clementis inhaerentes vestigijs præfatorum Ministrorum, Custodum & Guardianorum in prædictis horumque similibus fore iudicium declarare compellimur.* Hæc verba an sint indulgentis vel dispensantis an vero veritatem & iustitiam decorantis cuiusvis intelligenti indicandum relinquo.



Erat eadem tunc quaestio inter pretensores aliquos zelosos & Superiores ac communitatem Ordinis quia hic iam disputatur, illi volentes plus sapere quam oportet sapere (vt loquitur Pontifex) utebantur eodem argumento vel euasione potius, quo vsos scribit contra nostros Superiores Bouerius suos Capucinos, videlicet quod iudicium quidem de vilitate vestium commissum esset Superioribus, ita tamen vt seruent in vestibus vilitatem, quam zelosi isti pretendebant non seruari, non obstante contraria Superiorum determinatione, quibus hoc iudicium commissum erat. Pro quibus etiam Pontifex tulit sententiam, declarauit quantitatem vilitatis non esse in Regula determinatam, in eaque standum esse Superiorum iudicio. Quae ergo ratio in hoc carpendi Ordinem Obseruantium de transgressione Regulæ in vestium mollietate & pretiositate? An molliores & pretiosiores vestes assumpserant Obseruantes post tantillum temporis suae approbationis & confirmationis omnimodæ, quam antea habuerant Conuentuales, contra quorum abusus Regulæ Obseruantiam tam seruentem & fortiter zelauerant.

Melius Bouerius in istis suis inuestiuis consueuisset R. Patrem Hyronimum à Politio, suorum Capucinorum aliquando Generalem, qui in caput vigesimum 2. Regulæ num. 104. scribit: *Ille vestes merito & absque vilo scrupulo viles circa calorem & pretium habenda sunt, quæ à Ministris, Guardianis, & Custodibus pro talibus iudicabuntur & concedentur; quamuis aliæ alijs sint aliquando viiores, non enim hæc vilitas in puncto indubitable consistit, dummodo verè pretiosæ non sint. Sed si dubium esset an verè viles secundum usum religionis hæc & illa vestis censenda sit, tunc dictorum Prelatorum iudicio securè barèdum est. præsertim quia Ioannes XXII. (Extraneagante Quorundam exigis) arbitrio & determinationi dictorum Prelatorum standum esse voluit. En quam procul à veritate (etiam suorum iudicio) aberret, qui vilissimas aut viliores vult esse præceptas, & propterea Obseruantium Ordinem arguit inobseruantie.*

Tandem errat Bouerius, demonstratione supra citata numero 29. afferens perspicuum esse vilissimis: *sanctum Franciscum ac Socios vestimentis vsos fuisse*: nam ille ipse habitus, quousus est sanctus Pater Noster eo tempore, quo recepit Christi Domini Stigmata, qui Florentiæ asseruatur, non fuit aut vilis-

sissimus. aut extraordinariè vilis, vt patet ex Annalibus Reuerendi Admodum Patris Lucæ Vvaddingi Tomo 1. ad annum 1208. num. 5. vbi narrat eundem ex christallina arca extractum ad preces Reuerendi Admodum Patris Antonij Daza anno 1621. ad satiètatem vilum & curiosius examinatum esse. De quo sic vltèrius scribit: *Color perfectè cinereus, qualitas fugi vilis, nec tamen rudissimi, Hispani Sayal vocant, Itali panno rigato; strictioris Obseruantia, & Prouincia citerioris seu Tarraconensis Hispania Patres asperiores gestant, ea, quam habui pæ manibus particula strictus nimis non est, nec pannosus valde, aut præsemina habet alterius panni nisi ad vnā lauam manicam, vno quo refarciri indiguit loco: non itaque verum est Beatum Patrem Franciscum ac socios villissimis semper vfos esse vestimentis. Addit tamen bonus ille Pater se fuisse latatum quod in diuersis Prouincijs potius adhuc superent filij sui Patris & Institutoris, saltem in exteriori veste asperitate, conscissæque & laceræ tunicæ filij augeant vilitatem. Lætor & ego, & laudo Capucinos quod vestium vilitatem zelent; sed in hoc non laudo quod tam facile Fratres suos Obseruantes iudicent & condemnent inobseruantia & transgressionis Regulæ, quia eorum habitus non fuit tam vilis, quam fuit Capucinatorum in primo suo seruire. Sanè (cum hæc sint minima) illum habitum carpere non debuerunt in quo S. Franciscus & S. Bernardinus Sancti fieri & esse potuerunt. Nam R.P. Sedulius in cap. 2. comment. in vitam sancti Francisci hæc habet: *prope à Senis in monasterio Fratrum instituti de Obseruantia, vidi habitum, quo indutus fuit sanctus Bernardinus, eadem formæ ac nostræ, color similis nec ipse valde vilis pannus.* Itaque sine vilissima & viliori veste Regulam seruare & salutem consequi possumus, & ingredi ad vitam æternam.*



## Q V A E S T I O

## Vigesima Tertia.

*An meritò de forma habitus quæstio moueatur inter Professores Regule Franciscane, & quinam illam moueant.*

**L**EVIORIS momenti, & minus digna viris religiosi est quæstio de forma habitus, nimis serio & acriter controuersa, quam antiquitus exortam inter Observantes & Capucinos vltro citroque agitatam; cum iam verustate antiquata, silentio extincta, Pontificum Bullis sublata, ac demum altè sepulta videretur, hac tempestate resurgere rediuiuam, videtur velle conqueri Bouerius in Præfatiuncula ante plus æquo longas demonstrationes de verâ habitus forma. Sed non scio, quis mortuum illum & sepulchrum suscitauerit, nisi illi qui primitus ei vitam dederunt. Omnibus machinis & virijs quaquaversum impugnat Ordinem nostrum Bouerius, nititurque insiditis inobseruantie vulneribus confodere; etiam lapsum ac defunctum declarare, ut possit nouum suę prætense reformationis Phœnicem in Ordinis iam antiquati, & collapsi locum substituere. Nec ab vlla parte acrius aggreditur, & frequentius, quam circa habitus formam. Circa illum enim sanctam & fundamentalem reformationem à Matthæo Balsio diuino spiritu afflato ac cælesti visione impulsio vult inchoatam in proemio num. 52. sanctum Franciscum eidem Capucinorum habitu inducunt non semel apparuisse ibidem num. 70. scribit ad annum 1525. num. 1. Matthæum sacro ac cælesti semine grauidum fuisse denuntiat, quem tamen postea nihil aliud peperisse agnoscit, quam formam habitus: quia sui instituti vel alicuius reformationis auctorem non agnoscit.

Vbi hoc notandum quod Franciscus à Cartoceto Eremita Ordinis Obseruantium, Matthæo à Balsio in re tanta (scilicet de forma habitus seruanda) consilium ab eo exposcenti, con-



consuluerit à quadrati caputij forma abstinendum; ne quid ab eo temere fiat quod iure reprehendi possit, vt habet ad annum 1525. num. 5. quam tamen ibidem num. 9. antequam Pontifici loqueretur iterum resumpsisse narratur, ac coram Pontifice dixisse: *Ex antiquissimis Ordinis monumentis, atque ex ipso Regula prescripto, omnibus perspicuum est Beatum Patriarcham Franciscum non alio, praterquam vilissimo habitu contentum fuisse, ac praterea quadrato atque acuminato caputio absque ullo scapulari, immediatè cum habitu coniuncto; hoc plane modo, quo me illud gestare nunc sanctitas vestra inuenietur, cum tota illa primeui Ordinis familia usum fuisse, veram Beati Francisci habitus formam in Ordine perijisse, & cum ea Regule quoque Obseruantiam, praesertim in ijs quae ad altissima paupertatis cultum pertinent, magnopere dilapsam fuisse.* Quis hic mortuam & sepultam questionem resuscitat, & ita mouet, ac si in acuminato caputio confirmata fuisset Obseruantia, & cum eo deperdita? nonne Matthæus ille caelesti semine grauidus, quem describit Bouerius tandem veram habitus formam Pontificæ oblectricante enixum fuisse? & licentiam eam portandi pro se accepisse, neglecto tamen (pro vt ipse vult, diuino instinctu) diplomate, quod Pontifex pollicebatur sequenti die sedaturum, vt scilicet hanc reformationem non ab homine, sed ab altissimo Dei consilio pendere declararet. Non puto hic tacitè prætereundum quod num. 11. addit Bouerius (licet Clementem VII. virum alioqui grauissimum, omniaque maturè prouidentem constet extitisse) quod tamen in hoc Matthæi negotio in quo de totius Ordinis Minorum reformatione agebatur tam cursim ac festinatò itum fuerit: vt facile leuitati ac imprudentiæ res adscribi potuisset nisi maiori ac superiori Consilio acta fuisset. Sic Bouerius omnia sua supernaturalia, facere nititur, ne aliquod subreptitiè factum & impetratum esse deberet confiteri.

Ad annum 1526. num. 50. comparat suam prætenfam reformationem domui Euangelicæ supra petram fundatæ Matthæi 7. cuius (vt ait ad annum 1525. num. 23.) primus omnium Matthæus vero antiquoque B. Francisci habitu restituto prima Capucinatorum reformationis fundamenta iecerit. En firmam petram, supra quam fundata illa Ecclesia portis inferi præualuerit, vt non videatur immeritò de ea iam serio tracta-

re Bouerius à qua & nomen diuinitus inditum habere cam-  
vult sicut Petrus à petra, ad annum 1528. num. 23. & sequen-  
tibus de quo supra satis dictum arbitror.

Ad annum 1533. num. 13. refert Generalem Observantium  
obtendisse vt Capucini quadratum caputium deponerent, vt  
monstrosa in Ordine dissimilitudo quo ad habitum tollere-  
tur, sed quisnam huic propositioni & questioni causam dedis-  
se censendus est, nisi qui ante sepe dixerat, & postea num. 16.  
respondisse fertur, non esse consequens: *vt si Ordo ab Instituto-  
ris habitu deflexis; reformatio que ad illius restitutionem tendit,*  
*nota, cum Ordine in eandem habitus corruptionem conspiret:* ita  
Ludonicus Forosempronianus loquitur ad Generalem, & sub-  
dit multo acerbiora de corruptione totius corporis à pauper-  
tate dilapsi.

Tædet me referre ridicula huius tantillæ rei encomia de qua  
ad annum 1542. num. 50. visio Tertiariæ ostensa refertur Chri-  
sti Pontificem cum coetu Cardinalium obiurgantis, eo quod  
in huius caputij exitium conspirarent, quasi idem esset con-  
tra Capucinorum institutum (de quo abolendo Pontifex pro-  
pter Ochini Generalis turpem lapsum in heresim & Apostasiam;  
deliberabat) & contra caputium istud conspirare. Hoc vnico  
verbo insinuo totum primum tomum Annalium Bouerij hu-  
iusmodi nanijs vndique conspersum esse: in quo tamen sibi  
non satisfecisse visus, speciali tractatu ex vndecim demonstra-  
tionibus composito; quasi post præmissos leuioris armaturæ  
milites & cataphractos, Triariorum tandem agmine oppugnat  
habitum quem portant Fratres Regularis Observantiæ; & pro-  
pugnant eum, quem à Patribus Capucinis contendit esse mun-  
do restitutum. Quæ res ita Patribus Capucinis cordi est, vt in  
omnibus locis & conuentibus præceptis circa portarias, tabu-  
las appendant cum figuris & imaginibus diuersis; quibuscun-  
dem suum & sancti Francisci ac primorum eius sociorum ha-  
bitum esse demonstrare nituntur. Inculcant insuper homi-  
nibus, quos visitant, se verum sancti Francisci habitum habe-  
re, non verò Fratres Minores, prout aliquando mihi ipsi in  
Bruxellensî ciuitate obiectum est; ac denique (vt neminem  
tantæ rei veritas lateat) etiam dum pucros habitu Fratrum  
Minorum Observantium indutos vident ex voto, parentes in-  
terrogant ipsorum aliqui, quid voverint, & siquidem induere  
re pro-

re prolem habitu sancti Francisci vouisse se dixerint, conscientiam mouent, quod non satisfaciunt tali habitu pueros vestiendo, utpote qui non sicut sancti Francisci, sed ille quem ipsi PPi Capucini portant.

In speciali vero illo tractatu grauius exorbitat; demonstratione enim prima num. quinto dicit errorem eorum, qui quadrati caputij formam à Beati Francisci institutione alienam fingunt, esse tam apertum, ut nulla tergiuersatione celari aut ratione honestari queat. Addidit insuper nouum ac plene intolerabilem sibi ad praesidium errorem adfiscunt, quod omnem pene Beati Francisci honorem depascunt ac Minoritana Religionis gloriam in discrimen adducunt.

----- quis talia sando?

Temperet à lachrymis? -----

Sed quem queso honorem Beati Francisci, & quam Ordinis gloriam? qua (inquit Bouerius) ex certis ipsius habitus formis nullo numquam tempore sibi ex orbe vendicauit. tam sublimia verba sunt ut vix intelligam, quid dicere voluerit.

Demonstratione tertia num. 8. allato ex regulæ 2. cap. argumento: En (inquit) in quales violati habitus anfractus incedunt qui scapulare & lunulam cum Nouitiorum & Professorum habitu coniungunt. Demonstrationem quartam (quam antiquis imaginibus replet) ita inchoat, ut veritatem odiosam & in arduo positam esse dicat. Nescio an in arduo illo caputio, dicitque se ita velle glorioso agone, & honesto, pro veritate decertare, ut cum inde veritatis lux effluerit, ex ea charitas augeatur. Hoc optandum foret ipsum ab initio secisse. Proposuit hoc valde bene (si verò) Bouerius, sed non ita seruauit, dum nimia animositate, putans non suam, sed Francisci causam agere, se pro illo & veritate in acie stare, profectur, & hoc totum pro habitus forma.

Nescio an illius suæ charitatis bene meminerit demonstratione nona num. 8. cum discutens tempus & authorem formæ habitus, quo vtuntur Obseruantæ, sic loquitur: Quis tam sancto viro (sancto Bonauenturæ quem Authorem putant plerique) hanc deformationis maculam inuicere audeat, et eo authore vera habitus & caputij forma, quæ potissimum



*Minorum Ordo exterius subsistit* ( debile sane salerum, sed nobis absit ut non meliori etiam exterius subsistamus ) *primum in Religione perijisse censetur* : verè Bouerius potius se in acie stare ad oppugnandum Ordinem nostrum, & maculas deformationis ei inuendendum ostendit : quam sub vexillo militare charitatis, quæ patiens est, benigna est, non emulatur, non agit perperam, non inflatur, non cogitat malum; quod longè à Bouerio abest, qui isto numero non contentus tentasse probare sanctum Bonauenturam non esse authorem istius nostre formæ, addit insuper : *id porro* ( scilicet habitus formam motare ) *cum absque causa fieri nullatio ferat, quis causam excogitare queat ?* Ex quo sicut sanctum Bonauenturam inter non fuisse Authorem; ita consequens est acminem potuisse habitus mutationem facere utpote omnino irrationabilem, adeoque nec admitti à quocumque potuisse.

## Q V A E S T I O

### Vigesima quarta.

*An certa aliqua habitus forma à Beato Patre Nostro Francisco præscripta fuerit ?*



**P**IGERET & puerat me huic sutili controuersie immorari (licet eam tanti ponderis rem vocet Bouerius demonstratione nona num. 10.) nisi ad hoc nos ipse cogeret, diu totum nostrum Ordinem ex eo inobseruantie & transgressionis Regula argui quod habitum eiusque formam à Beato Patre Nostro Francisco institutam & præscriptam in Regula non deferamus : sed in alium commutauerimus.

Itaque imprimis contra Bouerium, non tam statuo, quam à Ioanne XXII. Extrauag. *quorundam exigit statutum & declaratum assero, Expresse vel determinatè in Fratrum Minorum Regula vel declarationibus Pontificum non dici qualis forma quassus figure debeant esse vestes eorumdem.* Hæc sunt ipsissima

lima Pontificis verba, quibus id in terminis docetur quod Bouverius demonstratione prima num. primo: *novum & intolerabilem errorem nominat*. Quæ ipse non tam soluit, quam eludere nititur dum num. 15. ait Pontificem solum declarasse B. Franciscum non instituisse & mādasse in Regula determinatā habitus vel caputij longitudinem, latitudinē, grossitiem vel subtilitatem, quæ, inquit, ad accidentalem dumtaxat formam pertinent. Quo fit, ut forma illa seu figura habitus & caputij, quam Pontifex Ministrorum iudicio relinquit, ad longitudinem seu latitudinem crassitiem seu subtilitatem vel aliam huiusmodi accidentalem formam quæ habitus essentialia non attingit referri debeat. Sed formam caputij habitui affuri supponens esse essentialē habitui Fratrum Minorum consequenter supponit à Pontifice non fuisse relictam. Superiorum determinationi, & forte nec potuisse, salvo statui; quia eo stante non potuit essentia mutari.

Quid igitur de hac re restat disputandum? cum essentia non detur ratio; eaque probari non possit, sed supponi debeat. Nescio tamen unde Bouverius illam suam suppositionem hauserit: cum Regula in littera (cuius observantia Bouverius gloriatur) ipsomet teste demonstr. 4. num. 4. quadrati, aut rotundi caputij nunquam meminerit: siquidem simpliciter dicitur cap. secundo regulæ: [Habeant vnam tunicam cum caputio & alteram sine caputio, qui voluerint habere]. At, inquit, si regulæ non tam litteram, quam spiritum, ac legislatoris non verba, sed mentem inquirimus, haud vlli dubium esse potest, quin is caputij formam in Regula præscripserit, quam ante Regulam conscriptam cum suis iam institutam gerebat. Unde Boverio tanta exuberantia spiritus, qui tam indubitatè hoc ipsi revelaverit id à sancto Francisco esse præscriptum quo ipse tunc utebatur cum suis? ut propterea totum Ordinem dñi ante Capucinorum ortum; tot sanctos in Observantia, qui non sic Regulam, quam profitentur intellexerunt, imo ipsos Pontifices à spiritu sancti Francisci aberrasse consequenter dicere debeat, utpote qui non bene distinguentes longitudinem, latitudinem, grossitiem & subtilitatem à forma & figura, generaliter dicunt non dici expressè & determinatè in regula qualis forma, qualisve figura debeant esse vestes Fratrum; ac propterea Superioribus huius-

156  
verè accidentalium, determinationem censuerunt relinquentiam.

Quia tamen fortè advertebat Bouerius in sua illa prima demonstratione num. 15. non esse bene explicatam a se Pontificis mentem quoad formam & figuram habitus quam Pontifex accidentalem reputauerat, aliud comminiscitur num. 16. vocans illam extrauagantem *quorundam* exigit Ioannis XXII. concessionem, *non ex regula declaratione haustum, sed ex Pontificis dumtaxat potestate & dispositione projectam*, ut, inquit, *ex eadem constitutione exploratum est*. Restat ergo, ut Pontificis mentem exploremus ex eius verbis, qui non dicit se concedere aut dispensare, sed postquam commendasset declarationes Nicolai III. & Clementis V. addit; *nostras indubitas ipsorum prædecessorum declarationibus declarationes adiungimus, sicque dies diei eruat verbum*, & post pauca, *diligenter super his per deliberationem & maturam deliberationem præhabitis, de fratrum nostrorum consilio i* *infra scriptas declarationes, commissiones, ordinationes, & præcepta quæ inferius inseruntur duximus adiungenda*. In ipso autem progressu non dicit se quidpiam concedere aut dispensare, præsertim circa punctum quod tractamus, sed *vero id sensu*, *veroque id regule suæ adentibus intellectu*. Hecce sunt verba concedentis vel dispensantis in Regula, an potius eiusdem verum sensum & intellectum declarantis? Et in fine concludit: *Nulli ergo omnino hominum liceat hanc paginam nostre declarationis commissionis, constitutionis ac mandati infringere*. &c. Vbi hic dispensationem vel concessionem legit Bouerius ut sit ex constitutione ipsa exploratum esse concessionem non ex regule declaratione haustam?

Sed interrogare libet Bouerium, vel alium quempiam qui ipsius opinionem tueri voluerit, si forma illa quam in suo habitu gestant Capucini, sit à Beato Francisco non instituta tantum; sed etiam in Regula præscripta & præcepta, quomodo, postquam à Clemente Septimo pro Capucinis tanquam Eremitis extra Ordinem approbata fuit, à Paulo Tertio in bulla quæ incipit: *Cum sicut nobis data* anno 1536. 29. Aprilis, prohibetur omnibus, qui sub Vicarij Capucinorum Obedientia non erant, sub pœna excommunicationis *gestare quoquo modo habitum per Capucinos deferri solitum*?

An Pontifex ijs qui ex professione ad Regulam S. Francisci obli-



obligantur prohibuit illum habitum gestare, qui ipsis in Regula à Beato Francisco præscribitur? Quomodo nostra hæc forma ab octo summis Pontificibus, triginta Capitalis Generalibus confirmata, approbata & præscripta fuit? Ut habet Reuerendus Admodum Pater Franciscus Lugo controuersia sexta in Regulam sect. 5. §. 4. præsertim num. 73. & nos postea ostendemus. Quomodo Leo Decimus Obseruantes veros & indubitatos Fratres Ordinis sancti Francisci, & eius Regulæ Obseruatores, semper fuisse, sicque ab omnibus teneri, obseruari, ac dici debere decreuit & mandauit? Certum enim est eo tempore & multo ante Obseruantes fuisse vfos forma habitus quam etiamnum gerunt Obseruantes, vt de sancto Bernardino qui floruit anno 1416. testatur R. P. Sedulius, *vidisse se prope à Senis habitum quo indutus fuit sanctus Bernardinus eadem formam nostram, color similis &c.*

Imo idem Leo Decimus in septimo illo capitulo generalissimo, in quo facta est unio, voluit omnes (etiam qui de caputio adhuc vocabantur, & apparenter acuminatum resumpserant & portabant) conuenire in eundem viuendi modum sub eodem habitu (qui sine dubio fuit noster) eisdemque legibus, vt habet Gonzaga si parte chron. de septimo generalissimo Capitulo, titulo de generalis ministeriatus & sigillorum translatione à Conuentualibus ad Obseruantes folio 29.

Si itaque habitus forma quam habent Capucini sit essentialis (vt vult Bouerius) in Regula præscripta & præcepta, potueruntne veri Obseruatores Regulæ declarari, qui in tali essentiali puncto, & tanti momenti, vt Bouerius illud ponderat, à Regulæ præscripto tam manifestè deficiebant, & in tales violati habitus anfractus iam inciderant, & manebant? Imo (Pontifice Iulio Vndecimo ratificante) Fratres Prouinciæ sancti Euangelij siue de Caputio ad communem habitum Ordinis reducerant? ita enim expressè refert. R. P. Carolus Rapius in historia generali originis & progressus Fratrum Minorum Recollectorum decade 3. num. 4. & tomo 4. chron. Ordinis libro 1. cap. 5.

Nescio quid hic responderi possit; nisi vel admittatur nullam certam formam habitus præscriptam esse in Regula (vt ex Pontificia declaratione suscipimus) vel quod totus Ordo,

tot sancti, cum summis Pontificibus aberrauerint à vero sensu, & intellectu Regulæ, idque inuincibiliter, & inculpabiliter (vt suppono saltem Bouerium admissurum) sic vt materialiter fuerint Regulæ suæ transgressores, tanquam destituti Spiritu sancti Francisci, cuius mentem non sunt assecuti quoad habitum. Si hoc dicere aliquis ausus fuerit; dicam, ego eo ipso etiam crassam & culpabilem ignorantiam admittendam esse tam in Ordine quam Pontificibus. Quandoquidem enim secundum Bouerium; res sit tanti momenti, cuiusque tam manifeste sint picturæ & imagines, præsertim in Italia, vbi res illæ agebantur; vbi etiam asseruantur habitus illi tam sancti Francisci, quam sociorum, quos in demonstratione sua quarta allegat Bouerius. Quomodo, suppositis principijs Bouerij quod sanctus Franciscus suo exemplo indicauerit, quid circa habitus formam præcipere voluerit, in re tam manifesta inuincibiliter & absque culpa hallucinari & ignorare potuerunt? præsertim cum tam diuersi zelatores emerlerint, & notanter fratres illi de caputio circa annum 1502. qui veram habitus formam, quam sanctus Franciscus portauerat, gestare volebat; qui tamen ab Ordine & Pontificibus coacti sunt illam dimittere & formæ in Ordine vsitatæ se conformare, Vt ex antedictis patet. Non potuit ergo esse ignorantia huius rei, præsertim inculpata, vbi tot suggerbantur rationes dubitandi, & veritatem inquirendi. Restat igitur vel fuisse ignorantiam & inobseruantiam culpabilem, istius partis Regulæ, quam Clemens Quintus determinat esse obligatoriam, vel nullam in Regula formam habitus præcipi, adeoque seruata forma nostri habitus totam Regulam formaliter & materialiter perfectè obseruari, quod declarauit Leo X.

Quis verò Bouerius pro tam absurdo habet demonstratione prima num. 15. & 20. quod sanctus Franciscus nullam suo Ordini habitus formam, instar aliorum fundatorum præscripsisset, obsecrat citato num. 20. nostræ assertionis Auctores, vt non solum si ab errore verum multo magis à Beati Patri nostri Francisci contumelia caueant. Certè ipsius Lectores monendi sunt, ne talibus verbis nimitum deserant et decipiantur. Nemo enim nostrum cogitat vel dicit sanctum Franciscum nullam habitus formam præscripsisse, imo præscripsit

*unicam*

*tunicam cum caputia & aliam sine caputia* permittit: verum an illud acuminatum, rotundum, vel quadratum esse debeat, cuius formę ac figurę non determinavit; sed hoc suis successoribus & Ordini determinandum reliquit tanquam rem minoris momenti, unde minimum dependet, sicut Christus Dominus in Ecclesia sua aliquas materias, & formas sacramentorum (quę tamen maioris sunt momenti & dignitatis) ita instituit ut maximam in ijs determinandis amplitudinem reliquerit Ecclesię; v. g. in sacramento Ordinis, seu Ordinationis instrumenta & verba quibus potestas tradita sufficienter exprimeretur. In matrimonio contractum legitimum cuius solemnitates & conditiones etiam essentielles Ecclesię determinationi & ordinationi subiecit.

## Q V A E S T I O

### Vigesima quinta.

*Quenam censeatur debet forma Regularis habitus fratrum Minorum, & a quo forma, quę Observantes utuntur, sit instituta?*



N omnibus præcedentibus quęstionibus concludo illam esse veram & Regularem, Ordinis Franciscani habitus formam, quam Superiores Ordinis secundum tot Pontificum declarationes determinaverint, ad eamque teneri omnes fratres Minores ex professione sua: nisi speciali sedis Apostolicę concessione aliud indulgeatur. Cum enim Regula vel fundator illius sanctus Pater noster Franciscus nihil determinaverit, sed determinationem secundum Pontificum declarationes Superioribus reliquerit, quibus ex Regula tenentur omnes fratres *obedire in omnibus quę non sunt contra animam & Regulam nostram*; consequens est, ut in materia & forma habituum, quę ad uniformitatem confratrum eiusdem Religionis, & distinctionem ab alijs Ordinibus plurimum conducit tanquam symbolum exterius, teneantur subditi stare iudicijs & mandato Super.



Superiorum, quamdiu nihil statuunt manifestè contra animam, & Regulam.

Vnde consequenter inferitur primos Capucini instituti fundatores vel sectatores, eorumque Annalistam Bouerium excedere in reprehensionibus formæ habitus, quæ legitimè erat in ordine determinata, recepta, & approbata, etiam diuersorum summorum Pontificum auctoritate: dum eam vocat *corruptionem habitus, violati habitus anfractus, deformationis maculam &c.* Certum enim est (nec puto Bonerianum quemquam ausum fore contra intire) illam esse formam habitus in qua Leo X. voluit omnes reformatos conuenire, quando eos omnes in vnum corpus Ordinis adunauit. Certum quoque est eam formam habitus præscriptam in statutis generalibus & Papalibus sub Iulio XI. ordinatis & approbatis, quæ habentur 3. parte firmamenti trium Ordinum, vbi capituli secundiseptimæ particula, (quæ est de qualitate est vilitate vestimentorum & modo dormiendi) hæc habentur: *Ad maiorem autem uniformitatem inter nos conseruandam, ordinamus quod latitudo caputij nostri habitus non transeat à lateribus iuncturam humerorum ultra vnum vel duos digitos: & quod longitudo ipsius caputij in capite existentis à parte superiori cingulum non excedat, nec à parte anteriori oculo stegat.* Facta sunt autem hæc statuta in Capitulo Generalissimo anno 1508. pro totius Ordinis reformatione vnione & concordia, ac ipsius reformationis manutentione & augmentatione, pro vt habetur in conclusione eorundem statutorum. Similia habentur in statutis sub Martino V. antea anno 1430. factis cap. 2. *Capitulum vero tali modo fiat quod existens in capite, extremitas per longitudinem duorum digitorum cingulum non excedat, nec per longitudinem duorum digitorum supra cingulum debeat remanere; cui longitudini respondeat proportionabiliter latitudo, siue caputij quantitas.* Quo tempore Bouerius fatetur iam nostram caputij formam incepisse. Vide demonstrationem 9 n. 20. & 23.

Sed vterius ad propositum nostrum annotari meretur, quod ista statuta, & omnia præcedentia de capitulo in capitulum originem traxerint ex statutis à D. Bonauentura conditis in Capitulo Narbonensi, quæ sæpissimè in terminis renouata & reficata sunt, ac denuo mandata; vt patet ex confessione ipsiusmet Bouerij, qui demonstratione 8. num. 4. dicit configura-

tiones

tionem Gulielmi Farinerij confirmatas fuisse sub Martino V. in statutis ante citatis, ubi citato capite 2. renouantur & approbantur. Quo eodem loco premiserat Gulielmum Farinerium in Capitulo Perpinianensi anno 1354. (Lucas Vvadingus ad illum annum, & Memoriale Ordinis dicunt in Capitulo Afsisienfi) reficasse eadem sancti Bonauenturę statuta, & denuo publicasse. Idem factum est sub alijs Generalibus in diuersis Capitulis Generalibus vt narrat Lucas Vvaddingus ad illum annum num. 11.

Ex quo inferitur non adeo infundatam esse sententiam præfati R. Admodum P. Lucę Vvaddingi ad annum Christi 1260. num. 17. (quantumuis resistat & exhibet eam Bouerius de monst. 9. vique ad numerum 9.) qui ex Petro Galefino in vita sancti Bonauenturę; Raphaele Volaterrano, Alphonso Ciaconio, Hyeronimo Cortesio, Ioanne Matquez, docet D. Bonauenturam in Capitulo Narbonensi caputij formam mutasse, propter religiosum plurium incedendi modum more pastoritio; qui, præter caputium amplum nimis, superinduebant pileos vel almitia ad capitis tegumentum: *vt ergo habitum*. (inquit ille author) *a pastoritio religiosiori specie distingueret*, & *conmodius daret capitis fomentum, rotundum adiecit cooperimentum, demisso ad scapulas antiquo acumine, & ad præter parate orbiculari*. Si quidem constat (vel ipso Bouerio teste supra num. 12. & 13.) sanctum Bonauenturam in illo capitulo statuisse vt *caputia longitudine cingulum non excederent*. Quam constitutionem ibidem fatetur sub Guilhelmo Farinerio adeoque sub Martino V. renouatam fuisse, pro vt in alijs Capitulis antecedentibus & consequentibus; Atqui sub Martino V. sensus statutorum fuit de forma caputij, nam prodita sunt illa post sancti Bernardini accessum ad Obseruantes: quem constat caputium rotundum eiusdem cum nostro formę portasse, ex antedictis: venit enim sanctus Bernardinus ad Ordinem anno 1416. vel potius tunc in eo floruit. Quod evidentiusest de eandem sub Iulio II. ergo signum est sanctum Bonauenturam eandem habitus formam statuisse, quam ordinant illa Capitula, in quibus reficata & renouata sunt statuta & S. Bonauentura ordinata.

Contra quam opinionem non adeo valide pugnant quam Bouerius exhibet, tot quadrata Fratrum caputia, tot depi-

At illorum imagines, qui longè post S. Bonaventuram in Ordine Floruerunt, vt ipse ait. Nam præterquam quod de quadratura minima nobis sit questio, qui principaliter hic volumus sanctum Bonaventuram partem illam orbicularem ante pectus (quam Bouerius lunulam appellat) & pyramidalem in dorso (quam vocat scapulare) caputio adiunxisse: Insuper horum pugnatorum ictus præuiderat & contra illorum acumina se munierat Vvaddingus vt minus ferirent: Ad annum enim Christi 1260. subiungit num. 17. *verum est non ubique statim introducta hanc vestis formam, neque omnes eam admississe, sed plures originarie vestis tenaciores acuminato semper caputio incesisse ut patet in coclaturis imaginum post Bonaventuram obitum effictarum; nec non in habitibus quorundam piorum virorum eodem posteriorum, quibus præ veneratione seruatis.* Si quidem non tanta cura fuit religiosissimo & pijsimo Generali de forma vestis, modo Fratres religiosè viuerent & non irreli-giosè vestirentur, vnde veresimile est, ipsum non ita omnes vrisse ad istam habitus mutationem.

Minus pro Bouerio, sed pro nobis pugnant potius constitutiones D. Bonaventuræ in comitijs Narbonensibus editæ, à Guilielmo Farinerio post nonaginta annos refricatæ: ilicet enim nihil in quadrata caputij forma mutatum esse indicent. Reu. Patris Bouerio: nobis tamen id insinuare videntur: præsertim si considerentur, vt etiam sub Martino V. & Rusto II. renouatæ & refricatæ sunt iisdem pene verbis: quorum temporibus certum est nostri habitus formam fuisse in usu. Et sanè si consideretur forma illa caputij in imagine, quæ habetur demonstratione 9. inter num. 12. & 13. quæ Bouerius conatur formam caputij iuxta sancti Bonaventuræ & Guilielmi Farinerij constitutionem explicare, illa in primis per se incredibilis, cum non videatur caputium cum adeo longa & graui cauda potuisse hærere in capite alicuius Religiosi, supposita sufficienti circa collam latitudine, quia ipsum pondus à capite illud abstraxisset. Insuper inutilis illa caudæ longitudo non videtur à S. Bonaventura præscribi aut admitti potuisse.

Nec autem idem nobis obiiciat, quo ad partem illam orbicularem ante pectus, & pyramidalem ad scapulas dependentem, dicimus illam esse formam cuculle, quam Petrus Galestinus Prothonotarius Apostolicus dicie sanctum Bonaventuram



turam addidisse cap. 9. vitæ eius ad Sixtum V. Pontificem, conscriptæ. Porro quod Bouerius ista demonstrationem, dicat planè ignotum sibi esse quid Petrus Galesinius per cucullam indicare voluerit, id discere potuisset & debuisset ex vita sancti Bernardini Senensis cap. 19. cui à quodam suo sanguineo impropertatum fuit *quod esset cucullatus monachus* in signum quod caputium illud quo Bernardinus tanquam verus Observans utebatur, cuculla tam intra quam extra Ordinem vocaretur; prout etiam nunc alij Religiosi caputium suum, quod ab Observantium caputijs in forma non multum differt cucullam appellant.

Aliud Bouerij argumentum, quod habet demonstr. 3. num. 9. & 10. & dicit *non satis effugere eos qui caputij appellatione ipsum quoque scapulare aut lunulam contineri volunt: ita ut ijs lunula & scapulare nihil aliud sit quam caputium* utrumque completens: ea enim, cum neque communis, neque genuina vocis interpretatio sit, commentitia potius & ad fugam aptata esse videtur &c. Soluitur abundè Reuerendus Pater Franciscus Luengo in cap. 2. Regulæ controuersia 6. sect. 1. num. 21. dicens eam esse communem vocis istius interpretationem in omnibus capitulis Ordinis vt clarè patet ex constitutionibus Martini V. & primis Barchinonensibus anno 1451. à Nicolao V. approbatis & institutis Iulij II. anno 1508. cap. 2. particula 7. simili verborum tenore restrictis, vbi expressè statuitur, *quod latitudo caputij non transeat à lateribus conum iunctura humerorum, & quod longitudo ipsius caputij à parte posteriori cingulum non excedat*. Vbi manifestè constat sic accipi caputium vt scapulare, includat. Et ne ex solis nostris monumentis interpretationem nominis indagemus, Regula PP. Minimorum cap. 3. habet: *illorum, scilicet Fratrum Professorum, etiam caputium ante ac retro vsque ad medium femoris vel circa protendatur*. Et ibidem: *Novitiorum caputium vsque ac cingulum duntaxat (ita quod cingi non valeat) protendatur*. Item statuta Carmelitarum strictioris Observantiæ facta in Capitulo Generali Romæ anno 1645. & ab Innocentio X. confirmata cap. 9. n. 3. habent hæc verba: *caputiorum apertura sint satis lata & profunda, quorum latitudo capiat scapulas paulo supra futuram vianicarium superioris tunica, descendendo versus pectus habeant sex vel septem pollices, pro maiori vel minori statura Fratrum;*

posteriori parte in occipito non fiat acuminata, desinant vero in modicam pyramidem, descendantque paulò infra zonam circa renes. Similia ferè habentur ad verbum in statutis Carminitarum antiquæ Observantiæ impressis anno 1641. & ab Urbano VIII. confirmatis capite 15.

En Boverio interpretationem vocis capitium, ante ipsius & etiam Patrum Capucinatorum tempora in Ordine nostro vsu receptam, adeoque non nouam, commentitiam, & ad fugam aptatam, verum etiam in alijs Ordinibus antiquitus & hoc tempore vsitatam.

## Q V A E S T I O

### Vigesima Sexta.

*An Regula Fratrum Minorum præscribat capitium pyramidale vel quadratum.*



LIOS Authores à Reuerendo P. Vvaddingo promutatione formæ caputij à sancto Bonauentura facta citatos dicit Boverius demonstratione 9. nu. 7. toto Cælo aberrare (sic facile soluit argumentum ab illorum authoritate petitum) eam enim illos ex Pisani verbis hausisse dicit, qui in capitulo Narbonensi nonnihil in Minorum habitu à sancto Bonauentura statutum fuisse affirmat: ex quo vult illos male colligere quadratam caputij formam fuisse immutatam; cum sanctus Bonauentura quadrato caputio potius terminum statuerit ne vltius in peius dilaberetur. Quasi vero capitium in capite existens & vsque ad cingulum dependens quadratum censi debeat, & non potius ad restituendam quadraturam (quam Boverius vult esse formam essentialem) non debuisset nimia illa cauda decurrari, vt sic serparetur forma à Beato Francisco instituta. Et sanctus Bonauentura & alij Generales illum secuti non tam reformationem instituisse quam maximam relaxationem fuisse censendi forent: nam forma in illis statutis iuxta Boverij mentem ordinata & imagine delineata ab ipso, abiit quam longissime à vera

yera quadratura, Capucini verò notabiliter plus ab ea per excessum recedunt, quam Obseruantes per defectum: si enim ab vno eorum caputio tollatur id, quod tegumento capitis & quadraturæ superfluit, facile quinque vel sex Obseruantium; per illud ad perfectam quadraturam & misteriosum ( si Dio placeat ) acumen reducentur. Verum quid opus est has nugas disputare? Cum certum sit de forma caputij quadrata aurorunda minimam curam fuisse sancto Francisco, vixitque quæ nihil facit ad internam vel etiam externam religionem, putoque Patres nostros, cum rotundam figuram assumpserunt pauperati consuluisset, vt superfluitati pannorum parcerent: quando quidem acumen ad capitis tegumentum prorsus sit inutile.

Institit nihilominus P. Bouerius formæ suæ pyramidalis nec tantum pro ea pugnat, sed oppugnat contentiosè formam habitus Obseruantium, non contentus in illum licet instruere aciem multiplicium imaginum & figurarum, vt pro figura sibi simili pugnent, sed insuper tam copiosam ( vt ipse loquitur ) testimoniorum aciem seu apparitionem adducere se posse profectur, vt omnem propemodum numerum excederent. Demonstratione quarta num. 97. hoc tantum ibidem verissimè dicit quod & acceptamus; *In hoc testimoniorum genere non tam certam & irrefragabilem demonstrationem censeri collocatam, quin sanctus Franciscus, sanctus Antonius, & alij Sancti, & Beati Ordinis, qui innumerabiliter ( vt ipse vult ) sub Capucinorum habitu apparuerunt, idem quoque non semel in Minorum Conuentualium & Obseruantium habitum apparuerint. Preteritum cum apparitiones & miracula non incerti ac determinati habitus attestacionem; sed ad fidei potius, quæ sanctus Franciscus & Sancti Ordinis à fidelibus innoxantur approbationem sunt: si enim in ea habitus forma fidelibus interdum apparent, in qua ab ipsius animo ac pietate concipiuntur. Quo fit vt hoc argumenti genus ad veram caputij formam comprobandum minus certum ac necessarium esse soleat. Attamen cum ad diuinam habitus seu caputij approbationem sunt, baud vlli dubium esse potest quin ex ipsis certa ac necessaria fides exoriatur. Hoc totum Bouerij assumptum concedo; atqui extant vel pauca huiusmodi celestium apparitionum exempla in illum finem facta, quæ Bouerius potius indicare quam enarrare lubet: nego subsumptum. Ex omnibus enim vna vel altera, quæ enarratur facta Mattheo*



tho de Baffio & Fr. Francifco de Cartoceto apparenter tantum ad propositum facit. At reuera non irrefragabile, fed valde fragile intentæ demonstrationi argumentum subministrat; licet enim ad annum 1524. dicatur sanctus Franciscus in habita Capucinorum Matthæo de Baffio apparuisse, idemque Matthæus postea audiuisse referatur vocem e cælo se ita assurgentem: *Matthæe hæc est voluntas Dei vt Regulam perfectæ obferuas ad litteram, ad litteram, ad litteram*: Cum illa vox nihil noui significauerit supra id, ad quod omnes Regulæ professores scimus nos esse obligatos; quæstio meritò mouetur vbi illam litteram in Regula legerit Matthæus vel Bouerius, quæ ad pyramidalis caputij formam fratres Minores obliget. Talem litteram, hæcenus nec vidimus nec audiimus; imo ex ipso facto Matthæi de Baffio (quod refert Bouerius ad annum Christi 1537. n. 101.) contrarium non obscure colligitur; siquidem iste *vir bonus & sanctus* Ordinem Capucinorum cum pyramidalis illorum caputis deseruit, *satisque existimauit animas Christi sanguine redemptas orco ereptas ad cælum ducere, quam caput quadrato caputis obtegere*. Quare caputij acumine ad medium, usque palmum sibi non absque lachrymis amputato, Clementis VII facultate sibi concessa, scilicet vt sub Obedientia Ordinis Obferuantium, extra tamen conuentus, manere posset, & ad predicandum excurrere, vti maluit, quam *predicationis opem ac subsidium egentibus denegare*. Quid illas lachrymas extorsit, non dicit Bouerius, credo, quod vellet omnes suppônere violationem tam sacræ figuræ eas extorsisse; sed ego potius crediderim turbas ex tancilla rei nimis acri inuectione extortas, lachrymis dedisse causam.

Quod verò non ita irrefragabile argumentum subministrat reuelatio quam illi & Francisco a Cartoceto factam narrat Bouerius; irrefragabili (meo iudicio) argumento conuincitur. Quilibet tenetur ad habitus formam quam ex diuina reuelatione constat esse obligatoriam vi Regulæ quam professus est; atqui Matthæus non putauit se obligari ad illam formam habitus quam deposuit (Bouerio teste supra numero 55.) nulla legitima causa se offerente, ergo nullam de hac re Matthæus agnouit reuelationem. Frustra autem Bouerius ad excusationem huius actus in omnem partem se torquet, nunc hæc, nunc illam causam prætexens; quas tandem omnes supponit,

ponit; seruata forma habitus, & obedientia ad Ordinem Capucinatorum saluari potuisse, vnde finaliter suo more ad arcana Dei consilium ac prouidentiam recurrit; quo disponente accidisse credit; quod Religione iam orta ac longius propagata, in Religionis caputium, cuius olim instaurator, ac quodammodo Author existerat, zelo haud dampnando deponeret: ne pariter & Religioni Auctor censeretur. Graue certe incommodum, quod is qui istius Religionis fundamenta iecerat, eiusdem Auctor haberetur; vel debuerit Regulæ suæ transgressor fieri; deferendo habitum sibi à Deo reuelatum, non tam pernicioso errore mundus laboraret.

At reliquum quid salutis inuenit Bouerius: nam licet caputij acumen obtruncauerit; haud tamen rotundo caputio, aut scapulari sine lunula (quæ Minoribus de Obseruantia nuncupatis communis est) post hæc unquam usus fuit, ex quo Obseruantium alumnus haberi posset: quamquam erga Minorum Obseruantium Ordinem, subiectionem profiteretur sed longiori caputio (et si non acuminato) tunica adfuto, habitum, perpetuo gestauit. Ecce una salus miseris non gestare rotundum caputium, & ab habitu separatum, quod iste Annalista ad essentialem formam pertinere contendit.

## Q V A E S T I O

### Vigesima Septima.

*An ex Regula Fratrum Minorum caputium debeat esse adfutum tunica?*



V M de figura ac forma caputij sat superque describerimus, & (vt puto) sufficienter ostenderimus nullam vel apparenter in sancta nostra Regula esse sub obligatione præscriptam: restat examinandus nodus, quo vult Bouerius ligari huius regulæ professores, ad portandum caputium cum tunica confutum, Examinandus dico, non soluendus: non enim venimus Regulam, vel eius obligationem soluere, sed adimplere, neque puto vllum in obser-

obseruanda ista vnione caputij cum tunica facturum difficultatem; cum res in se sit facillima; supposito quod de mente legislatoris sufficienter constiterit.

De hac autem vnione supponimus cum maiori apparentia ex ipsis Regulæ verbis moueri questionem: ac proinde non tantum Patres Capucinos; sed etiam aliquos alios Auctores docuisse fratres Minores obligari ad portandum caputium assutum; saltem sub veniali; vt patet apud Reuerendum Patrem Franciscum Luengo in cap. secundum Regulæ controuersia 5. sect. 1. S. 1. in qua cum hoc Auctore, & pluribus, quos citat num. 11. resoluendum puto, nullam esse etiam quoad istud punctum Regulæ obligationem. Quia tamen sanctus Franciscus, cum primis suis socijs gestauit habitum cum assuto caputio; & de sensu verborum Regulæ dubitari potest, bene dicit idem Auctor laudabilem & sanctam esse consuetudinem Ordinis ab initio caputium assutum deserendi, quæ indicatur anno 1470. adhuc durasse, dum Obseruantia esset in flore: in Capitulo enim generali Palenciuensi, eo anno celebrato ordinatum est: vt *de cætero in omnibus Prouincijs habitus Nouitiorum patenter sit distinctus ab habitu Professorum, ita vt dissitura caputij non sufficiat; sed oportet portare caparonem iuxta Regulam, vel aliam petiam panni antepectus, nisi &c.* Ex quibus verbis patet formam caputij moderni tunc in vsa fuisse; nam inter caputium Capucinorum, & dissutum, quod dant Nouitij est satis patens differentia: quam non habuisse Obseruantes inde constat, quod dicant non sufficere differentiam assutæ, quæ erat in habitu Professorum, & non in habitu Nouitiorum: sed quia illa non satis patebat oculis hominum, voluerunt maiorem poni distinctionem, per caparonem scilicet, vel petiam panni, in habitu Nouitiorum.

Insinuat nihilominus frater Mattheus de Bassio in sua ad Pontificem Clementem supplica non omnes eo tempore caputium assutum portasse, sicut & inodo non omnes Prouincie assutum portant caputium, munditiæ (vt credo) & paupertati consulentes; cum enim plerisque in locis ex rationali necessitate due tunice à Regulâ concessæ sêre ab omnibus deserantur: addoque sæpe contingat solum superioris tunice caputium sudoribus insuâ, ne semper sit necessarium pro so-



lius caputij lotionē & emundationē totum habitum mutari, congruum iudicatur illud à tunica separatum gestare, cum ad असुतुराम Regula non putetur obligare.

Et ob hoc fortasse inter ceteros *violati habitus anfractus* discurrat illam caputij connumerat Bouverius; conaturque ostendere inter alia etiam in hoc puncto Regulam fuisse violatam. Supponens adeo clarum esse ex verbis Regulę professos ad portandum habitum असुतुम obligari, ut probatione non indigeat. Verba Regulę sunt: *Et illi qui promiserunt obedientiam habeant unam tunicam cum caputio, & aliam sine caputio qui voluerint habere.* Vbi tunicam sine caputio, dicit esse eam quę nullum sibi caputium habet असुतुम, & cum caputio eam quę असुतुm habet.

Id tamen confirmat ex distinctione habitus Nouitiorum ab habitu Professorum: dicitur enim in Regula: *concedantur* (scilicet Nouitijs) *pannos probationis, videlicet duas tunicas sine caputio & cingulum & braccas & caparone* usque ad cingulum. Vbi in hoc habitus Nouitiorum ab habitu Professorum distinguitur, quod Nouitij habeant utramque tunicam sine caputio, Professi vnā cum caputio; quę distinctio non subsistit, supposito quod caputium Professorum non sit असुतुm: nam vel utraq; eorum tunica est sine caputio. (cum neutra illud annexum habeat) vel vtręque est cum ea: cum vtręque tunica superinduatur. Quibus accedit, quod discurti caputij nulla videatur esse distinctio à caparone.

Respondeo ad argumentum, incipiendo ab eius confirmatione, semper inter Observantes ordinatum & obseruatum fuisse, ut habitus Nouitiorum patenter distingueretur ab habitu Professorum, ut patet ex statutis iam citatis, & ab omnibus consequentibus, ac praxi totius Ordinis. quod vero Bouverius dicat *esse ridiculum* demonstratione tertia num. 82. *caparone* nomine exiguum illam panni particulam, quę scapulari ab ijs apponi solet, intelligendam esse: praesertim cum ex Regulę scriptis caparo usque ad cingulum fluere debeat. Non immerito Reuerendus Pater Franciscus Luengo loco supra citato. S. 2. aliqualis immodestię arguit: cum nos fratres Minores debeamus ex Regulę capit. 3. esse modesti, omnibus & de omnibus honestē loqui sicut decet: quia in verbis illis, quę non ita determinatam formam vestis significant, ut

sunt caputium, cuculla vel cucullus, caparo, & similia. Oportet deferre usurpationi congregationum, Ordinum, & similium communitatum: nec facile ridiculum aestimari debet, quod apud communitates visu receptum est. In Capitulo autem sexto Generalissimo celebrato sub Iulio Secundo anno 1508. quindecim vel sexdecim annis ante ortum Capucinorum cap. 2. particula 1. circa finem dicitur, *probationis caputium Nouitijs imponatur, hoc est, caputium diffutum, siue separatim à tunica habens ante caparionem siue panni petiam appensam latitudinis saltem quatuor vel quinque digitorum*: Unde consequens est, non debere videri tam ridiculum illud intelligi nomine caparonis quod a generalissimo capitulo, tot viris doctis & probatis constante, assistente Cardinali Prorectore, ipsoque Pontifice confirmante, sub eo nomine intelligitur; & in quo consequenter Nouitiorum caputium à Professorum caputio, quod illam petiam annexam non habet, distinguitur.

Quod dicitur utramque Professorum tunicam esse sine caputio diffuto, vel utramque cum eo esse, quod utriusque superinduitur, negatur: præterquam enim quod soleat caputium cum exteriori tunica in panno correspondere, & super illud immediate induatur; insuper illis verbis indicatur, ad distinctionem habitus nostri ab habitibus aliorum Ordinum, quod vnum nobis solum concedatur caputium exteriori habitui superinduendum, cum alij Ordines vel simul duobus caputij induantur. quolibet super qualibet tunica, vel saltem pro qualibet tunica, quam separatim induunt, habeant caputium in colore correspondens; ita ut illud cum non tam significet connectionem inter tunicam & caputium, sed inter habere tunicam & habere caputium, ut sensus sit: possint & debeant cum priori tunica habere caputium; qui vero aliam habere voluerint; possint quidem; sed sine caputio. Itaque prohibeatur isto passu Regulæ, fratri Minori habere duo caputia, siue assuta, siue non; quod alioquin non prohiberetur si tunica sine caputio censenda sit quæ illud assutum non habet: posset enim habere quis unicam tunicam cum assuto caputio, & plura caputia pro commoditate; quod non putamus à sancto Francisco permissum.

Nec adeo clarum est, ut vult Bonerius, *tunicam sine caputio*

tio esse eam quę illud annexum non habet, & cum caputio-  
eam quę illud habet assutum, quasi particula cum importet  
assuturam: nam certum est illam particulam talem conne-  
ctionem non semper importare, etiam vbi de habitu est ser-  
mo: siquidem eadem regula eodem loco dicit concedendas  
Nouitijs duas tunicas cum cingulo & braccis, quas tamen  
nemo intelligi sibi mutuo esse debere consulas, & vt notaui  
præfatus R.P. Luengo, in rubrica 19. Missalis Romani num 7.  
de qualitate paramentorum dicitur quod in minoribus Ecce-  
lesijs diebus ieiuniorum alba tantum amicti ministrant, Subiaco-  
nus cum manipulo Diaconus etiam cum stola, quę nemo imagi-  
natur albę debere esse assuta. Neque etiam adeo certum est  
ex D. Bouauentura, quā putat Bouerius demonstratione 5.  
num. 9. per tunicam cum caputio intelligendam esse eam quę  
caputium confutum habet, ex eo quod D. Bonauentura in  
cap. 2. Regulę dicat: *Professi habeant vnā tunicam cum ca-  
putio*, in quo habitus intelligitur, quasi habitus esse non pos-  
sit, nisi caputio vnitus; vt Bouerius loquitur: cum quotidie  
dicantur seculares sibi vnum habitum conficere ex caligis,  
braccis, thoraci, quę non debent inter se vniri; sed in cor-  
pore conficiunt vnā vestem & habentur pro vno totali indu-  
mento.

Ex quo exemplo patet Bouerium & aliquos alios nimis  
scrupulosę particulam illam coniunctiuam explicare quasi  
importaret connectionem per assuturam: qui enim alicui

promitteret habitum vnum cum chlamyde, & al-  
terum sine ea, absque assutura chlamydis

satisfaceret; & credo satisfactum

iri illis, cui bursa cum pe-

cunia promissa foret

etiam si pecunia

extra

Bursam, simul tamen cum ea

traderetur.

†





## Q V A E S T I O

## Vigesima octaua .

*Quali corda Fratres Minores uti debeant ?*

**P**IGERET vel cogitare huiusmodi minutias, nedum prosequi, nisi natura speculi (quod suscepi conficiendum) exigeret illa ad intuentium oculos reflectendo reuerberare, quæ illi opponuntur, siue magna illa sint, siue parua, pulchra vel deformia, seria vel ludrica: Cum ergo Bouerius de his ita seriò tractet, ac si in ijs vigor & decor Ordinis, atque conscientie nitor consisteret: cogor insipiens fieri, vt etiam circa ista veritatem, inquiram & talia mouentibus satisfaciam.

Imponit præfatus Bouerius finem primo suo volumini per quædam, inquit, memoranda, inter quæ primo loco ponit, quod Demon cuidam Clerico Ordinis Capucinorum Laurentio Cauensio obiecerit inter alia in extremo vite halitu, quod non legitimo Minoritani Ordinis cingulo, sed proorsus degeneri præcingeretur, nimirum fune ex pilis contexto, quem Beatus Pater ac Ordo ab initio ignorauit: primum enim Ordinis cingulum ex canabacco fune compactum vult Bouerius; dicitque Ordinem hoc asserere: atque ideo egrotantem se ab hac accusatione non potuisse alia ratione expurgare, quam confugiendo ad mandatum Guardiani, quo compulsus erat cingulum illud assumere. Prouincialemque Prouinciæ Neapolitanæ hoc exemplo per motum sanxisse, ne istius Prouinciæ Fratres aliq. deinceps quam canabaceo fune vterentur; ipse verò Bouerius magnificè concludit. [ Discant igitur quilegitimi beati Patris Francisci habitus cultores haberi volunt, vel Demone Doctore, quam à nouo & insolito hoc funis genere cauendum sit. Cum enim canabaceus funis, utpote vilissimus atque à beato Francisco institutus ad veram Minoritani habitus formam spectet: qui lancum, aut pilis equinis

e quinis, aut caprinis contextum sibi adſciunt, non parum à Beati Franciſci inſtitutione exorbitant: qui vt D. Bona-ventura ſcribit, communem funem geſtauit, quo ſacci ligare ſolent; nimirum canabaccum, vt cinguli vilitas, habitus vilitatem ſequeretur. ] Ita ſolet Auctor ille quilibet, quantumcumque parua exaggerare, quaſi nescio quid ab ijs dependeret.

Non ignoro leſionem Eccleſiaſtici cap. 19. verſ. primo, qui ſpernit modica, paulatim decidit, nihilque tanquam paruum negligi debere quod ad ſpiritualem proſectum proſicere vel officere poſſet ab ijs qui volunt ſerio vitæ ſpirituale intendere: nam Chriſto Doctore, qui ſoluerit unum de mandatis iſtis minimis, & docuerit ſic homines, minimus vocabitur in regno cælorum; vnde cum iſto omnium magiſtro curandum cenſeo, vt donec tranſeat cælum & terra iota unum aut unus apex non prætereat à lege donec omnia fiant. Et cum beato Patre Noſtro Franciſco perfectiſſimo Chriſti diſcipulo & imitatore, vt Evangelicum nec apicem, vel unicum tranſgrediamur nec iota.

Verumtamen non tam legitimi habitus huius Sancti Patris cultores cenſeri volumus, quam virtutum ipſius, nec demone Doctore, ſed Deo vel Miniſtris eius diſcere cupimus, quæ ſit voluntas eius bona & beneplacens & perfecta; quam non puto ex iſta dæmonis tentatione ita certò colligi, vt mereatur tantopere iſta doctrina inculcari & exaggerari. Quaſi ita obligatorius ſit funis canabaceus & a S. Franciſco inſtitutus tamquam ad veram Minoritani habitus formam ſpectans; vt qui funibus ex pilis vel etiam lana contextis vtuntur, non parum à Beati Franciſci inſtitutione exorbitent: nam etiam dato quod Regula ad tale cingulum obligaret, non video quomodo materia iſta tanti momenti prudenter eſtimari potuerit, vt circa illam tantum peccatum committeretur, qua cenſeantur talem funem deferentes non parum à Beati Franciſci inſtitutione exorbitare.

Interim ſacer Ordo noſter Obſervantium à ſancto Bona-ventura Doctore inſtructus, quod B. P. N. Franciſcus ad memoriam vinculorum Chriſti funem pro cingulo aſſumpſerit; credensque illum fuiſſe communem ſeu canabaceum; ſemper prohibuit ſunes curioſos; decrevitque vt cingulum habeatur

*corda communis, & omnis curiositas ab eis penitus abscindatur, ut habetur in Generalibus constitutionibus à Martino V. confirmatis. Quibus additur in statutis Barchinonensibus in Capitulo Generali Toletano anno 1633. à Patribus Nationis Germanicæ & Belgicæ, recognitis à Capitulo præfato, & Sanctissimo Domino Urbano VIII. confirmatis cap. 3. §. 10. n. 15. pro cingulo habeant Fratres cordam ex canabe confectam; quibus ordinationibus proculdubio omnes boni Religiosi accommodare se debent; præsertim ad vniformitatem seruandam. Verum condemnare illos qui cordas ex alia materia confectas gestauerint, ut Regulæ suæ transgressores excessiuum videntur: nam seclusa curiositate ac Superiorum prohibitione, possint etiam bene & sanctè portari cordæ crineæ, & eque magis rudes & incultæ*

*quam*

*canabaceæ, quo posito existimo etiam dæmones (quos videtur Bouerius ad annum*

*1580. num. 54. in principio & fine numeri in*

*hac*

*causa velle facere arbitros) tam crineis quam canabecis cordis torquendos & afficiendos fore, licet eius contrarium ipse velit esse passim exploratum.*

†





## Q V A E S T I O

## Vigesima Nona.

*An & quomodo liceat Fratribus Minoribus  
pallium gestare ?*

**R**EVERENDVS Pater Bouerius ad annum Christi 1550. num.7. ex Reuerendo Patre Fratře Bernardino Astensi Vicario Generali Capucinatorum viro Sancto & Docto, eoque magis Reuerendo, quo inter ceteros ab Obseruantia ad Capucinos transmigrantes, modestius erga antiquum suum Ordinem se gessit; docet licere Capucinis, & consequenter Obseruantibus (nam eadem eorum estratio) gestare pallium *ex antiquo Ordinis usu receptū*; licet eius in Regula nulla fiat mentio, idque probat *ex legenda antiqua trium sociorum D. Francisci in qua traditur ipsum & eius socios pallio usos fuisse: ex picturis antiquis; & pallio S. Patris quod Tiburi asseruatur.*

Addit Bouerius num.8. ex eodem Astensi pallium regulariter tunc tantum licere quando vnus tunica locum supplet: quia in præfata legenda non aliud refertur, quam Beatum Franciscum, eiusque socios solitos fuisse portare pallium cum habitu, sine tunica interiori: imo ibidem dicitur Christus Dominus apparuisse aliquando Beato Francisco, eique dixisse, se toto curriculo suæ vitæ contentum sola tunica tanquam leuem curforem, cum ea pallium gestasse.

In hac quæstione multum tribuo authoritati tanti viri, qui magnus, prudens, atque etiam Sanctus fuit in Ordine nostro, sanctè Capucinos rexit &c. à cuius sententia, sicut non libenter recederem; ita me recedere non puto, si dicam imprimis habitum Regularem, id est, à Regula expressè ordinatum & institutum, & cuilibet indifferenter concessum, sine vltiori Superiorum licentia consistere præcisè in duabus tunicis; vnâ sine, altera cum caputio. Cumque ceteris paribus perfectius Beati Patris Francisci paupertatem & exemplum quo ad habi-

habitum imitetur quivna tunica cum caputio contentus est; laudabilius esse puto (vbi nihil aliud obstat) ad eiusdem sancti Patris & primorum sociorum exemplum cum vna sola tunica pallium deferre ad arcendum frigus, ceterasque aëris & auræ iniurias, quæ à sola tunica (vapores etiam dormitioni deseruiente) vix ita propulsari possunt, vt sanitas corporis conseruetur; nam minus est in se habitum cum dimidiato panno (qualis est pallium, præsertim breue) gestare, quam habitum cum integra tunica, vt ait Bernardinus supra num. 9. estque idem conformius Regulæ, non quidem ad litteram; sed quoad mentem, explicite exemplo Legislatoris vt ibidem num. 55. habetur.

Nihilominus cum Sanctissimus Pater Noster in Regula sua cap. 4. committat Superioribus providere, Fratribus, etiam cum recursum ad pecuniam, seu per amicos spirituales *secundum loca & tempora & frigidas regiones*, & ab initio Ordinis inusu fuerit generaliter omnibus mantellus; cum tamen certum sit aliquos, & paulatim plures, etiam secundam tunicam voluisse habere, & habuisse, meritò supponitur communiter esse sufficientem rationem & permissionem cum duabus tunicis etiam pallium seu mantellum habendi; adeoque sustineo; non potuisse reprehendi Obseruantes à primis Capucinis: & nunc neminem vel Capucinatorum aut Obseruantium debere esse scrupulosum simul cum duabus tunicis mantellum habere & portare; præsertim vbi aliqua rationabilis causa occurrit, verbi gratia, tempus frigidum, aura pluuiola, vel mos patriæ, aut Religiosorum qui non solent sine mantellis inter homines comparere. Qui tamen modus minus mihi probandus videtur, maxime dum etiam in Conuentu aliqui sic pallia collo affixa tenent, quasi illa ad Regularem habitum pertinerent. Quod non est verum, cum, & sanctus Bonauentura parte. 5. speculi disciplinæ cap. 26. mantellum *unicuique accessorij sarcinam* appelleret.

Fuisse autem hanc Ordinis sacri consuetudinem receptam & approbatam, patet non solum ex statutis sub Iulio Secundo & Martino Quinto ordinatis, & ab illis Pontificibus approbatis; sed etiam ex statutis Narbonensibus à sancto Bonauentura compositis, & postmodum à Gulielmo Farinerio, viro grauissimo, sanctitate morum præcipuo relictis, qui suo tempore

potè reformationi Ordinis insistens Bonauenturę constitutio-  
nes renouauit : & per totum Ordinem publicauit in  
quibus omnibus disertis verbis habetur : *mantellos quoque*  
*de panno uili & humili fratres habeant , non rugatos circa*  
*collum , uel crispas , nec usque ad terram per integrum sal-*  
*tem pannum protensos ; & in forma obseruetur modus antiquus*  
*& hactenus consuetus .* Quę constitutio in omnibus capitulis à  
tempore sancti Bonauenturę usque ad nostra tempora, iisdem  
ferè verbis acceptata , confirmata , & renouata fuit . Et quę  
indubitatum à tempore sancti Bonauenturę promiscuè fratres  
duabus tunicis secundum Regulę expressam concessionem  
fuisse usos ; ut colligitur manifestè ex speculo disciplinę ad No-  
uitios parte 1. cap. 25. ubi dicitur *aptanda est vestis maximè cir-*  
*ca collum , ne collum ipsum usque ad pectus , uel interiores panni*  
*hominum ad speciem exponantur .* Iisdem autem nouitijs , & con-  
sequenter professis concessum fuisse promiscuè pallium , patet  
ex cap. sequenti 26. ubi dicitur non congruere ; *ut ad tota pri-*  
*uata , quasi mox gelicidio perituri , amictus accessory sarcinam*  
*deferant .* Et clarius idem ostenditur in Regula nouitiorum ,  
quę habetur Tomo 7 operum sancti Bonauenturę , ubi cap. 3.  
ait Seraphicus Doctor : *Cum singula ad mentem renouaueris*  
*( loquitur de examine peccatorum in Ordine ad confessionē )*  
*verecunda uoce ad Sacerdotem , & deposito mantello geneflecte .*

Patet itaque ex antiquissima Ordinis totius praxi , à San-  
ctis & doctissimis uiris probata , atque à Summis Pontificibus  
approbata , promiscuè usum pallij fuisse omnibus permissum ;  
sine restrictione ad unius vel plurium tunicarum delationem .

Nec contra hoc aliquid urget praxis sanctissimi Patris No-  
stri ac plerorumque sociorum eius , quos libenter admittimus  
vnā tantum tunicā , intus & foris repetiata , cum pallio fuisse  
contentos ; quorum laudabilem zelum optamus omnes pos-  
se , & uelle sequi ; sed non licet inde inferre alios ad hoc tene-  
ri : siquidem plures quadragesimas ultra expressas in Regula  
ieiunauerunt , nec tamen ideo eas ieiunandi præceptum relique-  
runt .

Minus urget apparitio Christi Domini , dicentis Beatissimo  
Patri nostro , se instar leuis cursoris vnā tunicā contentum cum  
eā pallium gestasse : nam expressè ibidem additur ab ipsomet  
Astensi : *Id tamen de exteriori tunica intelligendum est , tunicam*



*inconfutibilem intus sub ea gerebat, de qua in Euangelio Ioannis cap. 19. Quid ni ergo Fratri Minori ad imitationem Iesu Christi exemplaris omnis perfectionis, liceat cum duabus tunicis pallium portare? Nam gratis dicitur pallium loco vnius panni aut vestimenti haberi; cum ipsemet sanctissimus Pater Noster in testamento dicat: Eramus contenti una tunica intus & foris repetita, & volebamus plus habere, idest, plures tunicas: ergo mantellum non computauit pro tunica vel semi-tunica, sed pro amictu accessorio vt sanctus Bonauentura loquitur.*

## Q V A E S T I O

### Trigesima.

*An barbaram alere sit perfectius Christum imitari, quam eam radere vel condere.*



OLVIT insuper Bouerius ad annum 1518. num. 15 (malè impresso 25.) suos hoc speculo barbatos apparere: haud leuiter, inquit, perpendendum est, ex proprio Pontificis motu in bulla explicata (loquitur de Bulla Clementis Septimi) emeruisse, quod noua huius reformationis soboles barbaram deferat. Quod mirum esse dicit, eo quod isto tempore & longè ante totus Obseruantium Ordo barbaram radere consueuisset. Nec contentus, quod Pontifex id visus fuerit statuisse, vt eos ab Obseruantibus ampliori quadam differentia, scilicet longæ & amplæ barbæ, discerneret (quasi eos acutum & strictum caputij acumen non satis distingueret) ac sub Conuentualibus (qui barbati incedebant) militare indicaret. Alius sub rariqibus, quas Pontifex habuisse videbatur, Dei consilium lauisse imaginatur: Cum enim inquit, Beatus Pater Franciscus Minoru Ordinis Institutor, Christi Domini, cuius diligentissimus imitator fuit, & Apostolorum exemplo, barbaram eius fueris, quem prima quoque illa Ordinis aetas secuta est: aequum sanè erat, vt qui antiquam habitus formam in orbem renocare parabant, in barba quoque deferenda Beatorum Patriarcharum imitarentur, vt  
perfe-

perfectam illius effigiem aliquando inter homines pro se ferrens. An non merentur hic notari verba, signari misteria? In tantum enim ad præsentandam in portolomano, & ipsius Christi effigiem & imitationem cæteris paribus magis præferenda est, in quantum in deferenda barba plus assimilatur. Sequitur itaq; etiam in hoc Ordinem Observantium defecisse à suo Institutore, quod ab eius barba defecerit. Et ne hoc gratis tamquam ab ipso intentum, referre videar; attendatur quam serio in sequentibus hoc argumentum prosequatur.

Num: itaque 16 probat Christum barbam detulisse testimonijs non solum sanctæ Birgitte, Bonaventuræ, & aliorum Patrum; sed etiam sacræ Scripturæ, Isaiæ 50. *Corpus meum dedi percutientibus, & genas meas vellentibus; velli siquidem genæ non poterant, nisi longam instar Capucinatorum barbam detulisset: unde Imago Veronica data, & altera ad Abagarum missa, barbam referunt.* Item in Taurinensi syndone dominici corporis ac vultus imago cum barba diuina virtute effigiata, cerpitur. Denique id omnium hominum, linguarum, Pictorum, de totius orbis vox, ac testimonium eloquitur. Ecce quam serio probatur Christum barbam detulisse. At quid inde consequens? Nimirum, quod qui Christi sectatores esse videri volunt, id imitari debeant: Ait enim: *Quod si apud omnes sanctorum & certum haberi debet; hoc ipsum de Apostolis negari vanissimum arbitror (dicerem nisi viro defecerem, vanissimum esse, id tam serio affirmari) Cum id in Christo Domino ac magistro haberent quod imitarentur.* Apparet ergo quod idcirco tam operose probet Christum Dominum barbam aluisse, vt etiam in eo imitandum esse ostendat.

Id apertius euadit ex eo quod Bouerius manifestè doceat D. Franciscum Christum etiam in barbæ delatione coluisse, imò & oportuisse imitari. De B. Francisco, ait num. 17. id vultu illius accendit, & iniquam gloriam frustra vocare, ac tenebris involuere tentantem. (Idcirco quidem tunc in capite adam) quos tamen ipsum Evangelicæ vitæ exemplar, quod sibi illi assignandum præscripserat, non obscure redarguit; neque enim vir Evangelicus, qui tam perfectam Christi Domini imaginem consecutus est, vt ipsa quoque illius vulnera in carne sua referret, & barba abstulisset, quam in Christo velut in prototypo præcessisse intelligeret. Attendatur argumentum. Franciscus fuit vir E-

angelicus qui perfectam Christi imaginem consecutus est; ergo non abstinuit a barba, quæ in Christo præcesserat.

~~Ad solatium tamen eorum, & nostrum facit quod Christus. Matth. 11. dixerit: Discite a me (non mundum fabricare, inquit Augustinus Serm. 10. de verbis Domini. Non cuncta visibilia & inuisibilia creare non in ipso mundo mirabilia facere, & mortuos suscitare, quod in omnium potestate non est: unde liceat mihi addere, non barbam deferre) sed nihil mitis sum & humilis corde.~~

Constat Occidentalem Ecclesiam præsertim Romanam, barbam radere, vel saltem tondere consuevisse. *Concil. Chart. 4. & 5. an. 381. & 398.* eumque morem Clericis & Monachis etiam in præceptum transisse, ita ut Photius schismaticus Episcopus Constantinopolitanus in epistola ad Nicolæum Papam hunc morem ei ausus fuerit exprobrare. *Leo X. Conc. Lat. sess. 9.* Orientalis vero Ecclesia e contra barbam nutrit, cuiusque ad curam rasuram minimè probauit.

Cuique mori suum mysterium assignat Bouverius, ubi supra numero vigesimo longiorem quidem barbam (dummodo effeminatè non nutriatur aut discerniculo discriminetur) Præter virilitatis indicium quo adversus animi vitia & cupiditates pugnandum est, asperitatem atque asperitatem ab omni molliore alienam vult demonstrare; & exaggetat, quod in ea se Christi imitatores ostendant, qui eum intensa & incensa usus fuerint, id imitari; Non nisi virtutis signum, Religioni testimonium, delectiarum contemptus argumentum (scilicet parva contemptura significat, magna & promissa augmentum) Et celestis ac perfectæ conversationis exemplum esse potest, ijs præsertim, qui antiqua sui Patrii ac Fundatoris institutione freti, ad perfectam ac integram ipsius normam seipsos componere, atque illius apprimè vestigijs inhaerere optant.

In rasura vero barbz duo paucis verbis mysteria agnoscit, videlicet quod olim maximè ea iustus fuerit hieroglyphicum, idque præinde conveniens Monachis; deinde quod barbam radentes, per hoc sese superflua abijcere, & necessarijs se contentos esse profiteantur. Hanc professionem cum Ecclesia Ro-





bentes in manibus operationum suarum tympana, id est, ab abstinentiis coelestium curantibus, & tympana laudis sonora. Et inquit, non est in hoc sacrocinatus, post qui subdit: inueniturque morum castitas, qui Chrysostomus vocatam aquarum psalmodia plus redolet suauitatem mentis, humilitatemque & deuotionem, quam aliquam ostentationem: nam non vacat culpa animus, quando cantantem plus delectat nota, quam res que canitur. In quibus patet commendari non lectionem sine nota, sed cantum, quamuis abusum cauendum moneat.

Augustinus similiter citato libro decimo confess. cap. 33. postquam disputasset in utramque partem de cantu, & magis probasset illum simpliciorum a Diuo Athanasio in Ecclesia Alexandrina institutum, subdit: Verumtamen cum reminiscor lacrymas meas, quas fudi ad cantus Ecclesie tue in primordiis recuperata fidei mea, & nunc ipso commoueor, non cantu, sed rebus que cantantur, cum liquida voce & conuenientissima modulatione cantantur, magnam insit uti cuius utilitatem rursus agnosco. Ita fluctuo inter periculum voluptatis, & experimentum salubritatis: magisque adducor, non quidem irretractabilem sententiam proferens, cantandi consuetudinem (scilicet illam, quam Mediolani viderat, & contra consuetudinem sancti Athanasij, in quam magis propenderat ante dislinxerat) approbare in Ecclesia, ut per oblectamenta aurium, infirmior animus in affectum pietatis assurgat. Ecce sententiam sancti Augustini non contra cantum, sed pro eodem, ut proinde illum imperitò (sicut & antiquam Ecclesie consuetudinem) Bouerius pro suo modo vniformi psallendi citet.

Similia habet Augustinus lib. 9. cap. 6. in fine; nec satiabar illis diebus dulcedine mirabili considerare altitudinem consilij tui, super salutem generis humani, quantum fleui in hymnis & canticis tuis, seu sonantis Ecclesie tue vocibus commotus acriter, & voces illa influebant auribus meis, & eliquabatur veritas tua in cor meum, & exarsu erat inde affectus pietatis, & bene mihi erat cum eis. Sequenti vero cap. 7 subiungit qua occasione præfatus modus canendi inceperit in Ecclesia Mediolanensi; Magno, inquit, studio fratrum concinentium vocibus & cordibus, & post pauca: tunc hymni & psalmi ut canerentur secundum morem Orientalium partium, ne populus merore sadio contaberet,

*seret, institutum est: & ex illo in hodiernum retentum, multis iam ac penè omnibus gregibus tuis etiam per ceteras orbis partes imitantibus.*

Eat nunc Bouerius & gloriatur vnisonum suum modum psallendi & cantus expertem primæuz Ecclesiæ communem fuisse. Hoc certum ac manifestum est, & indubitatum omnibus esse debet sanctam Ecclesiam modum cantandi & psallendi ab Apostolorum temporibus in usu habuisse; non tamen semper & vbiq; vniformiter: nam aliquando populus simul Psalmos & hymnos decantabat: quod tamen postea propter aliquorum imperitiam, & multitudinis dissonantiam abrogatum est, eo muneris certis cantoribus imposito, prout latè videre est apud Cardinalem Baroniū ad annum Christi 60. & eius compendiatorem Spondanum ad eundem annum numero decimo tertio vbi ex Diuo Basilio, homilia in psalmm primum Psalmorum modulatum hunc concentum (si tamen vt decet ad pietatem sit compositus) à Spiritu sancto institutum esse affirmat: Vt cum nos propensos ad pietatem videret, eiusmodi concinna numerorum modulatione in animos nostros imprimeret diuinorum eloquiorum vtilitatem num. autem 14. addit: Licet in vniuerso Christiano Orbe canendi in Ecclesia semper viguerit vsus, tamen non eundem vbiq; esse seruatum modum; nimirum in Ecclesia Alexandrina sub Diuo Athanasio modum fuisse canendi simpliciterem, cum modico flexu vocis: in Oriente vero valde modulatum: Deinde de more Ecclesiæ Romanæ subdit: [Non sic autem Romana Ecclesia ab Orientali mutuata est modum psallendi: cum iam ab institutz sedis exordio Psalmorum cantus coaluisset. *Et post pauca:* quantum autem ex antiquis monumentis colligere licet, eadem Romana Ecclesia mediam secuta viam, nec simplicitatem Alexandrinam, nec Orientales compositos numeros in omnibus amplexata, sic temperauit vtrumque vt miram quandam cum suauitate adiunxerit grauitatem. Et Africanæ Ecclesiæ ritus Romano atque Alexandrino, quam Orientali similior fuisse videtur] pro quo citat Augustinum epist. 119.

Non minꝰ certum existimo, ac manifestum, Ordinem nostrum sacrum ab initio suæ institutionis Ecclesiam Romanam, secundum cuius Ordinem Clerici Regulæ cap. 3. iubentur

facc-



facere Diuinum officium) in cantu graui & quadrato (quem à Diuo Gregorio Gregorianum nuncupant) fuisse imitatum. Patet id ex antiquissimis Ordinis monumentis, Generalium capitulorum constitutionibus, D. Bohanenturę speculo disciplinę, præsertim parte prima cap. 14. vbi agens de officio diuino, cantum supponit & nominat, dicitque Nouitijs præuidendum diuinum Officium tam in littera, quam in nota. Et sequenti cap. 15. ait: *Legenda quoque & cantanda studiosè ante debere esse præuisa*, atque explicat legendi & cantandi modum: reprehenditque; *si quis punctos in nota nunc diminuens, nunc pro suo libitu addens, muliebriter frangat, aut in falseturum extollat, &c.*

Pro quo notari merentur verba R.P. Fratris Ioannis de Parma in epistola ad Ministros Tuscię, quam refert Vvaddingus ad annum 1249. num. 2. vbi circa initium dicit: *Quia, sicut indubitanter cognoui nonnulli fratrum officium diuinum; quod de Regula nostra secundum Sanctę Romane Ecclesię celebrare debemus, in littera mutare interdum, sed in cantu maxime variare præsumunt, minus pensantes quod hi in gloria sua ponunt maculam euidenter, dum sua dimittunt à sanctis Patribus edita, &c.* Et post pauca iniungit, vt præter id solum, quod Ordinarium Missalis, & Breuiarium, à fratre Aymone pio correctum studio; & per sedem Apostolicam confirmatum & approbatum, postea nihilominus per Generale capitulum, noscitur continere, nihil omnino in cantu vel littera sub aliquius festi seu deuotionis obtentu in hymnis seu responsorijs, &c. Permittant in choro cani vel legi, nisi approbetur à capitulo. Et post pauca: *Porro cantum seu sonum hymnorum nostrorum quomodo libet variare, aut cantare in aliquam notam non secundum nostrum Breuiarium, vel consuetudinem per Generale capitulum approbatam, non patiamini de cetero transmutari, subditos vestros ab huiusmodi nouitatibus arctius compescendo.* Cuius explicatio videri potest apud Franciscum Luengo controuersia 8. in Regulam sect. 1. num. 26. In vita quoque sanctę Clare cap. 19. dicitur quod in nocte Natiuitatis Domini, cum ipsa sola in infirmaria esset relicta, ceteris sororibus ad matutinum recitandum ad Oratorium pergenribus, *mirabilis ille contentus qui in Ecclesiā sancti Francisci siebat suis cepis auribus intonare, audiebat iubileum Fratrum psallentium; harmonias cantant*

*sant antium audiebat, ipsum quoque percipiebat sonitum organorum; ut pateat ijs non immerito etiamnum Ordinem vti, tum ad alicuiationem oneris chori (quod satis graue est strenue & continue illud portantibus) tum ut spiritus cantantium adinstar philomelarum, harmonia organi ad iubilandum excitentur. Hoc solum putarem humilibus & pauperculis Fratribus Minoribus curandum, ut modicis contenti, curiositatem & magnificentiam maiorum Ecclesiarum non amulentur. Ut interim inutili probationi supersedeant; res hæc de cantu in Ordine ab initio vsitata adeo est notoria, ut non ignobiles Regulæ expositores putauerint ex Regula Ordinem obligari ad officium diuinum cum nota & cantu dicendum; ut patet apud R. Patrem Franciscum Luengo controuersia 8. scet. 1. ubi cap. 3. Regulæ explicans num. 17. refert verba Hugonis nunc in litteris, nunc in cantu, paulatim à Regulari recedentes officio, auferant ordinem necessarium ex Regula iuxta S. P. N. Francisci morem. Num. 23. refert Pisanum dicentem: sequitur etiam ex predictis quod sicut Fratres ad officij ordinata seruare tenentur, sic & quo ad cantum. Num. 29. citat Rousserium idem manifestissimè & ex proposito docentem & probantem. Citatur etiam Corduba in cap. 3. Regulæ quæstione 1. puncto 5. notabili 3. Miranda in manuali Prælatorum tract. 1. quæst. 37. articulo 7. conclusione 1. Nec excusat recitationem officij in choro sine cantu Rousserius & R. P. Franciscus Luengo, nisi per consuetudinem receptam & legitimè introductam à Superioribus & Summis Pontificibus approbatam imò n. 322 docet præfatus Luengo ex vi Regulæ teneri Præfatos, quoad fieri poterit dare operam, ut bene sciant cantum firmum (id est Gregorianum vel simplicem) quandoquidem præcepto sine (qui est persolvere diuinum Officium cum cantu) etiam medium (quod est cantum addiscere) censeri meritò debeat præscriptum.*

*Et reuera si Regulæ litteram quam habet cap. 3. Clerici faciant diuinum officium secundum ordinem sanctæ Romanæ Ecclesiæ, consideremus, ac tam manifestam & inuiolabilem praxim Ordinis, Superiorum Generalium & Capitulorum mandata, ut par est, pensemus; cum consuetudo sit optima legum interpretis; multò sanè efficacius apparet argumentum hanc obligationem probans, quam id quo Bouerius acumen & as-*

futuram capitij sui tanquam ex Regula præscriptam probare  
 nititur, vepore cuius nulla sit mentio in littera, ac de quo ni-  
 hil vniquã vel à Põstficib. vel ab Ordine inuenitur præceptum.  
 Hæc tamen eo sine non dixerim, vt sententiã hanc ex Re-  
 gula obligationem asserenti, tanquam indubitata subscri-  
 batur: cum sciam Ordinem Romanæ Ecclesiæ sine cantu posse  
 intelligi, & Sanctissimum Patrem Nostrem magis de substan-  
 tia officij & interna deuotione, quam de cantu & sono vo-  
 cum fuisse sollicitum: vt patet ex epistola eius 11. ad Capitu-  
 lum Generale; in qua circa medium dicit: *Clerici dicant di-  
 uinum officium cum deuotione coram Deo, vt possint per verita-  
 tem mentis placere Deo, & non cum lasciuia vocis aures popu-  
 li demulcere; & non attendentes melodiam vocis, sed consonantiam  
 mentis, vt vox concordet menti, mens verò concordet Deo. Qui-  
 bus familia Fratres & Filios suos alijs diuersis in locis monet  
 & instruit Sanctissimus Patriarcha & deuotissimus officij reci-  
 tator.* Sed præfata omnia eo sine à me allegantur & represen-  
 tantur in hoc speculo, vt appareat, quam paruo sapè funda-  
 mento bonus iste Annalista aliena deprimat vel rejiciat, vt sua  
 probet & præferat. Et vt animentur confratres nostri Obser-  
 uantes, ne rem tam laudabilem, tam seriò & continuò in  
 Ordine ad Dei gloriam, & populi ædificationem practicantem  
 paruipendant; aut facile prætextu alterius deuotionis, vel  
 (quod peius est) pcc. negligentiam dilabi permittant. puto  
 enim me sine lætancia posse dicere & scribere, quod à pleris-  
 que viris primarijs Ecclesiasticis, Sæcularibus & Regularibus  
 aliorum Ordinum candidè dici audiui frequentissimè maiet-  
 statem diuini Officij in cantu & ceremonijs Ordinis nostri po-  
 tissimum consuetuari & elucere: malleque se cantum nostrum  
 quam musicam quantumvis artificiosam & suauem audire.  
 Ne itaque maculam in gloria nostra ponamus, caueamus, ne  
 elabatur cantus peritia; ne pro multis missis celerius canen-  
 dis cantus decorem & grauitatem amittamus; ne sub specie  
 melioris boni, quod à viris vitæ spiritualis zelatoribus, facile  
 sine huius boni dispendio inueniri potest (loquor de interna  
 deuotione, doctrina, & alijs pietatis operibus) tam lauda-  
 bilem ordinis nostri consuetudinem immuremus.

Alioquin memini me in Ecclesijs aliquibus collegiatis ali-  
 quando cantui diuini officij inter fuisse, quod per quarrale ho-



ra vel amplius non potuerim ex vno verbo, intelligere quid caneretur, an post psalmos gloria vel requiem caneretur; missa minus quam media hora spatio à Sacerdote & choro caneretur, & quidem votiva sollemnis cum Gloria & Credo. Huiusmodi abusus merito reprehendendi & tollendi sunt: atque vtinam potius tales priuatim cum deuotione legerent, quam tali cantu Ecclesiam & Deum inhonorarent. Quod ne accedat, in ferijs & minoribus festis (quibus minus solemniter fieri solet officium) ab initio videtur Ordinis consuetudo habuisse, vt porius cum debita pausa sine nota legeretur, quam nimis raptim cum minori decencia caneretur. Verum quoad missas quouis tempore, & alia officia sollemniora, puto (saluo meliori) Deo & Ordini & populo faciendam iniuriam, si sollemnitas cantus, quo plurimi ad deuotionem excitantur, negligeretur vel abrogaretur.

#### QVAEDAM COROLLARIA.



**M**OVENTVR sparsim alia in chronicis Boucrij, quae tanquam adiaphora, vel ad rem minus facientia ex proposito praeterco. Vt quod ad annum 1529. num.35. in statutis Capucinicis interdictum fuerit uti calepodijs, quibus eo tempore Obseruantes in Italia utebantur, vt sic à capite vsque ad pedes ab ijs distinguerentur: sed qui nudis pedibus incedere non valerent, scandalia vel soleas deferant, vt legitur Apostolos & Priscos Patres detulisse. Simile est quod ibidem num.30. prohibitum Capucinis referatur, ne mendicarent carnes vel caseos, ne studia erigantur nec secularium confessiones audiantur.

Item quod procuratoris vel Syndici nullam velint fieri mentionem num.50. sed pro syndico Christum & pro procuratrice Beatissimam Virginem Matrem Dei, & pro eorum substituto Beatum Franciscum. Et similia multa passim occurrunt, quae aut mutata postmodum fuerunt in isto Ordine, aut parum ad rem faciunt, aut sanè sine vilo purissimae Obseruantiae detrimento fieri possant; vt quoad vsum Syndicorum, propria relectione Theologica & litterati docti & solide deducit R. P. Notar. Marchant super Prouincias Germaniae & Belgij nostri Commissarius Generalis, cum explicatione in Regulam an-

170 1648. Antuerpiæ edita: Cui proinde nihil superadendum  
 duxi, nisi quod qui Patrem aut Magistrum in cœlis querendum  
 docuit, & videri potuit vetuisse vocari Patrem super terram,  
 non ita literaliter intelligi possit, vt verè Patres aut Matres  
 haberi prohibuerit; sed ne affectus & fiducia in illis ita con-  
 stituatur, vt cœlestis Patris & Magistri affectum diminuant.  
 Quod de Syndicis, Apostolicæ Sedis procuratoribus, Patribus  
 ac Matribus Spiritualibus ita conantur obseruare veri Obser-  
 uantes, qui eos admittunt, sicut boni Capucini, qui, saltem  
 rem non respuunt; vt meminerint se Christum Dominum,  
 B. Virginem Syndicum, Patrem Matrem ac tutores habere.

Tantum breuiter adhuc excludenda videtur Bouerij inanis  
 gloriatio, quam Demonstratione 10. de vera habitus forma.  
 num. 16. sumit ex verbis R. Patris Gonzaga, qui, ait, illud *in-  
 ter suos Obseruantes*, & Capucinos dīscrimen agnoscit, quod  
 illi Regulam iuxta Pontificum declarationes, Capucini vero  
 iuxta litteram obseruant. Sed parceat mihi Bonerius, si dixe-  
 ro ipsum à littera R. Patris Gonzaga & vero eius sensu aberrare.  
 Habet enim ille parte 1. titulo de Franciscani Ordinis  
 perfectione Patrumque Capucinorum Origine: *Capucini Re-  
 gulam secundum corticem, id est, iuxta litteram seruant*. Quod  
 vel est dicere, quod cortici litteræ præter spiritum & mentem  
 fundatoris inhæreant, vel nullum ponitur inter Capucinos &  
 veros Obseruantes dīscrimen, qui dicuntur Regulam secun-  
 dum Pontificias declarationes seruare. Nam Pontifices qui  
 Regulam declararunt non recesserunt à littera simul cum spi-  
 ritu sumpta; pro vt Christus Dominus eundem ad litteram,  
 ad litteram, ad litteram voluit obseruari.

### CONCLUSIO.



OC puto ex nostro Speculo patere omnibus ad oculum,  
 qui illud sine præuentione intuebuntur, Ordinem nostrum Fratrum Minorum Obseruantium  
 cum omnibus qui sub illo militant fuisse eo tempo-  
 re quo exorti sunt Capucini, & permanisse vsque modò, &  
 permanens ad sæculi finem, vt speramus, iuxta sanctissimi  
 Patris nostri promissionem, verum & legitimum Ordinem à  
 B. Francisco institutum.

Secundo, in illo Observantium Ordine abacta Observantia (quæ est vita eius, à qua nomen distinctivum à Conven-  
tualibus accepit) defecisse ut fuerit opus aliud illi Ordinem  
substituere, vel reformationem extra Ordinem inchoare. Et  
si reformatio aliqua erat necessaria, pro ut est proculdubio om-  
nibus congregationibus, vtiliorem saltem Ordini, & sanctio-  
rem fuisse Capucinorum, si intra gremium eius, cum subor-  
dinatione ad Superiores Beati Francisci successores fuisset insti-  
tuta. Nec hoc (accedente bona reformatorum voluntate) im-  
possibile debuisset estimari, oblata à Generalibus Obser-  
vantium viris prudentibus, & boni communis zelatoribus,  
vniione, & privilegiis ac cōstitutionum particularium con-  
firmatione & servatione, ad stipulante præsertim Summorum  
Pontificum, qui id desiderabant, autoritate.

Tertio, multo minus ita defecisse Ordinem, ut status eius  
non esset status salutis: quod nimis inconsiderate eidem plu-  
ries obijcitur, nam si hoc erat verum, Matthæus Bassius præ-  
mus Author reformationis Capucinorum ad eorum obedi-  
entiam non rediisset, & defunctus stupendo miraculo Fratribus,  
qui eius corpus processionaliter ad novum tumulum marmo-  
reum deferrebant non benedixisset, ipsomet Annalista id refe-  
rente in fine virg eius, quam describit ad annum 1552. nu. 86.  
vbi hæc verba habentur: *Dum enim feretro humeris inposita*  
*Frates Beati viri corpus in marmoreum tumulum transferunt;*  
*illud baud secus, quam si apud nos adhuc vita frueretur, dextro,*  
*brachio erecto, ac digitis in benedictionis formam compositis quasi*  
*adstantes benediceret, crucifixi in eos signum edie.* Maledicti  
enim sunt à Beato Francisco, & ipso domino, qui Regulam  
eum proximorum scandalo transgrediuntur: Ac proinde si  
tales fuissent Observantes, à viro isto sancto, miraculose be-  
nedicti non potuissent certissimum.

Non debuisset etiam vel potuisset Beatus Fr. Nicolaus Pa-  
tor ad suos Observantes redire, cuius reditum & verba lu-  
bet hic adscribere. Fuit Riste Beatæ memoriæ Pater profusus  
anno 1538. apud Observantes nomine & tales, ut patet ex  
cap. 3. vitæ eius, quæ habetur 4. parte chron. lib. 8. ad longum  
descripta: ad aliquod tempus cohabitavit Patribus Recolle-  
ctis: ut habetur cap. 39. postmodum cap. 43. & ad Capucinos  
se contulit: cuius rei causam interrogatus respondit Patribus



Carthusianis de scala Dei; egredior ab hominibus totaliter sanctis, & vado ad homines totaliter sanctos. Interrogatus postmodum à Rectore Tenifano; cura Capucinis ad Observantes rediisset, respondit se aliter facere non potuisse, quam in hoc voluntatem Dei implere: de quo his verbis se reuelationem habuisse insinuauit. Nec minus est memorabile, quod à Fratře Francisco Sacerdote insigni Theologo in Conuentu Beatę Marię de Iesu Barcelonę interrogatus, an propter aliquid sibi displicens rediisset à Capucinis? Respondit vir Sanctus: nullo modo: nam Religio Sancti Patri nostri Francisci est totaliter & verē sancta in omnibus membris suis. Patres Capucini sunt Sancti, Patres Observantes sunt Sancti, Sancti sunt & Conuentuales. Sic locuti sunt de Capucinis & Conuentualibus Sancti Observantes: sic loqui debuisse & Boverius. Vbiq; enim à bonis inuenibilis est Deus: sicut hic Beatus à Fratribus post matutinas in choro existentibus auditus est alta voce clamare: *vir & ibi, ibi & hic.*

Nec pro Observantium consolatione, & confortatione hic omittendum puto quod habet de eodem Beato viro Gonzaga 3. parte in Prouincia Valencię Conuentu 9. in fine: cum obuius factus esset imagini Beatę Virginis eam his verbis allocutum esse: *Sanctissima ac gloriosa domina non aufugit qui domum reuertitur.* Dixisseque Fratribus antequam viaticum reciperet: *reus sum maximeque subijcior culpe, quod sacrum Franciscanorum Observantium ad tempus deseruerim, atque ad Patrum Capucinatorum Congregationem (querens quod mihi minus expediebat) transferim, licet hoc bono zelo ductus (ut Deus mihi testis est) fecerim.* Quamobrem vos charissimos Patres ac Fratres hortor vt forte vestra contenti sitis: nam Minorita Observanti, sic communem sceleretur vitare, nihil penitus eorum deest qua ad Regula Franciscana & sua professionis perfectionem atque nitorem desiderari possunt: Vtinam hæc attendisset Boverius dicta circa finem vitę ab homine virtutibus, spiritu prophetico, & miraculis pluribus illustri! credo quod non adeo contemptibiliter de Ordine Observantium fuisset locutus, quasi in eo ad sanctitatem imò & ad salutem aditus, fuisset præclusus. Vtinam idem sapuissent qui ex Ordine Observantium ad Capucinos vel primò vel postea transierunt, non puto quod tantā inter nos controversia, totque in populo scandala nata fuissent

fuisſent. Vnum iſtius Inſtituti Patres obreſtandum iudico, vt ſi vnionem inter ordinem ſuum & noſtrum adhuc iudicent impoſſibilem; ſaltem ſolliciti ſint nobiſcum ſeruare vnitatem. Spiritus in vinculo pacis iuxta monitionem Apoſtoli ad Ephēſios 4. Differentia enim quæ inter nos & illos eſt adeo eſt exigua, vt non mereatur iurgium inter nos & illos, *quia Fratres ſumus* ſaltem eodem Patre geniti, & quamuis dixerit Abraham *recede à me*; Gen 13. illud in viris religioſis locū nō habet, ibi enim bona dabant iurgiorū occaſionē quæ à pluribus poſſideri non poterant. Nos vero cum ſecundum D. Gregorium.

*Hæreditatem illam tantum diligere & querere profiteamur, quam cohæredum numerus non anguſtat, quæ & omnibus vna eſt & ſingulis tota; quæ tanto largior eſſe oſtenditur, quanto ab hac percipientium multitudo dilatatur.* Vt quid pro barba, forma caputij, pyramidalifine, quadrata vel rotunda eſſe debeat, controuerſiam mouemus? qui omnes ſupponimus ab illis ſanctitatem & beatitudinem non dependere, modo ſecundum vocationem noſtram virtutes Religioſas exerceamus.

Contingit ſanè pauperculos quosdam, nescio quam ſanctitatis opinionem apud homines potius, quam veritatem coram Deo quæritantes, nunc ſuam & ſuorum auſeritatem exaggerare, nunc paupertatem ſine vlla humana prouiſione, ſi non poſſint virorum, ſaltem fæminarum mentibus imprimere: habitum ſuum eſſe ſancti Franciſci aſſerere, Fratres Minores Obſervantes illum non habere, in prouiſionibus faciendis excedere &c. Quid ex illis boni haberi poteſt? Charitatem deſtruunt, deuotionem populi minuunt erga illum Ordinem cui detrahunt: & ſi contingat hæc referre ijs quos concernunt (prout fieri ſolet à ſæcularibus, qui omnia curioſius indagare & iudicare quæzunt, & in hunc finem quid alij reſpondeant expiſcantur) natum eſt fieri, vt, qui homines etiam ſunt humanum quid patiantur, & eadem menſura, qua menſum ipſis eſt, remetiantur. Adeo enim (Deo teſte dico) aliqui in iſtis exorbitant, vt difficulter etiam boni Religioſi & prudentes viri aliquando ſe contineant, quin pro ſua deſenſione detegant, quæ norunt de ſuorum detractorum deſectibus; & ſic metuendum eſt ne dum inuicem mordemus & comedimus, ab inuicem conſumamur: ſicque ſtatus Religioſus vileſcat apud homines, qui nos homines non reputarent (ſaltem non

huius

huius sed alterius sæculi) nisi nos ipsis similes, imperfectos, liuidos &c. ostenderemus. Non quod velim alijs omnem culpam dare, quasi nihil ex nostra parte delictum esset: scio enim etiam homines nos esse, & homines habere. Verumtamen hoc me consolatur, quod ex pluribus hominibus cordatis, & specialiter non paucis elapsis mensibus à quodam viro Religioso Pastore, omnium Religiosorum generali amico, sub sua fide sacerdotali audierim assecrari, se ideo præ cæteris, Religiosis nostris affici quod nunquam aliquem nostrorum se aut sua audierit singulariter commendantem, & aliorum honori & splendori vel in minimo detrahentem. Si alibi & apud alios forte aliter factum est, detestor & execror, aliisque mecum, & optamus omnes, ut si quid Religiosi Religiosis obijciendum habeant, id fraterna confidentia & charitate sibi mutuo indicent, non secularibus, quorum nihil interest: neque cure nobis sit quisnam Ordo hominibus videatur melior, vel sanctior, disputare verbis, sed operibus contendere in oculis diuinæ Maiestatis esse, qui & quales esse debemus: si etenim (cum Thoma à Kempis dico) tantam adhiberemus diligentiam ad extirpanda vitia & virtutes inferendas, sicut ad mouendas quæstiones, non fierent tanta mala & scandala in populo, nec tanta dissolutio in cenobijs. Nam in die Iudicij non proderit, se meliorem hominibus dixisse, sed coram Deo melius vixisse; habitu austeriorem & pauperiorem apparuisse, sed coram oculis eius, qui videt in abscondito, verum humilem, pauperem fuisse, & super omnia, Deum ac proximum dilexisse. Quod sincero corde exoptans concludo cum Apostolo ad Ephesios cap. 4. in initio obsecrante: *Vt dignè ambulemus vocatione qua vocati sumus, cum omni humilitate & mansuetudine, cum patientia supportantes inuicem in charitate, solliciti seruare unitatem spiritus in vinculo pacis. Vnum corpus, & unus spiritus: sicut vocati sumus in una spe vocationis.*

F I N I S.



PRO-



# PROTESTATIO

## AUCTORIS.

**L**ECTOR aduerte in Elogijs Virorum Illustrum quos hoc libro complexus sum nonnulla me obliuiter attingere, quae sanctitatem ipsis videantur adscribere: perstringo nonnumquam aliqua ab ijs gesta, quae cum vires humanas superent, miracula videri possunt: praesagia futurorum, Arcanorum manifestationes, reuelationes, illustrationes, & si quae sunt alia huiusmodi: beneficia item in miseros mortales eorum intercessione diuinitus; demum nonnullis sanctimoniam, vel Martyrij videor appellatione tribuere. Verum haec omnia ita meis lectoribus propono, ut nolim ab illis accipi tamquam ab Apostolica Sede examinata, atque approbata, sed tanquam, quae à sola suorum Auctorum fide pondus obtineant, atque adeo non aliter, quam humanam historiam. Proinde Apostolicum sacrae Congregationis S. R. & Vniuersalis Inquisitionis Decretum anno 1625. editum, & anno 1634. confirmatum integrè, atque inuiolatè, iuxta declarationem eiusdem Decreti à sanctissi. D. N. D. Urbano Papa Octauo anno 1631. factam sequari à me omnes intelligant, nec velle me, vel cultum, aut venerationem aliquam per has meas narrationes ulli arrogare, vel famam, & opinionem sanctitatis, aut martyrij inducere, seu augere, nec quicquam eius existimationi adiungere, nullumquè gradum facere ad futuram aliquando velius Beatificationem, vel Canonizationem, aut miraculi probationem, sed omnia in eo statu à me relinqui, quæmi stituta hac mea lubricatione obtinerent, non obstantè quocunque longissimi temporis cursu. Hoc tam sanctè profiteor, quàm decet eum, qui sanctæ Sedis Apostolicæ obedientissimus haberi filius cupit, & ab ea in omni sua inscriptione, & actione dirigi.

Ego Fr. Iacobus de Riddere, &c.

REGE-

# REGESTVM.

✕, †, A B C D E F G H I K L M N O

P Q R S T V X Y Z

A a



R O M A E,

Ex Typographia Iacobi Phæi. M D C L I.

---

*Superiorum permisso.*





